

HISTORIA
ECCLESIASTICA

VETERIS TESTAMENTI

AUCTORE

FR. IGNATIO HYACINTHO AMAT
DE GRAVESON. *104.*

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31. PART 1. 1901.

LONDON:
PUBLISHED BY THE
EDUCATIONAL SOCIETY, 5, ADELPHI WING,
ST. MARTIN'S LANE, W.C.2.

HISTORIA ECCLESIASTICA VETERIS TESTAMENTI

IN REM THEOLOGIAE CANDIDATORUM,

Ubi res præcipue, quæ vel ad historiam sacram, & ejus chronologiam, Legem, ac
Disciplinam Hebræorum spectant, vel quæ ad Prophetarum Gesta, Vaticinia in
JESU CHRISTO ad amussim impleta, & ad Divinam sacrorum Librorum,
quibus continetur Historia Veteris Testamenti, Auctoritatem attinent,
per breves Interrogationes, & Responsiones perstringuntur,
& in præclaro ordine collocantur.

OPUS TRIBUS TOMIS COMPREHENSUM,

AUCTORE

FR. IGNATIO HYACINTHO AMAT
DE GRAVESON

*Sacra Facultatis Parisiensis Doctore, & Collegii Casanarensis
Theologo, Ord. FF. Prædicatorum.*

EDITIO NOVISSIMA

— Luculentissimis additionibus, ac perpetuis adnotationibus illustrata

A P. JOANNE DOMINICO MANSI

Congregationis Matris Dei Lucensi.

TOMUS PRIMUS

COMPLECTENS

PRIMAM, ET SECUNDAM MUNDI ÆTATEM.



V E N E T I I S,

M D C C L X I I.

EX TYPOGRAPHIA REMONDINIANA.
SUPERIORUM PERMISSU, AC PRIVILEGIO.





IN NOVAM EDITIONEM
HISTORIÆ ECCLESIASTICÆ
P. GRAVESON,
JOANNIS DOMINICI MANSI
PRÆMONITIO.



Um historiam Ecclesiasticam P. Ignatii Hyacinthi Amat de Graveson, Ord. Prædic. communibus eruditorum votis deposci distractis jam fere omnibus priorum editionum exemplaribus intelligeret Typographus honestissimus Joannes Baptista Remondini, me etiam atque etiam rogavit ut exponendo, ornandoque operi intermissis tantisper curis aliis Typographicis quibus detinebar, manus admoverem. Exorari me tandem, ægre licet, passus sum, atque ex eorum quæ in adversariis meis contuleram, portione adnotationes meas confeci in editionis hujusce ornamentum. Constant autem adnotationes istæ plerumque ex anecdotis post obitum P. Gravesonii vulgatis, quorum plures ætas nostra vidit. Ex his additamenta sunt quædam conciliaria ad illustrandam priorum conciliorum historiam, emendandos, augendosque canones, verumque eorum sensum explicandum. Plura etiam ad historiam tum sacram tum prophetiam in meliorem lucem collocandam valent.

Usus sum etiam in eam rem excusis Scriptorum voluminibus, tum & Recentiorum dissertationibus, quæ hisce nostris diebus passim prodeunt, quibusque ætas nostra mirifice juvatur. Quis cum unquam tam multa scivit de Historia Literaria Scriptorum

mediæ & infimæ latinitatis, quam modo scimus ex Fabricii, Mazzuchellii, Degli Augustini Libris edocti? nequid dicam de Scriptoribus ultramontanis, de catalogis Bibliothecarum insignium, Venetæ E. G. Taurinensis, Ricchardianæ? Juvit etiam Bibliothecas non sane raras meis hisce oculis in variis per Italiam excursionibus meis invisisse.

Tam multis adjumentis fultus longe majus opus conficere potuissem, nisi me intra arctiores limites continuisset consilium, quod sibi Author hujus historiæ proposuerat, synopsis scilicet Historiæ Ecclesiasticæ, non historiam plenam tradendi. Confienda igitur mihi erant adnotationes quæ synopsi convenirent, minora pleraque reticendo, majora cursim tangendo.

Insuper minus nota mihi indicanda statuens ea omisi quæ propius ad nostrum seculum accedebant, quæque passim studio Ecclesiasticæ Historiæ addicto tyroni obvia & præ manibus haberi poterant. Hinc factum ut ad Seculum XIII. pertingens a scribendo destiterim; cum præsertim pristinæ scribendi curæ alio me advocarent, metueremque ne ætatis jam senilis curriculum, pene ad finem properans, non satis spatii relinqueret totum, quod jam ante ceperam, perficiendi.

Quo tamen plenior esset historia, appendicem in fine adjeci ad ea supplenda quæ P. Gravesonius, morte occupatus, intacta reliquit. Datur in ea Supplementum historiæ ab obitu circiter Clementis XI. quousque Historia P. Gravesonii pertingit, ad nostra usque tempora, idest ad exordia Pontificatus Clementis XIII. nunc feliciter regnantis, quem fore plenum illustribus ac felicibus factis, ex iis quæ modo tenemus, auguror.

Illud denique Lectorem monere debeo, me, ut adnotationes meæ ab Auctoris textu distinctæ forent, meliusque dignoscerentur, commatibus in margine appositis illas insigniendas curavisse.

BENEDICTO XIII

PONTIFICI MAXIMO.



Um primum, Beatissime Pater, ad Sedem Sancti Petri, & ad supremam Christi in Terris Vicarii dignitatem, non tam suffragiis hominum, quam Divini Numinis calculo, fuisti erectus; facere non potui, quin prodire coram, & erumpere quodam modo gestires mea erga Sanctitatem Tuam summa observantia, totque memor beneficiorum, quibus me, licet immeri-

tum, hactenus cumulavis paterna Tua benevolentia, gratum animum meum publico; perennique monimento conservarem. Qua de re cogitanti mihi, cum exploratum haberem, Sanctitatem Tuam in Sacrarum, & Asceticarum rerum lectione, jugique meditatione maxime oblectari, propemodum visum est, ut hac ratione uscumque, quod conor, assequi liceres, si Sacram Veteris Testamenti Historiam, quam ab Orbe condito per sex Mundi Aetates usque ad Natale Christi Domini digerere, & in optimo lumine collocare studui, offerrem, ac nuncuparem Tibi, Beatissime Pater, qui non tantum Christi in Terris vices geris, sed (sicut docet S. Bernardus) Sanctorum Patrum Veteris Testamenti, quorum heroica Gesta plurimum commendat Historia Sacra, hereditatem, fidem, pietatem, & sapientiam in Te uno colligis, possides, totique, qua late pater, Orbi mirum in modum representas. Tu enim, Sanctissime Pater, ut verbis utar melliflui illius Doctoris, (Lib. 2. de Consideratione cap. 6.) es Sacerdos Magnus, Summus Pontifex, Tu Princeps Episcoporum, Tu haeres Apostolorum. Tu primatu Abel, gubernatu Noe, Patriarchatu Abraham, Ordine Melchisedech, dignitate Aaron, autoritate Moyses, judicatu Samuel, unctione Christus.

Præterea, BB. Pater, ut istud Opus, quod de Sacra Veteris Testamenti

menti *Historia* concinnavi, tuo augustissimo Nomini inscriptum publica luce donarem, admonuit me singulare illud studium, quod Sanctitati tue ab ineunte etate maximopere placuit, *Historiæ Sacræ*, quæ vicissim suos omnes fontes, intimosque thesauros sic tibi aperuit, ut nihil sit in tota sacra Antiquitate, & in omni prisca Religionis memoria, quod non diligenter excusseris, nihil in Sacris Annalibus, & vetustis Ritibus, quod non e tenebris erutum, & vestigiis omnibus indagatum penitus exploraveris. Huic Sacræ Antiquitatis, & *Historiæ* studio debes, Sanctissime Pater, quod innumera pene Conciones, quas ad populum olim tanto cum plausu habuisti, & etiamnum habes, mirificæ Spiritus Sancti unctioe sunt perfusæ, quod tot libri, quos ad publicam Ecclesiæ utilitatem lucubraſti, omnigena literatura, & locupletissimis *Historiæ*, Sac. Evangelicæ, & Ecclesiasticæ documentis sunt reſerri, quod denique plura, quæ celebraſti, Concilia Beneventana, cum Provincialia, tum Diæcesana, puriorem nobis exhibeant Ecclesiæ Disciplinam. Memini utique ipsi, & munisse jurabit diu, Sanctissime Pater, quantam hic omnibus jure, ac merito tui moris admirationem, dum in Concilio Romano (quod Jubilei anno MDCCXXV. habuisti, cuique ut ipse interessim, hoc me honore dignari voluisti) Sanctitas Tua extempore de rebus Divinis, & Ecclesiasticis accurate, ornate, & uberrime disſerebat, Patrum animos huc illuc, prout opus eſſet, oratione flectebat, & Sanctissimas Leges, siue ad instaurandam, siue ad servatam rectam conservandam Ecclesiæ Disciplinam ex ditissimo ingenii, ac doctrinæ suæ penu depromebat.

His permosus rationibus, Beatissime Pater, meum in animum induxi istius, quod molitus sum, Operis quasi vestibulum Sanctissimo tuo nomine cohonestare, meique obsequii publicum specimien malui impar dare, quam nullum: Sed, ut candide fatear, deteruerat me statim summa illa, quæ præfulges, dignitas, ne istud Opus cum clarissimi tui nominis inscriptione vulgarem, quod illud nimirum, & Sanctitatis Tuae splendori, & meo desiderio parum oppido respondere prorsus existimarem. Verum hærenti, cunctantique mihi metum omnem, ac pudorem absterſit eximia Sanctitatis tue affabilitas, ac fuci omnis expertæ benignitas, miramque addidit mihi illam adeundi, & interpellandi alacritatem, ac fiduciam. Ad eos igitur, SS. Pater, sacratissimos pedes humillime provolutus, Summum quidem Pontificem, & Christi in Terris Vicarium in Te profunde reneratione colui, sed simul in Te nactus sum amantissimum omnium Patrem, sine fastu, sine supercilio, facilitate & indulgentia cunctis charum, Majestatem Pontificiam cum maximo candore morum, cum incredibili modestia sociantem, & in occupationibus maximis, continuæque orandi assiduitate Literarum studia nunquam intermittentem: Verbo dicam, BB. Pater, Te in Summo Pontificatu talem reperi, qualem antea, cum esses Cardinalis, & Archiepiscopus Beneventanus, & verbis, &

factis

factis coram expertus eram, facilem videlicet aditu, comitem in congressu, cuilibet patienter aures commodantem, nihil iusta petentibus denegantem, nullis obnoxium affectibus, pauperum, pupillorum, & viduarum Patronum munificentissimum, Pastorem vigilantissimum, Dei, & Ecclesie gloriam sollicitè quarentem, natumque ad bene de omnibus merendum, præsertim de Ordine Prædicatorum, cui Te nomen dedisse palam gloriaris, & de Schola Thomistica, cujus doctrinæ, quam apprime calles, Sanctitas Tua in Decreto Pontificio, dato die vi. Novembris anni MDCCXXIV. patrocinium suscepit, illam sua auctoritate adversus æmulos obrectatores egregie vindicavit, & Decessorum suorum Summorum Pontificum vestigiis insistent, immortale ipsi concilia-vis decus.

Video, Sanctissime Pater, quam ingens laudum tuarum hic sese mihi aperiat campus, sed longe impar est mei ingenii vis rebus tantis explicandis, Virtutes tuas, omnium sæculorum memoria dignas, dicendi viribus exæquare non possum, & ad Tuae Sanctitatis in universam Ecclesiam merita, nullo unquam tempore intermoritura, mea certe non aspiras eloquentia, vel potius infantia. Utinam Viri eruditi, & facundia clari hanc in se provinciam suscipiant, omnesque ingenii sui nervos in hoc explicent, ut producant antiquissima Monumenta BENEDICTI XIII. profapie, e qua prodierunt tot Pontifices, tot Cardinales, tot Principes, tot Heroes Christiani, quorum bene multos jam Fastis Sanctorum adscriptos esse legimus in Annalibus Ecclesie: Ut referant iidem Tempia, & Altaria, quæ Sanctitas Tua erexit, & consecravit, Xenodochia, & Nosocomia, quæ excitavit, Seminaria, Collegia, ac Monasteria, quæ fundavit, Sanctiones cedro, & aureis Ecclesie sæculis dignas, quas promulgavit: Ut denique in medium proferant innumera, quæ Sanctitas Tua Viræ Religiosæ cultoribus consulit beneficia, atque illa secreta pietatis, charitatis, & penitentiae opera, quæ quoridie, remota omnium conscientia, Celoque dumtaxat seeste, exerces, & de industria occultas. Utinam, inquam, detur Viris eruditis, ut velint, tum ea facultas ut possint hæc, & alia id genus, quæ abunde suppetunt, præclara Sanctitatis Tuae gesta, & quæ ipsius Pontificatum semper illustrabunt, æternæ memoriæ consecrare: Ipse vero, B. Pater, virium mearum probe conscius, tuas laudes intactas, & illibatas Viris eruditis, & disertis Oratoribus relinquo, tum quia si eas prosequi hic vellem, tanta mihi rerum exuberaret copia, ut finem dicendi nunquam reperires oratio; tum etiam, quia certissime scio, Sanctitatem Tuam a laudibus ita abhorrere, ut his, quibus suum patrocinium indulget, severe interdicas, ne quid laudis, præconique ei adspargant. Huic itaque legi, ut paream ipse, nullam hic laudum Sanctitatis Tuae partem attingam, sed

Hist. Veter. Testam. Tom. I. 5 tan-

tantummodo quanti fieri debeat hæc in Summo Pontifice humilitas, seu in repudiandis laudibus plusquam humana modestia, referam ex S. Bernardo, qui Eugenium III. Pontificem Maximum, sic affatur; (Lib. 2. de Consideratione cap. 6.) Habes sine defraudatione integrum paternum fundum, pretiosissimus fundus virtus est. Bonus fundus humilitas, in quo omne ædificium spirituale constructum crescit in templum Sanctum in Domino. Cæterum, cum omni indifferenter personæ hæc sit quædam Turris fortitudinis a facie inimici, nescio quo pacto tamen vis ejus major in majoribus, & in clarioribus clarior comprobatur. Nulla splendidior gemma in omni præcipue ornatu Summi Pontificis. Quo enim celsior cæteris, eo humilitate apparet illustrior & seipso. Deum Opprimum precor, ut Sanctitatem Tuam in plurimos annos incolumem, ac florentem, Ecclesiæ, Litteris, & Orbi servet, quo rebus humanis ex animi sententia compositis, & suæ tranquillitati restituta Ecclesia, sero in Cælum redeas. Te vero, BB. Pater, obsecro, & obsecor, ut æqui, bonique consulas istud quaecumque grati animi, & obsequii mei monumentum, quod Tibi offero, seu legitimo Christi Vicario, seu Vigilantissimo universæ Ecclesiæ Pastori, seu veræ Religionis, purioris Doctrinæ Moralis, & sanctioris Disciplina Ecclesiasticæ Custodi, Assessori, Vindici, ac Propagatori maximo.

Sanctitatis Tuæ Benedictionem Apostolicam summa animi demissione efflagitans, & implorans

Fr. Ignatius Hyacinthus Amat de Graveson Ord. Præd.



P R Æ F A T I O G E N E R A L I S

In Universam Historiam Ecclesiasticam
Veteris Testamenti,

STUDIOSO LECTORI NECESSARIA.



Um nihil in Vita prius & antiquius unquam habuerim, quam ut meum quantuluncumque talentum in JESU CHRISTI, Domini mei lucrum impenderem, & omnium animos ad ejus amorem pro viribus in meis lucubrationibus inflammarem; totum me multis abhinc annis addixi studio tam Sacrae Historiae Veteris Testamenti, quam Histo-

riae Evangelicae, & Ecclesiasticae; ut JESU CHRISTI, a quo, ceu fonte, bonorum omnium Summa proficiscitur, Divina Mysteria cognoscerem, eademque opera investigarem singula Monumenta, quae pertinent ad Historiam Ecclesiae, quam JESUS CRISTUS suo Sanguine acquisivit. Verum, in hoc utilissimo studio postquam me diu exercuissem, jamque, propitio Numine, Mysteria JESU CHRISTI variis Dissertationibus illustrata, & universam Historiam Ecclesiasticam a Natali CHRISTI ad haec usque nostra tempora pluribus Colloquiis digestam, luce publica donassem, istud tandem Opus aggressus sum, ut ostenderem, Historiam Sacram Veteris Testamenti, tota quanta est, referri ad JESUM CHRISTUM, tantam esse Sacrorum, quos complectitur, Librorum harmoniam cum Historia JESU CHRISTI, a quatuor Evangelistis descripta, tantam esse concordiam figurarum, caeremoniarum & Sacrificiorum Legis cum veritate Evangelii, tamque mirabilem Vaticiniorum vetustissimae Antiquitatis cum exploratissima rerum longe post gestarum Historia relucere concentum, ut, conferendo Veteris Testamenti Typos, & Prophetarum Oracula, quorum illi JESUM CHRISTUM delineant atque adumbrant, haec eum adventantem velut oculis Fidei demonstrant; nullo negotio quisque intelligat, nihil gestum esse a JESU CHRISTO, quod multo antea non depinxerint, non cecinerint Sacri Vates; nihil esse in illius Doctrina, & in Divinis, quae in terris peregit, Mysteriis, cui non respondeat aliquis Veteris Testamenti locus; nihil fere in Litteris Evangelicis proditum esse, quod non multis ante saeculis proditum fuerit Veteris Testamenti Voluminibus, subindeque omnes Mosaicae Legis Typos

pos ac cæremonias, omnia ejus Sacramenta & Sacrificia, necnon a Prophetis fusa Vaticinia in JESU CHRISTO, ad quem hæc singula recta collimabant, fuisse ad amissim completa; *Finis Legis Christi est*, ait Apostolus Paulus Epist. ad Romanos c. 10. v. 4.

Constanti hujus Doctrinæ veritati, quam ipse in isto, quod concinnavi, Opere patefacere, atque in præclaro lumine, bene fortunante Deo, collocare satagam, luculentissimum perhibet testimonium JESUS CHRISTUS, qui sæpius in Sacro Evangelio disertis verbis ait, Prophetas Veteris Legis prædixisse ejus adventum, totius vitæ æconomiam; omnesque illius passionis ac mortis prænotasse circumstantias. At enim; Christus Dominus in eo Colloquio, quod post Resurrectionem suam habuit cum duobus Discipulis suis, euntibus in Castellum Emmaus, eos, de ipsius Resurrectione subdubitantes, increpuit his verbis: *Osulti & sardi corde ad credendum in omnibus, quæ locuti sunt Prophetae! Nonne hæc oportuit pati Christum, & ita intrare in gloriam suam? Et incipiens a Moyse, & omnibus Prophetis, interpretabatur illis in omnibus Scripturis, quæ de se ipso erant*, Luc. c. 24. Eandem Veritatem Christi Dominus, dum adhuc in terris esset, inculcabat Judæis, dicens c. 5. Evangel. Jo. *Scrutamini Scripturas, quia vos putatis in ipsis vitam æternam habere, & ille sunt, quæ testimonium perhibent de me*. Et, paucis interjectis, subdit Christus, alloquendo Judæos: *Nolite putare, quia ego accusaturus sim vos apud Patrem: Est qui accusat vos Moyses, in quo vos speratis. Si enim crederetis Moysi, crederetis forsitan & mihi, de me enim ille scripsit. Si autem illius litteris non creditis, quomodo verbis meis crederis?* Hæc Christi Domini Oracula locupletissimis testimoniis confirmant ejus Apostoli, quos inter, duos duntaxat, ne longior sim, proferam in medium, Petrum, & Paulum, qui hujus doctrinæ, quam a Christo Domino acceperant, testes sunt omni exceptione majores. In primis, S. Petrus, Princeps Apostolorum, in sua 1. Epist. c. 1. 9. & seq. sic adhortatur fideles: *Reportantes finem Fidei vestræ, salutem animarum. De qua salute exquisierunt, atque scrutati sunt Prophetae, qui de futura in vobis gratia prophetarunt; scrutantes in quod, vel quale tempus significaret in eis Spiritus Christi, prænuncians eas, quæ in Christo sunt passionis, & posteriores glorias; quibus revelatum est, quia non sibi metipsis, vobis autem ministrabant ea, quæ nunc nunciata sunt vobis per eos, qui evangelizaverunt vobis, Spiritu Sancto misso de Cælo, in quem desiderant Angeli prospicere. Nec minus diserte loquitur Apostolus Paulus, Doctor Gentium cap. 23. Actor. Apostolorum, ubi coram Rege Agrippa causam suam adversus Judæos perorans, hæc apponere dicit: *Auxilio autem adjutus Dei, usque in hodiernum diem ito, testificans minori atque majori, nihil extra dicens quam ea, quæ Prophetae locuti sunt futura esse, & Moyses; si**

passi-

passibilis Christus, si primus ex resurrectione mortuorum, lumen annuntiaturus est populo, & Gentibus.

Quæ cum ita sint, candide Lector, in hanc præcipuam curam incumbere debemus, ut Jesum Christum sollicitè quæramus in Sacra Veteris Testamenti Historia, quæ bene multis præfulget veritatis characteribus, qui divinam ei asserunt auctoritatem, & quorum præcipuos hic breviter indicabo, ut te ad jugem illius lectionem hortari, invitare & animare possim.

Primus Veritatis Historiæ Sacræ Veteris Testamenti character est *Antiquitas*. Omnium quippe Gentium non solum Persarum & Græcorum, sed etiam Ægyptiorum, Chaldæorum, & Assyriorum primus Scriptor est *Moses*, Judæorum legislator, & Auctor Pentateuchi, ex quo Ethnici Philosophi, Poetæ, Oratores, & Legum latores multa delibarent, excerpserunt, ac deslorarunt, sicut postea copiose ostendemus.

Alter Veritatis Historiæ Sacræ Veteris Testamenti character est mirabilis illius, tot inter ac tantas vicissitudines temporum, & rerum perturbationes, conservatio, quæ soli providentiæ Divinæ accepta referri debet, cum alii libri, qui olim ab Ægyptiis, a Romanis, & ab aliis Nationibus, tenebris Idololatriæ immerfis, tanquam Divini habebantur, temporis, rerum omnium edacis, diuturnitate perierint.

Tertius Veritatis Historiæ Sacræ Veteris Testamenti character petitur ex innumeris pene testimoniis Ethnicorum Scriptorum, qui de Historia Sacra, libris Veteris Testamenti contenta, vel disertam mentionem fecerunt, vel diversarum Nationum, videlicet Assyriorum, Babyloniorum, Persarum, Græcorum, & Romanorum Historias describentes, multa literis prodiderunt, quæ cum Sacra Historia maximam affinitatem & agnationem habent, sicut ex his, quæ passim in isto Opere dicturi sumus, liquido patebit.

Quartus Veritatis Historiæ Sacræ Veteris Testamenti character est Legis Mosaicæ & Præceptorum, quæ tradit, Sanctitas. Si enim lex Mosaicæ cum Gentium Prophanarum legibus conferatur, si mores Hebræorum, olim secundum illam Legem viventium, cum Ethnicorum moribus componantur, Sole clarius constabit, Legem Mosaicam non tantum damnare nefandos Prophanarum Gentium mores, sed eam etiam tot ad bene sancteque vivendum præscribere præcepta, ut multi Scriptores Ethnici Judæos, in hac Lege institutos, ob morum integritatem, magnis celebrarint encomiis, ut videre est apud *Josephum*, Hebræum, in libris contra Ethnicum *Apionem*, & apud *Eusebium* lib. 10. *Præparationis Evangelicæ*. Eo de argumento itidem perdocte & eleganter disserunt *Abbas Claudius Fleury* in libro, quem Gallice edidit: *De moribus Israelitarum*, *Carolus Sigonius* in lib. *De Republica Hebræorum*, & *Petrus Canæus* in Lib. *de Republica*

blica Hebræorum. Hæc autem Legis Mosaicæ Sanctitas, aperte evincit, eam non esse opus Dæmonis, qui homines pios & bonos efficere non vult, sed potius illos præcipitare & deteriores reddere; nec opus esse Artis politicæ, a qua *Moyſes*, sicut in isto Cerepere communistrabimus, fuit penitus alienus; nec opus esse naturæ, quæ sensuum voluptati indulget; nec opus humanæ rationis, quam multis erroribus obnoxiam superbia & ignorantia decipiunt, sed esse opus Dei, qui hanc Legem dedit Moyſi, & ritus, cæremonias, atque Sacrificia instituit, quibus a Populo Judaico, quem sibi, præ cæteris aliis Nationibus, selegit, coli voluit, multaque edidit Sanctissima præcepta, quæ ad bene moratam Rempublicam Judæorum conservandam erant omnino necessaria.

Sextus veritatis Historiæ Sacræ Veteris Testamenti character, est ingens multitudo miraculorum ac prodigiorum, quibus Deus, qui nec falli nec fallere potest, divinam illius Historiæ auctoritatem per *Moyſem*, & Prophetas confirmavit. Hæc autem miracula Deum habuisse Auctorem, ex eo potissimum constat, quod patrata fuerint a viris, quorum Scripta nihil aliud spirant quam sanctitatem, justitiam, pietatem, charitatem & quidquid sublimioris virtutis nomine continetur; quorum doctrina purioribus naturæ & rationis circa Religionem principiis egregie consonat, & est omni humanæ inventionem sublimior, quorum studium ad unius Dei cultum instituendum, & ad abolendam sacrilegam Dæmoniorum superstitionem unice tendebat; quorum denique perpetuus, sibi que semper constans vitæ tenor summam erga unum Deum reverentiam, erga homines benevolentiam, erga Magicas Artes maximam execrationem ingerebat.

Septimus Veritatis Historiæ Sacræ Veteris Testamenti character est perfecta illa consensus, quam Libri Sacri Veteris Testamenti habent cum Novi fœderis Libris, quæ enim *Moyſes*, & Prophetæ in suis libris futura prædixerunt, nunc impleta omnino in quatuor Evangeliiis, & in cæteris Novi Fœderis libris tam aperte legimus, ut Novum Testamentum in Veteri, & in Novo Vetus Testamentum contineri videatur. Hæc autem tam perfecta & absoluta consensus nequit esse solers & subtilis commentitiarum fabularum distributio, sed est Divinæ Sacrorum Librorum cum Veteris, tum Novi Testamenti, Auctoritatis irrefragabile argumentum. Hinc Christus Dominus Historiæ Sacræ Veteris Testamenti perhibens testimonium, ait capite 5. Evangelii S. Matthæi: *Amen, amen dico vobis: donec transeat Cælum & Terra, jota unum, aut unus apex non præteribit a Lege, donec omnia fiant.* Et cap. 16. vers. 39. Evangelii S. Joannis: *Habent Moyſem, & Prophetas, audiant illos.*

Octavus Veritatis Historiæ Sacræ Veteris Testamenti character est facilis ac clara intelligentia, quam dat de origine, natura & conditio-

ditione *Adami*, primum omnium hominum parentis, ante & post ejus peccatum. Narrat quippe Historia Sacra Veteris Testamenti, *Adamum* fuisse a Deo creatum perfectum, innocentem, beatissima cœlestium donorum copia, & omnigena virtutum suppellectili exornatum, sed eum violasse præceptum sibi a Deo impositum, atque hac fatali transgressione mortem, miseras, aliorum malorum agmen tam sibi, quam omnibus suis posteris importasse. Ex hac autem conditione *Adami*, a quo sumus omnes propagati, tria præcipua veræ Religionis Dogmata elucescunt, quæ alioqui a nobis nullo pacto comprehendi possent, & quorum notitiam viri Ethnici, quantumvis excellenti præditi ingenio, assequi nunquam potuerunt, sed potius, velut noctuæ ad solem, prorsus cæcutierunt. In primis, inde intelligimus, peccatum *Adami* non tantum ipsi nocuisse, sed etiam omnibus ejus posteris, ad quos Via ordinaria per generationem transfunditur primigenium illud peccatum; quod *Originale* appellamus. Secundo, agnoscimus necessitatem Incarnationis Filii Dei, Jesu Christi, qui nos per Gratiā suā medicinalem sanaret, illata per Protoparentis nostri labem damna refarciret, & condignam Deo Patri exhiberet satisfactionem, cui nos exsolvendæ impares omnino eramus. Postremo, perfectam inde habemus causam, cur omnis Homo post peccatum *Adami* nascatur cum ignorantia in intellectu, cum malitia in voluntate, cum propensione ad malum, cum lucta passionum, totque miseriis & pœnis obnoxius vivat. Hæc siquidem sunt sineestæ appendices peccati Originalis. Hæc omnia, quibus vera & antiqua internoscitur Religio, exprimit Sacra Veteris Testamenti Historia, & nullum eorum in prophanis Gentium Historiis vel minimum apparet vestigium.

Denique, ut cæteros alios Veritatis Historiæ Sacræ Veteris Testamenti characteres silentio prætermittam, certum est, stylum, quo scripta est hæc Sacra Historia, esse simplicem & incultum, in quo verba non ornant res, sed ipsa rerum magnitudo Sacrorum Scriptorum mentem & verba supra humanum modulum rapit, ita ut eloquiū simplicitas respondeat quidem illis Scriptoribus, sed rerum magnitudo & doctrinæ sublimitas tribui debeant Deo, qui infirmis illis instruentis, & impolitis organis utebatur. Si igitur Historiam Sacram Veteris Testamenti conseras cum sæcularibus Historiis prophanarum Gentium, vel cum libris Ethnicorum Philosophorum, vel cum eloquentia Oratorum, hæc certe minima in speciem, propter simplicitatem verborum, tibi apparebit, at, si, ut par est, attendas ad rerum magnitudinem, & ad doctrinæ, quam complectitur, sublimitatem, sordescunt tibi omnes superstitionis gentilitatis libri, & doctrinam Philosophorum tanquam puerilem fugillabis, exsufflabis, atque repudiabis.

Hanc

Hanc Sacram Veteris Testamenti Historiam, tot veritatis characteribus munitam, a creatione Mundi usque ad Natale Christi Domini in hoc Opere describendi officium suscipio, eamque hauriam e Sacris Libris Veteris Testamenti, cum quibus, sicut in progressu hujus Operis palam faciam, variarum exoticarum Nationum, præsertim Ægyptiorum, Assyriorum, Chaldæorum, seu Babyloniorum, Tyriorum, Phœnicum, Persarum, Græcorum, & Romanorum Annales in his, quæ spectant Historiam, mirifice consentire ostendam. Tempora hujus Historiæ Sacræ accuratiori, ut puto, Chronologia, quæ ad Sacri Textus Hebræi, & Editionis Vulgatæ, a Concilio Tridentino approbatæ, calculos erit exacta, consignabo. Sicut enim probari mihi nunquam potuit Græcorum, seu Scripturæ Sacræ Versionis Græcæ lxx. Interpretum Chronologia, qua abutuntur nonnulli, ut fidem aliquam concilient fabulosis Antiquitatibus, quas de Monarchiarum suarum exordiis perperam jactitant Ægyptii, Assyrii, Chaldæi, & Sineses; ita nullo pacto assentiri possum quibusdam Chronographis, qui, licet calculos Sacri Textus Hebræi sectentur, promiscue tamen confundunt annos servitutum Israelitarum cum annis Præfecturæ *Judicum*, sicque Chronologiam Sacram plus justo contractionem reddunt, aperte reclamante Textu Hebræo in Sacro Libro *Judicum*, in quo anni servitutum Israelitarum accurate, sicut in Editione Vulgatæ, distinguuntur ab annis Præfecturæ *Judicum*. Quocirca, candide fateor, me, in putandis annis, qui a condito Mundo usque ad Natale Christi interfluxerunt, discesse a quibusdam viris doctissimis, nimirum *Petavio* in Lib. *De Doctrina Temporum*, *Jacobo Usserio* in *Sacris Annalibus Veteris & Novi Testamenti*, & *Lancelotto*, cujus Chronologia Sacra edita est ad calcem Bibliorum *Antonii Vitre*. Sed, num justa de causa ab illis Scriptoribus, qui in studio Chronologiæ Sacræ singularem navarunt operam, recesserim? Et an calculus, quem a Creatione Mundi usque ad Natale Christi subduco, accuratior sit, & Chronologiæ Sacri Textus Hebræi, Editionisque Vulgatæ magis consentaneus? id totum iudicio & examini tuo, erudite Lector, lubens permitto. Ut autem Historiæ Sacræ Veteris Testamenti a Creatione Mundi usque ad Natale Christi Domini absolutam possis habere notitiam, nihil eorum, quæ ad eam spectare possunt, prætermittam, sed omnia, compendiose tamen, attingam. Et primo quidem, præcipuas difficultates, quas Theologi, & Scripturæ Sacræ Interpretes circa Historiam Veteris Testamenti ventilare solent, passim proponam ac dilucidabo. Omnium Librorum, quibus Sacra Veteris Testamenti comprehenditur Historia, Divinam auctoritatem asseram, ac vindicabo non tantum contra Atheos, Infideles & incredulos, qui horumce Librorum antiquitatem, revelationem, & inspirationem

tionem, negant, sed etiam adversus Hæreticos, qui aliquos Veteris Testamenti Libros expungunt e canone, cui illos accenfuit Oecumenica Synodus Tridentina, eorumdemque Sacrorum Librorum veros ac genuinos Auctores indicabo. Omnium Patriarcharum ante & post Diluvium, deinde *Mosis*, *Josue*, *Judicum*, singulorum Regum, tam Judæ, quam Israël, dicta ac gesta perstringam; atque Historias *Jobi*, *Ruth*, *Tobie*, *Judithæ*, *Estheris*, cunctorum Prophetarum, qui, sive sub Regibus Judæ, sive sub Regibus Israël vaticinati sunt, attexam, necnon Ducum Assamonæorum, seu Machabæorum, qui Reipublicæ Hebræorum præfuerunt, præclare gesta describam. Legem Mosaicam cum præceptis, quæ complectitur, naturalibus, seu moralibus, cæremonialibus & judicialibus cum sacrificiis, & aliis id genus ad cultum, & Judaicam Religionem attinentibus, datam esse a Deo evincam contra duos præsertim Novatores, *Marshallum*; & *Spencerum*, qui impie pertendunt, Ritus, qui in Lege Mosaica præscribuntur, non a Deo traditos ac institutos fuisse, sed ex Ethnicorum superstitionibus esse profectos, videlicet *Circumcisionem* ex Æthiopum, Colchorum moribus; *Tabernaculum* ex prophano *Molochi* cultu; *Arcam* ex Ethnicorum Cistis; *Cherubinos* ex Ægyptiacis Simulacris; *Templum Hierosolymitanum* ex ruditate Gentium originem traxisse. Hæc, & alia ejusmodi, quæ Historiæ Sacræ lucem assundere, vel splendorem aliquem asferre possunt, ita, auxiliante Deo, in isto Opere colligere scite ac disponere conabor, ut mihi juste succensere haud possis, quod in Sacra Veteris Testamenti Historia, variis licet eventibus locupletissima, & per multa Sacra Volumina latissime diffusa, quidquam scitu dignum prætermiserim, vel de styli barbarie aut obscuritate queraris, cum eo inter scribendum stylo data opera usus sum, qui, sicut non est affectatus, ita nec obscurus, nec barbarus humi repit, sicque, ut spero, omnia tibi erunt factilia, prona, clara & expedita, modo non te pigeat ad percipiendâ & memoriæ mandandâ singula, quæ referam, Historiæ Sacræ Veteris Testamenti Monumenta, patientiam commodare. Denique, ex lectione istius Operis, quod in rem tuam adornavi, hunc singularem fructum elicies, ut viam, modumque intelligas Jesum Christum, cui omnia studia nostra consecrare debemus, quærendi & facile inveniendi in Sacra Historia Veteris Testamenti. Quam felicem sortem ut securius nancisci valeas, auctor tibi sum, ut sæpius hanc ad Deum effundas orationem, quam *S. Augustinus* cap. 11. Lib. xi. *Confessionum* studio Sacræ Scripturæ Lectori suppeditat, quæque his verbis concepta est: *Domine Deus meus, in-sende Orationi meæ, & misericordia tua exaudias desiderium meum: sicut castæ deliciæ meæ scripturæ tuæ, nec fallar in eis. Domine ad-sende*

cende & miserere, Domine Deus meus, lux cæcorum, & virtus infirmorum, statimque lux videntium, & virtus fortium, adscende animam meam, & audi clamantem de profundo. Largire spatium meditationibus nostris in abdita legis tuæ, neque adversus pulsantes claudas eas. Neque enim frustra scribi voluisti tot paginarum opaca secreta. O Domine, perfice me & revela mihi eas. Confitebor tibi quid quid invenero in libris tuis, & audiam vocem laudis & bibam te & considerabo mirabilia de lege tua ab usque principio, in quo fecisti Cælum & Terram, usque ad Regnum tuum perpetuum Sanctæ Civitatis tuæ. Vide Domine Deus meus, unde sit desiderium meum. Narraverunt mihi iniusti delectationes, sed non sicut lex tua, Domine. Ecce unde est desiderium meum. Vide Pater, adspice, vive & approba, & placeas in conspectu misericordie tuæ invenire gratiam ante te, ut aperiatur pulsanti mihi interiora sermonum tuorum obsecro per Dominum Nostrum Jesum Christum filium tuum, virum dexterae tuæ, filium hominis, quem confirmasti tibi, Mediatorem tuum & nostrum, per quem nos quaesisti non quærentes te; unicum tuum, per quem vocasti in adoptionem populum credentium, in quo & me: per eum te obsecro, qui sedes ad dexteram tuam & te interpellas pro nobis, in quo sunt omnes thesauri sapientiæ & scientiæ absconditi. Ipsum quaero in libris tuis. Moyses enim de illo scripsit. Hoc ipse ait, hoc veritas ait. Cæterum, illud, quod in rem studiosæ juventutis lucubravi, Opus summa, ut par est, reverentia & devotione subijcio Ecclesiæ Romanæ, omnium Ecclesiarum Matris & Magistræ, & Summi Pontificis, doctrinarum omnium ac librorum supremi judicis, examini & auctoritati, palamque profiteor, me ad ultimam usque vitæ periodum, hoc est, quamdiu quidquam spiritus calebit in corpore meo, semper Cathedræ Sancti Petri, ex qua Veritatis funduntur oracula, & Doctrinæ Fidei, Morum Disciplinæ, quæ in ea docetur & traditur, ab Apostolis acceptæ, & ad nostram usque memoriam per continuam & nusquam interruptam Romanorum Pontificum successionem propagatæ, jugiterque conservatæ, firmiter adhæsurum, meque potius membratim discerptum iri, quam ut a Sedis Apostolicæ Constitutionibus vel latum quidem unguem desciscam.

N O S F R A T E R T H O M A S R I P O L L

Sacrae Theologiae Professor,

Totius Ordinis Fratrum Prædicatorum Magister
Generalis & Servus.

Cum Nobis exponatur, a Te fuisse recens editum Opus, cui titulus est: *Historia Ecclesiastica veteris Testamenti &c.* quod prælo mandari petroptas: Harum serie, nostrique autoritate Officii, Tibi Reverendo admodum Patri Fr. Ignatio Hyacintho Amat de Graveſon, Provinciæ nostræ gallo-Provinciæ Conventus Arelatenſis Alumno, in Sacra Facultate Pariſienſi Doctori, ac Collegii Caſanenſis Conventus S. Mariæ super Minervam de Urbe Theologo, licentiam facimus & facultatem impetitur prædictum Opus publicam in lucem typis mittendi, dummodo prius fuerit duorum Ordinis nostri in Theologia Magistrorum cenſorio iudicio comprobatum, aliaque ſerventur de jure ſervanda. In quorum fidem.

Datum Romæ in Conventu nostro S. Mariæ super Minervam die prima Februarii MDCCXXVI.

Fr. Thomas Ripoll, Magister Ordinis.

Reg. fol. 89.

Fr. Joannes Sicard, Magister & Socius.

A P P R O B A T I O.

Summis omnium Historiæ Ecclesiasticæ studioſorum votis, ut faceret ſatis vir Clariffimus Fr. Ignatius Hyacinthus Amat de Graveſon, Sacræ Facultatis Pariſienſis Doctor, & Collegii Caſanenſis Theologus, poſt elaboratam, publicique Juris factam præcellentem illam a Chriſti Natali ad noſtram uſque tempeſtatem Eccleſiæ Hiſtoriam, cunctorum janipridem Eruditorum calculis celebratam; eamdem ipſe impræſentiarum Hiſtoriam, ab orbe condito ad Salvatoris natiuitatem, ſuperis bene fortunantibus, perdūxit. Quam quidem præſtantiffimi Authoris Hiſtoriam, ex præſcripto Reverendiſſimi Patris Thomæ Ripoll, Ordinis Prædicatorum Magiſtri Generalis, cum ad examen vocarem, tantum abeſt, ut in ea quidquam offenderim, quod ſive Ariſtarchi grave ſupercilium, ſive mordacem Zoili linguam pertimeſcat, ut potius quid primum ſuſpicere debuerim? haud diſſile facile ſit. In ea quippe Patriarcharum, Judicum, Regum Juda & Iſrael, Prophetarum, Ducum, & Pontificum Hebræorum Vitas, ac res præclare geſſas, perſpicuo ordine, atque amœna methodo, ob oculos ponit. In ea majores hiſtoriarum difficultates diſcutit explanatque. In ea graviſſimas Chronologiæ controverſias ad certas epochas, certasque Criticæ leges exigit. In ea denique ſtyli nobilitate, ſplendore, majeſtate ubique fulget: Id quod ſectorum, nimirum quantum oblectat, rapit, & ad legendum, vel invitum cogit. Hæc cum ita ſint, Authorum, ut hoc eximium Opus, numeris omnibus abſolutum, cedroque dignum, atque orthodoxæ, & Chriſtianis moribus conſentaneum, in apertum proferatur. Cæterum, viris Hiſtoriarum Eccleſiaſticarum Veteris Teſtamenti cupidis, id conſilii dederim, neque me dediffe pigebit, ut Hiſtoriam hanc præ manibus ſemper geſtent, legant, perlegant, in paucis charam habeant. Nam quicquid in infinitis, prope dicam, ea de re, antiquiorum, noviſſimorumque temporum Hiſtoriarum ſelectum reperitur, totum hoc ſedulo, ac diligenter, ac diſſuſum, diſſuſumque eſſe, perutili certe experimento comprobabunt. Datum Romæ in Conventu Sanctæ Mariæ super Minervam die 20. Novembris, Anni 1726.

Fr. Patricius Plonket, Sacræ Facul. Pariſienſis Doctor, & Collegii Caſanenſis Theol. Ord. Præd.

Historiam Ecclesiasticam Veteris Testamenti in tres tomos divisam, sex Mundi complectentem ætates, ab Orbe ipso condito ad Natale usque Jesu Christi, a præclarissimo Viro Fr. Hyacintho Amat de Graveson, Sacre Facultatis Parisiensis Doctore, & Collegii Casanatenfis Theologo, concinnatam, jussu Reverendissimi P. Fr. Thomæ Ripoll, Sacre Theologiæ Professoris, ac totius Ordinis Prædicatorum Generalis Magistri, *legi tanta animi voluptate, quanta luculentia splendet. Sed (eum) legendo, dum cupio sedare sitim, suis altera accrescit (Mantuanus in elogio Mirand.)* (fateor cum Mantuano) alia, seu nova evolendi Authoris edenda opera, his germana, & præcedentibus, jam iterum, atque iterum, brevi tempore, publica luce donatis, quæ me sic, gradatim læta, sitire fecere. Et primo quidem illud de Vita, Mysteriis, & annis Christi, duobus tomis comprehensum, quo mihi de Authore dicebat fas est, quod olim (*S. Hieronymus in Epist. 3. ad Heliadorum.*) Hieronymo de Nepotiano: *Lectioe assidua, & meditatione continua, pectus suum Bibliothecam fecerat Christi*: Nec non & aliter de Sacra Scriptura Tractatus; ubi feliciter contra Infideles, Indæcos, & Hæreticos laboravit. Historia insuper Ecclesiæ a Christo nato ad nostram nique ætatem, novem tomis, & altero omnium Indice; in qua feliciter. Et ista novissime Veteris Testamenti Ecclesiastica Historia, ab Orbe condito ad Natale usque Salvatoris, per sex Mundi ætates continenter producta, res, Historiam, Dogmata, Legem, Chronologiam, & Hebræorum Disciplinam spectantes, miro ordine, ac omnigena eruditione, variis digesta colloquiis, perstringens; in qua felicissime. *Semper enim Sapienti restabit quod inveniat, inquit Seneca (Epist. 109.)*. Et hanc hoc in opere pretiosum a vili separatim inveni; multas Poetarum, Rabbino- rum, & prophætorum Fabulas Scripturæ, putidæque quarundam Nationum castigata mendacia: momenta quæque, in rebus controversis, æqua lance librata, ac pro veritate, aut majori verisimilitudine laram iuste ab Authore sententiam: Qui non ventis mentem suam, vanisque figmentis, sed veritatibus & sententiis, ratione, & autoritate fulcitis pascere solitus, difficultatibus confinia consignat, & nodos quosque, etsi implicatissimos, clare, breviter, ac profunde dissolvit; tantoque sedere ista consert, ut nec claritas minuatur profunditas, nec brevitas nocet claritas: sed salva utriusque proprietate, in unam coeunt Operis, & Opificis laudem, quem æterno nomine, felici omne hereditandum clamant. Atque id equidem in hujus Operis Authore mirandum maxime, quod suis in Colloquiis simul elegans dicendi, & argutum sequatur genus disputandi. Nam de rebus obscuris, & ad intelligendum difficultibus dilucide dicere, nec sententia solum argute, sed verbatim ornate, adeo est operosum & arduum, (vir ille eruditissimus Melchior Cano monebat, Lib. 1. De Locis in Proæmio) ut paucis visum sit accidisse. Idcirco Opus hoc, omnibus numeris absolutum, suoque dignum Authore, prælo dignissimum judico; quod claritate Candidatis, quibus dicatur, profunditate Magistris, & veritate omnibus spectetur profuturum; nihilque in eo inveniri Fidei Catholicæ, aut bonis moribus non consonum. Ita censeo salvo &c. Romæ in Collegio Casanatenfi die 25. Nov. an. 1726.

Fr. Joseph Salas, Sacre Theolog. Magister & Collegii Casanatenfis Theologus, Ord. Prædicatorum.

A P P R O B A T I O .

Nihil Viro Religioso convenientius est ac dignum magis, quam ingenii sui vires eo convertere, ut Sacre Doctrinæ promoveat studium, purioreque ipsius fontes Junioribus candidatis aperiat. Huic intentus Consilio R. A. P. Ignatus Hyacinthus Amat de Graveson, Sac. Facult. Paris. Doct. & Collegii Casanatenfis Theologus, Ordinis FF. Prædicatorum, post evulgatam per alternas Quæstiones & responsiones Christi Ecclesiæ Historiam, quam Litterarius Orbi summo plausu excepit, eodem styli nitore, parique Methodo, sædens antiqui seriem Historiam adornare constituit, ut qui Ecclesiam cum Christo surgentem, per Apostolos propagatam, variis persecutionum ac hæresium fluctibus jactatam, sed in omnibus gloriam ac triumphantem exhiulerat, in Synagoga velut delineatam & in umbra Legis delitescentem exponeret. Hoc autem Opus, in tres Tomos distributum, jubente Reverendissimo S. P. A. Magistro, attente perlegi, in eoque nihil reperi quod putati morum, Catholicæ Dogmatibus repugnaret, imo omnia utriusque maxime consona: Unde exitum istud Opus a Theologiæ Candidatis nocturna ac diurna manu versandum esse censeo. In eo enim quisque sublimem Theologum, Criticum siccæ, accuratum Chronographum, doctissimum Interpretem, ac tandem utile dulci permixtum ubique delectabitur. Quamobrem publica luce dignissimum judico. In quorum fidem subscripti Romæ in Regio Sanctissimæ Trinitatis Conventu die 24. Octobris Anni 1726.

Fr. Franciscus Bertrand, Ordinis Minorum, S. Theologiæ Professor.

APPRO-

A P P R O B A T I O.

Historiam Veteris Testamenti, ab Admodum R. P. Magistro Ignatio Hyacintho Amat de Graveson, Sacrae Facultatis Parisiensis Doctore, & Collegii Casanatensis Theologo, Ordinis Prædicatorum, viro Urbi, & orbi optime noto, omnigena eruditione pollente, per sex Mundi ætates clare dispositam, ac mirabili ingenio compositam, in tres Tomos distributam, ex Commissione Reverendissimi P. F. Gregorii Selli, Sac. Palat. Apost. Magist. tota mentis jucunditate revolvi; atque in ea cum nihil, quod Catholicum dedecet, omne vero, quod Religiosissimum virum decet, invenerim; ideo ut publici Joris fiat existimavi, ad hoc ut si in Litterario Orbe per priorem Historiam, (novi scilicet Testamenti) uberes produxit sanctus eruditionis, uberiores producat per Posteriores. Ita salvo &c. Dabat in Collegio Sanctæ Mariæ de Victoria Romæ 26. Novembris 1726.

Fr. Leo a S. Felice, Carmelita Excalceatus, S. Theol. Prælector ac
Sacrarum Congreg. Indicis, & Sac. Rituum Consultor.

A P P R O B A T I O.

Jubente Reverendissimo Patre Gregorio Selli, Sacri Palatii Magistro, Opus legi, cui titulus: Historia Ecclesiastica veteris Testamenti in Rem Theologiæ Candidatorum, auctore Fr. Ignatio Hyacintho Amat de Graveson, Ordinis Prædicator. In quo variam auctoris piissimi doctrinam, ubertatem dicendi, omnigenam veteris Historiæ cognitionem sum admiratus non semel. Cumque omnia Romane nostræ Catholicæ Fidei consona prorsus repperim, Opus dignissimum luce publica, imo Religionis Christianæ amatoribus necessarium censeo. Datum Romæ die 26. Novembris 1726.

Johannes Bouget, Prior S. Martini di Seay, in
Archigymnasio Romano Linguarum Græcæ, &
in Collegio Urbano de Propaganda Fide
Linguarum Sanctæ Lectore.

N O I - R I F O R M A T O R I

dello Studio di Padova.

Concediamo Licenza a Giambattista Remondini Stampator di Venezia di poter ristampare il Libro intitolato R. P. F. Ignatii Hyacinthi Amat de Graveson &c. Opera omnia &c. offerendo gli ordini soliti in materia di Stampe, & presentando le Copie alle Pubbliche Librarie di Venezia, e di Padova.

Dat. li 14. Agosto 1760.

(Angelo Contarini Procurator Reformator.

(Bernardo Nani Reformator.

(Francesco Morosini 2.^o Cavalier Procurator Reformator.

Registrato in Libro a Carte 63. al Num. 61.

Giacomo Zuccato Segretario.

I N D E X C O L L O Q U I O R U M

Quæ in Tribus hujus Voluminis Tomis continentur.

C O L L O Q U I A.

P R I M I T O M I

In Historiam Primæ Mundi Ætatis.

C O L L O Q U I U M I.

IN quo singula, quæ ad Mundi creationem, & Adami innocentis statum pertinent, explanantur, & fabulæ, ac errores, quos circa primam Mundi Ætatem procuderunt Scriptores prophani, exustillantur. pag. 7.

anni ante Diluvium, semina, & annorum vite summam complectens. 65

In Historiam Secundæ Mundi Ætatis.

C O L L O Q U I U M P R I M U M.

C O L L O Q U I U M I I.

In quo discutuntur ac dirimuntur difficultates, quas de statu Adami post peccatum proponere solent Theologi. 34

In quo agitur de his, quæ spectant secundæ Mundi Ætatis Historiam. 68

C O L L O Q U I U M I I.

C O L L O Q U I U M I I I.

De Vita & Rebus, quæ a Patriarchis antediluvianis gestæ sunt, & de vera in eorum subducentis annis Chronologia. 57

In quo diluuntur Dubia, quæ in Historiam secundæ Mundi ætatis viri eruditi proponere solent. 82

C O L L O Q U I U M I I I.

Genealogia Adami per filium suum Cainum, quæ Deo exosa fuit. 61

Genealogia Adami per filium Sethum, quæ Deo grata & accepta fuit. ibid.

Tabula Chronologica, complectens annos generationum Patriarcharum antediluvianorum, juxta Codices Hebræorum, Græcorum, & Samaritanorum. 64

Tabula Chronologica, decem Prætorum Patriarcharum ante Diluvium, semina, & annorum vite summam complectens. 65

De Gestis Patriarcharum secundæ Mundi ætatis, & de accurata in illorum subducentis annis Chronologia. 96

Calculus Patriarcharum secundæ Mundi ætatis juxta Codices Hebræos. 107

Calculus Patriarcharum secundæ Mundi ætatis juxta Codices Græcos. 108

Calculus Patriarcharum secundæ Mundi ætatis juxta Codicem Samaritanum. 109

C O L L O Q U I A S E C U N D I T O M I

In Historiam Tertiæ Mundi Ætatis quæ incipit a vocatione Abrahami, & protenditur usque ad ingressum Populi Israelitici in Ægyptum.

C O L L O Q U I U M I.

IN quo attinguntur singula, quæ vel ad Sacram tertiz Mundi Ætatis Historiam pertinent, vel clariori ejus intelligentiæ inservire possunt. 5

C O L L O Q U I U M I I.

In quo proponuntur Dubia, quæ tam Theologi, quam Scripturæ Sacræ Interpretes, circa Historiam tertiz Mundi Ætatis ventilare solent. 21

COL

COLLOQUIUM III.

In quo referuntur Patriarcharum tertiz Mundi *Ætatis*, præcipua Gesta, & Scripta, quæ Iesum Christum, verum Messiam, vel adumbrant, vel vaticinantur; ibidemque in putandis annis Patriarcharum ejusdem ætatis accurata stablitur Chronologia. 83

Tabula Chronologica, in qua Anni, & Gesta Patriarcharum, qui vixerunt in tertia Mundi Ætate, connectuntur cum annis Mundi qui effluerunt a vocatione Abrahami, a qua tertia Mundi Ætas sumit exordium, usque ad Israelitarum ex Ægypto egressionem, in qua desinit eadem Mundi Ætas. 62

In Historiam Quartæ Mundi *Ætatis*.

COLLOQUIUM PRIMUM.

In quo referuntur ea, quæ Hebræis, ab eorum ex Ægypto professione, usque ad Legem datam Moyse a Deo in Monte Sinai, & post Legem datam, acciderunt usque ad obitum Moyse, ibidemque explicantur res præcipuæ, quæ continentur in eadem Lege, videlicet, Præcepta, Ritus, Sacrificia, Immunditiz Legales, Sacramenta, Festa, Sacerdotum Confe-

crationes, & alia id genus, quæ Sacra, & Religionem Hebræorum spectant. 69

COLLOQUIUM II.

In quo quædam Dubia, sive ad Legem Mosaicam, sive ad Historiam quartæ Mundi *Ætatis* attinentia, quæ a Theologis, vel Scripturæ Sacræ Interpretibus proponi solent, discutuntur ac diluuntur. 90

COLLOQUIUM III.

In quo Gesta Josue, in regimine Reipubl. Hebræorum successoris Moyse, nec non Judicum, & Regum, qui Hebræis præfuerunt usque ad quartum annum Regni Salomonis, quæ iacta sunt Templi Hierosolym. fundamenta, describuntur, ibidemque accurata traditur series annorum, qui in quarta Mundi *Ætate*, hoc est, ab exitu Populi Israelitici ex Ægypto usque ad quartum Salomonis annum effluerunt. 111.

Tabula Chronologica Sexcentorum & sex annorum qui in quarta Mundi Ætate, hoc est, ab exitu Israelitarum ex Ægypto usque ad quartum Regni Salomonis annum, usque ad fabricam Templi Hierosolymitani, interfluxerunt. 129

C O L L O Q U I
T E R T I I T O M I

In Historiam Quintæ Mundi *Ætatis* quæ incipit a quarto Regni Salomonis anno, quo iacta sunt Templi Hierosolymitani fundamenta, & producitur usque ad Captivitatem Babylonicam.

COLLOQUIUM I.

In quo, juxta Historiam, cum Sacram tum Prophetam, Series & Gesta Regum Judæ, & Israelis describuntur, eademque opera, eorum regiminis accuratus annorum traditur calculus. 5

Tabula Chronologica Regum Judæ, a Davide usque ad Sedeciam. 17

Tabula Chronologica Regum Israel, in qua breviter annotantur eorum anni, & præcipua gesta usque ad integram Regni Israelitici eversionem. 18.

Series Regum Romanorum, & anni, per quos Roma regnauit. 25

COLLOQUIUM II.

In quo excutuntur ac breviter diluuntur præcipua Dubia, quæ Theologi, & Scripturæ Interpretes circa Sacram Historiam quintæ Mundi *Ætatis* proponere solent. ibid.

Canva Chronologica ab anno undecimo Johakimi,

Regis Judæ, quæ capit captivitas Babylonica, usque ad annum primum Regni, quod Cyrus invxit in Babylonia tanquam supremus Monarcha. 37

COLLOQUIUM III.

In quo describuntur Vitæ Prophetarum, qui in quinta Mundi *Ætate*, seu ante Captivitatem Babylonicam, vixerunt, & sub Regibus Judæ, & Israelis plura fuderunt Oracula, quæ in Iesu Christo, vero Messia, clarissimo exitu fuerunt adimpleta. 50

In Historiam Sextæ Mundi *Ætatis*, quæ a Captivitate Babylonica sumit initium, & finem habet in Natali Iesu Christi Salvatoris nostri. 73

COLLOQUIUM PRIMUM.

In quo describuntur res præcipuæ, quæ Judæis, durante captivitate Babylonica, acciderunt sub Mo-

Monarchia Regum Babyloniorum, eorumque exhibetur status, post solutam captivitatem Babyloniam, sub Monarchia Peritarum, sub Monarchia Græcorum, regnante Alexandro Magno, & post illius obitum, sub Regibus Ægypti, & Syriæ.

Tabula Chronologica exhibens initium & finem Monarchiæ Persicæ, per continuam successionem Regum, qui ei præfuerunt.

Series Regum, Qui successerunt Alexandro Magno in Regno Macedoniæ.

Series Regum, qui, demortuo Alexandro Magno, in Regno Ægypti successerunt.

Series duodecim priorum Regum, Qui, defuncto Alexandro Magno in Regno Syriæ successerunt.

94

COLLOQUIUM II.

In quo proponuntur ac diluuntur Dubia, quæ circa Historiam sextæ Mundi Ætatis, tam Theo-

logi, quam Scripturæ Sacræ Interpretes agitare solent.

97

COLLOQUIUM ULTIMUM.

In quo produntur res præclaræ, gestæ a Machabæis, qui, post Captivitatem Babyloniam, summa apud Judæos auctoritate potiti sunt usque ad Herodem, alienigenam, quo in Judæa regnante, natus est Iesus Christus, ibidemque attexuntur variz Judæorum Sæcæ, aliquot Historiæ Romanæ monumenta, & Canon Chronologicus annorum, qui a Captivitate Babylonica usque ad Natale Christi Domini interfuxerunt.

120

Tabula Chronologica Sextæ Mundi Ætatis, hoc est, a captivitate Babylonica usque ad Natale Christi Domini, non tantum per annos a creatione Mundi, sed etiam per annos Olympiadum, &cæ Nabonassar, & a condita Roma, accurate digesta & ordinata.

143





HISTORIA ECCLESIASTICA VETERIS TESTAMENTI, IN REM THEOLOGIAE CANDIDATORUM,

Per sex Mundi Aetates ab Orbe condito ad Natale usque JESU CHRISTI SALVATORIS nostri, continenti ordine producta, variisque colloquiis digesta, ubi Res praecipue, quae ad Historiam, Dogmata, Legem, Chronologiam, & Disciplinam Hebraeorum spectant, per breves Interrogationes & Responsiones perstringuntur, & in praclaro ordine collocantur.

PRÆFATIO, ET INSTITUTI OPERIS RATIO.



UM mihi gratulari incipiebam, quod ex immenso, & innumeris infesto scopulis, ad quos non offendere, non allidi difficillimum est, Historiæ Ecclesiasticæ pelago, cui me commiseram, haud infeliciter enavigassem, jamque portum tenens, diu exoptato otio deinceps fruiturum me sperabam; ecce subito amici aurem meam vellicare, meque ad solitum laborem revocare cœperunt. Heus, tu, dixerunt, quorsum, post illam, quam a Christo nato usque ad nostram memoriam nuper in lucem emisisti, Historiam Ecclesiasticam, vis intempestivo indulgere otio, & porrectis pedibus in utramvis dormire aurem? Numquid vides, Ecclesiæ Historiam, quam a Christo nato lucubrafti, mancam & imperfectam fore, nisi ei adjicias Veteris Testamenti Historiam Ecclesiasticam, quæ sam arctam cum Historiæ Vet. Test. Tom. 1. A. storia

storia Ecclesiæ, quam Christus acquisivit Sanguine suo, affinitatem & connexionem habet, ut si id genus argumenti intactum omnino prætermittas, aliquid tuis lucubrationibus, jam publica luce donatis, deesse iure optimo querantur Lectores? Historia quippe Ecclesiastica Veteris Testamenti, tota quanta est, recta collimat & ordinatur ad Jesum Christum, verum Messiam, qui est finis & plenitudo totius Legis, quem Patriarchæ expectarunt, quem Prophetæ prædixerunt, in quem venturum antiqui iusti crediderunt, quem postremo Legis Mosaicæ figura, Cæremonia, Ritus, Sacramenta, Sacrificia, Festa, aliaque id genus Hebræorum monumenta adumbrarunt, & quasi digito monstrarunt. Maest itaque animo, & abjecta omni mora, Veteris testamenti Historiam Ecclesiasticam, seu res ab exordio Mundi usque ad Natale Christi Domini Sacris Literis editas, compendiose describendi novum, quod tibi imponimus, alacritate suscipe onus, ut hoc pacto perfectæ, omnibusque suis numeris absoluta evadas illa, quam concinnasti, Historia Ecclesiæ, quæ a Christo Domino instituta perpetuo est duratura. His amicorum pulsatus machinis, non statim morem gessi, sed potius ab hoc literario suscipiendo negotio abhorrens, mihi quæ dumtaxat ac Musis intra siparium canere tutius, ac opportunius ducens, moras consulto necebam, meque tam alto mari permittere non ausus, pedem retrahere cogitabam. Videbam siquidem argumentum varium pariter ac vastum, quod in amplissimum volumen esset evasurum, si iusta cura, ut par erat, tractaretur. Sciebam etiam, bene multos hujus tempestatis Scriptores, magno & excellenti ingenio præditos, & Linguarum exoticarum peritissimos, eandem Spartam suscepisse, eamque tanta cum nominis sui laude exornasse, ut omnes palmam promeriti, nihil novi eo de argumento scribendum aliis reliquerint, ac subinde nihil reperiēbam, in quo mens mea libentius conquiesceret, quam in tranquillo otio, ad quod secesseram, & in arcanis atque dulcissimis cum solo Deo colloquiis, quibus quidquid superest vitæ meæ (superest autem vix brevis palmus) consecrare animus erat. Verum, sic me hærentem cum sæpius rogarent, & tantum non increparent amici, tandem pollicitus sum, me hoc Opus, meis licet viribus impar, divinæ gratiæ adjutum præsidio, illico aggressurum, & ne viderer malæ fidei sponsor, cœpi præcipiti calamo quædam in chartis annotare velut usui futura, si quando forte daretur voluntas vel facultas Operi ultimam manum admovendi. Contigit autem, ut non multo post has meas recolligendo schedas, easque attentiori animo lectitando, vehemens incesse- rit animum libido perficiendi istud jam a me delineatum Opus, eo vel solo nomine, quod Veteris testamenti Historia nullo pacto ab Historia Ecclesiæ, quam Jesus Christus in nova Lege instituit, separari debeat, cum certum sit, justos, qui ab exordio Mundi vix-

vixerunt usque ad Legem Evangelicam, credidisse in Christum venturum, ac subinde pertinuisse ad Ecclesiam Christi, quemadmodum inter alios Sanctos Patres diserte docet multis in locis *Sanctus Augustinus*, sed præsertim capit. 4. lib. 3. ad *Bonifacium* contra duas Epistolas Pelagianorum, ubi de iustis Veteris Testamenti loquens, hæc habet: *Ex Fide, qua nos vivimus, una eademque vixerunt, Incarnationem, Passionem, Resurrectionemque Christi credentes futuram, quam nos credimus factam.* Hinc est, quod *Eusebius* Episcopus Cæsariensis, lib. 1. Historiæ Ecclesiasticæ capit. 4. illos omnes, qui in Veteri Lege testimonio iustitiæ fuerunt probati, appellat non quidem nomine, sed re, Christianos, eosque ad Novum Testamentum, seu ad Ecclesiam Christi Domini pertinuisse affirmare non dubitat. Quam doctrinam Apostolus *Paulus* Epistola 1. ad Corinthios capit. 10. non obscure expressit his verbis; *Nolo vos ignorare, Fratres, quoniam Patres nostri omnes sub nube fuerunt, & omnes Mare transierunt, & omnes in Moyse baptizati sunt in nube, & in Mari, & omnes eandem escam spirituales manducaverunt, & omnes eundem potum spirituales biberunt (bibebant autem de spiritali confluence eos petra, petra autem erat Christus).* Ne igitur quidquam in ea, quam jam publicavi, Historia Ecclesiæ, a Christo Domino in nova Lege institutæ, Lector desiderare posset, necessarium esse duxi, Historiam Ecclesiasticam Veteris Testamenti breviter restringere, eamque variis colloquiis digestam cum distinctione temporum describere per sex Mundi Ætates, quæ ab Orbis conditu usque ad Natale Christi Domini interfluxerunt. Prima Mundi Ætas putatur a creatione Mundi usque ad Diluvium universale. Altera Mundi Ætas exordium habet a Diluvio, & protenditur usque ad Vocationem Abrahami. Tertia Mundi Ætas auspicatur a Vocatione Abrahami, & producit usque ad professionem Populi Israelitici ex Ægypto. Quarta Mundi Ætas ducit initium ab egressione Populi Israelitici ex Ægypto, & durat usque ad quartum annum Regni *Salomonis*, quo ab eodem Rege jacta sunt Templi Hierosolymitani fundamenta. Quinta Mundi Ætas excurrit a constructione Templi Hierosolymitani usque ad Captivitatem Babylo-nicam. Sexta Mundi Ætas orditur a laxata captivitate Babylo-nica, & completur in Natali Christi Domini, veri Messæ, & totius Mundi Salvatoris. Dabo autem operam, ut ea, quæ circa illas sex Mundi Ætates, sive ad Historiam, sive ad Critices, & Chronologiæ Disciplinas, sive ad Doctrinam, mores, ritusque Hebræorum pertinent, quæque vel in Sacris Libris, vel in per-multis peritorum hujus Ætatis Scriptorum voluminibus perscripta continentur, attingam, eademque opera explodam fabulas, quas Historici prophani circa istas sex Mundi Ætates commenti sunt,

ita ut tamen a prolixioribus disputationibus, quæ homines plerumque meliores non reddunt, consulto abstineam, meque semper intra præscriptos brevitatis limites contineam. Cæterum, quod ad hujus Operis, quod molior, spem attinet, si minus contingat eruditorem calculis approbari, illud fortassis efficiet, ut Theologiæ Candidati (quibus opem ferre vehementer desidero, quæ sit illis non minus utilis, quam jucunda) ad universam Veteris Testamenti Historiam in fonte legendam, quasi additis stimulis, provocentur, intelligantque, mihi saltem non defuisse voluntatem præstandi promissi, si par animo fuisset facultas, indeque confido, ut istud qualecumque Opus, ad promovenda eorum studia subcisivis horis a me lucubratum, boni consulant, & sicubi conatum nostrum vires destituant, promptam, quam habui, voluntatem utilitati eorum consulendi, & ad discendam Historiam Ecclesiasticam Veteris Testamenti compendiarium viam illis parandi, pro officio interpretentur.





HISTORIA ECCLESIASTICA PRIMÆ MUNDI ÆTATIS;

*Quæ incipit a creatione Mundi, & prosenditur usque ad
Diluvium universale.*



Historia Ecclesiastica primæ Mundi Ætatis complectitur omnia, quæ spectant Mundi creationem, felicissimum Adami, primi omnium hominum parentis, statum ante peccatum; deploratissimam itidem ejusdem Adami sortem post peccatum: insuper res gestas Patriarcharum, qui vixerunt ante Diluvium universale; misérias & calamitates, quas in totum genus humanum invexit primigenia Adami labe, necnon horrenda flagitia, quibus ejus posterius inquinati iram Dei provocarunt, & per Diluvium universale fuerunt ab ipso puniti. Circa hæc præcipua capita Historiæ Sacræ a creatione Mundi usque ad Diluvium, quod in universam terram grassatum est, plura Scripturæ Sacræ Interpretes Dubia ventilare solent, quæ nos brevitate, quoad ejus fieri poterit, cum claritate conjuncta, expendere ac dilucidare satagemus in tribus Colloquiis, quæ in Historiam hujus primæ Mundi Ætatis instituemus, & in quibus, juxta methodum, quam in describenda Historia Ecclesiæ, quam Jesus Christus in Nova Lege instituit, tenuimus:

Interlocutores erunt **MAGISTER**, ac **DISCIPULUS**: In primo Colloquio differemus de his, quæ ad creationem Mundi, & ad statum Adami innocentis pertinent, ibidemque male confarctas repudiabimus fabulas, & errores, quos circa primi hominis, Mundi, & animalium creationem excogitarunt Scriptores prophani. In altero Colloquio discutiemus nonnullas difficultates, quas Theologi de statu Adami post peccatum proponunt, iisque breviter faciemus satis. In tertio denique Colloquio perstringemus Vitas, seu res præclare gestas Patriarcharum, qui a creatione Mundi vixerunt usque ad Diluvium, atque veram Chronologiam, quæ in subducendis annis horumce Patriarcharum, cæteris calculis præponi debeat, indicabimus.



C O L L O Q U I U M P R I M U M.

*In quo singula, quæ ad Mundi creationem, & Adami innocentis statum pertinent, explanantur,
& fabulæ, ac errores, quos circa primam Mundi Ætatem procuderunt Scriptores
prophani, exhibentur.*

MAGIST.



Undum intra sex die-
rum spatium conditum
esse narrat Scriptura
Sacra. Prima die crea-
vit Deus Cælum, Ter-
ram, ac Lucem. Se-
cunda die fecit Fir-
mamentum, & divisit

aquas, quæ erant sub Firmamento, ab his, quæ
erant super Firmamentum. Tertia die congregavit
aquas, quæ erant sub Firmamento in unum lo-
cum, terramque, recedentibus aquis, exsiccata,
herbarum, stirpiumque viriditate vestivit, iussitque
ut arbores fructusque produceret. Quarta die So-
lem, ac Lunam Stellisque collocavit in Cælo, ut
præstent diem ac noctem, & ut essent in signa, in
tempora, dies & annos, atque lucerent in Firma-
mento Cæli, & illuminarent terram. In quinta
die Deus Pisces in Mari, & Volucres in aere
procreavit. In sexta die produxit animantia su-
per terram, & præsertim hominem, quem e limo
terre finxit, a terra *Adamum* appellavit, ad ima-
ginem suam formavit, eumque in hunc Mundum
induxit, quasi in domum jam paratam & instru-
ctam; illius enim causa facta sunt omnia. Deni-
que, septima die cum perfectum, omnibusque
suis numeris absolutum esset totius Mundi opifi-
cium, quievit Deus, & cuncta, quæ fecerat opera
tantum valde bona approbavit. Hæc sunt in
summa, quæ de creatione Mundi, seu de sex die-
rum opificio refert Scriptura Sacra Cap. 1. Libri
Geneseos.

Hanc compendiosam de creatione Mundi histo-
ricam narrationem, a *Moyse* loco mox a me lau-
dato descriptam, paucis nunc Observationibus, ne
longior sim quam postulat mei instituti ratio, il-
lustrare pergam. In primis, certum est, hunc
Mundum, non ex aliqua præjacente materia, sed
ex nihilo ab omnipotenti Deo conditum fuisse.
Hinc damnari merito debent Poetæ, qui (teste
Laërentio lib. 2. *Institutionum Drum.* cap. 9.)
ajunt, *Chaos* in principio fuisse, idest, confusionem
rerum atque elementorum; postea vero *Deus* dire-
missem omnem illam congeriem, singulisque rebus ex
confuso acervo separatis, in ordinemque descripsit,
instruxisse Mundum pariter & ornasse. Quibus fa-
cile est respondere potestatem Dei non intelligentibus,
quem credunt nihil efficere posse, nisi ex materia sub-
jacente ac parata, in quo errore etiam Philosophi su-
ruerunt. Deus facit sibi ipsi materiam, quia potest.
Potest enim Deus est, nam si non potest, Deus non est.
Homo facit ex eo, quod est, quia per mortalitatem
imbecillitas est, definita ac modica potestatis. Deus
autem facit ex eo, quod non est, quia per æternitatem
fortis est, per fortitudinem potestatis immensa, quæ

fine ac modo caret, sicut vita factoris. Quid ergo mi-
rum, si facturus Mundum, prius materiam de qua
faceret, præparavit ex eo, quod non erat? quia nefas
esset, Deum aliunde aliquid mutuari, cum in ipso,
vel ex ipso sint omnia. Nam si est aliquid ante il-
lum factum, & quidquam non ab illo factum est,
potestatem Dei & nomen amittet. Hoc egregio
Laërentii testimonio facile refelluntur non solum
Ethnici Poetæ, ac Philosophi, sed etiam quidam
Hæretici, quos cum *Hermogene* effutire non puduit,
Materiam esse ingentiam, æternam, & Deo coævam,
vel cum *Hæretico Davide de Dinando*, *Discipulo*
Almarici, Deum esse materiam primam; quo
commento quid absurdum insulsumque excogitari
possit, certe non video. (a)

„ (a) Inter Christianos, qui mundi æternitatem
asseruisse visi sunt, censetur etiam *Andreas Cæ-*
„ *salpinus Aretinus in quest. Peripateticis*, *Claudius*
„ *Perigardus in circulo Pisano*. In eam pariter suspi-
„ cionem venit *Petrus Ponponacius*, quamquam ex
„ *Aristotelis* sententia, non ex sua sententia id se
„ defendere affirmavit, sicut *Joannes Clericus* de
„ mundi creatione ex nihilo recta quidem pronun-
„ cians, sed verbum creavit quo Scriptura utitur,
„ ad alium plane sensum totis viribus detorquet in
„ *Comment. in Genes.* cap. 11.

De anni tempestate, quæ conditus est Mundus,
non convenit inter omnes Scripturæ Sacre Inter-
pretes. Alii existimant, Mundum fuisse creatum
in Autumno, qui fructibus abundat. Probabilis
quippe videtur, Deum, cujus opera perfecta sunt,
Mundum creasse in Autumno fructifero, quam in
Vere dumtaxat florido. Præterquamquod, annus
anticus apud Hebræos (ante eorum profectionem
ex *Ægypto*) auspicabatur ab Æquinoctio Autumna-
li, immo inde incipiebant anni Sabbatici, & Ju-
bilei, annuque Civilis Hebræorum. His con-
jecturis nituntur multi Scripturæ Sacre Interpretes,
quibus hæc probatur sententia. Alii vero non mi-
nus eruditi Scripturæ Sacre Interpretes, quorum
sententia utroque pollice subscribo, autumant,
Mundum fuisse Verno tempore conditum, tum
quia omnia Verno tempore renouantur; tum quia
in Æquinoctio Vernali Orbis fuit reparatus, cum
Christus Dominus, sicut alibi ostendimus, mor-
tuus sit ad redimendum genus humanum die 25.
mensis Martii. Nec tamen deserunt pri-
mis Parentibus nostris fructus, sicut & animalibus
herbæ, quibus vescerentur, quamvis Mundus fue-
rit Verno tempore conditus, quia in locis tempe-
ratissimis, in quibus primum hominem, primaque ani-
mantia terrestria creavit Deus, plures fructus in
Vere, & salubrium herbarum copia suppetit. Addi
etiam potest, Adamum in Paradiso terrestri posi-
tum fuisse, ubi semper erant arbores fructiferae.

A 4

Deni.

Denique, Hebraei, antequam egrederentur ex Aegypto, anni exordium duxerunt quidem ab Aequinoctio Autumnali, sed ejusmodi anni Hebraeorum inchoationem reformavit Deus, precipiens in Libro Exodi, ut anni initium fumeretur ab Aequinoctio Vernali. Hanc sententiam de creatione Mundi Verno tempore conditi tanquam probabiliorum amplectuntur non solum inter Iudeos periti Rabbini, sed etiam multi SS. Patres, praefertim Cyrillus Hierosolymus. Cathech. 14. Ambrosius, lib. 1. Hexameron cap. 4. & Theodoretus in Exodum quaest. 72. ubi haec habet: Propterea quod eodem seretempore (seu Verno) Deus creaturas condidit; cui rei fidem facit arborum gemitatio. Incipiente enim Vere, prout florere solent, segetes femina concipiunt, arbores fructum emittunt. Ea de causa Deus etiam sub idem tempus liberavit Populum Israel a servitute Aegyptiorum. Et Gabriel Archangelus Sanctae Virgini Mariae letum nuntium admirandi pariter attulit. Eodem quoque temporis Christus Dominus salutarem pertulit passionem. Deus igitur Verno tempore condidit Mundum, non quidem propter se illum fecit Deus, quia commodis ejus non indiget, sed propter hominem, qui eo utitur; hominem tamen Deus creavit propter se, scilicet (sunt verba Lactantii lib. 7. Institutionum Divin. cap. 5.) ut esset qui opera ejus intelligeret, qui providentiam disponendi, rationem faciendi, virtutem consummandi, & sensu admirari, & voce proloqui posset. Quorum omnium summa haec est, ut Deum colas. Is enim colis, qui haec intelligit: is artificem omnium rerum, si verum patrem suum debita veneratione prosequitur, qui virtutem maiestatis ejus de suorum operum inventionem, inceptione, perfectione metitur. Quod planius argumentum proferri potest, & Mundum hominis, & hominem sua causa Deum fecisse, quam quod ex omnibus animalibus solus ita formatus est, ut oculi ejus ad Caelum directi, facies ad Deum spectant: ut videatur hominem Deus, quasi porrecta manu allevatum ex humo ad contemplationem sui excitasse. Notat porro Moyses, hominem sexta die creationis Mundi fuisse a Deo creatum, ex quo facile colligitur, totum Mundi opificium per intervallum sex dierum naturalium esse a Deo perfectum. Id etiam aperte declarat idem Sacer Auctor in ea, quam describit, historica Mundi narratione, ubi sex Mundi creationis dies distincte, & articulate enumerat, singulorum definit spatia, & quicquid operis in unoquoque die molitus sit Deus, accurate exponit. Memorat insuper Moyses praeceptum a Deo datum observandi Sabbatum, quia, sicut Deus Mundum, & omnia, quae in eo continentur, sex diebus elaboravit, septimo autem die requievit ab omni opere, id est, nova condere cessavit: ita Iudei sex diebus laborare possunt, die autem septimo ab omni opere fervili ac labore debent in integrum abstinere. Quae certe Moyses raro, ut nemo non videt, nullius ponderis esset, si Deus unica die, vel unico momento totum Mundi opificium absolvisset, sicut visum est Sancto Augustino, qui docet, sex illos dies, quibus Mundum conditum esse narrat Moyses, non in sensu proprio & naturali accipi debere, sed in sensu mystico ac figurato, seu per diem intelligi oportere cognitionem Angelicam, ita ut prima dies sit cognitio primi opo-

ris, quam habuit Angelus: secunda dies sit cognitio, quam Angelus habuit, secundi operis, & sic de aliis diebus. Quo fit, et apud S. Augustinum distinctio dierum creationis Mundi fumatur non secundum successionem temporum, sed secundum ordinem rerum cognitarum ab Angelis. Isti autem dies dicuntur constare Vespere & mane, id est, cognitione Vespertina & Matutina, quia Angeli duplici pollent rerum cognitione, una videlicet, quae est obscurior, & quae cognoscunt res in se ipsis: & ista Angelorum cognitio vocatur Vespertina: Altera cognitio rerum, quam habent Angeli, clarior est, & ideo appellatur Matutina, per quam cognoscunt res non in se ipsis, sed in Deo, seu in Verbo Divino, tanquam in causa rerum omnium. Haec est Sententia S. Augustini, quam S. Thomas Primus Partis suae Summae Tripartitae q. 74. art. 2. & aliis sequentibus expedit, eique nullam erroris notam, ob reverentiam Aquilino huius Doctore Ecclesiae optime merito debitam, iniuri debere censet; quanvis inclinet ad communionem Sanctorum Patrum opinionem, quae tenet, sex istos dies, quos tam distincte dinumerat Moyses, esse veros & naturales dies. Nec enim credibile est, Moysen, sapientissimum Legislatorem, voluisse in ea, quam textit, historica creationis Mundi narratione designare Hebraeis, qui erant omnino rudes & illiterati, dies non veros, & naturales, sed mysticos & figuratos, per quos intelligere deberent cognitiones vespertinas & matutinas Angelorum, quae a subtilioribus etiam Theologis vix hodie capi & intelligi possunt, necdum dilucide explicari.

Sunt quidam Theologi, & Scripturae Sacrae Interpretes, qui autumant, Moysen, rerum creationem recensentem, ideo Angelorum creationem altissimo obruisse silentio, ut Hebraeorum saluti consuleret, cum illos magnopere rudes, & ad Idololatriam impense proclives intelligeret, atque adeo, qui si creationem tam praecellentis & sublimis substantiae audirent, eam cultu laetiae, divinique obsequii adoraturi essent. Creationem itaque Angelorum suppressit Moyses, ne scilicet tam immane scelus Hebraei perpetrarent. Verum, haec sententia (ut cum venia dicam) jejuna ac frigida multis nominibus mihi semper visa est. Nam primo constat, Moysen saepe numero in quinque Libris Pentateuchi, ab ipso exaratis, meminisse Angelorum, eorumque ministeria ac praesidia creberrime expertosuisse Hebraeos. Praeterea, doctrina, quae Angelos facit a Deo creatos, augustius facit Dei amplitudinem & potentiam, & elevat ac extenuat Angelos, quo licet inter creaturas sublimi & excelsio loco reponat, creaturas tamen esse fatetur, & a Deo in immensuras distantes; proindeque Angelorum creatio homines ab eorum cultu potius abducere & avocare, quam ad illum allicere & adducere potest. Nihil ergo Idololatriae periculi erat, quod pertimesceret Moyses, si recensisset creationem Angelorum. Rejeda itaque hac opinione ego sic mecum reputo, ob hanc potissimum causam praeterisse Moysen de creatione Angelorum aperte scribere, quod aliena prorsus a suo scopo esset, quippe

quippe qui Genesim dumtaxat rerum quæ pertinent ad hunc visibilem & aspectabilem Mundum describendam suscipiebat. Quorum igitur creationis Angelorum, qui sunt omnino spirituales & incorporei, meminisset Moyses? His addit; quod si Moyses conditionem & ortum Angelorum, exposuisset, eadem opera peccatum Daemonum, qui Deo contumaces, & perdolescentes extiterunt, ei explicandum fuisset, quod tamen, cum ab illo, quem sibi propulerat, scopo videretur, alienum, consulto & prudens omisit, ne historicam de hujus Mundi sensibilibus creatione narrationem inutilibus parergis interromperet, & ullam infidelibus occasionem daret, Historiam, quam scribebat fugiendi, eamque, velut scopam dissolutam, & arenam sine calce contumeliose exhibilandi.

DISCIP. Mundum a Deo conditum esse, si divina non persuaderet auctoritas, ipsa tamen sola Mundi per se se edoceret contemplatio. Si quis enim adeo stupidus esset, ut quod Epicureis asserere vellet, Mundum nihil aliud esse, quam corporum sculorum acervum, sine vita, sine providentia, sine ratione, casu & temere constatum, hunc errantem facile revincere posset admirabilis hujus Mundi structura, & partium ejus, ac sapientissima rerum omnium dispositio, quæ non casus, & fortuiti atomorum stupidarum concursus, sed solius dumtaxat supremæ rationis, omnia scite & ordinate disponens, potest esse opificium. Verum, etsi ratio naturalis Mundum a Deo conditum esse aperte doceat, quia tamen plus momenti ac ponderis habet divina auctoritas, quam quodlibet argumentum e ratione naturali petitum, vehementer optarem, ut paucis ostenderes, hunc librum *Genesis*, in quo Historia de creatione Mundi describitur, divinam habere auctoritatem, eamque revera scriptum esse a *Moyse*, antiquissimo Judæorum Legislatore. Audivi enim nuperrime, esse nonnullos, qui hunc librum *Geneseos* non a *Moyse*, sed longe post tempora *Moyse* scriptum esse pertendebant.

M. Solis Athei, Infideles ac viri quidam increduli, scilicet adducti conjecturis, neant, *Moysem* esse auctorem libri *Genesis*, quorum deploratam cæcitate nihil plane morari debemus, cum perpetua sit, & ab antiquissimis temporibus sibi semper constans tam Judæorum, quam Samaritanorum & Christianorum omnium sententia, *Moysem* esse verum Auctorem totius *Pentateuchi*, ita dicti, quod quinque ipsos libros complectitur, videlicet libros *Genesis*, *Exodi*, *Leviticæ*, *Numerorum*, & *Deuteronomii*. Hos, inquam, quinque libros esse germanos & genuinos *Moyse* factus una semper fuit sententia omnium Judæorum, quibus, circa libros, quos exaravit *Moyse*, eorum Legislator, par est ut eandem fidem præstitemus, quam adhibuerunt semper homines populi illi, qui de Legislatorum suorum Legibus locuti sunt, quales fuerunt *Lacedæmonii*, qui Leges a *Lycurgo* se accepisse profitebantur, & *Athenienses*, qui suarum Legum Auctorem agnoscebant *Solonem*. Immo, sicut nemo impresentiarum audet in dubium revocare, harum Legum conditores esse *Lycurgum* ac *Solonem*, tamen non existant amplius illi populi, qui Legibus *Lycurgi*, & *Soloni* antiquitus regebantur; ita

nullus vir prudens in dubium nunc vertere debet; an Judæorum Lex, quinque mox laudatis *Pentateuchi* libris comprehensa, conscripta fuerit a *Moyse*, eorum Legislatore, cum tota Natio Judaica, per totum Orbem dispersa, quinque illos libros *Moyse* adjudicet, eosque tanta cum sollicitudine & veneratione conservet. Quod sane absque singulari divinæ providentiæ beneficio fieri non potuisset, ex eo potissimum liquet, quod alii libri, qui olim ab Ægyptiis, a Romanis, aliisque Nationibus, tenebris Idololatriæ immerfis, tanquam divini habebantur, temporis, rerum omnium edacis injuria tandem aliquando perierunt, libri vero, quos pro Sacris ac divinis habet Judaica Natio, in tanta Sæculorum serie interire non permisit divina providentia, sed potius eos integros conservavit, illorumque auctoritatem non solum Judæis, sed etiam Christianis Sacrosanctam esse voluit.

D. Quinque librorum *Pentateuchi* auctoritatem non tantum Judæis, sed & Christianis Sacrosanctam esse certissime scio. Sed si convincere vellem Atheos, Infideles, virosque incredulos, qui Judæorum, & Christianorum testimoniis fidem omnino derogant, hæreret mihi profecto aqua, nec ullum suppetere argumentum, quo illis persuadere possem, *Moysem* esse antiquissimum Judæorum Legislatorem, eumque esse Auctorem horumque quinque librorum *Genesis*, *Exodi*, *Leviticæ*, *Numerorum*, & *Deuteronomii*, qui *Pentateuco* continentur.

M. Atheos, Infideles, aliosque ejusdem farinae viros incredulos, qui Judæorum & Christianorum testimoniis assensum præbere perversitate detestantur, convincere debes testimoniis antiquorum Gentilium Scriptorum, qui ultro fidentur, *Moysem* esse Judæorum Legislatorem, & Auctorem *Pentateuchi*. Memorare Gentilium Scriptorum, quorum testimonia, tamquam si in hac causa essent suspecta, nullo pacto repuliare possunt Athei, virique increduli, seriem breviter hic attexam, ut intelligas, Gentiles etiam Scriptores conspirare una cum Judæis & Christianis ad vindicandum *Moyse*, Judæorum Legislatori, *Pentateuchum*, proindeque Atheos, virosque incredulos, illorum testimoniis sic convinci, ut nihil prorsus habeant, quod hincere aut mustitare possint. In primis, bene multi Scriptores Ethnici, quos inter *Plato*, *Pythagoras*, *Theopompus*, *Diodorus Siculus*, & alii, *Moysem* inter antiquissimos Legumlatores recensent. Præterea, *Longinus*, *Zenobius*, *Palmyrenorum Regine*, a consiliis & studiis, *Moysem* insigni profequitur elogio in libro, quem edidit *De sublimi genere dicendi*, eo quod *Moyse* in exordio libri *Genesis* sic Deum inducit magnifice loquentem: *Fiat lux, & facta est lux*. Terrio, *Moyse* disertam mentionem fecerunt *Cornelius Tacitus*, & Poeta *Juvenalis*, quorum prior lib. 5. Historiæ Romanæ hæc habet: *Moyse*, quo sibi in posterum gentem formaret, novus ritus, contrariusque ceteris mortalibus indidit.... Hi ritus, quomodo induelli, antiquitate defenduntur. Alter Scriptor, seu Poeta *Juvenalis* Satura decima quarta inquit, Volumen Legum Judaicarum fuisse a *Moyse* conscriptum:

Judæi.

Judaicum edificant, & servant & suum ius!
Tradidit arcum quodcumque Volumine Moyset.

Denique, ne longior sim, Moyſis memine-
 runt Gentiles Scriptores, Philocorus, qui ſub *Pro-*
tolæmo Philopatore, Ægyptiorum Rege, florebat;
Eupolemus, qui claruit ſub *Ptolæmo Epiphane*,
 Ægyptiorum itidem Rege; *Hecataeus*, *Beroſus*,
Maneſio, *Alexander Polyſtor*, *Trogus Pompejus*,
Strabo, *Nicolaus Damascenus*, *Plinius*, *Plutar-*
chus, *Numenius*, *Porphyrus* &c. Plura leges
 apud illuſtriſſimum Abrincenſem Episcopum, *Dan-*
ielem Hueterum, qui in ſua *Demonſtratione Evan-*
gelica, Propoſitione quarta, ex variis prohanæ
 eruditionis monumentis probat, Moyſem, Judæo-
 rum Legislatorem, eſſe primum omnium gentium
 Scriptorem, & Pentateuchum, ab ipſo exaratum,
 unicum eſſe fontem, ex quo totam ſuam Theolo-
 giam hauerunt Ægyptii, Perſæ, Indi, Thraces,
 Germani, Galli, Britanni, Hiſpani, præcipue ve-
 ro Græci ac Romani, qui ex Moyſis rivis ſuos
 hortos irrigarunt, indeque ſuas Leges, Ritus,
 Religionem, fabulas, aut hiſtorias ſuas deprom-
 pſerunt. Plura non addam, ad fontem quippe di-
 gitum intendiſſe, ſat ſuperque ſufficit.

D. Validum mihi proſpecto ſuppeditas argu-
 mentum, quo convincere poſſum, Atheos, Infideles,
 viroſque incredulos, qui tot Gentilium Scriptorum
 teſtimonia, tanquam ſuſpecta, rejicere haud poſ-
 ſunt, vel ſi ea recipere nolint, digni ſunt, qui
 in ſuis pluſquam cimmeriis tenebris immerſi re-
 linquantur. Sed dicas, amabo, ſuntne alicujus ponder-
 veris, rationes, quas proſerunt Athei, Infideles,
 virique increduli, qui Moyſem eſſe Auctorem Pen-
 tateuchi inſiciantur.

M. Rationes, quas obtrudunt Athei, Infide-
 les, virique increduli, leves ſunt ac ſtiles, mil-
 liesque aliæ, quas ſubinde lubens prætermittam,
 ne tibi tedio & oneri ſim, ac unam dumtaxat
 earum palmarem & ſæpius decantatam ob-
 jectionem proponam, ex qua quid de cæteris ſen-
 tiendum ſit facili negotio judicabis. Diſſident ita-
 que, Pentateuchum aſſeri ac vindicari non poſſe
 a Moyſi tanquam vero & legitimo parenti, quia
 quedam in Pentateucho narrantur, quæ dumtaxat
 poſt obitum Moyſis contigerunt. Verum,
 quam deplorabile ſit iſtud argumentum, nemo
 eſt, qui ſtatim non videat. Scriptiſ quidem Moyſes
 totum Pentateuchum, ſed poſt ejus obitum,
Jeſu, qui in regimine populi Iſraelitici ſucceſ-
 ſit Moyſi, vel *Eſdras*, qui, poſt laxatam capti-
 vitationem Babylonicam, libros ſacros recognovit,
 vel alius Sacer Scriptor, Spiritu Sancto aſſaſus,
 nonnulla Pentateucho Moyſis, majoris claritatis
 ergo, addidit, & quedam nomina urbium, mon-
 tium & locorum immutavit, ut narratio Moyſis
 facilius intelligi poſſet ab iis, quibus, poſt obitum
 Moyſis, vetera urbium, montium, & loco-
 rum nomina erant ignota. Sic Ex. Gr. legimus
 ad calcem libri Deuteronomii mortem Moyſis,
 quam inferuit quidam ſacer Scriptor. Legimus
 ſam. cap. 12. lib. Numerorum laudes Moyſis,
 quas alter ſacer Scriptor intertextuit. Sic Gene-
 ſis cap. 11. Urbs *Lais* vocatur *Dau*, cum tamen
 diu poſt obitum Moyſis hoc nomine donata ſit.

Sic Geneſis cap. 22. Mons *Moria* appellatur *Mons*
Dominus videbit, quo tamen nomine hic mons
 poſt Moyſis obitum vocari cepit, eo videlicet
 tempore, quo mons ille *Maria* ædificationi Tem-
 pli deſtinatus eſt. Has igitur & alias id genus
 leves additiones, vel immutationes, Pentateucho
 poſt obitum Moyſis factas fuiſſe, non inſicias eo;
 ſed inſanire dico, qui, ob leves illas additiones
 ac immutationes, præſtæcte negant, Moyſem eſſe
 Auctorem Pentateuchi, vel qui aſſerunt, ali-
 quem poſt obitum Moyſis voluiſſe, aut potuiſſe
 novos ritus, novas inſtituere cæremonias, com-
 mentitium ſcribere Hiſtoriam, & Legem a ſe
 conditam promulgare, ac venditare ſub ementito
 Moyſis nomine; nam ſi quis, poſt obitum Moyſis,
 eo deſiſſiſſet, idque exequi auſus fuiſſet, confeſſum
 tam inſignis impoſitor, quæ nulla arte ce-
 lari potuiſſet, a Judæis reſecta, & propalata eſſet,
 ſicque in vulgi fabulam abuſus impoſitor. (a)

(a) „His ab Authore adductis argumentis au-
 „dacia revincuntur ii, Theologi licet Catho-
 „lici, rati ſcribas extiſſe a Republica Judaica
 „rebus in populo geſtis ſcribendis deſtinatis, ex
 „quorum ſchedis in unum compaſtis ab igno-
 „to quodam auctore Pentateuchum conſtare opi-
 „nantur. Hujus vero operis auctorem a Moy-
 „ſe diverſum eſſe contendunt, ut nihil a Moy-
 „ſe conſcriptum, ſi legem excipias, arbitren-
 „tur. Ita ariolaſt Richardus Simon in *hiſt.*
 „*critic. vet. teſtam. lib. I. cap. II. & V.* Nec
 „multum ab hac opinione abluſit D. Abbas de
 „Prædes Baccalaureus Sorbonicus, qui Chrono-
 „logiam Patriarcharum variam in tribus texti-
 „bus Hebraico, Samaritano, & Græco animad-
 „vertens, nodum hunc chronologicum intrepide
 „præcidit, nullam a Moyſe Patriarchalem Chrono-
 „taxim deſcriptam aſſerens, quæque nunc in
 „Biblionum textibus legitur ab aliis pro arbitrio
 „inventam ſuſpicatur.

D. Moyſem eſſe verum ac legitimum Pentateu-
 chi auctorem, omnique, nonniſi ſacro numine
 aſſaſum, omnia, quæ in eo reſert, litteris con-
 ſignaffe, locupletiſſima illa omnium gentium,
 quæ proſuſiſſi, teſtimonia, ſed Eccleſiæ præfer-
 tim perennis conteſtatio, ad aliſque multis re-
 bus petita alia argumenta mihi inviſe perſua-
 dent, faciuntque, ut aperte ac evidenter perſpi-
 ciam, illos miſere, & inſeliciter caligare, qui
 ſecus ſentiunt, quique ea, quæ in Pentateucho,
 ſacriſque Litteris continentur, aut contemnunt,
 aut parvi faciunt. Illos ergo miſeros homines
 mittamus, & hoc potius inquiremus, cur Moyſes,
 daturus Leges, quibus in officio Hebræos
 contineret, a creatione Mundi exordium duxerit?
 Quorſum, rogo, tam altum & veluti ab ovo, ut
 ajunt, repetitum principium?

M. Primo dicti poteſt, Moyſem voluiſſe a crea-
 tione rerum, quæ ſenſibus ſubjiciuntur, ad
 Dei attributa, & perfectiones cognoscendas
 unitatem, omnipotentiam, ſapientiam, benefi-
 centiam, & id genus alia, quæ ſola mente at-
 tinguntur, Hebræos ſenſim ſine ſenſu adducere,
 ut cognitione unius Dei Creatoris, tanquam cer-
 to quodam lumine purgarentur, falſaque Ægy-
 ptio-

priorum de multiplicitate Deorum, deque Mundi æternitate opinionibus, quibus erant imbuti, protinus ex animis deponerent. Præterea, rerum creationem recensuit Moyses, quod inter externa Adamo, primo omnium hominum parenti, collata beneficio, principem ac summum locum obtineat, ipsaque Historiæ series exigeret, ut ab hoc ingenium nostrum generi concessio beneficio narrationem suam auspicaretur, & ad ea protraheret, quæ spectant Adami formationem, ejus felicitatem in statu innocentie, ejus miseria post peccatum, quod ad omnes illius posteris via ordinaria transiit, ac denique promissionem de venturo Messia, seu Salvatore, qui damna generi humano per Adami peccatum jilata refarciret. Hunc siquidem Messiam, seu Liberatorem, a Deo promissum esse testatur Moyses cap. 3. libri Genesim, ubi postquam Adami, & Hevæ, ejus conjugis, lapsum descripsit, e vestigio inducit Deum Serpentem, a quo seducta fuerat Heva, his verbis impræcantem: *Ipsa conteret caput tuum, idest Messias, ex muliere aliquando nasciturus, conteret caput tuum.* Hanc autem Liberatorem, seu Messiam a Deo factam promissionem Moyses in libro Genesim offendit tam alte infedisse animis Patriarcharum, qui ante illum vixerant, ut nihil tam in votis haberent, quam ut in sua familia completeretur. Hinc liberis procreandis operam dabant, plures uxores ducebant, de jure primogenituræ decernabant. Solemne etiam erat Hebræis Deum appellare *Deum Abrahami, Deum Isaac, Deum Jacob*, quod persuasum haberent, hanc promissionem de mittendo Liberatore, seu Messia, a Deo factam, completum iri in familia Abrahami, cui Deus capit. 22. lib. Genesim dixit: *Benedicetur in semine tuo omnes gentes.* Denique, tempus, quo hæc divina promissio adimpleri debebat, noverant Hebræi e vaticinio Patriarchæ Jacob, qui propediem in Ægypto moriturus, prædixit, hanc divinam de mittendo Liberatore promissionem suam habituram exitum, post ablatum de Juda, idest, de gente Judaica, Sceptrum: *Non auferetur Sceptrum de Juda, & Dux de femore ejus, donec veniat, qui mittendus est, & ipse eris explectus gentium.* Ut posset igitur Moyses hanc promissionem a Deo factam de mittendo Liberatore in apertum ponere, consultissime totam narrationem suam a creatione Mundi exorsus est, & inde ad formationem Adami, ejusque peccatum progrediens, liquido ostendit, causam, cur Deus promiserit, hunc a se missum iri Liberatorem, non aliam esse, quam peccatum Adami.

D. Jam vero & facile nunc intelligi perillustre Moyses ingenium in explicando proposito sibi argumento, & in aperienda causa ruinæ humani generis ac proinde necessitatis nostræ instaurationis. Ex eadem etiam narratione Moyses pleraque eluciscunt, quæ alioqui nullo pacto comprehendi possent, sicut, Ex. Gr. peccati originalis, seu peccati Adami in omnes ejus posteris propagatio, & causa cur nunc omnis homo nascatur cum ignorantia in intellectu, cum malitia in voluntate, cum propensione ad malum, cum iusta passionum, & torque calamita-

tatibus obnoxius vivat. Quæ difficultas, sicut nuperrime legebam apud Cl. Blasium Paschalem in suis *Cogitationibus* titulo 3. plerisque ex Gentilibus cordatos viros vehementer olim torquebat, eorumque ingenia quantumvis acutissima penitus abhorbebat. Nec minus, cum illi nec de primo homine cum præclaris dotibus ac perfectionibus nature & gratiæ in statu innocentie a Deo condito, nec de ejus peccato, per quod sibi, suisque posteris omnium malorum agmen importavit, vel minimam notitiam habuerint, nec ad causam, unde tot profluerant miserie, quibus nunc exagitatur homo, præeunte luminis naturalis face pervenire unquam potuerint. Sed dicas, amabo, quo pacto Moyses, qui, post multas a creatione Mundi sæculorum myriades, prodit in lucem, potuerit tam accurate describere creationem Mundi, etiam narrare Facta historica, quæ de formatione Adami, de ejus lapsum, de Patriarcharum ante & post Diluvium Genealogia, Gestis & annis leguntur in libro Genesim, cum perfectum omnibus ac exploratum sit, nullam temporibus Moysis existisse hominem, creationi Mundi coævum, a quo Moyses ejusmodi rerum gestarum notitiam audire, vel accipere potuerit? recurrendum itaque erit ad aliquam specialem Dei revelationem, cujus beneficio Moyses hanc a Deo notitiam acceperit. Verum, quia Athei, virique increduli divinas revelationes non admittunt, optarem, ut, ad eos facilius convincendos, rationem assignares, quæ evinceret, Moysen, etiam citra revelationem sibi factam a Deo, habuisse certam & indubitatam notitiam rerum, quas de creatione Mundi, de formatione Adami, de ejus lapsum, & de aliis id genus Factis historicis narrat in libro Genesim.

M. Ex continua certaque Traditione Moyses notitiam habuit rerum, quas de creatione Mundi, de formatione Adami, de ejus lapsum, & de aliis Factis historicis ipsemet narrat in libro Genesim. Quod quidem ne gratis a me dictum esse putes, suppeditabo tibi demonstrationem Chronologicam, ad Codicis Hebræi calculum exactum, ex qua liquido constabit, Moysen ex certa, & ad usque tempora traditione propagata habuisse notitiam rerum, quas in libro Genesim litetis consignavit. At enim, Adamus, primus omnium hominum parens, qui sexta die a creatione Mundi a Deo conditus est, vixit annos 930. Mathusale vero natus est anno Mundi 687. vixit ergo, juxta hunc calculum, Mathusale cum Adamo Annos 244. ac subinde potuit facile Mathusale discere ab Adamo ea, quæ spectant creationem Mundi, formationem Adami, ejus lapsum &c. Deinde, Mathusale, qui vixit cum Adamo annos 244. vixit etiam cum Semo, filio Noemi, annos centum. Semo quippe natus erat annos centum, quando contigit Diluvium, & Mathusale, postquam vixisset annos 969. obiit eodem anno, quo accidit Diluvium, hoc est, anno a creatione Mundi millesimo, sexcentesimo quinquagesimo sexto. Semo itaque, filius Noemi, qui centum annis vixit cum Mathusale, potuit ab ipso accipere notitiam creationis Mundi, formationis Adami, ejus lapsum &c. Tertio, Isaac, filius Abrahami, vixit

Vixit cum Semo, filio Noemi, quinquaginta annis, ac proinde ab eo habere potuit notitiam rerum, quæ Mundi creationem, formationem Adami, & ejus lapsum spectant. Semus siquidem, filius Noemi, vixit post Diluvium quingentis annis & vita functus est anno Mundi 2158. Isaac vero, filius Abrahami, natus est anno Mundi 2108. ex quo consequitur, Isaacum, filium Abrahami, vixisse cum Semo annos quinquaginta. Quarto, Jacob, filius Isaac, Historiam de creatione Mundi, de formatione Adami, de illius lapsum &c. sèpius a Patre suo Isaac audire potuit. Quin, & Patriarcha Jacob, filius Isaac, vidit filios Patriarchæ Josephi, quibus propediem moriturus benedixit, iisque tradidit notitiam de creatione Mundi, de formatione Adami, ejus lapsum &c. de mittendo Liberatore, eis dicens, sicut legitur c. 49. libri Genesi: *Non auferetur Scriptum de Juda, & Dux de femore ejus, donec veniat qui mittendus est, & ipse erit expectatio gentium.* Denique filii Patriarchæ Josephi, quibus benedixit Patriarcha Jacob, quousque omnia, quæ pertinent ad creationem Mundi, formationem Adami, ejus lapsum, & adventum Liberatoris edocuit: filii, inquam, Patriarchæ Josephi viderunt Moysen, quia a morte Patriarchæ Josephi usque ad ortum Moysis intercessere dimtaxat anni sexaginta quatuor. Quo fit, ut Moyses, Judeorum Legislator, & Autor Pentateuchi, plenam ac integram a filiis Patriarchæ Josephi notitiam habuerit rerum omnium, quas scripsit in libr. Genesi de creatione Mundi, de formatione Adami, de ejus lapsum, de mittendi Liberatoris promissione divina, de Patriarcharum ante & post Diluvium annis, Gestis &c. Moyses itaque ab hac perpetua, sibiq; semper constanter traditione, ab Adamo primo omnium hominum parente, ad suam usque ætatem, velut de aure in aurem, & per manus tradita, & jugiter conservata, potuit nullo negotio compertam habere rerum Historiam, quam in libro Genesi exararam nobis reliquit, quamque in tanta sæculo serie interire non permittit divina providentia, cum tamen alii libri, qui olim ab Ægyptiis, a Romanis, aliisque Ethnicis Nationibus ut sacri ac divini estimabantur, omnino perierint, ut paulo ante observavi, quod sane maximum veritaris istius Historiæ, & divinæ, quam præ se fert, auctoritatis argumentum apud omnes esse debet.

D. Mukum quidem mihi aridet hæc tua demonstratio Chronologica, sed, ut candide fatear, vereor, pace tua dixerim, ne Atheus, virique incredulus sublesta nimis, & elumbis videatur. Supponit quippe hæc tua Demonstratio Chronologica, Mundum non extitisse ante illud tempus, quo eum a Deo conditum esse narrat Moyses. Supponit itidem, Adamum esse primum omnium parentem, sicut asserit idem Scriptor. At, id viri increduli religionisque ocores, sicut nuperrime audivi a viris eruditis, præfracte negant. Volunt quippe primo, Mundum longe antiquiorem esse, quam referat Moyses. Deinde, dicunt, Adamum non esse primum omnium parentem, sed multo ante Adamum extitisse homines, quos *Præadamitas* appellant, quod ante Adamum extiterint. Hoc autem se

posse probare putant tum ex Ethnicis Scriptoribus, quorum calculi ostendunt, Mundum lonæ antea extitisse, quam referat Moyses, tum etiam ex Ægyptiorum, Assyriorum, Chaldeorum, & Sinarum Historicis, quæ referunt, institutas fuisse in his nationibus Orientalibus Monarchias multo ante tempus, quo Mundum conditum esse scribit Moyses. Tua igitur Demonstratio Chronologica, si viri increduli pronunciant judicium, nullus ponderis erit.

M. Futilia & plane indigna sunt, quæ consuetudine isthæc argumenta, quibus nituntur viri increduli ad probandum, Mundum longe antea extitisse, quam referat sacer Scriptor Moyses. Ila nihilominus ponamus in trutinam, & Ethnicorum Scriptorum circa existentiam Mundi naniæ & deliria ingrediamur, quamvis me vehementer pigeat in id genus nugis male locare tempus. Sed collocabo tamen, ne infuturo meo de hisce videri possim. Dico igitur primo, nihil esse insulsum his, quæ circa existentiam Mundi commenti sunt Ethnicici Scriptores. Alii quippe, ut observat S. Augustinus lib. 18. de Civit. Dei cap. 40. *vanissimæ præsumptione dixerunt, plerumque centum annorum milia numerari, ex quo Ægyptius rationes Syderum comprehendit.* Alii, seu Chaldæi, jactant, se comprehendit monimentis habere *quadringenta septuaginta milia annorum.* Alii postremo effutunt, Mundum esse æternum. In hos crassos errores circa existentiam Mundi impiegit illos Scriptorum Ethnicos, mirari profecto non subit, cum enim ignorato Dei verbo, simul quoque ignorarent originem rerum, supremumque illud tempus, quo Mundus esset effectus, certi quidpiam assequi haud poterunt, quamobrem & digitis, ut proverbio dicitur, micabant in tenebris. Id certe agnovit, & ultero falsus est unus ex Ethnicis Scriptoribus *Marcus Varro*, Romanorum doctissimus, qui referente *Censorino* lib. *De Natali die* cap. 17. tria Mundi intervalla statuit, quorum primum a principio hominum usque ad Cataclysmum, seu Diluvium protraherebat, atque quot annorum extiterit, comprehendit posse negabat. Secundum a Cataclysmo ad primam usque Olympiadem, quod & *Mythicum*, hoc est, fabulosum, prudenter vocabat; de eo enim fabulosa permulta a Scriptoribus narrantur. Tertium ducebat a prima Olympiade ad sua illius tempora. Hoc autem ideo *Historicum* nuncupabat, quia vetis narrationibus res gestas Scriptores bene multi literis consignassent. Juxta igitur illud locupletissimum *Varronis*, Scriptoris Gentilis, testimonium, post primam duuntaxat Olympiadem (quæ, ut fatentur omnes ad unum Chronologi, septingentis & septuaginta sex tantum annis Natale vulgare Christi Domini anteverit) cœserunt Scriptorum Ethnicorum vera & Historiæ consentanea narrare; Cætera vero, quæ ante primam Olympiadem memorie prodiderunt, anilibus fabulis jure optimo accenseri debent. Dico præterea, ad aniles istalem fabulas alegari debere Historias Ægyptiorum, Assyriorum, Chaldeorum, & aliarum Nationum Orientalium, tum quia densissimis tenebris involvuntur, naniis, antiochis, & ineptis scæant; tum quia etiam se minimam qui-

Quidem veri speciem habet quicquid de fabulosa antiquitate sua jactant Aegyptii, Assyrii, Chaldei, & Sinae, qui, ut gentis suae primordia augustiora redderent, splendida mendacia certatim adomantur, & putidissima obstruunt commenta, quae hic, ne plus nimium contereere tempus videar, non confutabo, sed potius alto silentio praetermittam, utpote indignissima, quae a te, cuique similibus, Christianae Religionis cultoribus, audiantur, sicut merito observat *Ludovicus Vives*, qui mirari se scribit bonas horas a quibusdam in talibus collocari nugis. Non immorabor etiam in refellendo Praadamitarum, seu Chymericorum hominum, qui ante Adamum extiterint, infuslo Systemate, tum quia istud male confarctum Systema, statim ac publicam lucem adspexit, natalitiis tenebris damnatum, dirisque execrationibus fuit ab omnibus proscriptum; tum quia etiam hujus Systematis Auctor, seu *Iaacus Pererius*, natione Gallus, & Calvinistarum Secta, facti tandem penitentis, Romae anno 1657. coram *Alexandro VII.* Pontifice Maximo, palinodiam decantavit, suumque hactenus inauditum Systema, una cum Calviniana haerese, quam cum laete fuxerat & hactenus professus fuerat, ejuravit, atque in sinu Ecclesiae Catholicae constanter perseverans ex hac vita migravit.

D. Putabam sane, hujusce Praadamitarum Systematis Auctorem fuisse aliquem virum incredulum, & ab omni Religione extorrem, nec unquam suspicatus fuisssem, illum esse Christianum, cum quilibet Christianus a teneris annis profiteri tenetur tria praecipua dogmata, quae hoc infestissimo Praadamitarum Systemate penitus convelluntur. In primis, qui semel Christianae Religionis rudimentis imbutus est, credit, ideo omnes omnino homines via ordinaria contrahere peccatum originale, quia omnes homines per generationem propagantur ab Adamo, primo omnium parente, in quo, tanquam in capite morali, erant omnes inclusi; quo fit, ut peccatum Adam non solum ipsi nocuerit, sed ad omnes & singulos homines ab eo descendentes transfundatur. At, haec Christianae Religionis doctrina oppido falsa est, si revera fuissent Praadamitae, idest, si extitissent homines ante Adamum, hi siquidem Praadamitae non contraxissent peccatum originale, utpote qui nec per generationem ab Adamo descendissent, nec in eo, seu in capite morali, fuissent inclusi. Falso itaque doceret Christiana Religio, omnes omnino homines contrahere peccatum originale, si reapse extitissent homines ante Adamum. Praeterea, obstringitur quilibet Christianus credere, Verbum Divinum fuisse incarnatum pro omnibus hominibus, qui, peccato originali cum sint infecti, non aliter, quam per incarnationem Verbi Divini sanari ac reparari poterant. Haec autem Christianae Religionis doctrina falsa itidem esset, si extitissent homines ante Adamum; pro illis siquidem hominibus, qui fuissent expertes peccati originali, Verbum Divinum non esset incarnatum, proindeque falso doceret Christiana Religio, Verbum Divinum pro omnibus omnino homini-

bus esse incarnatum. Denique, Christiana Religio docet, Jesum Christum mortuum esse pro omnibus & singulis hominibus, quia omnes & singuli homines erant mortui in Adamo, indeque Jesum Christum proponit tanquam Redemptorem, Mediatorem & Salvatorem omnium hominum. Haec autem Christianae Religionis doctrina vera esse non posset, si ante Adamum homines extitissent; pro illis quippe hominibus, qui in Adamo non fuissent mortui, Christus mortuus non esset; subinde; dici haud posset eorum Redemptor, Mediator, ac Salvator; falso itaque doceret Christiana Religio, Christum mortuum esse pro omnibus omnino hominibus, eumque Redemptorem, Mediatorem, & Salvatorem omnium hominum. His rationibus permotus, existimabam, hoc Praadamitarum Systema, quo praecipua Christianae Religionis profugiantur dogmata, profutum fuisse non ab homine Christiano, sed a quodam Atheo, omnique Religionis experte. Verum, mitamus, si placet, istud Praadamitarum Systema, quod aperte adversatur Scripturae Sacrae, quae purum putumque Dei verbum est; atque nunc diligenter expendamus omnia, quae spectant naturam & doctes Adam, primi omnium hominum parentis, in statu innocentie constituti. Primo itaque scire velim, quo pacto Adamus fuerit formatus a Deo, & quale corpus habuerit.

M. Adamus, in quo & natura & pacto continebantur omnes, qui ab eo deinceps progeniti fuimus, ex humo formatus est, indeque a Latinis dictus homo; vel (sicut refert Iosephus lib. 1. Antiq. Jud. cap. 2.) a terra rubra dictus est *Adamus*, ex qua, ut ajunt, Adami corpus compactum fuit, quod hoc genus glebe mixtum aqua facilius compingatur, fortiusque conglutinetur. Voluit autem Deus, ut Adami corpus esset eximie robustum, elegans, procerum, & praeclear compactum, ita ut Adami corporis constitutio & temperatura reliquorum omnium corpora aequalitate quadam, ac perfectione, & elegantia prorsus transcendere. Porro, ex ejusdem Adami dormientis latere detractam costam Deus formavit in feminam, dictam *Evan*, quam ei sociam, & adjutricem dedit, quamque ideo ex Adami costis formavit, ut omnium hominum parens esset Adamus, sicque jugis, ac perpetua cognatio & necessitudo inter homines esset, quippe qui ex uno, seu Adamo prodirent omnes, ac propterea & se se mutuo & ardentius quoque amarent, & ad eandem consequendam beatitudinem genitos se esse omnes intelligerent, ad quam Adamus & Eva certo certius ab opifice Deo creati fuerant. Unam autem dumtaxat conjungem uni viro, seu Adamo, junxit Deus, ut quid Republicae, quod alendis liberis, quid unitati, ac paci domus magnopere expediret, palam doceret; aere enim admodum servantur haec, ubi unus vir plures conjuges habet. Sed hic occurrunt duae ab Hebraeis consuetae rejiciende fabulae. In primis, ajunt nonnulli Rabbini, corpora Adami, & Evae tantae proceritatis fuisse, ut vadum Mare pedibus transiverint. Quae quidem fabula adeo illepidia & invenusta est, ut eam retulisse, abunde consutasse sit. Quidam vero

vero alii Rabbinii inepte fabulantur, Adamum corpus biforme a Deo conditum esse, voluntque, Adamum, & Evam creatos esse sicut unam, a tergis, vel dorso conjunctos, postea divisos esse a Deo, qui dimidiam partem accepit, & fuit Eva. Huic fabulæ, quam de suo cerebro fuxerunt Rabbinii, ut aliquam veri speciem conciliare possint, adducunt Scripturæ locum Genesis cap. 1. vers. 27. ubi hæc leguntur: *Ad similitudinem Dei creavit illum*, seu Adamum, *masculum & feminam creavit eos*. Ex quo inferunt, Adamum fuisse conditum a Deo Androginum, seu, ut vulgo ajunt, Hermaphroditum. Verum, ut obiter dicam, hæc fabula crasso non solum filo contexta est, sed etiam aperte repugnat Scripturæ Sacre, quæ disertis verbis docet, solum Adamum creatum esse, cumque non inveniretur ipsi adjutor similis, Deum ex ejus latere costam tulisse, & in mulierem compesuisse; *Non est bonum*, inquit Scriptura Sacra, *hominem esse solum, faciamus ei adjuturum simile sibi*.... *Edificavit Dominus Deus eam, quam tuleras de Adam, in mulierem, & adjuvit eam ad Adam*. Quin & ille Scripturæ Sacre locus, quem in sui absurdi commenti confirmationem adducunt isti Rabbinii, ipsi minime favet, sed potius contra illos evidentissime facit. Si enim Deus Adamum creasset Androginum, certe Moyses non diceret de Adamo: *Ad similitudinem Dei creavit illum, masculum & feminam creavit eos*. Sed dicere debuisset: *Masculum & feminam creavit eum*, seu Adamum. Apagæ ergo ridiculas ejusmodi fabulas, quibus dum indulgent Rabbinii, qui vento & chymæris pascuntur, omnibus se se plenis buccis deridendo propinant. (a)

(a) Inter monstrosa hæc de conditione primi hominis commenta, vel ut honestius dixerim, systemata, illud accenso, quod præsentii hoc sæculo nondum adulto innoxit Philosophus quidam, cujus libet procus est Lucæ anno 1713. hoc inscriptus titulo: *Sacra universale Philosophia dell' Immacolata Concezione di Maria, del Conte Gian Battista Diana Paleologo Consigliero di S.M. Cesarea*. Statuit ille sibi hominem, qua animal est, ex humore, terra, & igne quadam re compingit, ut terra humore aqueo subacta materiam conditori Deo præbuerit: ignem vero illud quidquid est materiam intus penetrans motum minutis ejus particulis indidisset, ut in singula membra atque organa disponentur, aptamque sedem animæ rationali, a Deo latim insudenda, pararet. Porro cum terrarum varia fit natura, alie enim corruptioni magis, alie minus obnoxie, quæ rubra est incorruptibili multo propius accedit, quam & aurum igne dissolutum reddit, eademque antimonii & plumbi vim, cui reliquæ omnes terræ, & metalla cedunt, impavida sustinet. Huic proxime succedit alba, qualis in argento regnat, quæ examen quidam plumbi intacta superat, antimonio tamen cedit. In Adamo rubra precepsit, hinc primi hominis immortalis status; in Eva alba superabat, unde gratior primæ mulieris status. Pomum vetitum humore corruptentis, & atidi comburentis pluvium continens, in Adamum noxias illas qualitates innoxit, quibus infarsa terra ejus infu-

mior effecta est, neque notius compagis dissolutioni impediende amplius valuit. Una supererat arbor vite noxio humori expellendo, reparandique viribus rubentis terræ aptissima. Sed ne eo remedio Adam uteretur obstitit Deus, Adamo e paradiso expulso, atque in ejus colidiorum Angelo substituto, ut regressum tentantem arceret. Quæ dein hoc stabilito fundamento Philosophus noster prosequitur, & quæ tandem ratione evincat immaculatam Deiparæ conceptionem, ne longius sim, prætereo. Videtint docti, num in his meditationibus monstrum aliquid appareat, ex quo inter Rabbinicæ commenta referri mereatur possit.

D. Ex his, quæ mox dixisti, subiit animum scrupulus, quem mihi eximas velim. Evam fuisse a Deo datam conjugem Adamo insinuasti, sed nunc dubius hæreo, utrum Adamus, si in statu innocentie perlicitisset, carnalem copulam cum sua conjugē habiturus esset? & utrum in eodem statu futuræ essent nuptiæ, quæ carnalem hominum propagationem per maris cum semina congressum facerent? Cum enim ejusmodi nuptiæ inhonestum libidinis ardorem, & nimum concupiscentiæ æstus importent, videtur mihi, eas in hoc felicissimo innocentie statu locum habere minime potuisse. Explica itaque, si placet, quo pacto in statu innocentie (si ex eo per peccatum non excidisset Adamus) fuisset genus humanum sive per Adamum, sive per ejus posteros multiplicatum.

M. Adamum in statu innocentie (si in eo perseverasset) congressum ad procreandos filios cum sua conjugē habiturum, futuramque in eodem innocentie statu nuptias, quæ carnalem hominum propagationem maris cum semina consortium facerent, sententia est Sancti Augustini lib. 9. in Genesim cap. 2. 6. & 7. cui S. Thomas Iprimæ Partis sue Summæ Tripartitæ quæst. 98. Art. 1. & 2. omnesque Theologi adhaerent. At enim, frustra Deus diicrimen sexuum ante peccatum scisset, & utrique parenti organa incausum exhibuisset, quibus generare possent, si in statu innocentie genus humanum aliter quam per generationem, & maris cum semina coitum multiplicari potuisset. Nec ratio ulla pariter, ut eorum usus ante peccatum possibilis non esset, cum exigat naturæ ordo, ut in quavis genitura virtus activa & passiva simul existant, simulque coeant, quantum prior in mare, posterior in femina est. Ad hæc, quorum Moyses cap. 1. Geneseos commemorat, Deum fecisse unum hominem marem, & deinde feminam, ac utrique hanc suam benedictionem dedisse: *Crescite, & multiplicamini, & replete terram*, nisi ut evidens faceret, utrumque, scilicet Adamum & Evam, naturæ, atque adeo dono Dei, procreationem appetere, ac subinde futuras fuisse in eo statu felicissimo honorabiles nuptias, & totum immaculatam, nullam autem in eo futuram seditatem, nullam turpitudinem, nullumque genitalium motum non a ratione, & a voluntate hominis præscriptum, nullum inhonestum libidinis ardorem, nullum concupiscentiæ impetum, quia turpitudinem omnem, omnemque intemperantiam peccatum innoxit, sicut & ebrescentiam, quam non fuisse ante peccatum palam facit Moyses cap. 2.

lib. Genesios, v. 25, dicens: *Erat autem uterque nudus, Adam scilicet & uxor ejus, & non erubescerant.* Quæ verba explicans S. Augustinus lib. 14. de *Civitate Dei* cap. 26. hæc habet: *Inter se (idest Adam & Evam) fida ex honesto amore societas. In tanta facilitate verum, & felicitate hominum, absit ut suspicemus non potuisse prolem fieri sine libidinis morbo, sed eo valentius nati moverentur illa membra, quo cetera: & sine ardoris illecebroso stimulo, cum tranquillitate animi & corporis, nulla corruptione integritas infunderetur gremio maritus uxoris.* Non ageret turbidus calor, sed spontanea potestas, sicut opus est, adhereret. Ut enim ad pariendum non doloris gemitus, sed maturitatis impulsus feminea viscera relaxaret; sic ad fetendum, & concipiendum, non libidinis appetitus, sed voluntatis usus naturam utranque conjungeret. Procrearent igitur Adamus & Eva filios, si in statu innocentie persistissent, non quidem ad conservandam simpliciter speciem, quoniam filii, quos genuissent, dono justitiae originalis immortales evasissent, sed ad eam in hoc sensibili Mundo conservandam, quoad parentes in caelestem patriam vivi conscenderent; & rursum ad augendam prolem in Dei cultum & maiorum salutem; denique, ut primi parentes nostri vitam in terris feliciter ducerent, quæ certe minus suavis, & minus jucunda illis fuisset absque societate & prole. Hinc, si persistisset felicissimus innocentie status, futura fuissent in eos urbes, pagi, donus, atque adeo economica, Politica, cæteraque honestæ Disceplinae & Artes. Nec solum in eo statu innocentie fuissent quanti mares, verum etiam natæ essent feminae, tunc quia feminae, non sicut ac mares, ad electos pertinent, quorum numero & integritati cum primis consilere voluit Deus, dum dixit primis parentibus: *Crescite, & multiplicamini, & replete terram:* tum quia etiam uterque sexus pertinet ad integritatem & perfectionem speciei humane. Quamquam enim (ut docet S. Thomas 1. p. quæst. 92. art. 2. ad 1. & quæst. 99. art. 2. ad 1.) femina dicatur *mar* occasione naturæ, quia est præter intentionem naturæ particularis, utpote quæ occasione potius ac imbecillitate virtutis feminis, quam ex intentione naturæ particularis, nascatur; non generatur tamen femina præter intentionem naturæ universalis, quia, ut ibidem ait Doctor Angelicus, *femina est de intentione naturæ ad opus generationis ordinata; intentio autem naturæ universalis pendet ex Deo, qui est universalis auctor naturæ.*

D. Unum circa productionem corporis Adami, & Evæ superest mihi dumtaxat proponendum Dubium, cur scilicet Deus sic corpus Adami, & Evæ formaret ac disposuerit, ut statum habeat rectum, & os sublime in caelum, dum tamen alia animalia caput habeant in terram primum?

M. Hic corporis hominis status, orisque figura declarat (teste *Laetantio lib. de ira Dei* cap. 7.) non esse homines cum pecudibus aequales. Illarum quippe natura in humum, pabulumque prostrata est, nec habet quidquam commune cum Cælo, quod non intuetur. Homo autem recto statu, ore sublimi ad contemplationem Mundi excitatus confert cum Deo vultum, & rationem ratio cognoscit. Sed quatuor alias rationes suppeditat Sanctus

Thomas 1. part. quæst. 91. artic. 3. ad 3. quibus egregie probat, convenientes esse, ut corpus hominis habeat statum rectum, quasque, uberioris explanationis ergo, hic inferere non pigebit. Primo, convenientes est, ait Angelicus ille Doctor, ut corpus hominis habeat statum rectum, quia sensus sunt dati homini non solum ad vitam necessariam procurandam, sicut & aliis animalibus, sed etiam ad cognoscendam; unde, cum cætera animalia non delectentur in sensibilibus nisi per ordinem ad cibum & veneream, solum homo delectatur in ipsa pollicitudine sensibilibus secundum se ipsam: & ideo, quia sensus præcipue vigent in facie, alia animalia habent faciem pronam ad terram, quasi ad cibum querendum, & providendum sibi de victu. Homo vero habet faciem erectam, ut per sensus (& præcipue per visum, qui est subtilior, & plures differentias rerum ostendit) libere possit ex omni parte sensibilia cognoscere, & celestia & terrena; ut ex omnibus intelligibilem colligat veritatem. Secundo, ut interiores vires liberioris suæ operationis habeant, dum cerebrum (in quo quoadmodum perficiuntur) non est deorsum, sed super omnes partes corporis elevatum. Tercio, quia oporteret, si homo haberet pronam figuram, quod uteretur manibus loco anteriorum pedum, & situtius manuum ad diversa opera perficienda cessaret. Quarto, quia, si haberet pronam figuram & uteretur manibus loco anteriorum pedum, oporteret quod cibum caperet ore, & ita haberet os oblongum, & labia dura, & grossa, & linguam etiam duram, ne ab exterioribus laderetur, sicut patet in aliis animalibus: Et talis dispositio omnino impediret locutionem, quæ est proprium operationis. Hæc sunt causæ, ob quas, juxta S. Thomam, homo habet statum rectum; dum cætera animalia caput habent inclinatam ad terram.

D. A productione corporis Adami transitum nunc faciamus, si placet, ad dotes, quibus Deus ejus animam exornavit, & in primis, exponas velim, quo in sensu intelligenda sint hæc verba, quæ Deus, antequam formaret hominem, protulit, dicens: *Faciamus hominem ad imaginem & similitudinem nostram?*

M. Hominem factum esse ad imaginem & similitudinem Dei, una est omnium Sanctorum Patrum, & Scripturæ Sacre Interpretum sententia. Sed in quo sita sit illa Dei imago homini impressa? variae referuntur interpretationes. Prima est, quod hominis anima incorporea, immaterialis, & spiritalis sit. In hoc imaginem Dei collocat Sanctus Augustinus. Secunda est, quod anima æterna sit & immortalis, sicut & ipse Deus. In hoc imaginem Dei, ad quam factus est homo, reponit Origenes. Tertia est, quod anima sit intellectu, voluntate & memoria prædita. Et in eo sensu hominem ad imaginem Dei factum esse censet S. Joannes Damascenus. Quarta est, quod hominis anima sit liberi arbitrii. Et sic ad imaginem Dei formatum esse hominem docet S. Ambrosius. Quinta est, quod sit capax sapientie, societatis, Religionis, virtutis, gratiae, & beatitudinis. Et in hac capacitate imaginem Dei, ad quam factus est homo, constituit S. Gregorius Nyssenus. Sexta est, quod homo cunctis animalibus sit præstate præsit & dominetur. Sic sentit S. Basilus. Septima est, quod sicuti Deus Pa-

ter, seipsum cognoscens, producit Verbum Divinum per intellectum, & se amando producit per voluntatem Spiritum Sanctum: ita homo, intelligendo se, producit in mente sua Verbum intelligibile, sui ipsius expressum, sibi quæ simile, atque inde procedit in voluntate ejusdem amor. Sic enim homo habet in se imaginem Sanctissimæ Trinitatis. Ita imaginem Dei impressam homini explicat S. Augustinus lib. 10. de Trinitate c. 10. & lib. 14. cap. 11. cui subscribit S. Thomas 1. part. quæst. 92. art. 8. Postrema interpretatio est: quod homo factus sit ad imaginem Dei, quia homo conditus est in Gratia sanctificante, per quam divinæ factus est consors naturæ.

D. Estne Dogma Fidei, Adamum conditum fuisse in Gratia sanctificante?

M. Quamvis probabilissimum sit, Adamum fuisse conditum in Gratia sanctificante, sicut post San-ctum Augustinum docet Sanctus Thomas in 2. Sent. distinct. 29. quæst. 1. art. 2. perperam tamen *Janfenius*, Irenæus Episcopus, lib. *De Gratia primi hominis, & Angelorum* cap. 1. asserit, Dogma Fidei esse, Adamum in Gratia sanctificante conditum fuisse, idque in controversiam amplius revocari haud posse, sed tanquam ab Ecclesia definitum, & Fide certum supponit. Id, inquam, falso asserit *Janfenius*, tum quia nec in sacris literis aperte continetur, nec in sacris Conciliis definitum unquam fuit, nec ex Sanctorum Patrum Operibus evidenter colligi potest, Adamum conditum fuisse in Gratia sanctificante. Id etiam Celeberrimi Theologi, & de Fide optime meriti, non solum in dubium vocantur, sed etiam negant, quos inter censetur *Hugo à S. Victore* lib. 1. *De Sacramentis* par. 6. c. 17. Magister Sententiarum lib. 2. distinct. 24. S. *Bonaventura* in 2. Sent. distinct. 29. art. 2. quæst. 1. Quibus addi debent *Alexander de Aleis* in Summa, 2. parte quæst. 96. membro 1. *Scotus* in 2. Sent. distinct. 29. Quæst. unica, & alii, quibus referendis superselece. Dogma igitur Fidei non est, Adamum fuisse conditum in Gratia sanctificante, aliqui doctissimis illis Theologis, mox à me laudatis, qui in contrarium abierunt sententiam, hæreseos nota inurenda esset. Quod sane nemo Catholicus dicere audeat. Ab hoc itaque *Janfenius*, & aliorum, qui ei hac in parte adimplantantur, errore cavere debes, & duo, quæ certissima sunt, & omnibus Theologis probantur, constanter propugnare. Primo, certissimum est, Adamum habuisse, antequam laboretur in peccatum, dona quædam spiritualia, scilicet sanctitatem & iustitiam, quæ sunt effectus Gratiæ sanctificantis, eumque peccando hæc dotes amisisse, sicut docent omnes ad unum Sancti Patres, idque defini-vit Synodus Generalis Tridentina Sessione 1. Can. 1. his verbis: *Si quis non confiteatur, primum hominem Adamum, cum mandatum Dei in Paradiso fuisse transgressum, statim & iustitiam, in qua fuerat constitutus, amisisse, anathema sit.* Et sessione 8. cap. 17. statuit eadem Sancta Synodus, Christianos accipere in Baptismo primam solam, idest, veram & Christianam iustitiam, pro illa, quam Adamus sua inobedientia sibi & nobis perdidit, ipsis per Christum donari. Evidens porro est, ju-

stitiam, & dona, quæ in Baptismo accipimus, esse spiritualia & supernaturalia, per quæ ad spirituales finem, seu ad vitam æternam consequendam instituitur, & ordinatur. Secundo, apud omnes Theologos in confesso est, Adamum non fuisse conditum in statu naturæ puræ, quia nullum dubium est, quin immortalitas status innocentie fuerit Donum supernaturale; at certum est ex Sacris Scripturis, & perpetua Sanctorum Patrum traditione, Adamum, primum omnium parentem, factum esse immortalem: *Grævis Deus hominem inextinguibilem*, Sapientis cap. 2. Quo fit, ut temerarius jure optimo audiret ille, qui diceret, Adamum fuisse conditum in statu naturæ puræ.

D. Quid sibi vult iste status naturæ puræ, in quo ais, Adamum minime conditum fuisse?

M. Quo facilius intelligas, in quo situs sit status naturæ puræ, advertere debes, octo à Theologis distinguî naturæ humanæ status. Primus est status naturæ puræ; alter est status naturæ integræ; tertius est status naturæ innocentis; quartus, est status naturæ lapse; quintus est status naturæ lapse ante Legem Moisaicam; sextus est status naturæ lapse sub Lege Moisaica; septimus est status naturæ lapse sub Lege Evangelica; octavus est status in pace, seu in æterna Beatitudine. Nunc breviter exponam, in quo potissimum sistant octo illi naturæ humanæ status. Et primo quidem, status naturæ puræ nihil aliud est, quam conditio naturæ humanæ sine peccato & sine gratia. In hoc statu naturæ puræ si homo fuisset à Deo conditus, miseris omnibus fuisset obnoxius, quas in hac vita mortali experiri, non tamen concupiscentiam rationi per-duellem habuisset, quia concupiscentia, quæ non subiacet rationis imperio, inest homini contra naturam, &que homini dimitatur naturalis, in quantum subditur rationi, quæ luculentissime docet Sanctus Thomas 1. 2. quæst. 82. art. 3. ad 1. In statu autem naturæ puræ nihil rationi in suis facultatibus contrarium sensisset homo, cum in illo etiam creatus his dotibus instructus universis, quæ naturæ humanæ consentaneæ essent. Status naturæ integræ est conditio naturæ humanæ suis dotibus absolute & perfecte, nullique miseris obnoxia. In hoc statu homo scientiarum naturalium & virtutum moralium apparatus esset instructus, à morbis vero & moriendi necessitate immunis. Status naturæ innocentis est conditio naturæ humanæ iustitia originali prædite, addit autem iustitia originalis ad integritatem naturæ gratiam sanctificantem, uberrimam illam quidem & perfectissimam, cujus beneficio non solum ratio hominis perfecte subdebatur Deo, sed etiam ejus voluntas subiciebatur rationi, voluntati appetitus sensitivus, & corpus animæ. Status naturæ lapse est conditio naturæ humanæ peccato Adami, quod in omnes posteros per generationem propagatum est, inquamque Status naturæ humanæ lapse ante Legem est ille status, qui exordium habuit immediate post peccatum Adami, & perduravit usque ad Legem scriptam, seu Moisaicam. In hoc statu homines vixerunt sine ulla Lege scripta, solam habentes Legem naturalem in eorum cordibus insculptam, sed multum, ob peccata, quibus se subdebant,

obscuratam. Status naturæ lapſæ ſub Lege Moſaica eſt ille ſtatus, in quo fuit Republiſca Iudeorum a tempore Legis Moſaice uſque ad adventum Jeſu Chriſti, Servatoris noſtri. Status naturæ humanæ ſub Lege Evangelica, eſt ille ſtatus, qui aſpicitur ab adventu Jeſu Chriſti, & perſiſtat uſque ad finem Mundi. Quamvis autem homo in hoc ſtatu ſub Lege Evangelica per Gratiam Sanctificatorem perfectè ſanetur quantum ad mentem, remaneat tamen infirmitas quantum ad carnem, per quam propendat ad peccatum, ut docet S. Thomas. Denique ſtatus hominis in pace eſt ille, qui (ut inquit Sanctus Auguſtinus in Enchiridio ad Laurentium cap. 118.) poſt hanc vitam in requie ſpiritus, deinde etiam in reſurrectione carnis implebitur. Habes nunc compendioſam notiſſimam ſtatu naturæ puræ, & omnium ſtatuum naturæ humanæ.

D. Ex ea, quam mox tradidiſti, notiſſima ſtatu naturæ puræ, facile nunc intelligo, non ſolum in eo ſtatu Adamum non fuiſſe conditum, ſed nec in eo poſuiſſe a Deo creari. Status quippe naturæ puræ, ut mox dicebas, ille eſt, in quo homo fuiſſet obnoxius miſeris corporis, ideſt, morbis, & morti abſque ullo peccato præcedente. At videtur proſus impoſſibile, ut Deus, qui juſtus eſt, velit hominem condere eo in ſtatu, in quo, abſque ullo præcedente peccato, iſſidem miſeris, morbis & morti homo eſſet addiſtus, quas nunc in ſtatu naturæ lapſæ, ob peccatum originale, quod in Adamo contraximus, juſte patimur. Sub juſto ſiquidem Deo neminem innocens miſer eſſe poſſet.

M. Siſte, precor, video enim te a recta via deſectere, ad quam te reducam neceſſe eſt. Dum dicis, Adamum in ſtatu naturæ puræ non fuiſſe conditum, recte ſtatis. At, dum aſſeris, proſus impoſſibile eſſe, ut Deus Adamum in ſtatu naturæ puræ crearet; a vero quam longiſſime recedis. Hic enim iſtiſſimus eſt error Cornelii Janſenii, Episcopii Ipreſis, qui in tribus libris, quos edidit, *De ſtatu naturæ puræ*, totus eſt ut probet, ſtatum naturæ puræ eſſe proſus impoſſibilem, Deumque fore injuſtum, ſi hominem in ſtatu naturæ puræ condidiſſet, in quo (nullo præcedente peccato) iſſidem miſeris, morbis, & morti ſubjaceret, quibus nos in præſenti ſtatu naturæ lapſæ, propter peccatum originale ſumus obnoxii. Verum, hunc Janſenii errorem, quem præſermaverat Michael Bajus, proſecraverant Romani Pontifices Sanctus Pius V. Gregorius XIII. Urbanus VIII. & Innocentius X. dum iſtas duas Michaelis Bajii Propositiones damnavant, quarum prior, quæ ordine eſt vigeſima ſecunda, hiſ verbis concepta eſt: *Humana natura ſublimata, & exaltata in conſortium naturæ divinæ debita ſuit integritati primæ conditionis*. Altera vero Propoſi-

tionis, quæ eſt in ordine 55. ſic habet: *Deus ab initio non potuit talem creare hominem, qualiſ nunc naſcitur*. Has Michaelis Bajii Propositiones, quas in tribus libris de ſtatu naturæ puræ recoxit Janſenius, & quæque ſtatu naturæ puræ poſſibilitatem plane evertunt, dum conſecerunt mox a me laudati Summi Pontifices, ſtatu naturæ puræ poſſibilitatem agnoverunt. Hiſ Summorum Pontificum definitionibus aperte adſtruitur doctrina Sancti Thome, qui Quodlibeto primo, quæſt. 4. art. 3. hæc ſcribit: *Poſſibile fuit Deo hominem faceret in puris naturalibus*, ideſt, nullis inſtrumentis donis gratuitis, ſeu ſupernaturalibus, ac ſubinde in ſtatu naturæ puræ. Et in libro 2. Sent. diſtinct. 21. quæſt. 1. art. 2. ad 3. difficultatem, quæ tibi circa ſtatu naturæ puræ poſſibilitatem facieſcit negotium, pleniffime diluit idem Doctör Angelicus hiſ verbis: *Potera Deus a principio quando hominem condidit, etiam alium hominem ex limo terra formare, quem relinqueret in conditione ſue naturæ, ut ſcilicet mortalis & poſſibilis eſſet . . . in quo nihil humane naturæ derogaretur, quia hoc ex principiis naturæ conſequitur; non tamen iſte defectus in eorum rationem culpæ & pænæ habuiſſet, quia non per voluntatem iſte defectus cauſatus eſſet*. Idem inculcat Sanctus Doctör 1. part. quæſt. 74. art. 5. ad 1. dicens: *Corpus hominis ante peccatum immortalis fuit non per naturam, ſed per gratia donum*. Quam doctrinam hauſit Sanctus Præceptor ex S. Auguſtino, qui libro 2. de Genefi ad litteram cap. 15. ait: *Poſſe non mori, præſtabatur Adamo de ligno vitæ; non de conſtitutione naturæ: mortalis ergo erat conditione corporis animalis; immortalis beneficio conditoris*. Homo itaque, juxta illos Sanctos Patres, ſi in ſtatu naturæ puræ conditus fuiſſet, perſenſiſſet miſeris & mortem, quas nunc patimur in ſtatu naturæ lapſæ, cum hoc tamen diſcrimine, quod in ſtatu naturæ puræ, ſi exitiſſet, miſeria, & mors non habuiſſent rationem pænæ, cum in eo ſtatu nulla culpa, nullum peccatum, propter quod Deus hominibus pœnas infligit, fuiſſet ſupponatur, ſed fuiſſent meri defectus conſequentes hominis in ſtatu naturæ puræ conditionem, cujus natura fuiſſet paſſibilis & mortalis, non ſecus ac miſeria & mors, quas patiuntur bellæ, ſunt naturales defectus conſequentes earum naturam, quæ paſſibilis ac mortalis eſt, ſed pœnæ dici haud poſſunt, cum pœnæ non infligantur a Deo niſi ob præcedens peccatum, cujus capaces bellæ eſſe non poſſunt. At vero, in ſtatu naturæ lapſæ, miſeria & mors, quibus ſumus obnoxii, ſunt pœnæ peccati originalis, ſeu primigeniæ culpæ Adami, primi omnium parentis, qui, excidendo e ſtatu innocentie, immortalitatem, quam a Deo acceperat, perdidit, & peccando violavit paſſum, quo ſanxerat Deus, immortalitatem, ei conceſſam, in poſteros illius tranſlatum iri, niſi ipſe in peccatum laberetur, & juſtitia originalis, ſibi, poſterique ſuis jaſturam faceret. Hac autem ſemel de lapſu Adami e ſtatu innocentie ſuppoſita hypotheſi (quam Scriptura Novi ac Veteris Testamen-

ti, perpetuaeque Sanctorum Patrum Traditio confirmant) liquet, Deum immortalitatis beneficium, immunitatem a miseriis, & iustitiae originalis donum subtraxisse Adamo, & posteris ejus in poenam peccati, quo se primus ille homo, omnique alios homines, ex ipsius semine natus, reos fecit, ac proinde miserias, quas nunc patimur, esse poenas peccati originalis. Hinc est, quod S. Augustinus, alique Patres, qui disputant contra Pelagianos, peccatum quidem originale negantes, sed tamen ultro admitterentes hanc hypothesein de lapsu Adam ex innocentiae statu, quam, multis Scripturae Sacrae cum Veteris, tum Novi Foederis testimoniis stabilitam, incitari non poterant; contra illos, inquam, Haereticos Pelagianos disputantes S. Augustinus, alique Patres invicem probantur, mortem, miserias, & calamitates, quibus nunc obnoxii sunt homines, esse poenas peccati originalis, seu culpa Adam, primi omnium hominum parentis, quia cum Deus sit iustus, & neminem puniat, nisi ob praecedentem culpam, nunquam profecto immortalitatis beneficium, ab omnibus miseriis immunitatem, iustitiam originalem, aliaque dona gratuita, quae testante Scriptura, Adamo concesserat, & in ejus posteros transmitti debebant, si Adamus non peccasset, haec, inquam, omnia Dona supernaturalia nunquam Deus Adamo, ejusque posteris ademisset, nisi Adamus peccasset, & in poenam peccati, sibi, suisque posteris, omnia illa dona supernaturalia amisset. Quamobrem Apostolus Paulus Epist. ad Romanos cap. 5. ait, *Per unum hominem, idest, Adamum, peccatum in hunc Mundum intravit, & per peccatum mors, & ita in omnes homines mors pertransiit, in quo omnes peccaverunt.* (a)

(a) Quamquam, fateor, optimis argumentis fuscari sententiam admittentem in Deo potestatem creandi naturam puram omni Dei gratia destitutam, non est tamen cur censura aliqua notemus oppositae sententiae assertores, illulres illos plane, & summe inter Theologos auctoritatis, sicut & dignitate conspicuos, quos inter eminet Cardinalis Norisius, ceterique, quos longiori ordine perceriset Theologus nostra aetate doctissimus P. Joannes Laurentius Berti Eremitani ordinis Lumen in suo opere de Theologicis disciplinis tom. 2. lib. xxi. cap. 111. in additamentis, his verbis: *itaque ab omni placito, qui pura natura statum putatus esse impossibilem, non erit penitus recordandum: pugnavit enim pro hac sententia Theologi in Augustinum studiosissimi Norisius, Garvadius, Belliellus, Lufosse, Clementi, Passavanti, Rollieri, Levanienfieri Augustiniani, reliqui omnes.* Idem tamen clarissimus Theologus hanc sententiam temperamento aliquo lenit ex S. Thoma in iv. contra Gent. cap. 52. inferens: non posse creaturam rationalem sine culpa subijci morti, ceterisque animi, corporisque miseriis. Quibus ex verbis discas ita hominem condi a Deo posse in statu purae naturae, ut animi corporisque aeternae non submitteretur.

D. Nullam amplius circa possibilitatem flammatae naturae purae difficultatem patior. Nam, cum immortalitas, & Gratia sint beneficia homini indubitata, nihil dubii est, quin Deus, si voluisset, hominem condere posset in statu naturae purae, & in eo illum relinquere, juxta naturae humanae conditionem, passibilem & mortalem. Sed uberius, quae te, expone nunc, quid sit illa justitia originalis, qua Adamum, antequam peccaret, fuisse donatum, paulo ante observavi.

M. Per iustitiam originalem, quam habuit Adamus ante peccatum, intelligitur relictio & ordo totius hominis, & omnium ejus facultatum, tam inter se, quam respectu suorum actuum. Haec autem iustitia dicitur *originalis*, quia homini ab origine a Deo indita est, eamque nisi peccasset, ad omnes posteros transmisisset, non quidem vi seminis, sed beneficio Dei, qui hoc caeleste Donum in generatione simul cum anima infudisset. In tribus autem potissimum sita erat haec iustitia originalis. Primo, in subiectione mentis hominis ad Deum, quae subiectio perfectissimum Legis ejus notitiam, & plenam cognitae Legis involvebat obedientiam, ita ut hoc in felici statu constitutus homo vere dicere posset: *Mibi adhaerere Deo bonum est.* Secundo, sita erat iustitia originalis in partium animae inferiorum, videlicet concupiscentiae, & irascens appetitus, perfecta subiectione respectu Regiminis rationis, quae supremo & absoluto imperio potiebatur. Denique, sita erat iustitia originalis in obsequio, seu subiectione corporis ad animam, sicut dilucide explicat S. Thomas 1. parte quest. 95. art. 1. Haec autem trina subiectio, promanans & iustitia originali, efficiebat, ut primi parentes nostri, in statu innocentiae constituti, nullis interioribus superbie temptationibus agitantur, nulla cupiditate, inordinative motibus moverentur ad violandum Dei preceptum, nullo dolore vel timore athererent, sed summa tranquillitate fruerentur, juxta ad Deum amore anhelarent & omne peccatum vitarent, sicut S. Augustinus lib. 14. De Civitate Dei cap. 10. testatur his verbis: *In illo statu erat devotio tranquilla peccati, qua memento, nullum malum omnino esse poterat.* Docet etiam S. Thomas 1. 2. quest. 89. art. 3. primos parentes nostros in statu innocentie non potuisse peccare venialiter, antequam peccarent mortaliter per internam elationem. Et 1. part. quest. 94. art. 4. postquam probavit, Adamum in statu innocentiae decipi non potuisse, in responsione ad primum sibi propositum argumentum haec habet: *Dicendum, quod seductio mulieris, seu Eve, etsi praecesserit peccatum operis, subsecuta tamen est peccatum internae elationis (quod fuit mortale) Dicit enim Augustinus lib. 11. de Genesi ad litteram cap. 30. quod mulier verbis superantis non crederet, nisi iam inisset menti ejus amor propriae potestatis, & quaedam de se superbia presumptio.*

D. Crassiori, si placet, minerva expone, cur primi parentes nostri in statu innocentiae non potuerint venialiter peccare, antequam peccarent mortaliter. Id quippe, ut candide fatear, necdum satis

fatis intelligo. At enim, iustitia originalis in statu naturæ innocentis mentem primum parentum nostrorum non perfectus Deo subiciebat, quam Gratia sanctificans in statu naturæ lapse mentem hominum iustorum Deo subiciat; atqui tamen Gratia sanctificans in statu naturæ lapse non impedit, quominus iusti interdum libantur in peccatum veniale: quidni igitur cum iustitia originali, qua primi parentes nostri in statu innocentie erant instructi, coherere potuit veniale peccatum? Par enim videtur utrobique ratio.

M. Falleret. Iustitiam originalem in statu naturæ innocentis inter & Gratiâ sanctificantem in statu naturæ lapse non est par utrobique ratio. Iustitia quippe originalis in statu innocentie triplicem habebat effectum. Primarius effectus iustitiæ originalis erat mentem primum parentum nostrorum subijcere Deo, illisque Deo gratos & amicos facere; & hunc primarium effectum, quem iustitia originalis in statu innocentie producebat, restituit hominibus in statu naturæ lapse Gratia Sanctificans, quæ datur in Sacramentis Baptismi & Pœnitentiæ, homines facit Deo gratos & amicos, eorumque mentes subicit Deo. At effectum alterum iustitiæ originalis, per quem vires inferiores primum parentum nostrorum perfecte subiciebantur rationis imperio, & tertium itidem effectum iustitiæ originalis, per quem corpus Adam, & Evæ obsequiebantur animæ; utrumque, inquam, secundarium illum iustitiæ originalis effectum hominibus in statu naturæ lapse non restituit gratia Sanctificans. Quo fit, ut etiam in iustis, qui in statu naturæ lapse gratia Sanctificante præditi sunt, nonnunquam eorum rationis vigilantiam anteverrant motus inordinati appetitus lententis, qui, rationi cum subditi non sint, peccata sunt venialia, quæ in statu innocentie locum habere haud potuissent, quia iustitia originalis vires inferiores in primis parentibus nostris perfecte rationi, & corpus subiciebat animæ. Hoc discrimen, quod interest iustitiam originalem in statu innocentie inter & Gratiâ Sanctificantem in statu naturæ lapse recte explicat S. Augustinus lib. de *Corruptione & Gratia* cap. 11. his verbis: *Ille, seu Adamus, non opus habebat eo adiutorio, quod implorant ipsi* (scilicet homines etiam iusti in statu naturæ lapse) *cum dicunt: Video aliam Legem in membris meis repugnantem Legi mentis meæ, & captivantem me in lege peccati, quæ est in membris meis: infelix ego homo, qui me liberabit de corpore mortis huius? Gratia Dei per Jesum Christum Dominum nostrum. Quoniam in eis caro concupiscit adversus spiritum, & spiritus adversus carnem, atque in tali certamine laborantes, ac periclitantes, dant sibi propugnandi, vincendique virtutem, per Christum gratiam poscunt. Ille vero, seu Adamus, nulla tali rixa a se ipsa adversus se ipsum tentatus aque turbatus, in illo beatissimis loco sua secum pace fruebatur. Et lib. de Civitate Dei cap. 14. hæc de primis parentibus nostris habet Aquilinus ille Doctor: *Quam igitur felices erant primi illi homines; & nullis agitabantur perturbationibus animarum, nullis corporis ladebantur incommodis**

dis. Idemque repetit cap. 26. ejusdem Libri, dicens: Summa erat in carcer (Adam & Evæ) *sanctas, in animis vera tranquillitas: sicut in Paradiso nullus erat effus vel frigus, sic etiam in ejus habitatore nulla ex cupiditate, vel timore decedebat bonæ voluntatis offensio, nihil omnino triste, nihil erat iniquiter letum, gaudium enim perpetuabatur ex Deo, in quem frangebatur charitas ex corde puro, patientia bona, & Fide non fissa. Confule etiam Doctorem Angelicum in 2. lib. Sent. distinct. 32. qu. 1. art. 2. ad 2. ubi ostendit, Gratiâ Sanctificantem in statu naturæ lapse vires inferiores hominis non perfecte subijcere rationi, nec ejus corpus animæ; sicut iustitia originalis in statu innocentie perfectissime subiciebat.*

D. Propria experientia, heu nimium! agnosco discrimen istud, quod iustitiam originalem in statu innocentie inter & Gratiâ Sanctificantem in statu naturæ lapse mox indicasti. At, optarem, ut duo Dubia, quæ nonnihil exhibent mihi negotii, eadem brevitate dirimeres. Primum est: an (facta hypothesi, quod Adamus in statu innocentie perseverasset) homines nati fuissent cum iustitia originali, & in ea essent confirmati? Alterum Dubium est: utrum (facta eadem hypothesi) pueri nati essent in scientia perfecti, & statim, ac prodierunt ex utero matris, habuissent perfectam rationis usum?

M. Certum est (si Adamus perstitisset in statu innocentie) homines nascituros cum iustitia originali, quæ erat accidens consequens naturam speciei, seu donum, non solum Adamo, sed toti naturæ humanæ datum. Nam, cum naturaliter homo generet sibi simile secundum speciem, necesse fuisset, ut in statu innocentie, in quo non fuisset error in operatione naturæ, pueri, qui nati fuissent, assimilarentur Adamo, primo omnium parenti, in iustitia originali, quæ erat donum toti naturæ humanæ a Deo datum. *Es hoc apparet, inquit S. Thomas 1. part. qu. 100. art. 1. quia opposita sunt unius generis: peccatum autem originale, quod opponitur iustitiæ originali, dicitur esse peccatum naturæ. Unde traducitur a parente in posterum: Et propter hoc, etiam filii (in statu innocentie) parentibus assimilati fuissent quantum ad originale iustitiæ, id est, nati fuissent in iustitia originali. Advertit tamen idem S. Doctor in responsione ad secundum argumentum ejusdem articuli, iustitiam originalem non fore in statu innocentie gratiam naturalem, quia non fuisset transmissa per virtutem seminis, sed fuisset collata hominibus statim cum habuissent animam rationalem, sicut etiam statim cum corpus est dispositum insensibilem a Deo anima rationalis, quæ tamen non est ex traduce. Pueri igitur in statu innocentie nati quidem fuissent in iustitia originali, sed in ea non essent confirmati, quia homines, ut docet Angelicus Doctor 1. part. qu. 100. art. 2. non possunt in iustitia & gratia confirmari nisi per claram & intuitivam divinæ essentiz visionem, quæ dumtaxat post hanc vitam haberi potest. Porro, nec Adamus in statu innocentie potius est visione essentiz Dei, nec, si in eo perseverasset, ipsius potius, quamdiu vixisset, apertam Dei visionem habuisset: non fuissent ergo pueri in statu in-*

nocentiz confirmati in iustitia originali: *Si itaque Adamus non peccasset, non generaliter quidem ex se filius geberne, ita scilicet, quod ab ipso contraheretur peccatum, quod est causa geberne, posset tamen fieri filius geberne per liberum arbitrium peccando: vel si filius geberne non fieret per peccatum, hoc non esset propter hoc, quia esset in iustitia confirmati, sed propter divinam providentiam, per quam a peccato conservaretur immunes.* Sunt verba S. Thome in responsione ad primam objectionem sibi propositam in art. 2. quæst. mox citatæ. Quod spectat alterum, quod proposuisti, Dubium, utrum videlicet pueri in statu naturæ innocentis fuissent in scientia perfecti? Respondeo cum eodem Sanctissimo Præceptore 1. part. quæst. 101. art. 1. quod *pueri in statu innocentie non nascerentur perfecti in scientia, sed eam progressu temporis absque difficultate acquisivissent inveniendo, vel addiscendo.* Habuissent tamen pueri in statu innocentiz, ut ibidem ait S. Thomas, scientiam, quæ eis conveniens fuisset secundum tempus illud, quæque fuisset sufficiens ad dirigendum eos in operibus iustitiæ, in quibus homines diriguntur per principia juris naturalis, quorum, & aliorum universalium principiorum notitiam multo plenius tunc habuissent, quam nunc naturaliter habemus. Similiter etiam, pueri, qui nati fuissent in statu innocentiz, non habuissent statim perfectum usum rationis, sicut habuissent erant in ætate perfecta; habuissent tamen perfectiorem quam nunc, quantum ad opera puerilia, quæ ad eos pertinebant, & quantum ad statum illum, sicut explicat S. Thomas 1. p. q. 102. art. 2. Denique in statu innocentiz pueri, recens nati, non habuissent sufficientem virtutem ad movendum membra ad quoslibet actus, propter cerebri humiditatem, sed ad actus, dumtaxat pueritiz convenientes, puta ad sugendum ubera, & ad alia huiusmodi. Quæ de re legis sæpius jam a me laudatum Doctorem Angelicum 1. part. q. 99. art. 1.

D. Doctrinam S. Thome summa, quæ par est, veneratione prosequor, eique, ceu sacre anchoræ, indivulse adhaereo. Non ægre tamen, opinor, feres, si quasdam difficultates, uberius explanationis ergo, hic proponam, quas contra hanc Doctrinam S. Thome de statu naturæ innocentis mper mihi inqesserunt viri quidam eruditi. In primis juxta Doctrinam S. Thome, ideo Adamus non fuit confirmatus in iustitia originali, quia Adamus in statu innocentiz clara & intuitiva essentiz divinæ visione non fruebatur; at, id falsum esse pertendebant viri illi eruditi, multaque laudabant testimonia Sanctorum Patrum, præsertim S. Augustini, quibus probabant, Adamum in statu innocentiz aperta & intuitiva Dei visione potitum fuisse, ejusdemque claræ & intuitivæ visionis divinæ essentiz participes fore homines, si Adamus non peccasset. Præterea, juxta doctrinam S. Thome, si Adamus non peccasset, pueri, qui nati fuissent in statu innocentiz, habuissent quidem iustitiam originalem, in ea nihilominus non fuissent confirmati, sed per liberum arbitrium in peccatum prolabi, & iustitiæ originalis jactu-

ram facere potuissent. Quod quidem credita difficile est, quia, ut inquebant viri illi eruditi, cum in statu naturæ innocentis nulla prorsus fuisset instituta Sacramenta, homines eo in statu innocentiz, qui in peccata lethalia prorupissent, & iustitiam originalem amisissent, caruissent omni medio, quo possent a peccato resurgere, & deperditam iustitiam originalem recuperare. Id autem conditionem hominum in statu naturæ innocentis (si perseverasset) nimis duram reddere videtur, immo eam deteriore efficeret conditione hominum in statu naturæ lapsæ, quibus tot suppetunt remedia, seu Sacramenta, a Christo Domino instituta, quibus homines, in peccatum mortale lapsi, posunt facili negotio & peccato emergere, & amisam Gratiæ sanctificantem denuo adipisci. Denique, juxta Doctrinam S. Thome, si Adamus non peccasset, pueri, qui in statu innocentiz nati fuissent, iustitiam quidem originalem habuissent, sed non nati essent in scientia perfecti, nec statim habuissent perfectum rationis usum, nec sufficientem virtutem ad movendum membra ad quoslibet actus. Hæc autem S. Thome doctrina minus veritati videtur consentanea, quia sicut Adamus, statim ac creatus est a Deo, non solum habuit iustitiam originalem, sed etiam in omni scientia fuit perfectus, rationis usum omni ex parte absolutum, & completam habuit virtutem moveendi membra ad quoslibet actus; ita Adamus, si in statu innocentiz perseverasset, genuisset filios sibi similes, qui subinde nasci debuissent non tantum cum iustitia originali, sed etiam in omni scientia perfecti, & polentes statim a nativitate perfectæ rationis usu, & sufficienti virtute moveendi membra ad quoslibet actus. Omne siquidem agens generat sibi simile, juxta vulgare Esatum, omnium Philosophorum calculo in Scholis consecratum. Hæc sunt in summa difficultates, quas contra doctrinam Sancti Thomæ circa statum innocentiz paucis abhinc diebus proponebant viri quidam eruditi, quibus diluendis cum me imparem esse ultro agnoscam, tuum nunc auxilium implo-ro.

M. Si Opera Sancti Thomæ, quibus ejus doctrina continetur, frequenter, ut par esset, lectiones, facile profecto te ab istis difficultatibus expedire potuisses, quibus Sanctus ille Doctor abunde fecit satis. Verum enim vero, ut incipiam a prima difficultate: Quod aiebant viri illi eruditi, Adamum in statu innocentiz potitum fuisse clara & intuitiva Dei visione, & homines, si in eo innocentiz statu perstitisset Adamus, ejusdem pariter apertæ visionis divinæ essentiz participes fore, tam falsum est, quam quod maxime, & a Sancto Thomæ invictis argumentis confutatum. Si enim Adamus in statu innocentiz fructus fuisset visione clara, & intuitiva Divinæ essentiz, non fuisset ad diligendum Deum liber, nec subinde mereri potuisset. Certum quippe est apud omnes Theologos, eum, qui fruitur visione beatifica, non libere, sed necessario diligere Deum, nec amplius illum mereri posse, quia jam non est in via, sed in patria; seu

Secunda in casu, ubi non est amplius merendi locus. Porro Adamus, quando erat in statu innocentie, erat adhuc in via, & non in patria: non poterat igitur Adamus in statu innocentie frui clara & intuitiva Dei visione, quia homines non in via, sed dumtaxat in patria gaudere debent. Præterea tantum abest, ut Adamus in statu innocentie mereri haud poterit, ut potius (sicut docet S. Thomas 1. part. q. 95. art. 4.) efficaciora fuissent hominis opera ad merendum in statu innocentie quam post peccatum, si attendatur quantitas meriti ex parte gratie, qua tunc copiosior fuisset, nullo obstaculo in natura humana invenimus: similiter si consideretur absoluta quantitas operis, quia cum homo esset maioris virtutis, maiora opera fecisset. Sicut ipsissima verba S. Thomæ, ex quibus manifestum colligitur, Adamum, in statu innocentie constitutum, mereri potuisse, quia erat in statu viæ, in quo donatur clara & intuitiva Dei visio, sed solum in patria, ubi, post etenim huius vite curriculum, hoc præmio beati donantur in Cælis. Præterea Fides, cum sit obscura, stare minime potest cum clara & intuitiva divinæ essentie visione, ut concors est omnium Theologorum sententia, ut perfectio primi status, seu innocentie (sicut docet idem Doctor Angelicus 4. part. quest. 95. art. 3. & post ipsum omnes sententur Theologi) non se extendebat sed hoc, quod Adamus videret Deum per essentiam, & ut haberet eum fruens suis beatitudinis, unde fides & spes esse poterant in primo statu & quantum ad habitum, & quantum ad actum. Cum igitur, juxta S. Thomæ, de omnium Theologorum doctrinam, Adamus in statu innocentie habuisset Fidem & quantum ad habitum, & quantum ad actum, nulla ratione dici potest, Adamum in statu innocentie clara & intuitiva divinæ essentie visione fuisse potitum. Sed accedit ultima ratio, quæ peremptoria videtur: nullus videns Deum per essentiam (inquit S. Thomas 1. part. q. 94. art. 1.) potest voluntate averti a Deo, quod est peccare: & propter hoc omnes videntes Deum per essentiam, sic in averti: Dei stabilitur: quod in æterno peccare non possunt. Cum ergo Adamus peccatorum, manifestum est, quod Deum per essentiam non videbat. Verum, quamvis Adamus in statu innocentie non frueretur clara & intuitiva divinæ essentie visione, nec subinde perfecta beatitudine, quæ in clara Dei visione consistit, habuit tamen in statu innocentie, juxta statum viæ, in quo adhuc erat, beatitudinem longè perfectiorem, & cognitionem de Deo multo altiore, quam habent homines post peccatum, quia, ut docet S. Thomas articulo mox citato, homines, post peccatum, cognoscunt Deum per sensibiles & corporeos effectus, atque a consideratione plena & lucida intelligibilium effectuum impediuntur per hoc quod distrahuntur a sensibilibus, & circa ea occupantur; sed Adamus in statu innocentie non impediabatur per res exteriores a clara & firma contemplatione intelligibilium effectuum, quos ex irradiatione primæ veritatis percipiebat, sive naturali cognitione,

sive gratuita. Sic igitur Adamus in statu innocentie per huiusmodi intelligibiles effectus Dei, clarius Deum cognoscebat, quam modo cognoscimus, planeque liber erat ab illa obscuritate, quæ ex peccato consecuta est, & quia homo in statu naturæ lapsum impeditur a consideratione effectuum intelligibilium Dei per sensibilibus effectuum occupationem. Hoc passio Doctor Angelicus explicat mentem S. Augustini, & aliorum Sanctorum Patrum, qui per illam clarum cognitionem Dei, quam Adamo in statu innocentie tribuunt, non intellexerunt claram & intuitivam Dei visionem, quæ habetur dumtaxat in patria, quæque non conveniebat statui viæ, in quo erat Adamus in statu innocentie constitutus, sed intellexerunt plenam, claram, & firmam contemplationem Dei, quam Adamus in statu innocentie habuisset ex cognitione intelligibilium effectuum Dei. Repudiari igitur jure optimo debet sententia doctissimi aliquo viri, seu Ludovici Thomassini, Congregationis Oratorii Jesu Presbyteri, tomo 1. Theologicorum Dogmatum, & aliorum modernorum Scriptorum, qui docent, & Adamum in statu innocentie potitum fuisse clara & intuitiva divinæ essentie visione: Sed nunc manet sat superque aliqua prima difficultas.

De altera difficultate propter altum Scripturæ & Sanctorum Patrum silentium, pauca dicam. Docet quidem S. Thomas, quod, si Adamus non peccasset, homines, qui in statu innocentie nati fuissent, habuissent iustitiam originalem, sed in ea tamen non fuissent confirmati, quia per liberum arbitrium peccando eam amittere potuissent. Sed medium, quo illi homines perperit iustitiam recuperassent, nullibi indicat Doctor Angelicus. Sunt quidam Theologi qui docent, Adamo non peccante, homines, qui in statu innocentie iustitiam originalem per peccatum amisissent, eam recuperaturos per actus charitatis & contritionis, quos, ob excellentiorem, quam de Deo cognitionem habuissent, facilius elicere potuissent, quam nos. Alii Theologi existimant, Deum in statu innocentie per brevi illo, quo duravit, tempore, instituisse Sacramenta, & Adamo non peccante, fore Sacramenta, quorum beneficio homines, qui existerent & iustitia originali, eam recuperare, vel conservatam augere potuissent. Ipse vero, licet cum Sancto Thoma ultro fateatur, nulla in statu innocentie, pro brevissimo illo tempore, quo Adamus in eo vixit, instituta fuisse Sacramenta, cum de iis nec in Scriptura Sacra, nec in Traditione Sanctorum Patrum vel minima mentio fiat; crediderim tamen, quod, Adamo non peccante, & penitente innocentie statu, instituta fuissent a Deo Sacramenta, non quæ producerent Gratiam medicinalem, seu Gratiam Salvatoris Christi Domini, sicut produciunt Sacramenta Noæ Legis (cum juxta Thomistarum doctrinam, Scriptura Sacra, & constanti Sanctorum Patrum Traditione sustinetur, Adamo non peccante, Christus non venisset, seu Verbum Divinum non fuisset incarnatum).

em) feli quæ producerent gratiam Creatoris, quem habuit Adam in statu innocentie, & quorum ope posteri Adami, si iusti fuissent, augmentum gratie consequi potuissent, vel, si errantem peccando amississet, eam recuperassent. Adde etiam, quod posteri Adami, si perdurasset innocentie status, veram Ecclesiam essent constituturi, atque ita habituri Sacramenta, quia in nullum nomen Religionis seu verum, seu falsum, condempneri homines possunt, nisi aliquo signaculo, aut Sacramentorum consortio. Sunt verba S. Augustini lib. 19. contra Faustum, Hæreticum Manichæum, cap. 11.

Postremam difficultatem, cur, durante innocentie statu, pueri nati fuissent cum iustitia originali, sed tamen non statim in omni scientia essent perfecti, nec pleno rationis usu præditi, nec sufficienti pollentes virtute movendi membra ad quoslibet actus? hanc, inquam, difficultatem luculentissime diluit S. Thomas 1. part. qu. 100. art. 1. his verbis: *Dicendum, inquit, quod naturaliter homo generat sibi simile secundum speciem; unde quæcumque accidentia consequantur naturam speciei, in his necesse est quod filii parentibus similesint, nisi sit error in operatione nature, qui in statu innocentie non fuisset, in accidentibus autem individualibus non esset necesse quod filii parentibus similesint, iustitia autem originalis, in qua primus homo conditus fuit, fuit accidentis nature speciei, seu donum gratuitum a Deo datum toti nature. . . Et propter hoc, etiam filii parentibus assimilati fuissent quantum ad originalem iustitiam. At vero, esse statim perfectum in omni scientia, confessum habere plenum rationis usum, & sufficientem virtutem movendi membra ad singulos actus, hæc, inquam, accidentia, data Adamo statim post ejus creationem, non consequantur naturam speciei, sed erant accidentia demtaxat individualia Adami, qui, ut, docet S. Thomas 1. part. qu. 94. art. 3. sicut institutus est in statu perfecto quantum ad corpus, ut statim posset generare, ita etiam institutus est in statu perfecto quantum ad animam, ut statim posset alius instruere, & gubernare. Non potest autem aliquis instruere, nisi habeat scientiam; & ideo primus homo sic institutus est a Deo ut haberet omnium scientiam. Quapropter, in his accidentibus individualibus Adami, pueri, qui in statu innocentie essent nati, Adamo, primo omnium parenti, non fuissent assimilati, quia, sicut diserte docet idem S. Præceptor, 1. part. quæst. 101. art. 1. ad primam sibi propositam objectionem: esse perfectum in scientia, fuit individuale accidentis primi parentis, in quantum scilicet ipse instruebatur ut pater & instructor totius humani generis; & ideo quantum ad hoc non generasset filios similes sibi, sed solum quantum ad accidentia naturalia, vel gratuita totius nature.*

D. Difficile adducit ut credam, pueros, durante innocentie statu, nascituros absque sufficienti virtute movendi corporis membra ad quoslibet actus, eosque nascendo similes fore pueris, qui nunc nascuntur in statu nature lapse, qui quæ magis imbecilles, & fragiles nascuntur, quam cætera animalia nasci solent, quæ, ut

sunt edita ex utero, protinus in suos pedes eriguntur, statimque aeri tolerando idonea sunt. Homines contra nudi, & inermes, tanquam ex naufragio in hujus vitæ miseria proijciuntur, & expelluntur, qui neque movere se loco, ubi effusi sunt, possunt, nec alimentum lactis appetere, nec injuriarum temporis ferre, sique inopes, & infirmi, & omni auxilio indigentes, nihil aliud moliri queant, quam fragilitatis suæ conditionem plorare, ac stertibus ominari. Hanc sane conditionem, cui in statu nature lapse obnoxii sunt pueri recens nati, facile crediderim esse penam peccati Adami, quam subinde, Adamo non peccante, pueri, qui in statu innocentie nati fuissent, non essent experti.

M. Quod quædam animalia, statim ac in lucem edita sunt, habent usum membrorum, id eorum nobilitati adscribi minime debet (inquit S. Thomas 1. part. qu. 109. art. 1. ad primum) cum quædam animalia perfectiora non habeant: sed hoc eis contingit ex facilitate cerebri, & quia actus proprii talium animalium sunt imperfecti, ad quas etiam parva virtus sufficere potest. Homo autem naturaliter habet cerebrum majus in quantitate secundum proportionem sui corporis, quam cætera animalia; unde naturale est, quod propter maximam humiditatem cerebri, in pueris nervi, qui sunt instrumenta motus, non sunt idonei ad movendum membra, sicut in eodem articulo docet S. Thomas. Quamvis autem pueri, in statu innocentie recens nati, caruissent sufficienti virtute movendi membra ad quoslibet actus, habuissent tamen sufficientem virtutem movendi membra ad actus pueritæ convenientes, videlicet ad sugendum ubera, & ad alia hujusmodi, adeoque liberi fuissent ab illa infirmitate, quæ pueris in statu nature lapse apparet, etiam quantum ad actus eorum pueritæ convenientes, quippe qui, ut ait S. Augustinus in lib. de Baptismo parvulorum, juxta se succubus mammis, magis possunt esurientes stare, quam sugere. D. Pueri, qui in statu innocentie nati fuissent, nullum persensissent senectutis defectum, quia, ut antea dicebas, nati essent cum iustitia originali, cujus beneficio immortales evassent. Vero igitur similis esse videtur, pueros, qui in statu innocentie nati essent, immunes itidem fore ab omni pueritæ defectu, subindeque illos, recens natos habituros sufficientem virtutem movendi pro arbitrio suo membra ad quoslibet actus.

M. Confars Fidei dogma est, Adamo non peccante, homines in statu innocentie nec mori, nec ulli senectutis defectui fore obnoxios. Mors siquidem, cui omnes omnino homines, velint nolint, in statu nature lapse subjacent, est pena peccati Adami, sicut Apostolus Paulus Epistolæ ad Romanos cap. 5. diserte docet his verbis: *Propterea, sicut per unum hominem (idest Adamum) peccatum in hunc Mundum intravit, & per peccatum mors, & ita in omnes homines mors pertransiit, in quo omnes peccaverant.* Dicitur etiam cap. 2. libri Sapientiæ: *Deus creavit hominem inextinguibilem . . . invidia*

dis autem Diaboli mors intravit in Orbem terrarum. Ex peccato itaque Adami concupiscentia mala, morbi, labores, calamitates, mors ipsa tanquam ex mala radice oriuntur, &c., sicut ait S. Augustinus Sermo. 240. alias 239. de tempore *malorum, antiquum nostrorum, causa peccatum est. Non enim sine causa hominis mala ista patiuntur. Iustus est Deus, omnipotens est Deus: nullo modo ista patiemur, si non mereremur.* Cum igitur mors sit poena hominibus inflicta, propter peccatum Adami, eo non peccante, posteri illius in statu innocentie a morte, & ab omni senectutis defectu immunes existissent, utpote immortalitatis dono praediti; non fuissent tamen liberi a quibusdam pueritiae defectibus, qui ex peccato originem non habent, sed consequuntur generationem, & divelli haud possunt a principis naturae humanae, & a naturali corporis humani conformatione. Quo fit ut, quemadmodum ipso dicebamus, si Adamus non peccasset, pueri, in florentissimam innocentie statu nati, nec in omni scientia, statim perfecti fuissent, nec plenum & absolutum rationis alium habuissent, ne sufficientem virtutem movendi membra ad quolibet actus.

D. Expone, quæso, clarius, quo pacto Adamus in statu innocentie esset immortalis? & quo pacto, Adamo non peccante, idem immortalitatis donum consecuti fuissent homines, qui in statu innocentie existissent?

M. Adamum non fuisse naturæ suæ immortalem concors est omnium Theologorum, & Scripturæ Sacre Interpretum sententia. Quamvis enim Deus voluerit, ut Adami corpus esset æternæ robustum, penulare corruptioni, siquæ constitutum ætèrnatum, ut reliquorum omnium hominum corpora perfectione, æqualitate, & elegantia transcendit, attamen corpus Adami (ut docet S. Thomas 1. part. qu. 97. art. 3.), non erat indissolubile, per aliquem immortalitatis vigorem in eo existentem, ac subinde non erat natura sua immortale. Corpus itaque Adami in statu innocentie erat dumtaxat immortale speciali Dei beneficio, quatenus Deus (ut exponit ibidem Doctor Angelicus) impressit animæ Adami vim quandam supernaturalem, per quam poterat corpus ab omni corruptione reddere immune, quamdiu anima Adami manifestaretur Deo subiecta. Eo in sensu Adamus in statu innocentie & secundum animam, & secundum corpus fuit immortalis, immo fuit impassibilis, id est, liber ab his passionibus, quæ hominem a sua naturali dispositione removere possunt. Patens est tamen Adamus in statu innocentie & secundum animam, & secundum corpus eas passiones, quæ pertinent ad bonum, & perfectionem naturæ, cuiusmodi sunt *intelligere, sentire, & dormire*, sicut explicat S. Thomas 1. part. qu. 97. art. 2. Eodem immortalitatis, & impassibilitatis gratuito dono, quod Adamus in statu innocentie a Deo acceperat, exornati fuissent ceteri homines, si Adamus, primus omnium hominum parens, iustitiam originalem, in qua conditus erat, culpa sua non amisisset. At, peccante Adamo, non solum ipse, sed & omnes eius

posterii iustitiæ originalis, immortalitatis, & impassibilitatis iacturam fecerunt, sequæ miseriis, poenis, & mortis obnoxios reddiderunt.

D. Si Adamus fuisset a Deo, ut mox dixisti, ita conditus immortalis, ut illud immortalitatis beneficium, non nisi peccando, amittere posset, certe non indignisset Adamus ante peccatum cibis ad conservandam vitam suam. Et tamen legimus in Scriptura Sacra, Deum præcepisse primis parentibus nostris, antiquam peccarent, ut comederent de omni ligno, quod erat in Paradiso: *De omni ligno, quod est in Paradiso, comeditis*, Genesis cap. 2. *Eva etiam Serpenti dixit: De fructu lignorum, quæ sunt in Paradiso, vescimur, de fructu vero ligni, quod est in medio Paradisi, precepit nobis Deus non comederemus, & ne tangeremus illud, ne forte moriamur*, Genesis cap. 3. Cum igitur primi Parentes nostri indigerint, etiam antequam peccassent, cibis ad conservandam vitam suam, argumento est, eos non ita conditos fuisse immortales, ut hoc ipsi concessum, immortalitatis beneficium tantummodo per peccatum amittere possent.

M. Etiam si Adamus in statu innocentie corpus habuisset immortale eo modo, quo mox exposui, habuit tamen vitam animalem cibis indigentem, ad discrimen corporum, quæ post resurrectionem non solum erunt immortalia, verum etiam habebunt vitam spiritalem cibis non indigentem. Unde ait Apostolus Paulus Epist. 1. ad Corinth. cap. 15. v. 45. *Factus est primus homo Adam in animam viventem, novissimus Adam, seu Christus, in spiritum vivificantem.* Quo in loco agit Apostolus Paulus de resurrectione, & ostendit, qualis futura sit corporum post resurrectionem conditio. Talem autem corporum post resurrectionem, conditionem futuram esse docet Apostolus, qualis fuit conditio Corporis Christi a mortuis rediivi. Id autem discriminis est inter corpus Adami, in statu innocentie constituti, & Corpus Christi post resurrectionem gloriosum; quod Adamus in sua creatione accepit corpus animale, id est, agens vitam animalem, indigenque alimentis mora ceterorum animalium. Non enim habebat absolutam, & indissolubilem immortalitatem. Unde de se ieri debebat a senio, & a morte, tum ceterorum ciborum ope, tum maxime fructus ligni vite beneficio. At, novissimus Adam, sive Christus, in resurrectione corpus habuit spirituale, hoc est, nullis indigens alimentis, utpote quod per spiritum ita perfecte regebatur & vivebat, ut absque corporeis alimentis æternum conservari posset, cuiusmodi etiam & nos corpus in resurrectione nanciscemur, quia resurrectio Christi exemplar est, & causa resurrectionis nostræ, & vita spiritualis incipit in Christo, qui est primogenitus ex mortuis, sicut vita corporis animalis incipit in Adamo. Paret, itaque corpus Adami in statu innocentie fuisse quidem immortale, sed vitam animalem habuisse, ita, cibis indigentem, ut, si Adamus ab alimentis abstinuisset, immortalitatem amisisset, quia abstinendo ab alimentis peccasset, trans-

transgrediendo videlicet præceptum sibi a Deo datum Genes. cap. 2. his verbis expressum: *De omni ligno, quod est in Paradiso, comeditis &c.* Quo fit, ut vera sit doctrina Theologorum, & Scripturæ Sacre interpretum, qui, post S. Thomam 1. part. qu. 97. art. 3. ad 3. docent, Adamum sic fuisse a Deo creatum immortalē, ut immortalitatem, si non peccasset, sibi, suisque posteris conservasset. Nullum autem Adamo, ejusque filiis, si in statu innocentie steterissent, nocuentum edulia afferre potuissent, quia & eorum omnium facultates illi perfectas & exploratas habuissent, adhibitaque ratione semper fumpissent, & juvamenta, quæ in promptu illis erant, ubi oportuisset, adhibuissent, hoc est, non comedisissent præpropere, non lute, non nimis, non ardentem, non studiosam, quibus modis vitium gula hoc tempore nos inest. Quia tamen, ut optime observat S. Thomas in Responsione ad quartam objectionem art. 3. jam citatæ questionis, fieri non poterat, quin in cibis, quos Adamus ejusque filii si steterissent in statu innocentie, suscepissent, non esset aliqua succulentia residua, ac minime apta, ut convertaretur in eorum nutrimentum, necesse fuisset, ut Adamus, ejusque filii, si status innocentie perducasset, ciborum, quos fumpissent, superfluitates, seu excrementa, alvum purgando, emitterent, citra ullam tamen turpitudinem, quia, ut inquit S. Thomas, *fuisse divinitus provisum, ut nulla ex hoc innocentia esset.*

D. Si Adamus ejusque filii, perstante innocentie statu, fuissent immortales, innumeros procreassent liberos, qui terram perpetuo incoluissent, quique cum fuissent æquales, & ab omni servitute immunes, nullus dominio subiacere potuissent, indeque orta esset maxima confusio inter illos homines, qui nunquam mori potuissent, & tamen nullius subiecti essent dominio. Id autem felicissimo innocentie statui plane repugnare videtur.

M. Etsi homines, durante innocentie statu, fuissent immortalitate donati, non perpetuo tamen terram incoluissent, sed post diuturnam vitam, maxima cum felicitate ac tranquillitate transactam, nulli morti obnoxii, ad Beatitudinem, quæ sita est in clara & intuitiva visione Dei, quæque præmium est eorum qui sunt in patria, essent a Deo translati. Nec fuissent inter se æquales homines, perdurante innocentie statu, quia (ut ostendit S. Thomas 1. part. qu. 96. art. 3.) fuisset inter illos aliqua disparitas, primo, quantum ad sexum, cum sine diversitate sexus generatio non fuisset. Secundo, quantum ad ætatem. Terrio, quantum ad iustitiam & scientiam. Ex libero quidem arbitrio, & non ex necessitate operati fuissent homines in statu innocentie, ac subinde potuissent magis vel minus animum applicare ad aliud faciendum, vel volendum, vel cognoscendum, sique aliqui magis proficiscerent in iustitia & scientia, quam alii. Denique, nihil prohibuit dicere, quin inter homines, durante innocentie statu, esset aliqua disparitas ex parte corporis, & secundum di-

versam dispositionem aeris, & diversam situm stellarum, aliqui robustiores corpore generarentur, quam alii, & majores, & meliores, & vegetiorum complexionem, seu corporis temperaturam præditi, ita ut tamen hæc disparitas nullum prorsus tam circa animum, quam circa corpus, defectum, vel peccatum importaret. Hinc facili negotio explicatur, quo in sensu venum sit, homines, si perseverasset innocentie status, nullius dominio fore subiectos. Duplex quippe distinguitur dominium, unum videlicet quod oppositur servituti, & in hoc sensu homines in statu innocentie constituti nullius dominio subditi fuissent, quia servitus, quæ est pœna peccati, ab illa felicissimo statu penitus exulasset. Alterum dominium illud est, quod ad bonum commune refertur, tale est dominium patris, cui incumbit officium gubernandi & regendi liberos, & in hoc sensu fuisset dominium in statu innocentie, si perseverasset, quia in eo statu, ut mox diximus, fuissent aliqui homines, qui scientia & iustitia præ cæteris aliis hominibus excelluissent, ad illos igitur, supereminenti scientia polentes, pertinuissent alios homines regere ac gubernare, eosque tam ad proprium bonum, quam ad bonum commune dirigere, tum quia ut possuisset ea communis & socialis vita, quam egissent homines in statu innocentie, quæ esse non posset, nisi aliquis præfesset & curam boni communis haberet; tum quia etiam non dignior fuisset conditio hominum in statu innocentie, quam sit conditio Angelorum, inter quos quidam aliis dominantur, & ideo inter Angelos unus est Ordo, qui dicitur *Dominantium*. Cæterum, de Dominio, quod Adamus, ejusque filii in omnia animalia, & in alia, quæ sunt in Mundo, habuissent in statu innocentie, si diutius perseverasset, nulla est difficultas, cum Scriptura Sacra Genes. cap. 1. v. 28. patrum innuat, Deum primis parentibus nostris hoc dominium concessisse, dum eis dixit: *Dominimini piscibus maris, & volatilibus cæli, & universis animalibus, quæ morantur super terram.* Hoc autem dominium ob duas potissimum rationes homini conveniebat. Primo quia, ut inquit S. Thomas 1. part. qu. 96. art. 1. imperfectiora cedunt in usum perfectiorum. Plantæ enim utuntur terra ad sui nutrimentum; animalia vero plantis; & homines plantis, & animalibus: Quo fit, ut homo naturaliter dominetur animalibus. Præterea, juxta ordinem divine Providentie, inferiora per superiora gubernantur, adeoque cum homo cæteris animalibus emineat, iure ad imaginem Dei factus, naturale est, ut ejus domino omnia animalia subdantur. Quod si nunc aliquis animalia velint obedire homini, hæc animalia inobedientia, pœna est inobedientiæ Adam, quæ tamen non impedit, quinque homo, etiam post peccatum Adam, vero potior domino in herbas, animalia, in operta elementa, sicut ait Vates Regius Psalm. 8. ubi loquens de homine, sic Deum asserit: *Constitisti eum super opera manuum tuarum. Omnia subiecit sub pedibus ejus.*

OUIE

aves & bestias universas, insuper & pecora campi, volucres celi, & pisces maris, qui perambulans semitas maris. At enim, ut obiter dicam, homines etiamnam dominium habent in plantas & animalia, quia illis pro arbitrio utuntur ac vescuntur; obtinent quoque dominium in elementa, quia Terram vel inviram cultura sibi faciunt obtemperantem, formentum ex ea laetiores, & calcem, extrahunt inde gemmas ad ornamenta & delicias, minora & lapides ad struendas, ornandasque domos; mare navigant ejusque aquam in medicamentum exhibunt; fluminibus sitim extinguunt, irrigant agros, aerem pariter levi flabello, ad mitigandum aestum, sibi accommodant; odoribus purgant, cum est infectus. Eo utuntur ad extruenda molendina, quae agitata aere & ventis, frumenta in farinam redigunt quibus commodius alimur. Denique, homines dominantur igni, quia illo utuntur, ut cibos coquant, frigis depellant, metalla fundant, & in cineres, atque in aquam per artem Chymicam distillationibus redigant, quibus certissima, & praestantissima remedia ad depellendos, vel certe ad leniendos gravissimos quosdam & aliqui incurabiles morbos parantur. Quae omnia liquido probant, verum dominium in plantas, animalia, & elementa competere homini etiam in statu naturae lapsae consuetudo, quamvis, ob peccatum Adami, quo infecta est tota natura, non ita facile, prompte, & expedite praedictum dominium exercere possit, sicut illud exercuisset in statu innocentiae, si perseverasset.

D. Dominium competit homini secundum rationem, per quam praecipit, & imperat. Potest, plantas, animalia, elementa, & corpora inanimata, cum ratione careant, nata non sunt obtemperare rationi hominis; nullum igitur in eo dominium homo sibi vindicare potest. Præterea, nullam in statu innocentiae ex animalibus utilitatem percipere poterant primi Parentes nostri. Illis liquidum non indigebant ad necessitatem corporalem, neque ad tegumentum, quia, ut inquit Scriptura Sacra, nudi erant, & non erubescabant, nullo stimulante inordinate concupiscentiae motu. Neque animalibus egebant ad cibum, quia fructibus arborum Paradisi vescerantur; neque ad vehiculum, propter corporis robur. Utus itaque domini in animalia primis parentibus nostris in statu innocentiae non convenisset.

M. Nec primi parentes nostri in statu innocentiae, nec homines in statu naturae lapsae dominantur animalibus ratione destituti, & plantis, aliisque rebus inanimatis, imperando illis; sed eorum utendo auxilio; cum hoc tamen discrimine, quod in statu innocentiae homo absque ulla impedimento omnium animalium auxilio facile uti posuisset; tum quia, ob singularitatem Dei circa hominem curam, singula animalia non solum homini innocenti non nocuissent, sed ipsi etiam facile subsisterent sese; tum quia etiam homo innocens, propter accuratissimam, quam habuisset, cognitionem naturarum, proprietatum, & propensionum animalium, potuisset

set cum maxima solertia, atque industria omnia animalia domare, atque in propriam servitutem redigere. At, homines in statu naturae lapsae, difficile, ita permittente Deo ob peccatum Adami, ferocia animalia domare possunt, & servituti muncipare, quo plerumque fit, ut, excusso iugo, contra homines rebelles, eisque graviter noceant. Similiter, primi Parentes nostri in statu innocentiae cum naturas & proprietates herbarum, atque fructuum apprime noscent, illis citra ullum periculum ac nocuum uterentur. Sed homines in statu naturae lapsae, ob ignorantiam, quae appendix est peccati originalis, aliquando herbarum noxiarum usum leduntur, nec ad minus habent medicinales herbas, quae magna ex parte sine cultu in montibus, arvis, rupibus, paludibusque sponte sua vel ad fovendam, vel ad restaurandam sanitatem, efficaciores nascuntur. Scilicet voluit Deus, ut peccati in poenam cibis nonnisi sudore laboreque nobis proveniret. Sed, ne nobis afflictis adderetur afflictio, ultro nos liberalitatis, natura, tanquam misericors mater, remedia suppeditare voluit, & cuiuslibet veneno suam antidotum conjunxit. Quin, experientia notum est, esse noxias herbas, & venenosas quaedam animalia, quae dum temperantur, inserviunt medicinae, & vel ad conservandam bonam valetudinem, vel ad refarciendam, quando est perditam, plurimum prolesse possunt. Denique primi parentes nostri in statu innocentiae neque ad aliquam necessitatem corporalem, neque ad tegumentum, neque ad cibum, neque ad vehiculum animalibus indigebant, illis tamen evigilant ad habendam experimentalem cognitionem de naturis eorum. Quod (sicut observat S. Thomas 1. part. qu. 96. art. 6. ad 3.) significatum est per hoc, quod Deus ad eum, seu Adamum, animas adduxit, ut eis nomina imponeret, quae eorum naturas designant. At vero, homines in statu naturae lapsae indigent animalibus, iisque pro jure domini, quod in illa naturaliter obtinent, utuntur ad cibum, ad tegumentum, ad vehiculum, & alias ejusmodi corporis necessitates.

D. Ex his, quae haecenus dixisti, facili negotio intelligi, quam felix, sustinuit fuisse innocentiae status, in quo primi parentes nostri iustitia originali praediti, nullis perturbationibus & passionibus agitantur, nec miseris & morti erant obnoxii, sed vivebant sine consensione nudatis, & sine ulla necessitate corporis aut molestia, naturas animalium, ceterarumque rerum creaturarum, in quas pleno pollebant dominio contemplantur, spiritualibus deliciis delibuti. Verum, nunc a te scire vehementer cupio, an Adamus in statu innocentiae constitutus, praeter Gratiam sanctificantem, qua fuit exornatus, ubi primum & Divinis manibus prodiit, indigeret sive ad operandum, sive ad perseverandum in accepta iustitia, aliqua Gratia actuali? & quantum foret ejusmodi Gratia? an per se efficax, quae liberum Adami innocentis determinaret arbitrium, an Gratia aere indifferens, & versatile, quae

libero Adami innocentis subderet arbitrio? De hac questione nihil haecenus certi pronunciare ausus sum. Licet enim multa nuperrime a viris eruditissimis, qui eam hinc inde magno animorum astu ventilabant, arrectis auribus audierim, attamen, ut candide fatear, libratissimis omnibus momentis, quae ultro citroque adducta sunt, animus meus, instar bilancis in aequilibro posita, ac neutro propendens haerit pendulus, nec in unam, alteramve partem flecti adhuc potuit.

M. Non mediocrem sane proponis difficultatem, in qua dilucidanda etiamnum insudant viri eruditi. Certe is ego non sum, qui tantam velim in praesentia componere litem, quae adhuc sub iudice est; aut longam de illa possum habere Disputationem, quam praescripta non permittit Colloquiorum nostrorum brevitatem. Abunde itaque sufficit, hanc propositam difficultatem dumtaxat delibare, & quali primoribus labiis attingere, ut saltem quid in illa questione, de qua tantopere inter se digladiantur Theologi, tanquam falsum repudiare, quid vero tanquam probabilis tenere debeas, compertum ac exploratum habere possis. In primis, *Jansenius*, Irenaeus Episcopus, cap. 8. & sequentibus libri de *Gratia primi hominis*, & *Angelorum* totis ingenii sui viribus mordicus propugnat, Adamum in statu naturae innocentiae sive ad agendum, sive ad perseverandum in accepta iustitia, opus non habuisse Gratia per se efficaci, seu tantum indiguisse gratia indifferenti & versatile, quae non ejus voluntatem determinaret, ad operandum, sed cujus efficacitas ex voluntate Adami assensu, vel dissensu maneret omnino suspensa. Idem de Angelis in *statu viae* docet ibidem *Jansenius*, quibus ait adfuisse tantummodo auxilium sufficiens indifferens ac versatile, quo possent agere Angeli, non quo ad agendum applicarentur. Porro ista ratio, quae *Jansenius* hoc suum suffulcit Systema, in hoc ita est, quod velit, Gratiae per se se efficaci necessitatem ex hoc uno dumtaxat capite, videlicet ex naturae humanae per peccatum originale vulneratae conditione & infirmitate esse petenda. Cum enim inquit *Jansenius*, humana voluntas per peccatum Adami fuerit fauciata, indeque infirma, depravata, & corrupta evaserit; ad Deum, nisi per Gratiam, se ipsa efficacem, adjuncta & sublevata, erigi minime potest. Ex quo inferit, quod cum in statu innocentiae nulla esset voluntatis creatae corruptio, depravatio nulla, nulla quoque in felicissimo illo statu necessitas Gratiae se ipsa efficaci sit admittenda tam in Adamo, quam in Angelis, qui erant in statu viae. Hac ratione adeo delectatus est *Jansenius*, ut non dubitaret asserere, eam esse basim, cui doctrina *S. Augustini* tota incumbit, ac nititur; eam esse clavem, qua sola ad germinatam doctrinam illius Patris intelligentiam pater aditus; eam esse anulum, qui ceterorum Aquilini bujus Doctoris dogmatum catenam secum trahit; eam denique esse solum Ariadneum, quo nisi regamur, tota istius Sancti Praefatus Hippocentauri fucina librorum sus deque miscetur, & nobis inexplicabilis redditur labyrinthus. Verum, hac in re gravi-

ter errasse *Jansenius*, ejusque doctrinae principia esse e diametro opposita doctrinae *S. Augustini*, multis, usque invictis argumentis demonstrant Thomistae, Gratiae per se efficaci in utroque statu naturae, seu innocentis, seu lapsae, necessitatis assertores acerrimi. Et in primis, probant Thomistae contra *Jansenius*, Gratiae per se efficaci necessitatem peti debere non solum ex infirmitate naturae vulneratae per peccatum, verum etiam ex creatura, a Deo necessario pendens, conditione, subordinatione ac subjectione, quae subinde ad operandum debet promoveri a Deo, primo omnium motore; nec non ex liberi arbitrii in partem alteram indifferens versatileitate activa, qua tandem haeret anceps, ac veluti suspensum ac pendulum, donec pravia Dei motione in partem alteram feratur, determinetur & applicetur; idque praesertim in pietatis operibus, quae naturae vires, & ingenuas facultates excedant. Ex hoc triplici capite accessendam esse Gratiae se ipsa efficaci necessitatem Thomistae locupletissimis Sanctorum Patrum *Augustini*, & *Thome*, multique argumentis, quae hic inserere nimis longum esset, probant contra *Jansenius*, indeque inferunt, Adamum in statu innocentiae ad omnes & singulos actus, praesertim ad actus supernaturales eliciendos, opus habuisse Gratiae per se efficaci, tum quia Adamus in statu innocentiae liberum arbitrium habebat indifferens ad alteram partem; tum quia etiam Adamus innocens, propter intimam, quae inheret omni creaturae, subordinationem, pendebat a Deo, tanquam a prima Causa, primo Motore, primoque principio. Verum, quia *Jansenius* perterritus, se cum *S. Augustino*, cujus patrocinio perperam gloriatur, admiscere dumtaxat Gratiae efficaci necessitatem in statu naturae lapsae propter, per peccatum Adami lesae, infirmitatem; Sole clarius offendunt nostrates Thomistae, *Jansenius*, a statu naturae innocentiae omnem Gratiam ethicam procul eliminantem sibi non constare, & ab imo sustinere omnia fundamenta, quae jecit Sanctus illa Doctor ad adstruendum in statu naturae lapsae Gratiae per se efficaci necessitatem. At enim, hi, qui in doctrina *S. Augustini* de necessitate gratiae per se efficaci in statu naturae lapsae sunt versati, apprime callent principia, quibus Sanctus ille Doctor probat Gratiae per se efficaci necessitatem in praesenti statu, ista esse: Quod videlicet in ordine supernaturali nihil a se ipso habeat homo, de quo in semetipso gloriari possit: Nihil a semetipso habet, ratione cujus possit se ab altero quocumque discernere: Quod sit penna Deum omnipotentissimam potestas, qua in nullius creaturae adversa voluntate vinci ac superari potest, cui volens salvum facere, nullius humanarum resistit arbitrium. Quod omnis homo ad obtinenda beneficia debeat orare Deum, & de perceptis beneficiis gratias agere Deo: Quod denique Mysticum inscrutabile sit, cur unus per alterum divinae vocationi consentiat; aut unus in accepta iustitia persistat,

non item. aliter? Hæc principia ad stabilendam in statu naturæ lapſe Gratiæ per ſe efficaciæ neceſſitatem ſexcentis plus minus locis adducit & inculcat S. Auguſtinus, quibus referendis ſuperſedeo, tum ne longior ſim, tum quia etiam ipſemet Janſenius, quicum mihi in præſentia res eſt, apertiſſime docet, S. Auguſtinum ex his, quæ mox aſſignavimus, principiis, jure optimo, collegiſſe & adverſus Hæreticos Pelagianos, & Sempelagianos, luculentiſſime probaſſe neceſſitatem Gratiæ per ſe efficaciæ in ſtatu naturæ lapſe. At, proprio mucrone ſeiſpum conſodit Janſenius, dumque negavit Gratiæ per ſe efficaciæ in ſtatu naturæ innocentis neceſſitatem, deſtruxit ana man principia S. Auguſtini, quæ altera manu adſtruebatur. Certum quippe eſt, hæc principia quibus S. Auguſtinus probavit Gratiæ per ſe efficaciæ in ſtatu naturæ lapſe neceſſitatem, nullo negotio poſſe ſtatu naturæ innocentis accommodari, ac ſubinde iſſidem S. Auguſtini principiis admitti debere Gratiæ per ſe efficaciæ in ſtatu naturæ innocentis neceſſitatem, quam nemo negare poteſt, niſi vim omnem adimat principiis, quibus Sanctus Auguſtinus probavit gratiæ per ſe efficaciæ in ſtatu naturæ lapſe neceſſitatem. Quod autem principia, quibus Sanctus Auguſtinus evincit, Gratiæ ſe ipſa efficaciæ in ſtatu naturæ lapſe eſſe proſus neceſſariam, facili negotio poſſint & debeant accommodari ſtatu innocentis, proſive eſt contra Janſenium demonſtrare. Primum principium, ſentente ipſomet, Janſenio, quo Sanctus Auguſtinus probat Gratiæ per ſe efficaciæ in ſtatu naturæ lapſe neceſſitatem, in hoc, ſicut mox diximus, ſitum eſt: quod ita ordine ſupernaturali nihil habeat homo a ſe ipſo, de quo poſſit in ſempe ipſo gloriari: Nihil pariter a ſempe ipſo habere, ratione cuius poſſit ſeſe ab altero quocumque diſcernere. Hoc autem principium S. Auguſtini facile ſtatu naturæ innocentis accommodari poſſe, ut ejuſdem gratiæ per ſe efficaciæ neceſſitatem colligamus, maniſeſte offendit ſtatus Angelorum, qui erant in ſtatu viæ, & quibus (non ſecus ac Adamo, ſicut pertendit Janſenius) dederat Deus ſive ad bene agendum, ſive ad perfeverandum in accepta juſtitia gratiam verſatilem, quam ipſi voluntatis aſſenſu facerent efficaciæ, aut diſſenſu redderent inefficaciæ. Si enim una eademque Angelis, in accepta juſtitia perfeverantibus, & Angelis cadentibus verſatilis dimittaxat gratia, eorumque ſubſtituta libero arbitrio a Deo data eſt, ut cenſet Janſenius, aperta conſecutione inde deducitur, Angelos, qui per voluntatis ſui aſſenſum gratiam illam verſatilem ſibi a Deo conſeſſam reddiderunt efficaciæ, & in accepta juſtitia ſteterant, ſua ſe voluntate ab aliis Angelis, qui eandem gratiam verſatilem qua a Deo donati erant, per voluntatis ſui diſſenſum reddiderunt inefficaciæ, & ceciderunt, diſcreviſſe; atque ita in ſe ipſis poſſuiſſe, non in Domino gloriari. Quod quidem, ut nemo

non videt, recta fronte pugnat cum hoc principio, quod millies in ſuis Operibus urget Sanctus Auguſtinus, illudque ex Apoſtolo Paulo 1. ad Corinth. capit. 4. ſe deliberaſſe gloriatur: Quid habes, quod non accipieſti? Si autem accipieſti, quid gloriaris, quaſi non oportet? Qui, Sanctus Auguſtinus capit. 9. lib. 12. de Civitate Dei, hæc ex inſinuatæ verſariæ quæſtione cur ex angelis in gratia ſanctiſſimæ conditis, occiderunt alii, alii ſteterunt? tantum abeſt, ut huic diſtinctæ quæſtioni Sanctus Auguſtinus, reſpondeat, quemadmodum Janſenius, & alii, qui ab ejus partibus ſtant, reſpondere ſolent, videlicet Deum tam bonis, quam malis Angelis verſatilem gratiam deſiſſe, ſed bonos Angelos liberi arbitrii aſſenſu eam efficaciæ teſſiſſe, malos vero Angelos ſui voluntatis diſſenſu eam inefficaciæ reddidiſſe, eaque de cauſa ſteſſiſſe bonos Angelos in accepta juſtitia, malos autem Angelos cecidiſſe. Tantum, inquam, abeſt, ut Sanctus Auguſtinus propoſitæ huic quæſtioni tria illa & familiaria apud Janſenium epajque diſcipulos, reſponſione ulus ſuerit, ut potius diſtinctim ibidem aſſerat, ideo bonos Angelos ſteſſiſſe, malos autem Angelos cecidiſſe, quia bonis Angelis datum eſt a Deo amplius, ſeu majus & potentius adiutorium, ſeu auxilium per ſe efficaciæ, quo deſituri mali Angeli ſua culpa perierunt: illis (ſeu malis Angelis) mala voluntate cadentibus ipſi, (ſeu boni Angeli) AMPLIUS ADJUTI, ad tam beatitudinem pervenerunt, acade ſe nunquam reſurrexerunt cecidiſſe. Quæ verba Sancti Auguſtini Sole meridiano clarius probant, tam Angelis, qui erant in ſtatu viæ, quam Adamo, in ſtatu innocentie conſtituto ſive ad bene agendum, ſive ad perfeverandum in accepta juſtitia neceſſariam omnino fuiſſe gratiam per ſe efficaciæ, quo fit, ut, ut me quidem ſententia, unius iſtar omnium ſit, planeque ſufficere debeat hic tam evidens Sancti Auguſtini locus ad diſſipandas omnes nebulas, quas quidam virilitatores huic lucidiſſimæ veritati obſcure moliantur. Denique, alia principia, quæ ad gratiæ per ſe efficaciæ in ſtatu naturæ lapſe neceſſitatem adſtruendum proſert Sanctus Auguſtinus, quæque petuntur ex omnipotentia Dei, ex neceſſitate orandi, & gratias Deo pro perceptis beneficiis exhibendi, hæc, inquam, & alia S. Auguſtini principia perinde probant neceſſitatem gratiæ per ſe efficaciæ (non quidem medicinalis, qua certe non indigebant Adamus, & Angeli in ſtatu innocentie conſtituti) ſed neceſſitatem gratiæ per ſe efficaciæ, quæ dicitur gratia ſanctitatis, quæ eorum ſtatu omnino conveniebat; cum Deus in ſtatu innocentie tam æque eſſet omnipotens ac eſt in ſtatu naturæ lapſe, & Adamo atque Angelis, in ſtatu innocentie degentibus, incumberet neceſſitas Deum orandi, gratias pro ſuſceptis beneficiis ei reddendi, & non in ſe ipſis, ſed in ſolo Deo de bono opere glorandi. Addo etiam, ſed in ſolo Deo de potenda dimittaxat neceſſitate gratiæ per ſe efficaciæ ex infirmitate naturæ lapſe per peccatum originale, maniſeſto ſequeretur Chriſtum Domi-

num, qui peccati originalis fuit omnino expert, non indiguille gratia per se efficaci, ejusque prædeterminationem non fuisse gratitiam, cum tamen S. Augustinus lib. de Præd. Sanctorum cap. 15. contrarium definitis disertis istis verbis: *Est etiam præclarissimum lumen prædeterminationis & gratia ipse mediator Dei & hominum bonus Christus Jesus, qui ut hoc esset, quibus tandem suis vel operibus, vel fidei præcedentibus meritis natura humana, que in illo est, comparavit... Ipsa est igitur prædeterminatio Sanctorum, que in Sancto Sacerdote maxime claret: quam negare quis potest recte intelligentium eloquia veritatis? ... Sicut ergo prædeterminatus est ille unus (idest Christus) ut caput nostrum esset, ita multi prædeterminati sumus, ut membra ejus essemus. Humana hic merita consideramus. Quisquis in capite nostro præcedentis merita singularis illius generationis invenierit, ipse in nobis membris ejus præcedentis merita multiplicata generationis inquirat. (a)*

“(a) Utro ego quidem agnosco necessitatem gratiæ victicis tam in statu nature innocentie, quam pariter in statu nature lapsæ. Si quis tamen arbitratetur Adamum indiguille tantum gratiæ, quam vocant veritatem, qua posset velle bonum, non vero ejus, qua bonum ipsum operaretur, non continuo illum Janfenianæ hæreseos nota inurem; sunt enim Theologi plures nostra ætate doctissimi, qui hanc sententiam propugnant illud S. Augustini inculcantis de correct. & grat. cap. XI. ille (Adam) non opus habebat eo adiutorio, quod impiorum isti, dum dicunt: video aliam legem in membris meis repugnantem legi mentis meæ & captivitatem me in lege peccati. Tum & illud ejusdem S. Doctoris: *aspiciamus Adæ fuisse tale, quod desereret cum vellet, & in quo permaneret si vellet, mea quo fieret ut vellet.* Vide P. Berti lib. XII. cap. 8.

D. Primos Parentes nostros in statu innocentie omnibus donis tum a natura, tum a Gratia perfectis, exornatos fuisse, & tamen a Deo, qui est supremus rerum omnium dominus, dependentis, sive ut operarentur bonum, sive ut in accepta iustitia perseverarent, nullus dubito, subindeque in tum sententiam de Gratia per se efficaci sive ad bene agendum, sive ad perseverandum omnino necessariam tum bonis Angelis, qui in accepta iustitia perseverarunt, tum protoparentibus nostris, qui e gratia, in qua conditi fuerant, exciderent, manibus pedibusque descendendo. Verum, nunc optarem, ut me expediret a quibusdam difficultatibus, quæ mihi, inrer legendum caput tertium libri Geneseos, occurrerunt, quæque perfectioni, & omniæ scientiæ, quam primis parentibus nostris in statu innocentie vindictæ, haud parum officere videntur. At enim, Genes. cap. 3. legitur, Serpentem, qui tentavit Evam, ei, ut facilius succumberet tentationi, dixisse: *Eritis sicut Dei, scientes bonum & malum.* Proxime itaque Serpens primis parentibus nostris scientiam boni & mali, quam subinde necdum habebant, hisque Serpens vocibus dum obsecuta est Eva, manifestam suam prodidit igno-

rantiam, quippe quæ paravit serpentem esse naturæ suæ loquentem, & pomum, ad cuius comestione Serpens illam provocabat, dare posse scientiam boni & mali, immo ambuit perfectam cum Deo similitudinem, *Eritis sicut Dei.* Nec minus imprudenter & inscite sese gessit Adamus, qui uxori suæ, falsa promissione Serpentis delusæ, eique pomum propinquant, actutum motem gessit, cum tamen, si revera fuisset scientia præditus, potuisset nullo negotio intelligere Serpentem, quicum ipsius mulier colloquium miscuerat, non locutum fuisse interventu alienj boni Angelis, sed mali. Bonus quidem Angelus nunquam sollicitusset Evam ad violandum præceptum, quo Deus districtè primis parentibus nostris inhiibuerat, ne fructum ligni vetiti manducarent. Hinc, Scriptura Sacra eodem in capite 3. libri Geneseos observat, primorum parentum, statim post peccatum, oculos, non quidem corporis (alioqui fuissent a Deo creati cæci, quod est tam absurdum, quod maxime) sed oculos mentis fuisse apertos: *Et aperti sunt oculi amborum &c.* quod quidem argumento est, primos parentes nostros nula ante peccatum præditi fuisse scientia. Postremo, primi parentes nostri post peccatum non cognoscebant immensitatem Dei, per quam est ubique præsens. Venerant siquidem sese abscondere a Deo, sicut testatur Scriptura Sacra c. 3. libri Geneseos, his verbis: *cum audissent (Adamus & Eva) vocem Domini, deambulantis in Paradiso, abscondit se Adamus, & uxor ejus a facie Domini.* Hi sunt scrupuli, qui inter legendum caput 3. libri Geneseos, animum meum circa perfectionem & scientiam, quam primis parentibus nostris in statu innocentie tribuisti, subierunt, quosque ut mihi in præsentia eximas, te etiam atque etiam rogo.

M. Ut his, quas proposuisti, difficultatibus singillatim faciam satis, ordiar a tentatione Evæ, quam callidus Serpens hanc vana spe laclavit atque inescavit: *Eritis sicut Dei, scientes bonum & malum.* Quæ Serpentis verba palam innuere videntur, primos parentes nostros necdum habuisse scientiam boni & mali. Quorsum enim hanc scientiam boni & mali eis promississet, si illam jam habuissent? Verum, animadvertens debes, Serpentem non promississe primis parentibus nostris qualemcumque scientiam boni & mali seu naturalem & discursivam (hac quippe jam pollebant primi parentes nostri) sed ipsi promississe scientiam boni & mali supernaturalem, sublimiorem, extraordinariam, & scientiæ Angelicæ similem. Quamvis enim primi parentes nostri certo scient, se non posse naturaliter & ex debito consequi scientiam, quæ Angelorum propria est, quia nemini scientia supernaturalis & Angelica competere potest, nisi ei, qui naturam Angelicam habet, in quam se transformari non posse certissime norant primi parentes nostri; attamen sibi persuaserunt, se ex singulari misericordia Dei Creatoris consequi posse scientiam supernaturalem, extraordinariam, seu Angelicam, per quam haberent cum Deo majorem similitudinem, æ similitudinem, quam habebant ab initio. Hinc Serpens illi dixit: *Eritis sicut Dei.* Quibus verbis primi parentes no-

stri

stri ad edendum fructum ligni vetiti fuerunt induciti, non quod putarent, se Dei naturam assecuturos, sed quod existimarent, se per eum pomi adepturos majorem cum Deo similitudinem, seu habituros se scientiam supernaturalem, extraordinariam, seu Angelicam, per quam similiores Deo evaderent, quam erant antehac. Nominem quippe DEI non semper in Scriptura Sacra significatur Eius independens, & infinite perfectum, sed aliquando creatura perfectior ceteris creaturis, ideoque propius ad perfectionem supremi Numinis accedens. Hinc legimus Psalm. 81. *Ego dixi: Dii esitis, & filii excelsi omnes.* Hoc autem intelligitur de Prophetis, sicut explicat Christus Dominus, Joannis c. 10. Sed, inquit, ergo saltem *Eva* suam prodidit ignorantiam, dum putavit Serpentem esse loquacem, & pomum posse dare scientiam boni & mali. Non ita est, carissime Discipule. *Eva*, a Serpente sollicitata ad peccandum, non existimavit, Serpentem esse per se, & a principio intrinseco loquacem, & pomum per se, & vi sua naturali dare posse scientiam boni & mali, sed putavit, Serpentem per aliud, & ab extrinseco principio esse loquacem, & pomum vi divina & superiori dare posse scientiam boni & mali. Fateor tamen, *Evam*, a Serpente tentatam, sua scientia usam non fuisse, ac subinde actu ignorantem fuisse. Si enim *Eva* voluisset sua scientia uti, facili negotio intelligere potuisset, Angelum, qui loquebatur per Serpentem, non esse Angelum bonum, sed potius Angelum malum, utpote, qui illam ad transgrediendum præceptum divinum instigabat, sed illa, æstu ambitionis abrepta, ad illas circumstantias non attendit, nec pariter Adamus, uxori suæ complacere nimis studiosus. Quo fit, ut primi Parentes nostri quamvis habitu fuerint sapientissimi, prudentissimi, & doctissimi, actu tamen, sive dum peccarunt, sua non utentes sapientia, prudentia, & doctrina, cæciterint, juxta illud Scripturæ Sacre: *Homo cum in honore esset, non intellexit &c.* Sic sunt omnes peccatores, qui, quamvis habituales Legis, seu præcepti, vetantis peccatum, notitiam habeant, illicite tamen cupiditate, & densas menti tenebras offundente, actu non attendunt ad illam, quam habitu tenent notitiam Legis, eamque transgrediuntur, juxta illud commune Esatum; *Viduo meliora, probequo, deteriora sequor.* Habuerunt itaque primi Parentes nostri in statu innocentie omnigenam scientiam, illoque Deus (ut ait Auctor Libri Sacri Ecclesiastici c. 17.) *Disciplina intellectus replevit illos. Creavit illis scientiam spiritus, sensu implevit eos illorum, & mala & bona ostendit illis;* ea tamen scientia usi non fuerunt primi Parentes nostri, dum Diaboli, per Serpentem loquentis, verbis fidem adhibuerunt, & præceptum Dei, quo nihil prius & antiquius habere debeant, sui, atque posteritatis plane inmemores, transgressi sunt. Non inficit tamen, primos Parentes nostros habuisse post peccatum cognitionem experimentalem, quam antehac non habebant. Experientia quippe post peccatum compertum, ac exploratum habere cœperunt, se esse nulos, & erumpentes inordinatos perduellis concupiscentiæ motus persenserunt. Dum vero

essent in statu innocentie, modi quidem erant, sed non erubescant, quia eo in statu iustitia originalis partem inferiorem perfecte subiebat parti superiori, seu rationi. Quo fit, ut cognitio, quam primi Parentes nostri post peccatum de nuditate corporis sui habuerint, fuerit dumtaxat experimentalis, non secus ac licet homo sanus probe cognoscat, quam magnum sit homini bonum sanitas, si tamen in morbum incidat, suæque sanitatis jacturam faciat, tunc cognitione experimentalis sentit, quantum bonum, seu sanitatem, perdidit. Sic non absumit ratione, primi Parentes nostri post peccatum variis titillati rebellis concupiscentiæ moribus, & aliunde sentientes ignorantiam in intellectu, malitiam in voluntate, proclivitatem ad malum, & difficultatem operandi bonum, fatali, heu nimium, experientia cognoscere cœperunt, se a felicissimo innocentie statu, quo fuerant a Deo conditi, propria sua malitia exidisse, sequè iustitiam originalem, beatissimam Cælestium donorum copiam, & virtutum omnium suppellectilem, qua erant exornati, amisisse, adeoque sibi, & toti suæ posteritati omnium malorum agmen importasse. Hoc in sensu intelligenda est Scriptura Sacra, dum de primis Parentibus nostris post peccatum ait: *Et aperti sunt oculi amborum.* Denique, non ignorantur primi Parentes nostri, Deum esse immensum, & ubique præsentem, licet post peccatum voluerint, pudore suffusi, se abscondere a Deo, quemadmodum legitur cap. 3. Libri Geneseos. At enim, noluerunt primi Parentes nostri post peccatum se a Deo abscondere in natura divina existente; Sed voluerunt se abscondere a Deo sub forma humana constituto. Deus enim, postquam peccassent primi Parentes nostri, ut familiaris ageret cum illis, eisque inobedientie peccatum exprobraret, formam humanam assumpsit, cujus vocem cum audierunt, statim perterriti, sibi que male conscii, voluerunt, se a Deo, sub forma humana constituto, abscondere flagitium quippe tenebras amat. Addo etiam, Scripturam Sacram eo loci more humano loqui, sicut dum eodem in capite tertio Libri Geneseos refert, Deum dixisse Adamo: *Adam ubi es?* quæ Scripturæ verba more humano dicta esse nemo non videt, alioquin arguerent in Deo ignorantiam, quasi latuisset Deum locus, in quem se se receperat Adamus. Ex his, quæ hæcenus diximus, manifesto patet, nullam primis Parentibus nostris in statu innocentie de hisse scientiam, sed illos ideo peccasse, & veripellis Serpentis verbis fidem adhibuisse, quia superbia elati ad circumstantias tentationis, qua illos Diabolus, per organum Serpentis loquens, aggressus est, non attenderunt: *Hujusmodi autem peccatum superbia*, inquit S. Thomas 1. part. qu. 63. art. 1. *non præcigit ignorantiam, sed absentiam solon considerationis rerum, quæ considerari debent, & hoc modo Angelus peccavit convertendo se per liberrimum arbitrium ad proprium bonum, absque ordine ad regulam divine voluntatis.* Hæc autem absentia considerationis eorum, quæ in tentatione Serpentis considerari debebant, locum

cum maxime habuit in *Eva*, quæ ideo multiplici nomine peccavit. Primo, quod Serpenti, de præcepto Dei male differenti, aures præbuerit, cum eo otiosa miscens colloquia. Secundo quod pravam Serpentis consiliū non statim respuerit, non exhorruerit. Tercio, quod de re ipsa iudicaverit, non ex Lege Dei, quam apprime edocita erat, sed ex his, quæ apparebant, seu e putridine, odore, sapore, & gustu fructus ventii a Deo. Quarto, quod a Serpente vicia, illius in pervertendo viro, cui locia data erat, ministra fuerit. Vir autem, seu Adamus, præpostera docilitate peccavit, factus uxoris discipulus: uterque autem ex superbia peccavit resistendo Deo, & iustissimo præcepto, quod illis ratione supremi in eos dominii impoſuerat, morem gerere detrectando.

D. Quid intelligis per illum Paradisum, in quo, sicut ex Scriptura Sacra observasti, primi Parentes nostri, post peccatum, audierunt vocem Dei, in humana forma constituti, & ab eo se abscondere voluerunt, cum eos puderet nuditatis suæ?

M. Postquam Deus primum hominem, seu Adamum, e limo terræ formasset, posuit illum in Paradiso, idest, in hortu fecundissimo, & amenissimo, ut operaretur & custodiret illum, eundemque hortum Deus omni genere ligni arborumque conferuit, ut ex earum variis fructibus aleretur homo, Deoque summa devotione serviret. Tum dedit ei mandatum, quod si observasset, immortalis maneret: si transgredisset, morte afficeretur. Id autem præceptum fuit, ut ex arbore intelligentiæ boni, & mali, quæ erat in medio Paradisi, non gressaret. Deus autem adduxit ad Adamum omnia animantium genera, quibus Adamus nomina indidit; sed cum inter omnia animalia nullum inveniret adiutorium ei simile, voluit Deus, ne solus viveret Adamus, divini spiritus aura animatus, sociam ei simillimam ad illius auxilium, & solatium, sed præsertim ad liberum procreationem formare. Quocirca, misit Deus soporem in Adamum, & ex eo, in placidum delapsio somnum, collam unam cum adhærente carne, qualis in homine vivente conspicitur, eripit, & ex ea corpus *Eve* effinxit. Expegeſcens Adamus, & intruens *Evam*, sibi a Deo datam sociam ac conjugem, in hæc verba prorupit: *Hoc nunc as ex ossibus meis, & caro de carne mea: hoc vocabitur Virago, quoniam de viro sumpta est. Quamobrem relinquitur homo patrem suum & matrem, & adherbit uxori suæ, & erunt duo in carne una.* Tam felici primum Parentum nostrorum sorti invidit Diabolus, & per Serpentis organum loquens, omnes fallacias & caliditates fluxas ad decipiendum hominem acuit & intendit, ut ei adimeret immortalitatem. Et primo mulierem, *Evam*, dolo illexit, ut vetitum quædam fumeret, & per eam ipsi quoque homini persuasit, ut violaret Dei Legem. Tunc primos Parentes nostros nuditatis fæx prænit, sed, ut trito fertur adagio, *sero sapiens Phryges*. Culpam statim excepit pœna, quam Deus Diabolo, per Serpentem loquenti, *Eve*, & Adamo inflixit, nihilque moratus frivolas primorum Parentum nostrorum excusationes, illos ex amenissimo loco,

seu Paradiso terrestri, præcipientes eiecit in regionem spinis, utriculique scitentem, in eos, malorum ac infortunatorum progenitores diram mortis protulit Sententiam, atque ante ostium Paradisi collocavit Cherubim, flammeo gladio atque versatili munitum, qui custodiret viam ligni vite, & homines, innumeris obnoxios miseris, ab ejus ingressu in omne ævum arceret, proculque eliminaret. En tibi paucis verbis descripta primorum Parentum nostrorum misera, æternumque deplorenda catastrophæ, quam in Colloquio sequenti accurate perpendemus.

D. Sine, quæso, ut sub finem hujus Colloquii aliquas circa hanc miseram primorum Parentum nostrorum catastrophæ difficultates proponam: Et primo scire velim, ubinam, seu in qua Regione situs esset ille Paradisus terrestris, e quo primi Parentes nostri, postquam peccarunt, fuerant a Deo expulsi? Secundo, quantum temporis in hoc Paradiso, seu amenissimo loco, perstitissent primi Parentes nostri?

M. Circa primum, quod proponis, dubium, variaz clarissimorum Scriptorum circumferuntur sententia, quas hic dumtaxat indigere sufficit, ut ex ea, circa Paradisi terrestris situm, tot opinionum, quæ volitant, varietate, facili negotio dignoscere possis, nihil certi statui posse de loco in quo fuit conditus a Deo Paradisus terrestris. Alii liquidem putant, Paradisum terrestrum fuisse universam Terram. Alii Paradisum terrestrum collocant in tertio Cælo. Alii in quarto. Alii in Cælo Lunæ, alii in ipsa Luna, vel in monte Cælo Lunæ proximo. Alii in media aeris Regione extra tellurem. Alii sub terras, vel in loco remoto, & hominibus plane ignoto. Alii Paradisum terrestrum constituunt sub Polo Arctico. Alii eum reponunt in Oriente. Alii in America. Alii in Africa sub Æquatore, alii in Indiis. Alii denique Paradisum terrestrum a Deo cogitum esse existimant in Asia, sive in Armenia majori, sive in Mesopotamia, aut in Assyria, sive in Perside, sive in Babylonia, sive Arabia, sive Syria, aut Palaestina &c. Quam certe tot inter se se discrepantium circa Paradisi terrestris situm varietatem opinionum postquam attentè mente considerassem, & omnes conjecturas, quibus indulgent earum Auctores, accurato examine discussissem, multum, ut ingenue dicam, arrisit mihi illud S. Augustini lib. 8. de Genesi ad literam cap. 5. *Melinus est, inquit Aquilinus ille Doctor, dubitare de oculis, quam ligare de iocundis.* Nam ex tanta confusione nihil aliud mea sententia colligi potest, quam verum esse, quod antiquissimus Scriptor Tertullianus, similia fortasse de Paradisi loco expertus, prudenter Apologetici cap. 47. scripti: *Paradisum terrestrum esse locum divine amicitia a notitia Orbis communis segregatum.* Et Theodoretus Qu. 19. in Genesim ait: *Deum ignotum fecisse meatum fluminum Paradisi, ut amputaret superfluum hominum christiæstratem; & S. Augustinus lib. 8. de Genesi ad literam cap. 7. putat, Paradisi terrestris locum esse a cognitione hominum remotissimum.* Quoniam igitur in loco situs fuerit Paradisus terrestris, in medio relinquo. Poteris, si tibi per otium liceat, elegantissimum lecturæ Opusculum, quod de Paradiso terrestri edidit illustrissimus Daniel Huetius, Epi-

Episcopus Abrincensis. Hoc unum impraesentiarum de Paradiso terrestri, in quo Deus constituit primos parentes nostros, sufficit ut scias, videlicet Catholica Fide constare, hunc Paradisum fuisse in terra conditum, eumque corporeum extitisse, non spiritalem & figuratum, sicut censuit Origenes in Genesim, teste S. Hieronymo, qui in Epistola 61. (veteris Editionis) ad Pammachium, inter octo Origenis errores, hunc sexto loco recenset: *Quod sic Origenes Paradisum allegorizet, ut Historia auferat veritatem, pro arboribus Angelas, pro fluminibus virtutes celestes intelligens, totamque Paradisi continentiam tropologica interpretatione subvertat.* Ceterum, ut ad secundum, quod proposuisti, Dubium accedam: *Quantum scilicet temporis primi Parentes nostri in Paradiso terrestri presbuerint?* non una omnium est sententia. Quidam auctant, primos Parentes nostros unica tantum die in illo amoenissimo loco vixisse, & eadem die illos peccasse, & e Paradiso fuisse a Deo itidem expulsos. Huic sententiae haud parum favere videtur Textus Hebraeus, nam, cum nos in Editione nostra Vulgata, sic legamus: *Homo, cum in bono esset, non intellexit*; in Textu Hebraeo sic legitur: *Homo, cum in bono esset, non pernoctavit*, id est, in Paradiso terrestri, in quo fuerat a Deo collocatus, unde sequitur Adamum per unum dumtaxat diem fuisse Paradisi terrestri colonum. Alii existimantes, non tam perperam primorum Parentum nostrorum fuisse culpam, eorumque e Paradiso terrestri ejectionem, probabilius esse arbitrantur, Adamum, & Evam octavo a sua productione die peccasse, & e Paradiso fuisse extrusos. Alii magis protrahunt tempus, ac volunt, primos Parentes nostros triginta tres dies in Paradiso terrestri permansisse, eo quod Christus Servator noster, totidem annos ad luendum Adami peccatum in terris vixerit. Alii postremo statuunt, primos Parentes nostros per quadraginta dies in Paradiso terrestri vixisse. Verum, ut ingenuè dicam, cum praedicte sententiae frigidis nitantur conjecturis, nec liceat in his, quae consilio sacrae Litterae religio obtexerunt silentio, ariolari, & metas obtrudere conjecturas, nolo hac in re meum interponere iudicium. Obiter tantum dicam, primos Parentes nostros, postquam per breve temporis spatium amoenissimi Paradisi delicias delibassent atque praegulassent, sua culpa iusto Dei iudicio fuisse illis privatos, ac subinde eorum levitiam, cum maxime gessiret, excepsisse luctum, & summis gaudiis summos pariter intercurrisse dolores.

D. Externe etiamnum Paradisus ille terrestris & quantum ad Solum, & quantum ad amoenitatem?

M. Paradisum terrestrem non amplius extare, sed aquis Diluvii, quae altioribus montibus quindecim cubitis (ut legitur Genesim cap. 7. v. 20.) eminebant, deletum fuisse, multi opinantur viri eroditi. Non desunt tamen Scriptores, qui contendunt, perflare etiamnum Paradisum terrestrem, & in eum, tempore universalis Diluvii divinitus conservatum. translatos esse *Enochum*, se-

ptimum ab Adamo Patriarcham, & Prophetam *Eliam*, qui secundi adventus Christi Domini prodromi ac praecones esse debent, atque in eo adhuc vivere aeternae beatitudinis candidatos. Venio, utraque sententia facile conciliari potest, si dicatur, extare quidem etiamnum Paradisum terrestrem, quantum ad Solum, seu locum, in quo a Deo constitutus erat, sed non quantum ad amoenitatem, venustatem, succulentiam, & copiam arborum, quibus Deus illum primitus exornaverat. Et sane, cum Scriptura Sacra dixerit dicat, a quas universalis Diluvii quindecim cubitis altiores fuisse montibus, quos cooperuerunt, & aliunde hanc Paradisi terrestris ab aquis Diluvii conservationem divinitus tactam, altissimo silentio praetermittat, vero quam similitudinem videtur, Paradisum terrestrem suam, durante Diluvio, venustatem & amoenitatem perdidisse; alioqui, si Deus Paradisum ab aquis Diluvii intactum & ilibatum conservasset, non praecipisset *Noem*, ut Arcam cum tota familia fabricaret, quo suae, & totius familiae salutis, grassante Diluvio, prospiceret, sed *Noem* iussisset, ut se, totamque familiam suam, una cum speciebus animalium, induceret in Paradisum terrestrem, quo aquae Diluvii, impediendo divina omnipotentia, perungere minime potuissent; Deus enim & natura, iuxta commune estium, nihil faciunt frustra. Esto igitur Paradisus terrestris etiamnum existat, quantum ad Solum, seu locum & situm, in quo a Deo conditus fuit, non existit tamen amplius quantum ad venustatem, amoenitatem, & concinnam arborum distinctionem, copiam, ordinem, dispositionem, quam ante hac habebat.

D. Dixisti superius, si bene memini, *Evam* in Paradiso terrestri e colla Adami fuisse a Deo productam. Sed qui hoc fieri poterit, necdum scitis, ut candide fatear, assequi possum. Enim vero, si Deus, ut formaret Evam, subduxit e corpore Adami collam, sequitur, Adamo dehiscente unam collam, ac subinde corpus Adami imperfectum ac mutilum remansisse. Secundo, dixisti, *Evam*, postquam a Diabolo, per Serpentis organum loquente, delusa comedisset veritum fructum scientiae boni & mali, recta adiecit Adamum, maritum suum, eique verbis suis persuasisse, ut mandicaret itidem fructum prohibitorum scientiae boni & mali. Vellem autem scire, quomodo esset veritas ille fructus scientiae boni & mali, quem in Paradiso terrestri manducarunt primi Parentes nostri? Ex deinde, qua lingua Adamus, & Eva in Paradiso terrestri loquerentur, dum inter se miscebant colloquia?

M. Curiosas sane magis, quam utiles, propositis difficultates, de quibus cum penitus sileat Scriptura Sacra, praestare ab illis in integrum superfedere: Sed quia, ut video, moleste ferres, si eas in praesentia intasias omnino relinquere, curiositati tuae morem geram, ea tamen lege, ut paucis verbis me ab illis expediam, sicque Colloquio nostro, quod longius, quam par sit, protraximus, coronidem tandem imponamus. Prima difficultas facili negotio solvitur. Quamvis enim Eva fuerit e colla Adami formata, inde tamen haud sequitur, dehiscente Adamo unam collam, ejusque corpus mutilum & imperfectum remansisse, quia

(ut docet S. Thomas 1. part. qu. 92. art. 3. ad 2.) costa Adami, e qua Deus formavit Evam, fuit de perfectione Adæ, non prout erat individuum quoddam, sed sicut erat principium speciei; sicut semen est de perfectione generantis, quod operatione naturali cum delectatione resolvitur. Unde multo magis virtute divina corpus mulieris potius de costa viri formari absque dolore. Quibus verbis aperte innuit Doctor Angelicus, quod, sicut semen non est de perfectione hominis, quatenus est naturæ humanæ individuum, sed quatenus est humanæ speciei principium per generationem, ita illa costa, ex qua Deus Evam formavit, non erat de perfectione Adami, prout Adamus erat naturæ humanæ individuum, sed prout principium erat totius speciei suæ. Voluit enim Deus, ut sicut ipse est principium totius universi, ita Adamus esset principium totius suæ speciei; quam in rem Apostolus Paulus Actorum cap. 17. ait, quod Deus fecit ex uno omne genus hominum. Nullam ergo imperfectionem, subducta illa costa, contraxit Adamus, nullumque, singulari Dei beneficio, pensit dolore, quando ab eis corpore fuit separata. Cur autem voluerit Deus, ut mulier, seu Eva, fieret ex viro, seu Adamo, & ex illius costa formaretur? plures rationes, quas hic summam delibabo, proferet Angelicus Doctor. Prima est: ut Adamus esset principium totius suæ speciei, si autem Eva ex Adamo non fuisset formata, Adamus non existisset principium totius suæ speciei, sicut max observavimus. Altera ratio est: Ut vir magis diligere mulierem, & ei inseparabilis inhaerere, dum cognosceret eam esse ex se productam, unde dicitur lib. Genes. cap. 2. De viro sumpta est. Quamobrem relinquat hominem patrem & matrem, & adhaerebit uxori suæ. Et hoc maxime necessarium fuit in specie humana, in quam & femina commanent per totam vitam. Quod non contingit in aliis animalibus. Tertia ratio est: quia mas & femina conjunguntur in hominibus, non solum propter necessitatem generationis, ut in aliis animalibus, sed etiam propter domesticam vitam, in qua sunt aliqua opera viri & feminae, & in qua vir est caput mulieris. Unde convenienter ex viro formata est femina sicut ex suo Principio. Quarta ratio est Sacramentalis: Figuratur enim per hanc Evæ ex Adamo formationem, quod Ecclesia a Christo sumit Principium. Unde Apostolus dicit Epist. ad Ephesios cap. 5. Sacramentum hoc magnum est: Ego autem dico in Christo & in Ecclesia: Hæ sunt quatuor rationes, quibus S. Thomas 2. part. qu. 92. art. 3. probat, mulierem, seu Evam, debuisse fieri ex viro, seu Adamo.

D. Valde mihi placent quatuor istæ rationes, quibus S. Thomas evincit, Evam ex Adamo fieri debuisse. At, cedo, ni inolefium sit, rationem, cur conveniens fuerit, ut Eva e costa viri sui Adami formaretur?

M. Geminam rationem 1. part. q. 92. art. 3. adducit Doctor Angelicus, quibus ostendit, conveniens fuisse, ut Eva e costa viri sui Adami formaretur. Primo quidem ad significandum quod inter virum & mulierem debet esse socialis conjunctio. Neque enim mulier debet dominari in virum, & ideo non est formata de capite. Neque debet a viro

despici tanquam serviliter subiecta, & ideo non est formata de pedibus. Secundo, propter Sacramentum, quia de latere Christi dormientis in Cruce fixata erant Sacramenta, idest, sanguis & aqua, quibus est Ecclesia instituta. His duabus luculentis S. Thomas rationibus satis superque diluta manet prima, quam proposuisti, difficultas.

D. Necdum explicuisti, quinquam esset fructus ille a Deo vetitus scientiæ boni & mali, quem in Paradiso terrestri, prava Diaboli, per organum Serpentis loquentis, suggestione, ederunt primi parentes nostri, & qua lingua loquerentur, dum inter se miscerent colloquia?

M. Qualis fuerit fructus ille a Deo vetitus scientiæ boni & mali, quem primi parentes nostri in Paradiso terrestri comederunt, incertum omnino est, idque facile colligitur ex discrepantia sententiarum, in quas abeunt Scripturæ Sacre Interpretes, qui, conjecturis plus æquo hac in re indulgentes, voluerunt pro arbitrato suo definire, & quasi digito monstrare, qualis esset fructus ille a Deo vetitus scientiæ boni & mali. In primis, Moyses Berosphus in libro, quem lucubravit, De Paradiso, existimat, fructum scientiæ boni & mali; a Deo vetitum Adamo & Evæ, nihil aliud fuisse, quam usum connubii, quem Deus primis parentibus nostris in Paradiso terrestri inibuit, donec juberet, ut eo connubii usu invicem fruerentur. Sed hujus sententiæ, cum nullum sive in Sacris literis, sive in SS. Patrum Traditione vel minimum extet vestigium, mirum non est, quod omnium Theologorum calculo rejiciatur. Alii existimant, fructum vetitum scientiæ boni & mali fuisse vel vitem, vel frumentum. Plurimorum fuit opinio fuisse ficum. Alii opinantur fuisse nialum, seu pomum. Alii consentiunt fuisse malum araucanum, aut limonium. Alii dicunt, fuisse cerasum, aut pyrum, vel prunum. Ipse vero, qui in his rebus, quas consulto Scriptura Sacra sipario silentii obtexit, ariolari fas non esse arbitror, ejusmodi questionem de verito fructu scientiæ boni & mali, utpote alendæ potius curiositati, quam fovendæ pietati nitilem, in medio relinquo, & unumquemque in suo sensu abundare permitto. Quod spectat linguam, qua primi parentes nostri in Paradiso terrestri loquebantur, quamque in creatione sua, specialiter Dei infundentis beneficio, receperunt, opportunius ea de re ageremus in colloquio de secunda Mundi ætate, ubi de confusione linguarum post universale diluvium sermonem instituerimus, & quenam fuerit omnium primigenia lingua, investigabimus. Nunc observare sufficiat, linguam, qua primi parentes nostri in Paradiso terrestri utebantur, fuisse hebræam, & ex ea omnes alias linguas, velut totidem dialectos, promanasse, sicut multis argumentis evincit doctissimus, & linguarum Orientalium peritissimus Ludovicus Tönnissimus, Congregationis Oratorii Presbyter, in suo Glossario Hebræico. Sed tempus est ut nostro colloquio finem imponamus.

D. Salte, precor, idem tuam nondum omnino liberaisti. Promissisti quippe, te sub finem hujusce colloquii producturum in lucem fabulas & errores, quos

quos prophani Scriptores, Poetæ videlicet, & gentiles Philosophi; circa primi hominis, Mundi, & animalium creationem commentis sunt. Has itaque fabulas & gentiliū errores debes nunc in lucem proferre, & eadem opera breviter confutare.

M. Fabulas & errores, quos circa primi hominis, Mundi, & animalium creationem, excogitant Ethnici Scriptores, ad quatuor potissimum capita, non longior sim, reducam. In primis, fingunt Poetæ, primum hominem de luto a *Prometheo* factum esse. Quia in re, ut optime observat *Laërtius* lib. 21. *Institutionum Diogenarum* cap. 11. res non fecerit Poetas, sed nomen artificis. Nullas enim veritatis lites attigerant: sed quæ Prophetarum vaticinio tradita in Sacram Dei continebantur, ea de fabulis & obscure opinionis collecta, & depravata, ut veritas a vulgo solet, variis sermonibus dissipata, corrumpi, nullo non addente aliquid ad id, quod audierant, carminibus suis comprehenderunt. Et hoc quidem inepte, quod tam mirabile tanquæ divinum opificium homini dederunt. Quid enim opus fuit, hominem de luto fingi, cum posset eadem ratione generali, qua ipse *Prometheus* ex *Japeto* natus est? Qui si fuit homo, generare hominem potuit, facere non potuit. De Diis autem illum non fuisse, pena ejus in caucaso monte declarat. Apparet ergo falsum esse, quod tinxerunt Poetæ, primum scilicet hominem de luto a *Prometheo* conditum fuisse. Credibile tamen est, ut ibidem advertit *Laërtius*, Poetas, qui figuris involvere solent, & obscurare quæ dicant, innuere diuturnat voluisse, primum omnium *Prometheum* simulacrum hominis formasse de pingui & molli luto, ab eoque natam primo artem & Staturam, & simulacra fingendi. Siquidem *Prometheus* Jovis temporibus fuit, quibus primum templum constitui, & novi Deorum cultus esse coeperunt: Sic veritas, ficata mendacio est, & illud, quod a Deo factum ferebatur, homini, qui opus divinum imitatus est, etiam cepit adscribi. Cæterum scitio veri ac viri hominis e limo; Dei est & non *Promethoi*.

Secundo, erravit Philosophus *Aristoteles*; dicens, Mundum non esse a Deo creatum, sed semper fuisse, & humanum genus, & cætera, quæ in eo sunt, initium non habere, sed semper fuisse ac fore. Quem errorem *Moses* in historica narratione de creatione Mundi præfocat, librum *Geneseos* auspicians his verbis: *In principio Deus creavit Cælum & terram*. Et sane, cum videamus singula quæque animalia, quæ ante non fuerant, incipere esse, & esse desinere; necesse est totum genus aliquando esse coepisse, & aliquando desitutum esse, quia coepit.

Tertio, erravit Philosophus *Democritus*, & *Epicurus*; qui docuerunt, hominem, cæteraque animalia, sua sponte e terra esse nata, & ut divinam providentiam, qua regitur mundus, de medio tollere possent, corpuscula, seu femina per inane volitantia, admiserunt, quibus inter se temere conglobatis, universa gigni atque concrefcere stulte asseverabant. Sed horum stultitia facile resistit. Nam primo, quod sedere inter se hæc corpuscula, per inane volitantia, & qua mente

conveniunt, ut ex his aliquid constituantur? quo pacto tam disposite & ordinate coire possint? cum sensu & ratione careant? Tum igitur Mundum, omneque partes ejus, ut videmus? mirabilis ratio gubernet, cum cæli temperatio, concursus elementorum discordia, & æqualis in ipsa varietate cursus astrorum luminumque cælestium, temporum consensu ac mira descriptio, terrarum varia fecunditas, plana camporum munimenta, & asperes montium, viriditas ubertatque sylvarum, fontium saluberrima eruptio, fluminum opportuna inundatio, maris opulenta & copiosa interfusio, ventorum diversa, & utilis aspiratio, cæteraque omnia ratione summa consent: quis, amabo, tam cæcus est, ut existimet, sine suprema mente esse facta, in quibus mira dispositio providentissime rationis elocet? Deum itaque rerum omnium, quæ in mundo sunt, conditorem ac rectorem esse, solus ille, qui mento captus est, inficiari, aut in dubium revocare potest.

Postremo, pessimus omnium error, quem tu, carissime Discipule, maxime detestari debes, est error *Epicuri*, turpissimæ voluptatis assectoris, qui, ut suis, & aliorum vitii imponentem sponderet, eo impietatis prorupit, ut diceret, Deum nihil omnino de rebus, quæ sunt in hoc Mundo, curare, non ira; non gratia tangi: Inferorum portas non esse metuendas, quod animæ post mortem occidant, nec ulli omnino sint Inferi: Voluptatem esse maximum bonum, cujus caprandæ causa nascitur homo. Hoc portentosum *Epicuri* dogma, quod ad omnium vitiorum genera latissimum aperit ostium, expendens *Laërtius* lib. 3. *Diogenarum Institutionum* cap. 17. hæc habet: *Quis, cum hoc affirmari audiat, vitii & scelerebus abstineat? Nemo si peritura sine animæ appetitum dicitur, ut omnes suavitates capere possimus; quæ si nobis desunt, ab iis, qui habent, assecramus clari, dolo, vi: eo magis, si humanas res Deus nullus curat, quodcumque spes impunitatis arripit, corripimus, necemus. Sapientis est enim male facere, si male sit & tutum: quoniam si quis in cælo Deus est; non irascitur cuiquam. Equè stulti est & benefacere: quia sicut ira non commoveatur, ira nec gratia tangitur. Voluptatibus igitur, quomodo possimus, servamus. Brevis enim tempore nulli erimus omnino. Ergo nullum diem, nullam denique temporis partem vivere nobis sine voluptate passimur, ne? quæ ipsi quandoque perituri sumus, id ipsum quod vicimus, pereat. Et, paucis interjectis, subdit etiam elegans Auctor: Est plane cur quisquam patet, hæc vocem viri esse sapientis, quæ potest levissimis epistolis commodari? Videt, carissime discipule, quod tendat in infestissimum illud dogma *Epicuri*, qui negavit esse Deum, qui hunc mundum negavit ab illo conditum, qui animæ immortalitatem, & Inferorum existentiam mordicus negavit? Hoc igitur scelestissimum dogma omni execratione prosequi debes, & velis remissè fingere consortia quorundam impiorum, qui e schola *Epicuri* prodierunt, jam victa profus & obruta conscientia, ex turpibus factis laudem etiam sibi quaerunt, inque summis malis, perire ut summis bonis acquiescunt; de Deo, de Religione, de animæ*

immortalitate pessime sentiunt, atque undique contaminata vita, pestilentibus exemplis, pestilenti oratione, proximum quemque, velut contagio morbi, inficiunt. Hi nimirum sunt Epicurei nostri saeculi, quos adeo non pudet impie vitæ, ut glorientur in malitia potentes iniquitate. Denique, eo rediguntur infelices, ut non vaneant Sacratissima Religionis Myseria irridere, piorum hominum simplicitatem ludibris incellere, nec a conviciis interim in Christum, nec ab impiis sermonibus abstinentes. Horum itaque improborum hominum, qui sunt deploratae malitiae, & immedicabilis pravitatis, convictum, consuetudinem & colloquia omnino fuge, quia non perinde inficit corpora vicinia pestis ægrotantium, ut oratio istorum flagitiosorum hominum corrumpit familiares. (A)

(A) Bona verba quæso. In Epicureos quidem nec convicia rejicienda merito sunt; sed cum Epicuro, ejusque dogmate in voluptate summum hominis bonum consistente, iustus agendum existimo. Quamquam enim falsus est, cum meditum pro fine constituit, nunquam tamen voluptatem a virtute Philoſophus ille sejunxit; docuit enim statuemum quidem esse pro fine ultimum summam voluptatem, at simul negavit dari summam voluptatem posse, quæ non esset victuatum exercitatione quæsitæ. Id ex ejus fragmentis, & gravissimorum auctorum testimonio erigit Petrus Gassendus in disert. de vita, moribus, & doctrina Epicuri. Hoc tamen, factor, de voluptate dogma Epicureos egit in transverſum; voluptatem enim pro fine ultimo sibi præstantes, alio, quam ubi a magistro suo erat constituta, illam quærebant.

D. Nihil mihi unquam commercii, negotii ac societatis erit cum istis impiis hominibus, qui Deum esse negant, Sacras Scripturas ridet, nullam Religionem admittunt, ut hoc pacto in suis vitis securitatem sibi quærentes atque licentiam impune faciendi quicquid lubet, subintret tandem impietas inverecunda, impavida circa illicitum regnet audacia, & timor omnis penitus excutiat, dum nec poena post mortem timetur, nec a Deo ullum commodam speratur. Horum, inquam, pestilentissima colloquia semper devitabo, quia, ut prudenter monet Poeta: *corruptus bonus moris colloquia mala.*

COLLOQUIUM II.

In quo discutuntur ac dirimuntur difficultates, quæ de statu Adami post peccatum proponere solent Theologi.

M. Status Adami post peccatum, de quo in præsentī Colloquio sermonem habituri sumus, nihil aliud est, quam conditio naturæ humanæ, Adami peccato, quod in omnes ejus posterorū via ordinaria per seminalem propagationem tradidit, inquinatæ. Quamvis enim homo gratiæ medicinalis beneficio sit a Christo, Salvatore nostro sanatus, semper tamen dicitur in statu

naturæ lapsæ; tum quia gratia illa medicinalis naturam universam reapse non sanat, sed naturæ dimittat individua quedam; quibus per baptismum confertur; Tum quia etiam, restituta in sacro Baptismate fons gratiæ sanctificans, semper in homine baptizato infixus manet peccati fomes, qui est mala peccati Adami appendix, & ad peccatum inclinans, quo fit, ut, licet homo per gratiam sanctificantem perfecte sanetur quantum ad mentem, remaneat tamen infirmitas quantum ad carnem, per quam servit legi peccati, ut docet S. Thomas. Hic autem status hominis post peccatum Adami quadruplex distinguitur. Primus est ante Legem scriptam, seu Mosaicam, & ille dicitur *status legis naturæ*. Secundus est sub lege scripta, & ille appellatur *status legis Mosaicæ*. Tertius est sub gratia, & illa nuncupatur *status legis Evangelicæ*. Quartus est in pace, quæ (ut ait Sanctus Augustinus in Enchirido ad Laurentium cap. 118.) post hanc vitam in requie spiritus, deinde in resurrectione etiam carnis implebitur. Et hic postremus hominis status vocatur *status æternæ Beatitudinis*. Porro, hic agendus de statu hominis post peccatum sub lege naturæ usque ad universalem Diluvium.

D. Cur, quæso, præcepit Deus primis parentibus nostris, ne comederent fructum ligni scientiæ boni & mali, & quodnam fuit in illo transgressio divino præcepto eorum peccatum?

M. Deus ratione supremi domini, quod obtinet in omnes creaturas, ac subinde in primos parentes nostros, eis præcepit, ut non ederent fructum arboris scientiæ boni & mali, quo fuit erga ipsam, creatorem, & supremum rerum omnium Dominum, promptam obedientiam demonstrarent: *Bona est arbor, nolo tangere. Quare? Quia Dominus sum & servus es. Hæc tota causa est. Si parva est, dedignari esse servum. Quid autem tibi expedit nisi esse sub Domino? Quomodo eris sub Domino, nisi fueris sub præcepto? Sunt verba S. Augustini in Psalmum 70. Concione 2. post medium. Et ibidem ait Aquilinus ille Doctor: Non poteras Deus professus demonstrare quantum sit bonum obedientiæ, nisi cum prohibuisti ab ea re, quæ non erat mala. Obiter tamen adverte debes cum eodem S. Doctore loco mox a me laudato, arborem illam appellatam esse *Scientiam boni & mali*, non quia inde talia quasi poma penderent: sed quia homo, qui nollet bonum a malo discernere per præceptum discreturæ erat per experimentum, ut tangendo vetitum, inveniret supplicium. Quale autem in transgressione divini illius præcepti fuerit primum parentum peccatum, constans est Sanctorum Patrum Augustini & Thomæ doctrina, fuisse peccatum superbiæ. Sic enim S. Augustinus cap. 13. lib. 14. De civitate Dei docet: *In oculis autem mali (seu primi parentis nostri) esse caperunt, ut in aperiens inobedientiam laberentur. Non enim ad malum opus pervenerunt, nisi præcessisset mala voluntas. Porro mala voluntas initium quid potuit esse nisi superbiæ? Initium enim omnis peccati superbiæ est. Quid est autem superbiæ nisi perversa celsitudinis appetitus? Perversa enim cel-**

*crisnada est, deserto est, ut debet animus inherere principio, sibi quodammodo fieri atque esse principium. Hoc fit, cum sibi nimis placet &c. Non ergo malum opus factum est, idest, illa transgressio, ut cibo prohibito vesceretur, nisi ab eis, qui iam mali erant. Sancto Augustino succinit Sanctus Thomas 2. 2. qu. 162. art. 1. ubi hæc habet: *Necessarium est, quod prius invenitur inordinatio in motu interiori anime, quam in actu exteriori corporis.... Inter motus autem interiores prius movetur appetitus in finem, quam in id quod queritur propter finem.... Unde relinquitur, quod primum peccatum hominis fuit in hoc quod appetitus quoddam spirituale bonum supra suam mensuram; quod pertinet ad superbiam. Verum, quavis peccatum primum parentum nostrorum proprie fuerit peccatum superbie, hæc incongrue tamen appellari potest peccatum universale, seu seminarium peccatorum, præsertim inobedientie, gula, intemperantiae, perditionis, ingratitude post hominum memoriam maxime, & sceleratissimi patricidii, quo sibi omnibusque posteris temporalem mortem consecraverunt, & æternam mortem intulissent, nisi filius Dei unigenitus, factus homo, nos ab æterna morte per pretiosum sanguinem, quem in ara crucis effudit, misericorditer liberasset: Peccato autem Adami occasionem dedit nimis & inordinatus amor, quem habuit erga uxorem suam, sicut Sanctus Augustinus lib. 2. de Genesi ad litteram explicat his verbis: *Ita Salomon, vir tanta sapientia, nunquid credendum est quod in simulacrorum cultu credidit aliquid esse utilitatis? Sed multum amori ad hoc malum trabenti resistere non valuit, faciens quod sciebat non esse faciendum, ne suus, quibusque deperibat, atque dissimulat, minister delictis contristeret. Ita & Adam, postquam de prohibito ligno seducta mulier manducavit, eique dedit, ut simul ederent, noluit eam contristari, quam credebatur posse sine suo solatio contabescere, si ab ejus alienaretur animo, & omnino illa interire discordia. Non quidem carnis vitium concupiscentia, quam nondum senserat, in resistente lege membrorum legi mentis suæ, sed amicali quodam benevolentia, qua perquamque fit, ut offenderat Deus, ne homo ex amico fiat inimicus. Hinc est, quod idem Sanctus Doctor cap. 17. libri 14. de civitate Dei ait, *Quod Adamus scivis prudens lege peccavit juxta illud Apostoli Pauli: Et Adam non est seductus, mulier autem sancta in pravaricatione fuit. 1. ad Timotheum. cap. 2.****

D. Quam grave, nobisque fatale ac funestum fuerit primum parentum nostrorum peccatum, facile intelligo. Sed dicas velim, an Deus statim ac peccatum primi parentes nostri, Sententiam mortis in illos protulerit, eosque suppliciis, quæ committerebantur, addiderit?

M. Certe, digni erant primi parentes nostri, qui post peccatum, nulla interposita mora, non solum iustitiam originalem, in qua conditi fuerant, vitamque temporalem amitterent, sed etiam æternis infernorum penis sub potestate demonum cruciarentur. Sic enim Deus, iustus iudex, & præpotens fœterum ultor, animadvertit in reprobos Angelos, quos cum primum peccassent, da-

mnavit, & absque ulla salutis spe, ad infernum ætatum præcipitavit. At, vide, si placet, quam misericorditer cum primis parentibus nostris, post illorum peccatum, egerit clementissimus Dominus. Potuisset quippe Deus primis parentibus nostris, postquam peccaverant, non tantum adimere, sicut merebantur, vitam temporalem, verum etiam illis e vestigio ad infernum detrudere, & tamen Deus illis vitam temporalem indulget, & ut eximerentur ab æterna, quam incurrerant, morte, jam misericordia mortis, præparat illis efficacissimum remedium, conferendum per mortem filii sui unigeniti, quem missurus erat in Mundum, ut naturam humanam induens, totum genus humanum, primigenia protoparentis labe perditum, profuso in ara crucis sanguine, repararet, illarumque damna cum fenore relaceret. Quin, teste Scriptura Sacra, Deus erga primos parentes nostros, postquam peccassent, ad misericordiam propensissimum sese exhibuit, atque paratum, ut illos venire donaret, si voluissent peccatum ultro confiteri, diviniæque ejus opem implorare. At enim, quid aliud sibi volunt hæc verba Dei, Adamum, post illius peccatum, compellantis: *Adam ubi est.... Quis enim indicavit tibi quod nudus esses, nisi quod ex ligno, de quo præceperam tibi ne comideres, comidisti?* Quid etiam ille pudor, quo Deus primos parentes nostros, statim postquam peccassent, percutit, ut agnoscerent, se esse nudos, & solis ficum consutis suam nuditatem obtegerent? Quid denique illa repentina fuga, qua primi parentes nostri post peccatum tentantur se abscondere a facie Dei? Quid, inquam, hic primum parentum nostrorum post peccatum pudor, eorum fuga ac timor aliud indicant, quam stimulos, quibus Deus eorum conscientiam pungi, & quasi tacito verberæ cedi voluit, ut tandem aliquando, facti poenitentes, resipiscerent, peccatum suum ea, qua par erat, humilitate confiterentur, & ab eo veniam consequerentur? Verum, primi parentes nostri voci Dei, illos ad poenitentiam invitantis, omnino obdormuerunt, & vanas excusationes, ut peccatum a se amolirentur, obtenderant. Quo factum est, ut Deus illos rebelles, suaque obstinatione omnem Divinæ misericordie adiutim præcadente, debitæ poenis tandem multaverit.

D. Ecurr, queso, Deus erga lapsos primos parentes nostros tam misericordem, & verâ vice, erga Angelos reprobos tam severum sese ostendit judicem?

M. Quoniam hujus discriminis ratio potissimum potenda sit ex supremæ voluntate Dei, qui (ut ait Apostolus Paulus Epist. ad Romanos cap. 9.) *ejus vult miseretur & quæ vult indurcat*; duæ tamen hæc incongruæ possunt assignari rationes, cur Deus tam severe cum Angelis reprobis, & ex adverso ergo lapsos primos parentes nostros tam misericorditer egerit. Prima est, quia Angeli, qui postea reprobi fuerunt, antequam sciantiam, & dona cum naturalia, tum supernaturalia acceperant a Deo excellentiora his gratiis ac donis, quæ primi parentes nostri in creatione receperunt a Deo. Peccatum igitur Angelorum, qui, Luciferum

rum secuti, rebellant contra Deum, gravius fuit peccato primorum parentum nostrorum, ac subinde severius a Deo puniri debuit, quam peccatum primorum parentum nostrorum, quia, ut inquit Sanctus Gregorius Magnus Homil. 9. in Evangelia, cum augeretur dona, & rationes etiam crescerent donorum. Tanto ergo esse humilior atque ad servandum promptior quisque debet ex munere, quanto se obligatiorem esse conspicit in reddenda ratione. Altera ratio est, quia omnes Angeli simul creati sunt, nec per successivam generationem produci debebant. Acta igitur existerant Angeli reprobi, qui, una cum *Lucifero*, eorum Antesignano, rebellionis vexillum contra Deum erexerunt, & propria, actuali & personali voluntate peccarunt. Consentaneum itaque erat iustitiae divinae, ut Angelos reprobos, qui actu existerant, quique non aliena voluntate, sed propria & personali voluntate peccaverant, confestim, & citra ullam dilationem poenis aeternis inferni plecterent. At vero, Deus decreverat, ut mortalem hominum genus ab *Adamo* & *Eva*, ejus conjuge, per generationem successivam propagaretur. Si igitur Deus *Adamum*, & *Evam*, statim ac peccarunt, morte non solum corporis, sed etiam aeterna animae morte poenis inferni traditos punivisset, non fuisset propagatum genus humanum, sed manifeste penitus extinguitum. Non congruebat etiam iustitiae divinae, ut filios *Adami* (si quos, antequam peccaret, procreasset) aeterna morte statim puniret, quia illi filii non propria & personali voluntate peccassent, sed aliena, seu voluntate eorum patris *Adami*, ad discrimen reproborum Angelorum, quos ideo Deus, statim ac peccarunt, aeternis inferni suppliciis cruciandos edixit, quia ipsi reprobi Angeli non aliena, sed propria, libera, actuali, & personali voluntate peccarunt, seque volentes ac scientes, Deo perduelles constituerunt. Hæ sunt in summa rationes, quibus utcumque explicari potest, cur Deus erga lapsos primos parentes nostros tam misericordem, erga vero reprobos Angelos tam severum iudicem sese ostenderit. Promerebantur primi parentes nostri, non secus ac Angeli reprobi, statim ac peccarunt, mortem corporis & animæ. Utramque poenam, ipsis debitam, ultro distulit misericors Deus, immo, certam spem ac fiduciam fecit, se aliquando misurum filium suum unigenitum, Jesum Christum, verum Messiam, qui eos, illorumque posteros a poena aeternæ mortis, quam per peccatum incurrerant, liberaret, & eorum malis praesentissimum afferret remedium. Quis Christianus, hæc audiendo, non exclamet cum Propheta Regio: *Misericordias Domini in æternum cantabo*; vel cum Propheta *Habacuc* cap. 3. *Dominus, cum iratus fueris, misericordiae recordaberis*.

D. Quod Deus summe misericors primos parentes nostros, postquam peccarunt, non statim vita temporali privaverit, nec aeternis, prout merebantur, affligeret cruciatibus, certe mirari non subit, cum nunc etiam videamus, Deum, in tanta impietate hominum, tantique peccatis patientissimum esse, & iram suam continere. Si e-

nim statim vindicaret, & pro merito quemque statim puniret, nemo superesset. Nullus est enim, qui nihil peccet, & multa sunt, quæ ad peccandum irritant, ætas, violentia, egestas, occasio, premium. Adeo subjecta est peccato fragilitas carnis, quæ induit fumus, ut misericors Deus non ad præsens noxium quemque puniat, sed ei poenitentiae tempus concedat, & resipiscendi facultatem. Summam igitur agnosco misericordiam Dei, qui primos parentes nostros non statim post illorum peccatum morte temporali & aeterna, ut merebantur, punivit; Sed tamen, ut candide fatear, necdum capio, quo in sensu intelligenda sit hæc comminatio, qua Deus prohibuit *Adamo*, ne fructum scientiæ boni & mali, dicens: *De ligno scientiæ boni, & mali ne comederis; in quocunque enim die comederis ex eo, morte morieris*, Genes. cap. 2. v. 17. Quibus verbis Deus comminatur *Adamo*, ipsum moriturum eodem die, quo fructum scientiæ boni & mali comederet, & tamen constat, *Adamum* non eodem die, quo fructum scientiæ boni & mali comedit, mortuum esse, sed multos postea annos una cum sua conjuge *Eva* vixisse. Expone igitur, quæso, quo in sensu intelligenda sit divina illa comminatio? & quo pacto in primis parentibus nostris fuerit completa?

M. Quamvis *Adamus* & *Eva* non mortui sint eodie, quo comederunt fructum ligni scientiæ boni & mali, in eo tamen sensu, juxta S. Augustinum lib. 1. de peccatorum Meritis & Remissione, in illis impleta est divina illa comminatio: *Qua die ederitis, morte moriemini*, quod *Adamus* & *Eva* eodie, quo comederunt fructum ligni scientiæ boni & mali, mori cepimus, seu mortis legem, qua in senium veterascerent, accepturam. Non enim stat vel temporis puncto, sed sine intermissione laborat quidquid continua immutatione sensum currit in finem, non perficientem, sed consentientem. Sic itaque impletum est, quod dixerat Deus: *Qua die comederitis, morte moriemini*, idest, moriendi Legi ac necessitati eritis obnoxii.

D. Cum igitur Deus summe bonus *Adamum* & *Evam*, statim ac peccarunt, nec mortis, nec damnationis aeternæ poena punierit, scire velim, quam poenam illis primis Parentibus nostris confestim post ipsorum peccatum inflinxerit Deus? & quam Sententiam in ipsos protulerit?

M. Quia *Eva*, pravum Serpentis consilium sequendo, prius peccaverat, in eam Deus protulit Sententiam, per quam non solum *Eva*, sed & omnes mulieres sub *Eve* persona (si tamen Beatiss. Virginem Mariam exceperis, in qua de Spiritu Sancto sine carnis concupiscentia conceptus est Filius Dei Jesus Christus Dominus noster) ad partus doloris plenos, ad arumnas multas, & ad Viri subjectionem damnantur his verbis: *Multiplicabo arumnas tuas, & conceptus tuos, in dolore paries filios, & sub viri potestate eris, & ipse dominabitur tui*. Gen. c. 3. v. 16. In *Adamum* vero, qui audierat vocem uxoris suæ, & in omnes viros sub persona *Adami*, Deus hanc protulit Sententiam, per quam ad perpetuos labores damnantur his verbis: *Quia audisti vocem uxoris tuæ, & comediisti de ligno, ex quo præceperam tibi ne*

quod dicitur, maledicta terra in opere tuo: in laboribus comedet ex ea cruciatis diebus vita tua. Genes. cap. 3. v. 17. Sed, ut clarius intelligas, quot pœnz, miseriae, & calamitates peccatum Adami secutæ sint, primum tibi ob oculos ponam felicitatem ac delicias, quibus Adamus gaudebat in statu innocentie. Deinde, recensero miseriae, pœnz, & calamitates, quas Adamus, post peccatum, ejusque posteris experti sunt, & etiamnum experiuntur. In primis, felicitatem ac delicias, quibus fruebatur Adamus in statu innocentie Sanctus Augustinus lib. 14. de Civit. Dei cap. 16. luculenter describit his verbis: *Vivebat, inquit, homo in Paradiso sicut volebat, quandiu hoc volebat, quod Deus iusserat. Vivebat fructus Dco, ex quo bono erat bonus, vivebat sine ulla cogitatione, ita semper habens vivere in potestate. Cibum aderat ut essuriret; lignum vite, ne illum senectute dissolveret. Nihil corruptio in corpore, vel ex corpore ulla molestia, ulla ejus sensibus ingerebat. Nullus intrinsecus morbus, nullus ætus urtuebatur extrinsecus. Summa in carne sanitas, in omnia res tranquillitas. Sicut in Paradiso nullus effusus aut frigus, sic in ejus habitatore nulla ex cupiditate vel timore accedebat bone voluntatis offensus. Nihil omnino triste, nihil inavertit lætum, gaudium vero perpetuabat in Deo, in quem flagrabat caritas ex corde puro, & conscientia bona, & fide non ficta, atque inter se conjugium fide ex bono amore societas, concors ventris corporisque vigilia, & mandati sine labore custodia. Non lassitudo fatigabat oculos, non somnus premebat invictum etc. Audisti hæclemus, carissime Discipule, felicitatem & delicias, quibus Adamus in statu innocentie perfundebatur, audi nunc miseriae & calamitates, quibus Adamus, postquam peccasset, se totumque genus humanum reddidit obnoxium. Ex primo quidem, Adamus, dum peccavit, se, omnemque suos posteris miseris, morbis & laboribus subiecit. Secundo, per peccatum Adami mors intravit in Mundum, sicut dicit Apostolus Paulus Epistolæ ad Romanos cap. 5. v. 12. *Per unum hominem, inquit, peccatum intravit in hunc Mundum, & per peccatum mors, & ita in omnes homines mors pertransiit, in quo omnes peccaverunt:* & Lib. Sapientie cap. 2. v. 22. & 24. dicitur: *Deus creavit hominem inextinguibilem... iustitia autem Diaboli mors introiit in Orbem terrarum.* Tertio, Adamus, per peccatum suum, non solum spoliatus est donis gratuitis, & præsertim iustitia originali, in qua fuerat a Deo conditus, sed etiam vulneratus est in suis facultatibus naturalibus, quod Christus Dominus cap. 20. Lucæ v. 30. innuit ea parabola hominis descendit ab Hierusalem in Jerocho, qui incidit in Latrones, a quibus non tantum spoliatus, sed etiam vulneratus & semivivus relictus est. Hinc S. Augustinus lib. de Natura & Gratia cap. 3. ait: *Adam ille est, quem semivivum latrones reliquerunt, qui gravibus faucibus, confossisque vulneribus, non ita potest ad iustitie culmen ascendere, sicut potuit inde descendere.* Quatuor autem vulnera Adamus, dum peccavit, non tantum sibi, sed & toti naturæ humanæ infixit, videlicet effraznem concupiscentiam, ignorantiam, & infirmitatem, sicut disse dect S. Thomas 1. 2. quest.*

Hist. Vet. Test. Tom. I.

85. art. 2. ubi sic ratiocinatur: per iustitiam originale perfectæ ratio continebat vires inferiores subditas animæ, & ipsa ratio a Deo perficiebatur et subiecta. Hæc autem originalis iustitia subtrahita est per peccatum primi Parentis, & ideo omnes vires animæ manent quodammodo destitute proprio ordine: & ista destitutio dicitur vulnus naturæ. Sunt autem quatuor potentie animæ, quæ possunt esse subiecta virtutum, scilicet Ratio: in qua est prudentia; Voluntas, in qua est iustitia; Irascibilis, in qua est fortitudo; Concupiscibilis, in qua est temperantia. In quantum ergo Ratio destituitur suo ordine ad verum, est vulnus ignorantie: in quantum Voluntas destituitur ordine suo ad bonum, est vulnus malitiæ; in quantum Irascibilis destituitur suo ordine ad arduum, est vulnus infirmitatis; in quantum Concupiscibilis destituitur suo ordine ad delectabile moderatum ac temperatum ratione, est vulnus concupiscentie. Ex hoc S. Thomas ratiocinio pater, quatuor vulnera per peccatum Adami fuisse totidem potentis animæ infecta, nimirum ignorantiam in intellectu, malitiam in voluntate, infirmitatem in appetitu irascibili, & perdellem concupiscentiam in appetitu concupiscibili. Denique, per peccatum Adami singulis hominibus omnium malorum cohoris incubuit: *Malorum omnium nostrorum causa peccatum est.* Non enim sine causa homines mala ista patiuntur. Iustus est Deus, omnipotens est Deus, nullo modo ista poterimus, si non mereremur, inquit Sanctus Augustinus Sermone 240. alias 139. de tempore.

D. Hominem multis malis & innumeris miseriis obnoxium esse agnoverunt etiam Philosophi, sed tot malorum & miseriarum primordiale causam, quam indicat S. Augustinus, videlicet peccatum Adami, nullo pacto penetrare potuerunt, utpote qui lumine Fidei erant plane destituti. Cicero siquidem, quem nuper legebam, in Libro 2. de Republica, ait, hominem, non ut a matre, sed ut a natura natum editum in vitam, corpore nudo, fragili & infirmo, animo autem anxio ad molestias, humili ad timores, avili ad labores, prono ad libidines: in quo tamen inest tanquam obitus quidam divinus igitur ingenii & mentis. Hæc Ethnicorum Philosophorum, qui alioqui magno & excellenti ingenio præditi erant, de conditione hominis ignorantia sat superque profudit, quam densas tenebras intellectu humano offudit Adami peccatum, in quibus tenebris nos adhuc immersi iaceremus, nisi Deus in sacris Literis nobis revelasset veram omnium malorum nostrorum causam esse peccatum Adami, qui primum fuit conditus rectus, & ab omnibus miseriis immunis, sed per peccatum excidendo a felicissimo illo statu, in quo erat, se, omnemque suos posteris in voraginem miseriarum, quibus nunc, velimus nobis subiacemus, miserum in modum precipitavit.

M. Recte dicis. Agnoverunt quidem Ethnici Philosophi nasci homines ætatis, miseriis, & diris doloribus obnoxios, eosque in hoc deterioris esse conditionis, quam sint ipsæmet bellæ, sed tamen causam harumque miseriarum, quibus tantum non homines opprimuntur, nescierunt: *Rem vidit*

C 3

(Tul.

(Tullius Cicero) *causam nescitis quia faceris literis non eruditus, ignovistis originale peccatum*, inquit S. Augustinus lib. 4. contra *Julianum*, Pelagianum, num. 60. alias cap. 12. In hac peccati originalis, quod fuit omnium malorum notiorum causa, imemoratio versantes Ethnici, sive Poetæ, sive Philosophi, in varios inpergerunt errores, quos hic referre non abs re erit, ut inde intelligas, illos lumine Fidei destitutos, Sacrarum Litterarum notitia privatos, veram hominum conditionem intelligere non potuisse. Alii quippe, sicut Poetæ, cum viderent, homines tot miseriis, poenis ac calamitatibus ab ipso vitæ exordio cruciari, finxerunt, ut videre est apud *Lætantium* libro 6. Divin. Institut. cap. 10. *homines non a Deo factos, sed ex terra primitus natos esse, tanquam ex draconis alicujus dentibus præfeminatos, qui, cum per sylvas, & campos erraticam dederent vitam, nec alio inter se sermonis aut juris vinculo cohererent, sed frondes & herbas pro cubilibus, speluncas & antra pro domibus haberent, bestiiis & fustioribus animalibus præda fuerunt*. Tum eos, qui aut lenitati effugerant, aut leniori proximo viderant, admonitos periculi sui, ad alios homines decurrisse, præsidium implorasse, & primo nubibus voluntatem suam significasse, deinde sermonis initia tentasse, ac singulis quibusque rebus nomina imponenda, paulatim loquendi persequendo rationem. Cum autem nec multitudinem ipsam viderent contra bestias esse tutam, oppida etiam capisse munire, vel ut quiescent noctis tutam sibi facerent, vel ut incursantes aque impetus bestiarum non pugnando, sed obiectis aggeribus arcerent. Hæc Poetarum fragmenta postquam retulit *Lætantius*, exclamat: *O ingenia hominum indigna, quæ hæc ineptis protulerunt, miserroræque æque miserabiles, qui stultitiam suam literis memorique mandaverunt! Qui, cum viderent multis quoque animalibus ingentem esse inclinationem vel convertendi, vel invicem appetendi, vel periculi fugiendi, vel mali cavendi, vel cubile sibi & latibula parandi, homines matrem ipsos existimaverunt non nisi exemplis admoneri, ac discere potuisse quid metuere sibi, quid cavere, quid facere deberent, aut nunquam convenerunt inter se fuisse, nec loquendi rationem reperturas, nisi eos bestie commisissent*. Sed mittamus, quæzō, hæc commenta ac deliria Poetarum, & veniamus ad antiquos superstitionis Gentilitatis Philosophos, quibus etiam plane ignota fuit vera hominis conditio. Pythagoræi Philosophi (sicut observat S. Thomas 1. p. quest. 48. art. 1. ad 1.) censebant, *malum esse quandam naturam subsistentem, non sicut ac bonum, ideoque bonum & malum quasi duo genera, aut duas categorias constituebant, quam Pythagoræorum doctrinam amplexi sunt Magi Persarum, ut videre est apud Diogenem Laertium in Proœmio ad vitas Philosophorum, & apud Plutarchum lib. de Iside, & Osiride*. Hoc iactō semel fundamento, admittebant illi Philosophi duo prima principia, quorum unum esset *bonum*, & alterum *malum*, ita ut omnia, quæ in Mundo & in homine essent mala, a malo principio, seu e causa effeetrice prodirent. Hanc pessimam Gentilium Philosophorum doctrinam obvis uis etiam amplexi sunt hæresiarca *Manes*, ejusque discipuli, dicti *Manichei*. Nam, cum in-

credibile putarent, Deum bonum & justum ætorem esse pravæ & effrenis illius concupiscentiæ, quæ ad omnium scelera atrocitatem, puta ad homicidia, adulteria, libidinem immanique interitum contra naturam rationalem crimina feruntur, & incitantur homines, duos confinxerunt Deos, alterum *bonum*, a quo, cæi a causa effeetrice omnia promanarent bona, alterum *malum*, a quo, cæi a causa itidem effeetrice, etque potentissima, orientur mala, ac subinde prava & perduellus illa concupiscentia, quæ homines ad nefanda impelluntur flagitia, quamque Deo bono, justo & sancto, tanquam auctori attribueret nefas esse dacebant. In tam crassum errorem ideo antiqui gentiles Philosophi, & hæretici Manichei prolapsi sunt, quod veram hominis conditionem perspectam minime habuerunt. Causa enim malorum, quæ nunc patitur homo, & præsertim rebellionis concupiscentiæ, alia non est, quam peccatum Adami, quod ad omnes homines per generationem traducitur. Si enim Adamus non peccasset, omnes ejus posterij ab omnibus malis, & a rebellionis concupiscentiâ fuissent plane liberi, sicut in primo nostro colloquio ostendimus. Absurdissime igitur hæretici Manichei, antiquorum gentilium Philosophorum deliramenta secuti, duos admisserunt Deos, unum *bonum*, qui esset causa effeetrix omnium bonorum, & alterum *malum*, qui esset causa effeetrix omnium malorum. Quasi vero, mala positivam quandam ac physicam naturam haberent, & causa effeetrice indigerent; cum potius nihil aliud sint, quam defectus, & privatio boni.

D. Errorem antiquorum illorum Philosophorum, nec non hæreticorum Manicheorum, qui delitabant, rebellionem concupiscentiæ, quam experiantur homines, esse malum, & ab aliquo malo Deo, tanquam a causa effeetrice, productam fuisse, libentissime detestor. Tantum enim abest, ut concupiscentiam, quam nunc homines sentiunt, malum esse putem, & ab aliquo malo Deo, tanquam a causa efficiente, productam, ut potius (si mihi hac in re liceret meum interponere iudicium) dicerem, hanc concupiscentiam esse bonam, & naturæ hominum consentaneam; tum quia videmus, eos motus, quos concupiscentiæ tribuimus, fieri in bellis secundum eam naturam; tum quia etiam, si homo conditus fuisset in statu naturæ puræ, sensisset naturaliter concupiscentiæ motus; quod autem fit secundum ordinem naturæ puræ, non potest esse malum, aliqui transfunderetur in Deum, qui est Auctor naturæ. Verum, quia timeo, ne meum hac in re me fallat iudicium, edoce me, quæzō, quid juxta Fidem Catholicam, tenere ac credere, quoque errores repudiare debeam.

M. Absit, ut unquam tibi probetur tam pestilens doctrina, quæ nihil aliud est, quam pura putaque hæresis *Pelagii*, ejusque Sæclatorum, qui concupiscentiam carnis *bonum* esse naturæ prædicabant. At enim, si hæc concupiscentia, quæ importat pugnam carnis adversus spiritum, esset bona, & naturæ hominis conveniens, esset Deo,

TAN-

tamquam auctori naturæ, adscribenda. Quid autem absurdum, quam dicere, Deum auctorem esse illius effensis concupiscentiæ, quæ ferantur homines in ea, quæ tanto studio vetuit implere Deus, videlicet in adulteria, furta, cædes, veneficia, & in omne scelerum genus, quæ rationem humanam tam graviter offendent? Hæc certe concupiscentia, quæ contra hominis rationem colluctatur, quatenus inordinata est, & extra limites rationis effunditur, sicut eam experiuntur homines in statu naturæ lapsæ, non potest esse bona, nec a Deo profecta, sed est vulnus relictum ex peccato primi Parentis, qui a Deo fuerat factus rectus, sed ipse vias suas malas fecit, nec sibi domtaxat infudit pravæ concupiscentiæ vulnus, sed illud quoque ad posterum transmisit. Hinc S. Augustinus, quoties adversus Julianum, Pelagianum, probat, malam esse concupiscentiam, luculentissimum depromit argumentum ex illa tumultuantium contra rationem cupiditatum pugna, quam in statu naturæ lapsæ excitat inordinata concupiscentia, quæ subinde nec est bona, nec a Deo profecta: Hæc (inquit Aequilinus ille Doctor lib. 4. contra Julianum cap. 13.) *concupiscentia, quam Ladda, non est a Patre. Duo enim bona, quæ a Patre sunt, inter se pugnare non possunt: pugnant autem inter se continentia, & concupiscentia. Quid autem horum a Patre magis esse velis? Responde. Video quas patiaris angustias; feres quidem concupiscentiam, sed erubescis continentiam.* Fatgor quidem, in belluis, quæ rationis sunt expertes, motus illos, quos concupiscentiæ tribuimus, secundum eam naturam fieri, at certum est, motus illos concupiscentiæ, qui belluis, ratione carentibus, naturales sunt, & ordinis non adversantur, in homine esse defectus, & vitia. Ratio est, quia ordo in homine postulat, ut pars superior, seu Mens, dominetur inferiori, seu carni. Quo fit, ut si caro adversus spiritum, seu mentem, insurgat, id non opus Dei sit, sed ipsius hominis, qui adversus conditorem suum rebellavit. Unde S. Augustinus lib. 2. contra Pelagianum & Celestium, de Gratia & peccato originali cap. 40. ait: *Tanta namque excellens est in comparatione peccati homo, ut vitium hominis sit natura peccati.* Ex lib. 4. contra Julianum cap. 3. *hæc autem libido, inquit, ideo malum non est, in belluis, quoniam non repugnat rationi, quæ caret.* Hinc bellus: non patet libidinis fuz, homines autem erubescunt de libidine sua; nullum quippe est peccatum, teste Tertulliano, quod naturæ pudet, aut horrore non perfuderit. Denique, duplex distingui debet concupiscentia, una videlicet, quæ bona est, quatenus est affectio appetitus sensitivi rationi subdita: Altera, quæ prava est, & inducit rebellionem passionum, & pugnam contra spiritum, & rationem, hæc vocatur perduellis concupiscentia, quæ originem habet ex peccato Adami, ac subinde locum non habuit in Adamo innocenti, nec extitisset antequam prædicta concupiscentia in statu naturæ puræ: si eo in statu homo fuisset a Deo conditus; sed in eo statu naturæ puræ, (facta hypothefi quod extitisset) homo habuisset concupiscentiam, in priori sensu acceptam, videlicet quæ bona est, rationi subdita, abique inordinatione, absque ulla pugna

contra spiritum, & cuius Deus auctor fuisset. Ratio est, quia in statu naturæ puræ (si revera extitisset) pars superior, seu mens, partem inferiorem, seu appetitum sensitivum recisset, quia mens, seu anima, appetitus sensitivi dominus est a natura præposita, adeoque appetitus sensitivus in statu naturæ puræ fuisset subditus rationi, nam, ut docet S. Thomas 1. 2. qu. 82. art. 3. ad 1. *in homine appetitus concupiscentiis naturaliter regitur ratione, & in tantum concupiscere est homini naturale, in quantum est secundum rationis ordinem; concupiscentia autem, quæ transcendit limites rationis, inest homini contra naturam; & talis est concupiscentia originalis peccati.* Idem docet Angelicus Doctor 1. 2. quæst. 85. art. 3. ad 3. nec non in 3. p. qu. 15. art. 2. & in libro 2. sent. distinct. 31. qu. 1. art. 2. ad 3. In statu itaque naturæ puræ (si reapse extitisset) homo non habuisset inordinatam & perduellens concupiscentiam, qualem nunc experitur homo in statu naturæ lapsæ, sed habuisset concupiscentiam, citra ullam inordinationem, parti superiori, seu rationi naturaliter subditam: Sed hæc sufficere debent, ut diris devoveas Pelagianum, ejusque discipulos, qui peccatum originale negantes, concupiscentiam, quæ cum ratione pugnat, eique parere detrectat, bonum carnis prædicare non erubuerunt, quorum infestum dogma, sicut & figmentum antiquorum gentilium Philosophorum, nec non hæreticorum Manichæorum de duobus rerum principiis, aut Diis, Sanctus Augustinus in multis, quos adversus illos edidit, libris diruit ac penitus profligavit.

D. Concupiscentia illa, quæ est poena peccati originalis, remanetne in his, qui sunt baptizati?

M. Remanere in baptizatis concupiscentiam, quæ est poena peccati originalis, quæque dicitur fomes peccati, dogma fidei est, a Concilio Tridentino sess. 5. Decreti de peccato originali, his verbis definitum: *Manere autem in baptizatis concupiscentiam vel fontem hæc Sancta Synodus statuit & sentit.* Hæc autem concupiscentia, etiam post susceptum baptismum, ira medullitus infixæ inheret, ut compesci quidem ac frenari possit, evelli radices nequeat. Quod si plerumque, ut in nobis, propter naturæ depravationem, excitet passionem, quæ per ignorantiam feruntur in id, quod esset repudiandum, refugium ea, quæ sunt expetenda, astutiar ad turpia, tenebras menti offundunt, obliunt rationi, cui obtemperare debent; & intestinos, seu domesticos excitant tumultus, & sepe malis venturum in occasionem materiamque peccandi. Manet ergo etiam in baptizatis concupiscentia, quæ est poena peccati originalis, & ideo Apostolus Paulus Epist. ad Roman. c. 7. ait: *Sentio aliam legem in membris meis, repugnantem legi mentis meæ.* Et Epist. ad Galatas cap. 5. *Caro concupiscit adversus spiritum, & spiritus adversus carnem.* Quamvis autem in baptizatis remaneat concupiscentia, hæc tamen imperfetas concupiscentia non est peccatum, sed poena peccati originalis, sicut sancitum est in Concilio Tridentino contra Lutheranos, & Calvinistas, qui pertrudent, peccatum originale non deleri, non tolli per Baptismum; sed tam

tum radi, tegi, & non imporari, tamen in re-
fidua concupiscentia post Baptismum adhuc rema-
neat. Nec solum superstes est post Baptismum con-
cupiscentia, quæ est poena peccati originalis, sed
etiam in baptizatis remanent ignorantia in in-
tellectu, infirmitas & difficultas operandi bonum,
morbi, mors, miserie, calamitates, quæ sunt ite-
dem poenæ peccati originalis, quibus in hac vita
mortali subiunguntur omnes omnino homines, etiam
iusti, qui in originali peccato concepti sunt.

D. Quorum, amabo, voluit Deus, ut per ba-
ptismum, in ipsa gratia sanctificante, deleteretur pec-
catum originale, & tamen in baptizatis remane-
rent reliquæ, seu poenæ peccati originalis?

M. Verum huius voluntatis divine causam pro-
fert S. Augustinus lib. 2. de peccatorum meritis &
remissione cap. 31. ubi hæc habet: *poterat etiam*
(Deus) *hoc donare credentibus, ut nec ipsius ex-*
perirentur corporis mortem. Sed si hoc fecisset, car-
ni quædam felicitas adderetur, minueretur autem Fi-
dei fortitudo. Sic enim homines mortem ipsam timent,
ut non ob aliud felices dicerent esse Christianos, ni-
si quod mori omnino non possent, ac per hoc nemo
propter illam vitam, quæ post ipsam mortem beata
futura est per virtutem etiam contemnenda ipsius
mortis ad Christi gratiam festinaret, sed propter ren-
ovendam mortis molestiam delicatius crederetur in
Christum. Plus ergo gratia præstatur, plus fidelibus
huius donavit Deus. Quid enim magnum erat, vi-
dendo non mori eos qui credentes, credere se non mor-
ituros? Quanto est majus, quanto fortius, quanto
laudabilius, ita credere, ut se speret mortuos sine fine
victurum? Dux etiam egregias rationes 3. part. qu.
69. art. 3. affert Doctor Angelicus, quibus ostendit,
cur Baptismus, etsi delictum peccatum originale
non tollat tamen poenas peccati originalis, quas ipse vocat
pœnalitates presentis vite. Primo, quia per Baptismum homo incorporatur Christo
& efficitur membrum ejus, & ideo sicut Chris-
tus a principio conceptionis suæ fuit plenus gra-
tia, & veritate, habuit tamen corpus passibile, quod
post passionem & mortem est ad vitam glorio-
sam resuscitatum; ita Christianus in baptismo
gratiam consequitur quantum ad animam, habet
tamen corpus passibile, in quo possit pro Christo
pati, sed tandem resuscitabitur ad impassibilem
vitam. Præterea, Baptismus, etiam si deleat pec-
catum originale, non tollit tamen reliquias, seu
pœnalitates peccati originalis. propter spirituale
exercitium, ut videlicet contra concupiscentiam &
alias passibilitates pugnet homo, victo-
ria coronam acciperet; in cujus figuram dicitur
libri Iudicum cap. 3. Hæc sunt gentes, quas Dominus
dereliquit, ut eruderet in eis Israel, & postea discer-
eret filii eorum. certare cum hostibus & habere
consequendum præliandi. Ad spirituale itaque
exercitium in nobis, etiam post Baptismum,
qui culpam gentilem abstergit, hærent adhuc ve-
teris morbi reliquæ, seu poenæ peccati originalis,
tum ad custodiam humilitatis, tum ad materiam
segetemque virtutis. Ex autem sunt ignorantia,
caro, & infirmitas. Ignorantia obscurat ratio-
nis iudicium. Lumen enim illud purissimum divi-
ni vultus, quod conditor insulerat super nos,

hæc parum obscuravit culpa primorum paren-
tum, quo fit plerumque, ut in delectu rerum fo-
re cæcitas, pro optimis pessima sequentes. Caro
solicitat passiones, ut etiam si quid sit
optimum intelligamus, diversa tamen amemus.
Infirmitas facit, ut virtutem semel arripit,
vel tardio, vel tentatione victi deferamus. Ignorantia
obscurat iudicio; caro depravat voluntatem;
infirmitas frangit constantiam. Ut igitur do-
mesticos illos hostes, quos persequi circumferimus,
opulante Dei gratia, vincere valeamus, primum,
quæ fugienda sunt discernere, ac discernere
sedulo debemus ab his, quæ sunt esperen-
da, sicque tollere ignorantiam, ne in rerum de-
lectu hallucinemur. Deinde, malum cognitum
odio prosequi, & bonum amare debemus, sic-
que vincere carnem, ne contra mentis iudicium
dulcia pro salutaribus amemus. Postremo, curan-
dum est, ut in bene capitis perseveremus,
atque idcirco falcisimus infirmitatem, ne tar-
pius viam virtutis deferamus, quam si fueramus
non ingressi. Ignorantiam itaque medendum, ut vi-
diamus, non quo itur, sed qua eundem est. Caro
domanda, ne a cognita via nos seducat in devia.
Infirmitas animanda ne viam arctam ingressi, vel
vacilemus, vel defectamus, neve semel aratro
manum admocti, ea quæ retrofuit, respiciamus,
sed potius in ea, quæ sunt ante, nosmetipsos exten-
damus, donec apprehendamus bravium, & coronam
promissam perseverantibus. Hoc pacto superabimus
has peccati originalis reliquias, quæ in nobis, etiam
post Baptismum, hærent, sine quibus non vivimus,
& curo quibus sine assiduo bello vivere habito possumus.

D. Audiui nuperime a quodam perito Theolo-
go, hanc ignorantiam, quæ post Baptismum su-
perstes est, appellari a Sancto Augustino peccatum,
cur igitur dicis, eam non esse peccatum, sed dux-
taxat poenam peccati originalis?

M. Ignorantiam & concupiscentiam, quæ in
nobis etiam post Baptismum hærent, aliquando a
S. Augustino appellari peccatum non inficere. Sed
tunc Sanctus ille doctor peccati nomen latiori no-
tione usurpat, non prout peccatum significat, sed
prout defectum ex peccato originali consequentem,
aut ejusdem peccati poenam significat. Disputabat
quippe S. Augustinus contra Pelagianos qui dice-
bant, ignorantiam, concupiscentiam, & difficulta-
tatem, cum quibus nascitur homo, non esse malas,
& peccati originalis poenas, sed naturales defe-
ctus, seu esse primordia, non supplicia natura.
Hinc Julianus, Pelagianus (ut videre est apud
S. Augustinum lib. 3. cap. 10. & 20. contra eun-
dem Julianum) multis laudibus exornabat con-
cupiscentiam, ac commendabat ignorantiam. Hæc
igitur Pelagianorum deliria ut everteret Sanctus
Augustinus, concupiscentiam & ignorantiam ef-
fe male & peccati originalis consecraria pro-
nuuntiavit, ita ut proprie sint poenæ peccati,
impropre vero tantummodo, peccatum, quia,
tanquam ex virulento fonte, scaturiunt e
peccato originali. Hanc esse germanam men-
tem Sancti illius Doctoris patet ex ipsius verba
lib. 3. de libero arbitrio cap. 19. ubi, postquam
dixisset: *Non tibi deputatur ad culpam, quod irruerit*

ignoras, ista tua propria peccata sunt, subdit? Nam illud, quod ignoramus quisquis non recte facit, & quod volens recte facere non potest, ideo dicitur peccata, quia de peccato illo libera voluntas (id est peccato Adami) originem ducunt. Quibus verbis non poterat S. Augustinus suam clarius aperire mentem.

D. Cum illa ignorantia, quæ non tollitur per Baptizatum, sed adhuc hæret in baptizatis, non fit peccatum, sed dumtaxat pœna peccati originalis: gestiret nunc animus scire, quænam ignorantia excuset a peccato?

M. Hæc difficultas, quam proponis, amplissimum suppeditat Theologis disputandi argumentum, quod cum ipse lato calamo tractare non possim, breviter tibi indicabo, quid super hac re damnar, quid vero tenere debeas. In primis, sunt duo errores, a quibus vehementer abhorere debes. Primus error est Pelagianorum, qui, sicut refert S. Augustinus in Libro De Gestis Pelagii cap. 18. asserabant, *oblivionem, & ignorantiam* (sive vincibilem, & voluntariam, sive invincibilem, & involuntariam) non subjacere peccato, quoniam non secundum voluntatem eveniunt, sed secundum necessitatem. Hic autem Pelagianorum error proscriptus est in Synodo Diophysitana, ut refert S. Augustinus in Libro De Gestis Pelagii c. 19. Alter error est Cornelii Jansenii, Episcopi Iprensis, qui, libri primi De statu naturæ puræ cap. 2. odio erroris Pelagiani, in extremam abiit doctrinam, & incidit in Scyllam, volens vitare Charybdim. Docet quippe velut Fidei dogma ab antiquis traditum, ignorantiam, quæ necessitatis est, non voluntatis, hoc est, ignorantiam invincibilem, quæ nullo studio, nullo labore, nullo pælo vinci, ac superari potest, non excusare a peccato. Hunc Jansenii errorem, quem antea hæc præfatoraverat Michael Bajus, Doctor Lovaniensis, damnarunt Summi Pontifices S. Pius V. & Gregorius XIII. Hi sunt duo errores, a quibus ex quo cavere debes. At, his duobus erroribus ab Ecclesia proscriptis dux accedunt quorundam recentiorum Theologorum, plus æquo jugum Christi emollientium, peregrine opiniones, quas velis, remisque fuisse debitas. Prima opinio illorum est, qui ignorantie obtentu, innumera atque immensa peccata excusant, docentes, a perditissimis etiam, atque deploratis conscientie hominibus iniquum peccari, nisi prævia peccati cognitione animus illustretur, ejusque vitandi desiderio extimuletur, atque ita homines sceleratissimos eo magis a sceleribus immunes pronuntiant, quo profundius in vitiorum ceno voluntant. Altera opinio, non minus exitiosa, eos habet patronos, qui, ut facilius homines excusent a peccato, perdunt, dari posse Legis naturalis invincibilem ignorantiam in nonnullis hominibus, quos adeo stupidos esse volunt, ut nullo studio, aut diligentia possint sibi comparare notitiam præceptorum Legis naturalis, etiam eorum, quæ facile sunt in principis Legis naturalis, quæ continentur in Decalogo. Ex his duabus Laxorum Casuistarum opinionibus pullularunt in doctrina morali, quamplurimi errores, qui a Summis Pontificibus Alexandro VII. Innocentio XI. & Alexandro VIII. fuerunt confixi.

D. Quod ignorantia invincibilis excuset a peccato, jure optimo contra Jansenium definivit Ecclesia. Nemo quippe peccat in eo, quod vitare non potest, porro ille, qui laborat ignorantia invincibili, non potest vitare peccatum, quia, dum invincibiliter ignorat præceptum, aut prohibitionem Legis, non potest id agere, quod præcipitur, aut vitare, quod prohibetur, ac subinde peccatum vitare non potest. Quo fit, ut sit inculpabilis, cum nemo ad impossibile teneatur, & nullum sit peccatum nisi fit voluntarium. Hunc itaque Jansenii errorem, ab Ecclesia proscriptum, diris devovendum esse ultro profiteor. At, ut candide fatear, hæcenus mihi persuaseram, non solum ignorantiam invincibilem, sed etiam quancumque ignorantiam excusare a peccato. Sic enim dicebam: Nullum est peccatum, nisi fit voluntarium, sed quancumque ignorantia tollit voluntarium: Voluntarium id enim censetur, quod est a principio intrinseco cum cognitione finis; hæc autem cognitio finis tollitur per quancumque ignorantiam, sive invincibilem, sive vincibilem sit: igitur quancumque ignorantia excuset a peccato, quia omnis ignorantia, quantumlibet per negligentiam contracta, tollit cognitionem malitiae actus, nihil enim volitum nisi cognitum, adeoque effectum illum involuntarium quantum ad malitiam; quod, mea quidem sententia, ad rationem peccati tollendum sufficere mihi videbatur.

M. In magno certe errore versabar, dum tibi perperam funderem, ignorantiam, quæ est voluntaria, & vincibilis, excusare a peccato. Hæc quippe sententia, statim ac ex fœdis laxiorum Casuistarum Paludibus erupit, multis Censuris a clarissimis Academicis inusta ac profligata est. Academia Parisiensis, omnium celeberrima, die 1. Augusti anni 1641, hunc errorem isto Censorio stigmatæ perstrinxit: *Hæc propositio falsa est, utique aperit ad excusandas excusationes in peccatis*. Facultas Lovaniensis eundem errorem his verbis proscriptit: *Est contra communiam Christianam Religionis principia, & innumera, etiam immensa peccata, excusant cum perniciæ animarum*. Hanc Censuram in prædictam erroneam opinionem tulit Facultas Lovaniensis die 4. Maji anni 1657. Mitto, brevitate ergo, judicia eximiorum Parochorum Parisiensium, & Rothomagensium, qui hanc in primis erroneam opinionem in Præloquio, Excerptis suis præfixo, infestantur. Nec mirari debes, quod tot Censuris protinus fuerit male natus ille error, cum e diametro sit oppositus Scripturæ Sacre. At enim, quis dicere audeat, persecutores Apostolorum immunes fuisse a peccato? & tamen Scriptura Sacra asserit, persecutores Apostolorum habuisse ignorantiam, utique vincibilem & voluntariam malitiae sui actus, eoque existimasse, dum persequuntur Apostolos, se obsequium præstare Deo, juxta illud Christi Domini, Discipulos suos alloquens, Vaticinium: *Veni hora, inquit, ut omnes, qui interfici vos, arbitrentur se obsequium præstare Deo, & hoc faciunt vobis, quia non novimus Patrem, neque me*. Quis etiam dicere audeat, Apostolum

Pan-

Paulum, dum persequeretur Ecclesiam Christi, non peccasse, cum ipsemet se peccasse ultro fateatur Epist. 1. ad Timoth. c. 1. dicens: *Præius fui blasphemus, & persecutor, & contumeliosus*! & tamen ipse, persequendo Ecclesiam Christi, ignorabat malitiam actus sui, immo (ut ipse ait, in Epist. ad Galatas c. 1.) se hoc in facinoræ laude dignum existimabat: *Supra modum persequeretur Ecclesiam Dei, & expugnabam illam, & proficiebam in Iudaismo supra multos coetaneos meos in genere meo, abundantius emulatore existens persequentium meorum traditionum*. Quis tandem dicere audeat, eos, qui crucifixerunt Christum Dominum, non peccasse? & nihilominus constet, illos ignorasse malitiam sui actus, immo potius autumabant, se, in Crucem agendo Christum Dominum, adimplere iustitiam. Si enim illum cognovissent, ut inquit Apostolus, *numquam Dominum gloriæ crucifixissent*. Hinc Christus Dominus, orans in Crucis pro crucifixoribus suis, ait, *Pater dimitte illis, non enim sciunt quid faciunt*. Ex his exemplis, & Sacris Litteris petitis, manifeste colligitur, ignorantiam voluntariam, & vincibilem non excusare a peccato: *Namquid non ex his satis apparet, in quantis iacet ignorantia tenebris, qui ignorat peccati posse interdum per ignorantiam?* verba sunt Sancti Bernardi in Epistola ad Hugonem de Sancto Victore. Hinc primo inferre debes, solam ignorantiam involuntariam, & invincibilem, quæ videlicet nullo labore, studio, ac vigilantia vinci, ac superari potest, excusare a peccato; ignorantiam vero voluntariam, ac vincibilem, quæ nimirum adhibita diligentia, vel semotis passionibus, superari tollique potest, culpabilem esse, & neminem reddere a peccato inculpabilem. Secundo, inferas velum, eum qui sequitur opinionem minus probabilem, quæ cupiditate favet, in concursu probabilioris, quæ stat pro Legē, non posse prætere ignorantiam invincibilem, ac subinde peccare quando sequitur opinionem minus probabilem, relicta probabiliori. Quocirca, excusari debes vanum istud probabilioris commendum, a nuperrimis laxis Casuistis ad perniciem animarum temere invehum, ex quo tanquam a virulento fonte, innumeri scarurient errores, vaticanis protrihi fulminibus, & egregiis Episcoporum, præsertim Gallicanæ Ecclesiæ, Censuris jure optimo natalitibus tenebris damnati. (a) Tertio, inferre debes, necessarium non esse ad peccandum, ut quis actum attendat ad malitiam sui operis, vel actum eam cognoscat: alioqui deplorati & consummatæ malitiæ homines excusarentur a peccato, quia, dum peccant, non attendunt ad malitiam sui operis, nec actum eam cognoscunt, nec amplius perscrutantur stimulus conscientie, quæ ex inveterata peccandi consuetudine in malo obdurate, tandem circa illicitum intrepida evadit. Fuerunt, fateor, nonnulli laxi Casuistæ, qui ejusmodi flagitiosissimos homines, qui ad malitiam actuum suorum non amplius attendunt, a peccato excusant, vel saltem voluerunt, ejusmodi homines non committere peccatum Theologicum (quod est Legi Divinæ contrarium, ac subinde dissolvit amicitiam Dei cum homine, & est æterna pœna dignum) sed committere duntaxat peccatum Phi-

losophicum, quod (sicut eduntabant isti Casuistæ) in his, qui Deum ignorant, vel actum de Deo non cogitant, non dissolvit amicitiam Dei, nec est æterna pœna dignum. Sed hoc portentosum peccatum Philosophicum dogma ab Alexandro VIII. Pontifice Maximo die 24. mensis Augusti anni 1690. suis censura percussit, & a Clero Gallicano in Comitibus Generalibus indictis anno 1700. proscripta est hæc propositio, his verbis concepta: *Si peccatores consummatæ malitiæ, cum blasphemant, & flagitiis se immergunt, non habent conscientiam stimulum, nec mali, quod agunt, notitiam, propugno eos hisce articulis non peccare*. Postremo interde debes, Legem naturæ invincibiliter ignorari non posse, sed naturaliter nobis insitam esse. Hanc veritatem aperte docet Apostolus Paulus in Epist. ad Romanos cap. 1. his verbis: *Gentes, quæ Legem non habent, naturaliter ea, quæ Legis sunt, faciunt, ejusmodi Legem non habentes, ipsi sibi sunt Lex, quæ ostendunt opus Legis scriptum in cordibus suis, testimonium reddente illis conscientia ipsorum*. Non quod velit Apostolus, Gentes ea, quæ Legis sunt, citra gratiam Dei, & solis naturæ viribus facere, sicut falso docebant Pelagiani, sed quod Lex naturalis offendat Gentibus quid sit agendum, & id, ipso præeunte lumine rationis, cognoscant, ac ipsa Legis naturæ præcepta in tabulis cordis carnalibus habeant inscripta, atque animis, & sensibus penitus infixa. Quæ veritas ipsos etiam Ethnicos non lauit, quos inter Cicero in Oratione pro Milone de Lege naturali differens, ait: *Est enim hæc non scripta, sed nata Lex, quam non didicimus, accepimus, legimus, verum, ex natura ipsa arripimus, haushamus, expressimus; ad quam non docti, sed facti; non instituti, sed imbuti sumus*. Obiter tamen advertere debes, Legis naturæ distinguenda esse duplicis generis præcepta. Alia sunt universalissima, quæ per se ipsa sunt perspicua, & omnibus exploratissima. Alia sunt minus principalia, & veluti secundaria præcepta, quæ non ita sunt manifesta, quia se habent insar conclusionum, & consecutionum, quæ a principiis universalissimis Legis naturæ remota sunt, & ex illis deducuntur. Circa universalissima Legis naturæ præcepta nullus causari potest ignorantiam involuntariam, & invincibilem. At, secundaria Præcepta, quæ sunt Legis naturæ remotissima consecutionaria, posse a quibusdam insuperabiliter, & invincibiliter ignorari, docent bene multi Theologi, quavis non desint alii Catholici Doctores, qui censent, ignorantiam illam, quam quidam habent circa hæc præcepta secundaria Legis naturæ, non esse ignorantiam involuntariam, & invincibilem, sed propria voluntate contractam, videlicet ex vitii, pravis affectibus, concupiscentia, & cupiditate proscissam, sicut innuere videtur S. Thomas 1. 2. qu. 94. art. 6. ubi hæc habet: *Ad Legem naturalem pertinent primo quidem quædam præcepta communissima, quæ sunt omnibus nota: Secundario autem quædam præcepta magis propria, quæ sunt quasi conclusiones, præterque principia. Quamvis ergo ad illa principia communia, lex naturalis nullo modo possit a cordibus*

Atibus hominum deleri in universali: delatur tamen in particulari operabili, secundum quod ratio impeditur applicare commune præscriptum ad particulare operabile propter concupiscentiam, vel aliquam aliam passionem, ut supra dictum (videlicet 1. 2. qu. 77. art. 2.) Quantum vero ad alia præcepta secundaria, potest Lex naturalis deleri de ceteris hominum, vel propter malas passionum (eo modo, quo etiam in speculativis erroribus contingunt circa conclusiones necessarias) vel etiam propter pravas consuetudines, & habitus corruptos, sicut apud quosdam non reputandum latrocinia peccata, vel etiam contra naturam, ut etiam Apostolus dicit ad Romanos cap. 1. Huc tutillitur S. Thoma doctrinæ firmiter inhæreere debes, quam idem Angelicus Doctor q. 7. de potentia art. 7. ad 3. exprimit his verbis: Dicendum, inquit, quod ignorantia, quæ est omnino involuntaria, non est peccatum, & hoc est, quod Augustinus dicit: non tibi deputatur ad culpam, quod invitus ignoras: propter autem hoc addit: Sed si scire neglexeris: dicit intelligere, quod ignorantia habet, quod sit peccatum ex negligentia præcedente. Quæ verba S. Thoma abantè sufficiunt ad explodendum errorem Jansenii, asserentis, dari ignorantiam involuntariam, invincibilem, & insuperabilem Legis naturæ, ex peccato primi Parentis ortum, quæ tamen non excusat a peccato. Quem errorem Sacris Litteris, & SS. Patrum Doctrinæ et regione oppositum, iure merito derelictant omnes fideles, eumque Alexander VIII. damnavit in hac propositione expressum: Tamen si datur ignorantia invincibilis iuris naturalis, hæc in statu naturæ lapsæ, operantur ex ipsa non excuset a peccato formali.

(A) In probabilibus totum, se P. Gravelonius invehit, hunc esse docens fontem, ex quo plurima malorum colluvies mundum inundaverit, ex eo laxare in vitium habent, ex illo licentia, additi in malum stimuli. Nec ego quidem distingo abusu probabilissimi funestum esse Ecclesiæ, moribus infensum. At non ideo censura illa notandum esse arbitror doctrinam, quam multi gravissimi Theologi agnoscunt, & defendunt. Profecto si abusi illa sunt nonnulli Theologi ad invehendas laxas noxialesque opiniones suas in gravem morum perniciem, eorum vitio id imputandum censio, non verodogmati, quod recte saneque expostum, innoxium Theologi illi recognoscunt, & admittunt. Non dissimili etiam incommodo doctrina probabilioritarum subjacet, quam tamen assertores ejus Theologi mire prædicant, & ad Cælum usque elevant. Doctrinas quasdam probabilistarum Pontifices Romani damnarunt; æque tamen & probabilioristarum quedam confixerunt, ut est secunda, & tertia ab Alex. VIII. damnata. O quam optarem, ut sententiæ utriusque Catholicici assertores intra Christianæ caritatis limites sese continerent, nec alii alteros diris injuriisque se proscinderent, religiose obsequentes lato ab Innocentio XI. præcepto, expresso in decreto S. Inquisitionis Romanæ, quo propositiones sexaginta quinque, eo jubente Pontifice, anno 1679. die 2. Martii confixæ sunt: Tandem ut ab injuriosis contentionibus Doctores, seu Scholastici aut illi

quicumque impertinent se absterneant; & ut paci & caritati consulatur, idem SS. in virtutis S. Obedientiæ eis præcipit, ut tam in libris imprimendis, ac manuscriptis, quam in thesibus, disputationibus, ac predicationibus caveant ab omni censura, & nota, necnon a quibuscunque conviciis contra eas propositiones quæ adhuc inter Catholici hæc hinc inde controversantur, donec a S. Sede recognoscantur super istis propositionibus iudicium proferatur.

D. Potestne intellectus humanus (non obstante illa ignorantia, quam per peccatum primi parentis contraxit) cognoscere absque auxilio gratiæ verum speculativum ordinis naturalis?

M. Potest intellectus humanus sine auxilio gratiæ aliquas veritates ordinis naturalis cognoscere, ut ajunt, *divisive*; quia Gentiles sine gratia, quæ per Christum datur, multas veritates cum metaphysicis, tum physicis, tum morales cognoverunt, sicut ex eorum libris liquido patet. Non potest tamen intellectus humanus in statu naturæ lapsæ omnes veritates collectivè sumptas absque auxilio gratiæ cognoscere, quia ad hoc tolli debent varia impedimenta, seu mentis præoccupaciones, pravi habitus, mala educatio, & alia id genus, quæ assequendæ notitiæ veritatum ordinis naturalis obiciunt, quæque homo per se ipsum, moraliter loquendo, superare haud potest, cum ejus intellectus vires per peccatum primi parentis fuerint debilitatæ. Cæterum, homo in statu naturæ lapsæ non potest naturalibus suis viribus, & absque auxilio gratiæ cognoscere verum ordinis supernaturalis, nec elicere actum fidei *prout oportet*: hoc est, qui ad æternam salutem referatur, & ad justificationem disponat, nec habere etiam imperfectum fidei desiderium, nec ascendere usque, quæ fides docet.

D. Habetne homo post peccatum Adami æquales vires ad bonum morale operandum, seclusis divinæ gratiæ auxiliis, quas habuisset in statu naturæ puræ, si a Deo fuisset in eo creatus?

M. Homo post peccatum Adami debiliores habet vires ad bene operandum moraliter, seclusis divinæ gratiæ auxiliis, quam habuisset in statu naturæ puræ, si in illo fuisset a Deo conditus. Primo, quia homo in statu naturæ puræ (si in eo conditus esset) vulneratus non fuisset, homo autem in statu naturæ lapsæ vulneratus est, & sicut Concilium Tridentinum Sess. 5. de peccato originali decernit, per prævaricationis Adami offensam, tam secundum corpus, quam secundum animam, in deterius commutatus est. Secundo, homo in statu naturæ puræ, si in eo conditus fuisset, Deum, ut auctorem naturæ, diligere potuisset super omnia cum solo concursu generali, qui ei præfuit fuisset; homo vero in statu naturæ lapsæ non potest propriis viribus & solo Dei concursu generali actum dilectionis Dei super omnia elicere; tum quia est aversus a Deo ut ultimo fine tam supernaturali, quam naturali; tum quia, ut inquit Sanctus Augustinus, *liberum arbitrium ad diligendum Deum prius peccati granditate perdidimus*. Minores igitur vires habet homo in statu naturæ lapsæ, quam habuisset in statu naturæ puræ, si in eo fuisset creatus.

D. Ex-

D. Expone mihi, si placet, nberius, quid sibi velit S. *Augustinus*, dum ait, nos granditate peccati Adami liberum arbitrium perdidisse? Numquid vult S. *Augustinus*, ex peccato Adami inventam esse necessitatem peccandi, adeo ut homo in statu naturae lapsae, divina gratia destitutus, necessarius peccare debeat?

M. In hunc errorem certissime S. *Augustinus* nunquam lapsus est. Vult quidem S. *Augustinus*, nos in statu naturae lapsae constitutos, per Adami peccatum amisisse liberum arbitrium, quantum ad perfectionem status naturae innocentis, sed non quantum ad substantiam, seu essentiam liberi arbitrii. Quod ut clarius intelligas, sedulo advertere debes, duo in libero arbitrio spectari posse; primo ipsius substantiam, seu essentiam, qua liberum arbitrium est ingenua facultas, qua voluntas hominis pro libito potest alterutrum e duobus sibi propositis mediis eligere; & secundo liberi arbitrii perfectionem, qua Adamus gaudebat in statu naturae innocentis, dum nulla ipsi ad recte agendum inerat difficultas, nullus concupiscentiae dominatus, nulla peccati servitus, nullum vulnus, sed plenae & integre vires ad bonum peragendum, omniaque dona ac praesidia praesto aderant. Liberum itaque arbitrium, juxta hanc perfectionem, soli statui innocentiae debitum, per peccatum Adami perdidimus, ut ait S. *Augustinus*, sed non amisimus liberum arbitrium, secundum substantiam, & rationem sibi essentialiam, quae sita est in potentia ad utrumlibet. Hanc esse germanam S. *Augustini* mentem aperte colligitur ex lib. 1. ad *Bonifacium* cap. 2. ubi haec habet: *Quis dicat, quod primi hominis peccato perierit liberum arbitrium de genere humani? Libertas quidem perierit per peccatum, sed illa, quae in Paradiso fuit.* Et lib. 14. de *Civit. Dei* cap. 11. *Arbitrium igitur voluntatis*, inquit, *tunc est vere liberum, cum vitii peccatisque non servit. Tale donum est a Deo, quod amissum cum proprio vitio, nisi a quo dari potuit, reddi non potest.* Quibus ex verbis S. *Augustini* colligitur primo, nos per peccatum Adami amisisse quidem liberum arbitrium, quantum ad perfectionem, quae soli statui innocentiae competeat, sed illud non amisisse quo ad substantiam, seu essentialiam ejus rationem. Colligitur secundo, nos, per peccatum Adami, perdidisse, juxta S. *Augustinum*, libertatem a peccato, sed non libertatem a necessitate. Fautur siquidem omnes orthodoxi Theologi, hominem in statu naturae lapsae gratia divina destitutum, non esse liberum a peccato, ejusque voluntatem in tantum esse a peccato liberam, in quantum per gratiam medicinale Christi, Salvatoris nostri, est liberata & sanata. Sed idem Theologi docent, hominem in statu naturae lapsae retinere absque gratia libertatem a necessitate, ita ut nulla ex peccato Adami inducitur sit necessitas peccandi.

Non clam me est, *Michaellem Bajum*, Doctorem Lovaniensem, docuisse, advenit esse ex peccato Adami necessitatem peccandi, adeo ut homo in statu naturae lapsae, divina gratia privatus, a peccato abstinere non possit. At, Summi Pontifices S. *Pius V.* & *Gregorius XIII.* damnarunt

hunc *Michaelis Bajii* errorem, ista propositione comprehensum: *Homo peccat etiam damnabiliter in eo quod vitare non potest.* Hunc consensum *Michaelis Bajii* errorem denuo fuscitavit *Cornelius Jansenius*, Episcopus Iprensis, qui in libris, quos edidit *De statu naturae lapsae*, lapsus inculcat, ex peccato Adami inducendum esse necessitatem peccandi, ac subinde hominem in statu naturae lapsae peccare etiam damnabiliter in eo, quod vitare non potest.

D. Mirum profecto mihi accidit, quod dicas, *Cornelium Jansenium* in eodem Bajani erroris luto haesisse, quandoquidem paucis abhinc diebus viri quidam, in operibus *Jansenii* veratissimus, duo loca mihi indicaverit, in quibus *Jansenius* profiteretur, doctrinam suam non esse comprehensam in hac *Michaelis Bajii* propositione a Summi Pontificibus damnata. Ipsissima *Jansenii* verba descripsi, eaque nunc cum bona venia tua legam, ut certo a te scire possim quid super hac re sentierit *Jansenius*. *Necessitas peccandi* (inquit *Jansenius* lib. 4. de statu naturae lapsae cap. 25.) a nobis tradita, solum est necessitas in genere, ex qua fit, ut non possint homines agere aut gratiam nisi male. Haec autem non impedit, quominus in peccatis singularibus perpetrands liberam et indifferentem ad faciendum vel abstinendum habeant voluntatem. Quo autem sensu *Jansenius* hanc peccandi necessitatem in genere intelligat, aperte explicat cap. 19. ejusdem libri his verbis: *Haec est necessitas, quam Augustinus peccato* (sc. Adami) *advenit esse profectus, quod liberum arbitrium ita remanet terrenarum cupiditatum captivum sit, antequam fide creatoris, charitatemque libereur ut quoquo versum sese vertent, in genere necesse sit illud male agere; sic tamen, ut in singulari nullum peccatum ita necessario perperet, quin ab eo possit abstinere; sed ab illo abstinendo in aliud incidit, quod similiter aliud faciendo carere potuisset.* Haec necessitas peccandi in genere duntaxat, non singularia peccata respicit, nec illam libera voluntatis indifferentiam tollit, quam Scholastici recentiores postulantes &c. Quibus verbis innuit *Jansenius*, se homini in statu naturae lapsae non adimere libera voluntatis ad peccandum indifferentiam, quam recentiores Scholastici postulantes. Unde sequitur, *Jansenii* doctrinam non esse comprehensam in hac *Michaelis Bajii* propositione a Summi Pontificibus damnata: *Homo peccat etiam damnabiliter in eo quod vitare non potest.* Retuli haec verba *Jansenii*. Nunc ostendas, si placet, an *Jansenius* in hac confixa propositione cum *Michaelle Bajio* consentiat, vel aliam ab eo viam inierit?

M. Ex mutua collatione principiorum *Bajii* & *Jansenii* in probanda peccandi necessitate inventa ex primigenia Adami labe facili negotio evinci potest, *Cornelium Jansenium* in hac damnata propositione consentire cum *Bajo*, ipsiisque *Bajum* non aliam in statu naturae lapsae agnovisse peccandi necessitatem, praeter illam peccandi in genere necessitatem, quam magno animi aestu propugnat *Jansenius* libris 2. & 4. de statu naturae lapsae. Et primo quidem *Jansenius* ideo propugnat, liberum arbitrium, antequam per gratiam liberetur, peccare in genere, seu semper peccare, quiquid agat, quia cum homo, ante susceptam gratiam, sit servus pec-

cati,

cati, necesse est, ut quicquid agit peccatum sit. Quam rationem suse persequitur lib. 3. de statu nature lapsa cap. 3. & 4. Atqui eodem fundamento necessitatem peccandi superstruit Michael Bajus. Hanc etenim propositionem ex ejus Scriptis excerptam damnavit prelaudati Summi Pontifices: *Omne, quod agit peccator, vel servus peccati, peccatum est.* Secundo, peccandi in genere necessitatem probat Jansenius lib. 3. de statu nature lapsa cap. 9. 10. 11. & 12. quia liberum arbitrium, antequam per gratiam sanetur, non valet ad ullum peccatum vitandum: Sed idem fundamentum, tanquam immobilen doctrinae suae de peccandi necessitate basim, adstruit Michael Bajus. Hinc & ista ex ejus Scriptis deprecatoria propositio damnata est: *Pelagianus est error, dicere, quod liberum arbitrium valet ad ullum peccatum vitandum.* Tertio, hanc peccandi in genere necessitatem probat Jansenius eodem in libro 3. de statu nature lapsa cap. 15. 16. & 17. quia nullum opus bonum fieri potest absque gratia & charitate. At, id ipsum est Michaelis Baji doctrinae fundamentum. Quia de causa hanc inter alias ejusdem Baji propositiones damnavit Ecclesia: *Nem est vera legis obedientia, quae sit sine charitate.* Quarto, Jansenius cap. 18. ejusdem lib. 3. de statu nature lapsa, errorem suum de peccandi necessitate ex eo confirmat, quod homo, ante gratiam & charitatem, in quocunque actu suo servit dominanti cupiditati. Sed haec est potissima Michaelis Baji propositio, a Summis Pontificibus damnata, quae his verbis exprimitur: *Homo in omnibus suis actibus servit dominanti cupiditati.* Quinto, Jansenius, cap. 19. ejusdem libri ideo probat, *Ag vestrum esse ex peccato Adami peccandi necessitatem, quia cum omnis amor creature in statu nature lapsae sit vel laudabilis charitas, vel culpabilis cupiditas, nullumque inter utramque admittatur medium, necesse est, ut quicquid agit homo, antequam sanetur a gratia sit in genere peccatum.* Sed hac eodem ratione ad probandum suam de necessitate peccandi doctrinam nititur Michael Bajus, cujus subinde proscripta est ista propositio: *Omnia amor creature rationalis aut vitiosa est cupiditas, aut mundus diligitur, & quae a Joanne prohibetur, quae est laudabilis illa charitas, quae per Spiritum Sanctum in corde diffusa Deus amatur.* Sexto, necessitatem in statu nature lapsae in genere peccandi cap. 11. ejusdem libri adhibere nititur Jansenius, quia nulla, quamvis levis, tentatio superari haud potest absque charitate, quam subinde cum homo non habeat ante gratiam, semper tentatione vincitur, & in genere peccat. Sed hoc Jansenii fundamentum continetur in hac Michaelis Baji damnata propositio: *Si fuerint sicut Israhelites, qui dormientes tentationi ulli sine gratia ipsius adiutorio resistere hominem posse, sit ubi in eam non inducitur, aut ab ea non superatur.* Septimo, necessitatem peccandi in genere Jansenius cap. 22. & 23. ejusdem libri 3. de statu nature lapsae hinc praesertim probare contendit, quod homo in statu nature lapsae, antequam per gratiam sanetur, non habeat de se nisi peccatum: Sed hoc ipsum ut argumentum quo Michael Bajus doctrinae suae de necessitate peccandi primam pappinque confirmat, indeque

sub ipsius nomine damnata est haec propositio: *Libertum arbitrium sine gratia Dei adiutorio, non sufficit ad peccatum valet.* Octavo, Jansenius pervertit istud de necessitate peccandi in genere dogma probandum suscipit lib. 4. de statu nature lapsa cap. 1. usque ad 18. hoc uno frons principio, quo asserit, id omne, quod sit absque Fide, quae per dilectionem operatur, peccatum esse. Atqui eodem principio munitus Michael Bajus docet peccandi necessitatem, & hac de causa inter alios sub ejus nomine propositiones damnatas, haec habetur: *Omnia opera infidelium sunt peccata, & vitiosa Philosophorum sunt vitia.* Nono, hanc peccandi in genere necessitatem probat Jansenius cap. 19. ejusdem libri, quia sufficiens libertas arbitrii in peccando coherere potest cum peccandi necessitate. Verum, eodem infelice principio in praedictum doctrinae suae de necessitate peccandi nititur Michael Bajus, dilans, id, quod voluntarie sit, etiam necessario fiat, libere tamen fieri. Postremo, Jansenius quatuor ejusdem libri capitibus subsequentibus hanc peccandi in genere necessitatem pro aris ac focis propugnat, quia, inquit, non requiritur ad peccandum libertas a necessitate. Quod virulentum dogma Michael etiam Bajus totis suis viribus propugnat, unde & hac ejus propositio damnata est: *Libertatis modus, qui est a necessitate, sub libertatis nomine, non reperitur in scriptura, sed solum nomen libertatis a peccato.*

Ex illa mutua principiorum Michaelis Baji Cornelii Jansenii collatione in probanda necessitate peccandi in statu nature lapsae, sit superque tibi constare debet, eandem esse utriusque, Michaelis Baji videlicet, & Cornelii Jansenii, fundamenta, quibus peccandi necessitatem in statu nature lapsae ambo probare voluntur. Ex quo palam sequitur, utriusque doctrinam in diplomatibus Summorum Pontificum, quos superius laudavi, censuris fuisse jure ac merito inultam. Nullam ergo necessitatem peccandi in statu nature lapsae sive absolutam & physicam, sive ex hypothese peccati Adami, agnovit S. Augustinus. Quapropter, ad omnia testimonia Sancti illius Doctoris, quem ob torto collo Bajus & Jansenius in suum errorem trahere nituntur, hoc unum respondendam est, S. Augustinum his in locis loqui duxerat de sola peccandi necessitate morali, quae fuit ex concupiscentia, a qua unusquisque tentatur abstractus & illeceus, non vero de necessitate absoluta & physica. Mens S. Augustini facile eruitur ex cap. 18. libri 3. de libero arbitrio, ubi respondens quærela quorundam insipientium hominum, qui aiebant, se, renitente carnalis concupiscentiae necessitate, praecepta iustitiae observare non posse, hac habet: *Quibus breviter respondetur, ut quiescant, & adversus Deum murmuratione desistant; recte enim forsasse quaereretur, si erroris & libidinis nullus hominum victor existeret, cum vero ubique sit praesens, qui per creaturam sibi Domino servientem aversum vocet, docet credentem, consuevit sperantem, diligenter exhortetur, constantem adiuvat, exaudiat deprecantem, non tibi deputatur ad culpam quod invitus ignoras, sed quod negligis quaerere quod ignoras. Ista sua propria peccata sunt.*

D. Facile quidem capio, nullam ex peccato primi parentis infectam esse peccandi necessitatem, quia nullum potest esse peccatum, nisi sit voluntarium & liberum. At, necdum intelligo, qui fieri possit, ut peccatum primi parentis, seu Adami, omnibus hominibus, qui ex ejus stirpe oriuntur, imputari queat, cum nulla ratione in hominibus voluntarium sit istud Adami peccatum; nec ab actu libero parvulorum, quibus imputantur, & inhaeret, proficiatur? Quae enim, amabo, in parvis, vel tot saeculis post praevagationem Adami natis, esse potest ad illud primi hominis peccatum, unde manavit, voluntas, libertas atque consensus? aut igitur dicendum est, Adami peccatum parvis non imputari, cum in illis voluntarium ac liberum non sit; vel contra publicum generis humani sensum agnoscenda est in parvis, ista tabe originali infectis, voluntas, per quam libere fiant rei istius peccati Adami. Huic dissolvendo nodo solidum, si placet, adhibe cuneum.

M. Huic, quam proponis, difficultati hoc passio responderi debet, dicendo, unum quidem hominem, seu Adamum, propria, & personali voluntate peccasse, sed omnium posterorum nomine, quorum ille parens, ac caput erat, praevicatum esse, suo & omnium consensu, quorum voluntates sua illigatas, & in eam veluti transfusas habebat, vi conventionis, & pacti, quo Deus voluntates omnium hominum voluntati primi Parentis ea Lege adiunxit, ut ejus electio communis futura esset omnibus cum in servanda & transmittenda iustitia originali, tum in ea amittenda eo peccato, quod unus committeret suo, aliorumque nomine, ac subinde illis imputaretur. Peccatum itaque originale, si illius actum requiras, penes Adamum fuit, cum praevicatus esset in praeceptum divinum suo, & filiorum nomine, quorum personam, & causam agebat. Si vero peccati originalis statum queras, ad omnes posteros pertinet ex Adami prole natos, & iustitia originali, quasi hereditaria, jure merito in penam communis inobedientiae spoliatis. Duo igitur ad hujusmodi peccati originalis labem contrahendam sunt omnino necessaria: primo quidem tacita propriae cuiusque voluntatis, cum ista capitis, seu Adami, voluntate consensio, ut illi possit praevicatio imputari. Secundo, privatio, quae ex illa tacita propria cuiusque voluntate derivata est, iustitiae originalis, qua Adamus in statu innocentiae donatus est, quaeque in omnes posteros fuisset transfusa, nisi Adamus, qui erat caput omnium hominum morale, & cum cuius voluntate singulorum hominum voluntates erant colligatae, peccasset. Porro, istud originale peccatum ab Adamo ad omnes posteros transfundi, docet apertissime multis in locis Scriptura: *Eccet enim in iniquitatibus conceptus sum, & in peccatis concepit me mater mea, Psalm. 50.* Et Apostolus Paulus in Epist. ad Roman. cap. 5. ait: *Per unum hominem peccatum intravit in mundum, & per peccatum mors, & ita in omnes homines mors pertransiit, in quo omnes peccaverunt.* Hec est perpetua, sibi quae semper constans Ecclesiae Ca-

tholica doctrina, quam omnes Sancti Patres, cum Graeci, tum Latini, contra Pelagianum, peccatum originale negantes, invise propagarunt, quorum testimonia cum hic inferere nimis longum esset, illis referendis consulto superledebo, & unum dumtaxat proferam argumentum, quod tantum peremptorium proponit S. Augustinus, lib. 3. Operis imperfecti contra Julianum, Pelagianum, cap. 48. ubi sic arguit: *Quomodo iustum ostendat Deus, non invenitis, si & in nascimentis nulla peccata invenitis, & eos tamen corruptibili corpore, & tot tantis insuper calamitatibus aggravat. Non enim numerari possunt mala, quae patiuntur infantes, febrem, tussim, scabiem, dolores quorumcumque membrorum, ventris fluxum, lumbricos, & alia innumerabilia ex ipsa carne, existentia, & ipsarum curationum quam morborum plura tormenta, & extrinsecus illius vulnarum, plagas verberum: incursus daemonum. Vos autem sapientes heretici (Pelagiani) ne fateamini originale peccatum, putati estis talibus floribus implere paradysum. Si enim haec ibi futura fuisset non dicitis, quero, cur sint in parvis, nullam habentibus, ut contenditis, omnino peccatum?* Hoc S. Augustini argumentum petebat jugulum Pelagianorum, qui asserabant, parvos nasci sine peccato, eoque, licet innocentes, acerbis penis subiectos esse affirmabant, quod est a iustitia Dei penitus alienum. Neque enim (ut ait idem Sanctus Doctor, Operis imperfecti contra Julianum cap. 39.) *sub Deo iusto miser esse quisquam, nisi mereatur, potest.*

D. Sed quo pacto, quæso, peccatum istud Adami transfunditur ad omnes ejus posteros? M. Istud Adami peccatum, quod dicitur Originale, transfunditur ad posteros per viam generationis. Quo fit, ut illi, qui nati sunt ex Adamo, & ei, ut capiti, adhaerent, in primo conceptionis momento peccatum originale contrahant, & iustitiae originalis privationem incurrant, nisi adit speciale Dei privilegium, quo aliquis ab hac communi labe originali incurrenda eximatur. Hinc evidentissimum est, Angelos huius peccati immunes esse, quia nec Adamo, ut capiti adhaeserunt, nec ab illo nati, nec iustitiae iacturam aut privationem ullo instanti passi sunt. Hinc etiam apertius patet, Christum Dominum peccato originali non fuisse obnoxium, quia nec voluntate nec origine Adamo adhaesit, & in primo instanti conceptionis suae Sanctitatem innatam habuit juxta illud Angeli, *Mariam Virginem* alloquentis: *Quod ex te nascetur Sanctum, vocabitur filius Dei.* Pia etiam & probabilis Theologorum opinio docet, B. Mariam Virginem ab originali labe ex singulari Deo privilegio fuisse immunem.

D. Suntne aliae peccati originalis poenae, praeter eas, quas haecenus enumerasti, videlicet ignorantiam in intellectu, malitiam in voluntate, propensionem ad malum in appetitu concupiscibili, & difficultatem operandi bonum in appetitu irascibili?

M. Praeter eas peccati originalis poenas, quas haecenus percensui, aliae sunt graviores poenae, quibus subiacet omnis haemo, cui per Baptismum

nam non est remissum peccatum originale: huc autem poena sunt privato iustitiae originalis, & gratiae sanctificantis, per quam privationem hostio, peccati originalis reus, incurrit odium Dei, seu, ut filius irae, & mancipatur captivitati Diaboli. Altera peccati originalis poena, est necessitas moriendi, nam, ut inquit Apostolus: *Per peccatum, seu Adami, mors*: sed terribilior peccati originalis poena est aeternus in inferis cruciatus, seu poenalis damnatio. Denique, ex peccato originali, etiam in his, quibus per baptismum est condonatum, oritur maxima illa poena, seu continuum bellum, quod in hac vita omnes mortales gerere debent cum Diabolo, mundo, & passionibus, tanquam cum infensissimis hostibus, qui in eorum perniciem pervigiles excubant, mille dolis, mille nocendi artibus in nos armati. Diabolus, prius pacis nostrae proditor, aperto Marte faciens non desinit mentes nostras ad mortiferas voluptates illectare. Mundus a dextera lavaque, a fronte, pariterque a tergo nos oppugnat, & iagentibus quidem, sed vanissimis promissis ad prodicionem sollicitat. Intus etiam, & in ipsis animi penetrabilibus hostem ferissimum pluviam familiarem, pluviam domesticum, seu concupiscentiam, qua ut nihil interius, ita potest esse periculosius. Hic est vetus ille & terrenus Adam, consuetudine pluviam civis, studio pluviam hostis, quem neque accere vallo licet, neque castris exigere fas est. Vide, si placet, quot plagas nobis inflixerit peccatum originale, quam graves poenas nobis intulerit, quam multos hostes, tam vigilantes, tam armatos, tam perfidos, tam exercitatos, & in nostram perniciem iuratos atque devotos, excitavit.

D. Fuitne immediate post Adami peccatum a Deo institutum aliquod remedium, seu Sacramentum, quo homines in statu legis naturae consequerentur remissionem peccati originalis, viresque perciperent, quibus posset sese et tot hostium, qui hominibus post peccatum Adami dominantur, tyrannide eximere ac liberare?

M. Cum Deus velit omnes homines salvos fieri, nulli dubium esse debet, quin hominibus etiam in statu legis naturae immediate post peccatum Adami, aliquod indulsit remedium, cujus beneficio adipiscerentur remissionem peccati originalis, viresque acquirerent, quarum ope ingrauentibus tentationibus resistere possent. Hoc autem remedium nihil aliud erat, quam externum aliquod signum, quod non erat a Deo determinatum, sed in arbitrio hominum, qui in lege naturae vivebant, positum, quique per illud signum externum protestabantur, se habere Fidem in venturum Mediatorem, seu Christum Dominum, & per eam Fidei protestationem non solum adulti in lege naturae amissam per peccatum gratiam recuperabant, sed etiam parvuli obtinebant remissionem peccati originalis, cum eo tamen discrimine, quod in parvulis in statu legis naturae non requireretur propria Fides, seu necessarium non erat, ut parvuli elicerent actum Fidei (cujus eliciendi actus erant omnino incapa-

ces) sed parvulis sat superque sufficiebat ad habendam remissionem peccati originalis Fides parentum, quae per signum aliquod externum alieno ministerio eis applicata illos a contracta peccati originali labe purgabat ac liberabat. At, adulti in lege naturae non poterant tam a peccato originali, quam a peccatis actualibus mundari, nisi, inspirante divina gratia, per proprium & a se ipsis elicitum actum Fidei, quae per dilectionem operatur, crederent in venturum Mediatorem, quem Deus, statim ac peccavit Adamus, a se missum iri promissit ad liberandum genus humanum. Hinc docent Theologi, Fidem in Christum Mediatorem, seu in Messiam liberatorem fuisse omni aetate, idest, tam in lege naturae, quam in lege scripta, seu Moisaica, & in lege Evangelica necessariam ad salutem, ita ut tamen fides implicita in Christum Mediatorem sufficeret ad salutem in lege naturae, & in Lege scripta, seu Moisaica, sed in lege Evangelica requiratur Fides explicita in Christum Mediatorem, quia firmiter credimus, eum non solum esse Messiam promissum a Deo, verum etiam illum Deum esse, natum, passum, mortuum esse pro nobis &c.

D. Habuerunt in Sacris Litteris aliqua mentio huius remedii seu cuicujus Sacramenti instituti a Deo ad delendum in hominibus, qui erant in lege naturae, peccatum originale?

M. Huic quaestioni S. Augustinus cap. 6. lib. 15. *De Civitate Dei* his verbis respondit: *utrum autem aliquod fuerit corporale atque visibile regenerationis signum ante diluvium, sicut Abraham circumcisio postea est imperata, Sacra Historiae taceat.* Quibus verbis innuere vult S. Augustinus, signum illud externum, per quod homines ante diluvium protestabantur Fidem in Christum Mediatorem, & peccati originalis remissionem consequerentur, non legi in sacris litteris, quia istiusmodi signum externum non fuit determinatum a Deo, sed erat hominum, qui in lege naturae, ante institutum a Deo circumcissionem vixerunt, voluntati permissum, sicut luculentissime idem Sanctus Doctor lib. 3. contra *Julianum*, Pelagianum, docet his verbis: *Non ideo tamen erudendum est, & ante datam circumcissionem famulus Dei, quandoquidem eis huius mediatrix fides in carne venturi, nullo Sacramento ejus operante fuisse parvulis suis, quamvis quid illud esset aliqua necessaria causa scriptura latere voluisset. Nam & sacrificia eorum legimus, quibus utique sanguis ille figurabatur, qui solus tollit peccata mundi. Apertius etiam legis jam tempore nascentibus parvulis, offerbantur sacrificia pro peccatis. Respondeo, pro quibus peccatis &c. Denique, idem inculcat S. Doctor. lib. 2. de Nuptiis & Concupiscentia. cap. 11. & 12. dicens: *Non quod ante circumcissionem iustitia fidei nulla erat. Nam cum adhuc esset in pueris in fide iustificatus est ipse Abraham, pater gentium, quae ipsius fidem erant sectatae, sed superioribus temporibus omnino laetis Sacramentum justificationis ex fide. Eadem tamen fides Mediatoris salvas iustos faciebat antiquos, passus cum magnis.**

D. Habueruntne homines in Lege naturae aliquem determinatum modum, quo Deum, tanquam

quam rerum omnium creatorem, colerent, & prefixa sacrificia, quibus supremum ipsius agnoscere dominium?

M. Homines in Lege naturæ Deum coluerunt duplici cultu, quem distinguunt Theologi, internum nimirum, & externum, quamvis cultus externus non esset in Lege naturæ determinatus a Deo quantum ad modum, quem pro suo arbitrio adhibebant homines, qui in Lege naturæ vivebant. Certe, nullus, nisi Atheus, qui iniciatur Dei existentiam, negare audebit, homines, qui erant in Lege naturæ, detulisse Deo, tanquam supremo rerum omnium Domino, debitum cultum, in quo consistit Religio. Semel quippe demonstrata contra Atheos supremi Numinis existentia, (que non solum quunque Doctoris Angelici demonstrationibus, sed & aliis tam Physicis, quam Moralibus, & Metaphysicis rationibus invicte adstruitur) demonstrata, inquam, semel contra Atheos Dei existentia, necessario sequitur, omnium hominum animis, ac sensibus semper infusa fuisse a natura religionis semina, quibus consensum intelligerent, Deum, cui vitam, & cætera, quibus fruuntur, bona, accepta referre tenerent, religioso obsequio ab ipsis esse colendum. Id li- quido patet ex consensu omnium Nationum in hanc veritatem, quam ipsa natura docet, certatim conspirantium. Nulla quippe gens tam barbaræ est, cui non insit aliquis Religionis cultus. Nominem autem Religionis nihil aliud intelligitur, quam impressum quoddam lumen, que Deus agnoscitur, & colitur. Hinc omnis homo, dum ei assurgere incipit rationis aurora, ædurum, sola præseunte luminis naturalis face, & absque ullo externo adminiculo, experitur, & percipit impressam, suo animo æternæ cuiusdam Legis auctoritatem, sibi, & omni homini dominantem, qua honesta sectari, turpia, injustaque fugere jubetur, dunque æternam illa Legem, quam scit menti suæ dominari, transgreditur, naturaliter timet, anxius est, & perturbatur, quia pertimescit auctoritatem, & potestatem supremi Legislatoris, a quo vim Lex habet. Cum igitur a natura singuli homines, ubi primum rationis lumine illustrantur, agnoscant, auctoritatem cuiusdam æternæ Legis menti suæ dominari, necesse omnino est, ut natura duce, & rationis præfulgente lumine perfectam habeant Dei existentie notitiam, sequæ ei cultum, ac reverentiam exhibere debere, suæque omnes fortunæ a supremæ ipsius voluntate pendere intelligant. Negari itaque haud potest, homines in Lege naturæ cognovisse, se a Deo, præpotenti rerum omnium conditore, fuisse procreatos, ac subinde ei cultum exhibuisse, ut summam ejus excellentiam venerantur, eique, ob beneficia, quibus illos Deus quotidie afflicebat, perpetuas gratias agerent. Nec enim satis est Deum, insurgente interius conscientia, & exteriori clamante natura, huius universi episcum fieri, sed tota propensione voluntatis continuæ gratiarum actiones ipsi habende sunt; ut quod e nihilo, cum minime essentis, nos educerit, tum quod nos conservare, & ea, quæ ad vitam nostram necessaria sunt, nobis assatim suppeditare non desinat. Quocirca,

Apostolus *Paulus* cap. i. *Epist. ad Rom.* iure optimo *inexcusabiles* pronuntiat eos, qui, cum cognovissent Deum, non sicut Deum glorificaverunt, aut gratias egerunt; sed evanescunt in cogitationibus suis, & obfuscantur est insipientes cor eorum.

D. In quo præcipue situs erat cultus interior, quem Deo reddebant homines, qui in Lege naturæ vixerunt?

M. In duobus potissimum præceptis situs erat cultus ille interior, videlicet in amore Dei super omnia, & in dilectione proximi propter Deum. Et primo quidem Lex naturalis ita præscribit amorem Dei super omnia, ut nemo adeo stupidus sit, & obtusus, qui id ignoret, si tantisper ad id advertat animum. Nam mediocri mentis attentione agnoscere potest, & se, & alios, quos sibi similes videt, a Deo fuisse creatos (cum nulla dari possit invincibilis ignorantia existentie Dei) ac subinde, se alioque homines in cultu interno, quem Deo reddere debent, teneri illum tota mente, & super omnia diligere. Porro, amare Deum super omnia, est ipsum creatis omnibus anteferre, sive in ipsum, tanquam in summum bonum, tota voluntate inclinari, cæteraque creata bona diligere tantum in ordine ad Deum. Quo fit, ut si quis, vel se ipsum, propriamque vitam, vel proximum, puta parentes, fratres, amicos, vel res alias, ut divitias, honores hujus Mundi, laudem vitam, & alia id genus, vel majori quam Deum, vel etiam aequali ac ipsum amore prosequeretur, non spectaret Deum, tanquam summum bonum, cuius gratia fuit conditus: sed in creatis bonis hæreret, sicque ordinem amoris interverteret, ac contra Legem naturalem peccaret. Secundo, si Deum, ut par est, diligamus, proximum itidem nostrum, seu omnes homines, nobis similes, & ab eodem Auctore, seu Deo, productos propter ipsum diligemus, tanquam fratres complectemur, nec modo ullum ipsis damnum inferemus, sed potius omnibus pietatis, ac necessitudinis officiis ipsos nobis devincire conabimur. In his ergo duobus præceptis, sive in amore Dei super omnia, & in dilectione proximi in ordine ad Deum situs erat cultus interior, quem homines iusti in Lege naturæ Deo reddiderunt, quos inter potissimum censentur *Adamus*, & *Eva*, *Abel*, *Enos*, *Henoch*, *Noëmus*, *Melchisedechus*, *Abrahamus*, *Isaacus*, & *Jacobus*, alique; quos laudat Scriptura Sacra. Carni vero munera respuit Deus, quia non corde puro; & eo, quo debebat, cultu interiori, *Cainus* illa Deo offerebat. Hinc intelligere debes, charissime discipule, cultum externum, quem Deo exhibent homines, si cum cultu interno, hoc est, cum vera mentis pietate non sit conjunctus, nec Deo gratum, nec ad salutem prodesse posse, sicut ipsemet Deus testatur per Prophetam suum *Isaiam* cap. i. ubi in Judæos, qui Templi ritibus ipsum colebant, cum alioqui pollute viverent, hunc in modum invehitur: *Quo mihi multitudinem victimarum vestrarum? plenus sum. Holocausta arietum, & adipem pinguum & sanguinem vitulorum, & agnorum, & bircorum nolui. Cum veneritis ante conspectum meum, quis*

quæfuit hæc de manibus vestris, ut ambularetis in atriis meis? Ne offeratis sacrificium frustra. Neomeniam, & Sabbatum & Festivitates, alias non feram. Iniqui sunt cæcus vestri. Calendæ vestras, & solemnitates vestras odit anima mea, facta sunt mihi molesta.

D. Nondum pleno capio, cur Deus eo *Isaie* citato cap. 1. tantopere detestari videatur Sacrificia, & ceremonias Judæorum, in quibus situs erat eorum cultus externus, cum tamen ipsemet Deus in Lege, quam per Moysen, Judæorum Legislatorem, promulgavit, omnia Sacrificia, & ceremonias cultus externi Judæorum tam accurate præscribat, & observantibus promittat agentia bona, & violentibus commineetur mortem?

M. Non detestatur Deus citato illo primo *Isaie* capite Sacrificia, & ceremonias, in quibus sistebat externus cultus Judæorum, hæc enim Sacrificia, & istas ceremonias præscriperat Deus in Lege data per Moysen, sed tantum queritur Deus per Prophetam *Isaiam* quod Judæi, inter quos multi erant carnales, non observarent ea, quæ in Lege præceperat, neque enim hæc Sacrificia, & ceremonias illas externi cultus Judæorum ita præscriperat Deus, ut in eis collocarent summam spem, aut iustitiæ fiduciam, sed ut partim essent signa, quibus admonerentur, partim adminicula, quibus proveherentur ad internum Dei cultum, seu ad amorem Dei super omnia, & ad dilectionem proximi propter Deum. Hunc cultum internum volebat Deus, ut Judæi conjungerent cum cultu externo, quem illis in Lege præscriperat, quique in Sacrificiis, & ceremoniis positus erat. At, Judæi carnales in hoc cultu externo iustitiam præpositæ collocabant, & veræ pietatis, internique cultus expertes, apud homines magis, quam apud Deum pietatis opinionem captabant, indeque fiebat, ut cultus externus, quem absque charitatis officiis exhibebant, Deo, qui præcipue delectatur cultu interno, non probaretur, sed esset ipsi ingratus, ac molestus. Sed de hoc cultu tam externo, quam interno Judæorum opportunius differemus, dum de Lege Moisaica Sermonem instituerimus.

D. Eratne determinatus a Deo cultus ille exterior, quem homines in Lege naturæ exhibebant Deo, sicut postea fuit determinatus in Lege Moisaica, & in Lege Evangelica?

M. Quamvis homines, qui in statu Legis naturæ vixerunt, cultum aliquem externum Deo, omnium conditori, exhibuerint, & simul vitæ societate, ac religionis vinculo juncti per Sacrificia, & ceremonias externas, supremum Dei Dominum agnovissent, ejus opem imploraverint, pro acceptis beneficiis ei gratias egerint, & imbecillium virium suarum post peccatum Adami probe confecti, infirmitatem confitentes, a Deo auxilium postulaverint, & deliberationem a miseris, in quas primi Parentis peccatum illos præcipitaverat: non legimus tamen in Scriptura Sacra, cultum illum externum, quem homines in statu Legis naturæ Deo reddebant, fuisse a Deo præscriptum, ac determinatum, sicut postea fuit determinatus in Lege Moisaica, & in Lege Evangelica. Quapropter, cum in Lege naturæ

non esset determinatus cultus, qui Deo erat exhibendus, alii in Lege naturæ sicut *Abel*, victimas Deo immolabant, ut legitur cap. 4. Libri Genesio. Alii, sicut *Cain*, frater *Abel*'s, fructus terræ Deo offerebant, ut eodem in capite Libri Genesio legitur. *Enos*, Patriarcha ante Diluvium, solemnibus institutis precibus, modum implorandi Dei opem homines edocuit. *Noëmus*, post Diluvium Deo altare erexit, & holocausta obtulit. Melchisedech panem, & vinum Deo obtulit in Sacrificium. *Abraham* obtulit in Sacrificium Deo arietem, quem suffecit loco filii sui *Isaci*, quem, jubente Deo, paratus erat immolare. Patientissimus *Jobus* multa Sacrificia pro filiis, & amicis suis Deo obtulit. Ex quibus exemplis patet primo, cultum externum, quem homines in Lege naturæ Deo exhibebant, nulla Lege divina fuisse determinatum, nec quantum ad modum, nec quantum ad locum, nec quantum ad tempus, nec quantum ad alias ejusmodi circumstantias. Secundo, errasse olim quosdam Ethnicos Græcos, qui assererent, priores homines obtulisse Diis in Sacrificiis dumtaxat plantas, & fructus terræ; Sed posteriores homines coepisse offerre Diis Sacrificia cadendo animalia, & etundendo eorum sanguinem, quæ Sacrificia dicebant illi Ethnici Græci, Diis fuisse omnino ingrata, utpote quæ sapiebant impietatem, injustitiam, & crudelitatem. Hunc Græcorum Ethnicorum errorem *Eusebius*, Episcopus Cæsariensis, c. 10. lib. 1. *De Demonstratione Evangelica* refellit his verbis quæ ad præsentem, quam versamus, questionem, cum apposite dicta sint, hic exscribere haud pigebit: *De ipso cultu*, inquit ille Scriptor antiquus, *quem veteres, & primi homines Divine naturæ exhibebant, non idem, quod Græcis visum est, & quod in Sacris Hebræorum libris invenitur. Nam illi quidem (seu Græci Ethnici) putaverunt, primos homines nullum proferri animalis genus, neque sacrificare, neque incendere solitos Diis, sed eos Soli, & reliquis Celi Sideribus, ut viridi gramen, & quasi quasdam sacundioris naturæ quiquilias manibus sustulissent, herbam cum foliis, & radicibus igni combuere. Posteriores autem homines, procul a tam recto instituto aberrantes, fuisse aras animalium cadibus. Porro, hoc esse impium, & injustum, & nusquam Deo acceptum Sacrificium. Nam brutorum animam nihil ab hominum rationali anima differre: Quapropter, cadis accusandos esse eos, qui animalia sacrificarent, dicebant, non secus, ac si eadem, similesque & in homine, & in bruto anima inesset. Et talis quidem de antiquis hominibus opinio Græcorum (Ethnicorum) extat. Quæ autem in scriptis Hebræorum legitur, non talis, (idest opinio) illico enim factus primos homines, ut primum in vita constitissent, animalium sacrificiis Deo exhibuisse honorem commemorat. Dicit itaque. Et factum est post multos dies, ut offerret Cain de fructibus terræ sacrificium Deo. Tunc *Abel* ipse quoque de primigeniis ovium suarum: Et respexit Deus ad *Abel*, & munera ejus: Ad *Cain* vero, & ad sacrificium ejus non intendit. Ubi jam illud considerabis, quod Deo acceptior dictus sit, qui animalia sacrificaverit, quam is, qui ab*

agro sacrificium obtulerit. Eiam Noe primum de cunctis pecoribus mundis, & de cunctis volucris mundis obtulit perfectissima munera super altare; odoratusque est Deus odorem suavitatis. Abraham quoque sacrificans describitur; ut, si Divina Scriptura testimonium sequimur, primum omnium sacrificiorum praeiis Deo amicis viris excogitatum fuisse, non dicere oporteat. Quam sane excogitationem temere existisse, aut humano more exortam, putandum non est, sed divino potius natu inspiratum. Etenim, cum morum sententiae praesentem, Droque penitus additi essent, & ob eam rem, quasi divino spiritu illustrati viderent, magno sibi opus esse obsequio, si sua ipsorum humana delicta diluere vellem, primum pro salute sua ei, qui vitam atque animam praebisset, se accere putabant: sed, cum nihil praestantius, aut pretiosius animae suae haberent, quod dicerent, pro hac interim brutorum animalium vitam offerrebat, ita suae ipsorum animae sacrificium illud comparantes: Neque se in hoc, aut delinquere, aut iniuste facere arbitrabantur, quippe qui hominum rationalis, atque intelligentia praeditae animae neutiquam similem brutorum animam esse didicissent; neque aliud quidquam, quam illorum sanguinem, vitalemque in eo vim esse eam, edocti essent, hocque unum praebere se, quasi animam Deo pro anima offerentes. Hoc, longuiculus licet Ensebius, Episcopi Caesariensis, testimonium hic exhibere necessarium duxi, ut inde intelligeres, homines in Legge naturae non solum Deo fructus terrae obtulisse, sed etiam victimas ei trasse, & immolasse, animalia videlicet in sacrificium offerendo, & fundendo eorum sanguinem, sive in honorem Dei, totam consumendo, & incendiando hostiam per sacrificia, quae ideo dicebantur *Holocausia*; sive ad impetrandum Dei opem, per sacrificia, quae dicebantur *impetratoria*; sive ad expianda peccata sua per sacrificia, quae erant *propitiatoria*; sive denique ad referendas Deo pro perceptis beneficiis gratiarum actiones per sacrificia, quae vocabantur *Eucharistica*. His autem sacrificiis homines in Legge naturae non tantum protestabantur exteriori Fidem in Christum venturum, per quam Fidem consequerantur gratiam, & salutem, sed etiam adumbrabant sacrificium, quod Christus Dominus in Arca Crucis ad redimendum genus humanum erat oblaturus, suum pro peccatis nostris pretiosum sanguinem fundens.

D. Fuerunt in Legge naturae a Deo praescripta aliqua praeccepta, quibus homines ei in Legge viventes ad contrahenda inter sese Matrimonia obstringerentur?

M. Quando Deus in Paradiso terrestri Matrimonium instituit Adamum inter & Evam, sicut legitur cap. 2. Libri Genesis, quod ad legitimum contrahendum Matrimonium Praeccepta condidit, quorum primum spectat nexum indissolubile Matrimonii, ita ut vir non possit repudiare uxorem suam, & alteri nulli nubere. Alterum praecceptum in hoc situm erat, quod vir non posset simul cum pluribus mulieribus inire Matrimonium, per quod praecceptum inhibebatur dumtaxat Polygamia simultanea, sed non polygamia successiva, quae licita erat. Haec duo observanda circa Matrimonium: divina

Praeccepta continentur his verbis Scripturae Sacrae Genesis cap. 2. v. 24. *Quamobrem reliquit homo patrem suum, & matrem, & adhaerebit uxori suae, & erunt duo in carne una: Quae verba explicans Concilium Tridentinum initio Sessionis 24. haec habet: Matrimonii perpetuum, indissolubileque nexum primus humani generis parens, divini spiritus instinctu pronuntiavit, cum dixit: Quamobrem, reliquit homo patrem suum, & matrem, & adhaerebit uxori suae, & erunt duo in carne una. Hoc autem vinculo copulari, & conjungi Corollus Dominus apertius docuit, cum postrema illa verba, tanquam a Deo prolata, referens, dixit: itaque non sunt duo, sed una caro: statimque ejusdem nexum firmitatem, ab Adamo tanto ante pronuntiatam, his verbis confirmavit: Quod ergo Deus conjunxit, homo non separet. His duobus praecceptis, videlicet de indissolubilitate Matrimonii, & de unica habenda uxore, quae in Legge naturae fuerant observata, tertium praecceptum addidit Deus, ne illi, qui ex familia Patriarchae Seth oriundi erant, quosque Scriptura Sacra nuncupat filios Dei, Matrimonio committerentur cum hiliabus, quae e familia Caini originem ducebant, quales eadem Scriptura Sacra appellat filios hominum: Videntes filii Dei filias hominum, quod essent pulchrae, acceperunt sibi uxores ex omnibus, quas elegerant, dixitque Deus; non permanebit spiritus meus in homine in aeternum, quia caro est, evangetque dies illius centum viginti annorum, Genesis cap. 6. v. 3.*

D. Impoluitne Deus alia hominibus, qui in Legge naturae vixerunt, praeccepta positiva, quae simul cum Legge naturae observare tenerentur?

M. Aliqui existimant, Deum in Legge naturae prohibuisse hominibus ante Diluvium, ne carnis animalium vescerentur, & eis tantum concessisse fructuum, & herbarum usum, juxta illud Dei cap. 1. Genesis praecceptum, quod Adamo, & Evae dedit, dicens: *Eccae dedi vobis omnem herbam afferentem semen super terram, & universa ligna, ut sint vobis in escam. Verum, ipse cum multis doctissimis Scripturae Sacrae interpretibus probabiliter esse censet, eum carnium in Legge naturae, ante Diluvium, nec a Deo vetitum fuisse, nec tamen usitatum, quia homines tum temporis ita in cibo, & potu erant frugales, ut solis herbis, ac fructibus vescerentur, a carnibus vero neque ac vino abstinerent, non quia Deus prohibuerat, sed ob quendam religionem, inde natam, quod earum eum Deus necdum diserte concessisset. A carnibus etiam homines ante Diluvium abstinebant, quia id temporis herbae, & fructus terrae rapidiores erant, ac plus nutrebant, quam nunc nutrire solent. De illa anediluviana praeconum hominum a carnibus abstinentia ita persuaasi fuerit Ethnicis, ut Ovid. lib. 15. Metamorph. Fab. 2. de aurea illa aetate haec canat:*

At vetus illa etas, cui fecimus, Auta nomen,

Fatibus arboris, & quas humus educat, herbis

Fortunata fuit, nec polluit ora cruore.

Tunc & aves ante movere per acta pennas,
Et lepus imprudens mediis erravit in arvis.

Nec

Nec sua credulitas piscem suspenderat hamo;

Cuncta sine insidiis, nullamque sementia fraudem,

Plenaque pacis erant

Ab esu itaque carniū abstinnerunt homines antediluviani, non quod Deus illis carniū esum aliquo præcepto inhibuisset, sed religionis, & frugalitatis ergo, a carnis edendis sibi temperantibus. Ovis autem, quas pascabant, cæterisque animalibus utebantur ad offerenda Deo sacrificia, ex ovis etiam sumebant vellera, lac, & caseum, quibus vescabantur cum maxima frugalitate, quæ illorum longævæ vitæ præcipua causa fuit. Quamvis enim aliæ a Sacræ Scripturæ interpretibus longævæ hominū antediluvianorum vitæ causæ notentur, videlicet bonitas primæva complexionis, seu temperamenti humani; fructuum terræ virtus, quæ tunc major erat, fructusque succulentiores, quam nunc; & scientia Adami, & per Adamum aliis communicata, cuius beneficio, cum herbarum, tum terræ fructuum vim longe melius noverant antiqui Patres illi primævi, quam hodie peritiores Medici nostri: Quamvis, inquam, a Sacræ Scripturæ interpretibus hæ causæ assignentur longævæ hominū antediluvianorum vitæ, nihilominus præcipua causa, ob quam homines illi tam longævam duxere vitam, fuit ipsorum frugalitas. Abstinencia siquidem, seu frugalitas, multum sanitati confert, & longævitatē, quippe quæ noxios consumit humores, & spiritus vitales purificat, & exacuit, foretque insuper humidum radicale, seu calorem naturalem, quem sæpius intemperantia & ingulvies, seu nimia ciborum copia suffocant & opprimit, & tandem progressu temporis, simul cum vita minuit & extinguit. Plures enim occidit gula, quam gladius. Obiter hic observare debes, Deum hominibus, post diluvium, adhuc in lege naturæ viventibus, duo dedisse observanda præcepta positiva, quorum unum in hoc situm erat, ut non comederent carnem cum sanguine, sicut legitur Genes. cap. 9. Alterum præceptum positum dedit Deus de circumcisione, quam per abscissionem carnis pelliculæ in membro genitali factam præcepit Abrahamo, omnibusque ejus posteris observandam. Sed de utroque illo præcepto positivo, quod hominibus post diluvium in lege naturæ Deus imposuit, opportunius, auxiliante Deo, differemus in primo colloquio in Historiam secundæ mundi ætatis, quæ incipit a diluvio, & protenditur usque ad vocationem Patriarchæ Abrahami.

D. Non possum meum inducere in animum, homines antediluvianos tot vixisse annos, quot ipsis tribuit Moyses cap. 5. libri Genes. ubi ait Adamum vixisse 930. annis, Sethum 912. Enosum 905. Cainanem 910. Jaredum 962. Mathusalem 969. Noënum 950. Qui enim credibile, est, quod homines, qui ante diluvium vixerunt, solis herbis, & arborum fructibus vescendo tam longævam potuerint ducere vitam? Libentius itaque, si liceret, descenderem in sententiam illorum, qui, ut nuperrime audivi, asserbant, annos istorum Pa-

triarcharum antediluvianorum, a Moysē numeratos, pares non fuisse annis nostris, qui complectuntur menses duodecim, sed annos fuisse ita breves, ut centum ex illis Patriarcharum annis non superarent decem annos ex nostris.

M. Absit ut descendas in hanc sententiam oratione contrariam Scripturæ Sacræ, quæ annos Patriarcharum antediluvianorum pares facit annis nostris. Si enim anni Patriarcharum antediluvianorum fuissent anni mensuræ, hoc est, unius mensis, vel triginta sex dierum, quales olim Ægyptiis in usu fuisse constat, sequeretur, quosdam Patriarchas antediluvianos liberis procreandis operam dedisse anno sexto & septimo ætatis suæ. Enim vero, Cainan, cum esset annorum 70. genuit Malaleelem; Malaleel vero cum attigisset annum ætatis suæ 65. genuit Jaredum, denique Henoch, cum implevisset annum itidem ætatis suæ 65. genuit Mathusalem. Si igitur Moyses annos Patriarcharum antediluvianorum mensuros intellexisset, sequeretur, Henochum, & Malaleelem statim post annum ætatis suæ sextum, Cainanem vero anno ætatis suæ septimo pubertatis tempora ingressos, genuisse filios, quod certe tam ridiculum est, quam quod maxime. Adde etiam, Historicis prophanos ultro fateri, annos Patriarcharum antediluvianorum pares fuisse annis nostris, quos inter Josephus, Herodotus, lib. 1. Antiq. Judaic. cap. 4. numerat Berosus in Chaldaicis, Manethonem, in Ægyptiacis, Hieronymum in Phœniciis, Hecateum in Græcicis &c. (a)

(a) Inter causas vitæ hominū antediluvianorum ad multa sæcula protractæ cibi, potusque frugalitas hic accensetur. Huic vero ego non multum deferrem; cum enim a primæva frugalitate homines sensim recesserint, prout ad diluvii tempus magis magisque accedebant, ut P. Gravesonius in sequenti interrogatione recte adnotat, vitæ pariter suæ sensim diuturnitatem imminuissent; quod secus accidisset ex Scripturæ discimus, cum Noëmus Patriarcharum antediluvianorum postremus, cæteris diutius, si unum excipias Mathusalem, vixerit. Fortasse quidem Noëmus frugalitatem majorum suorum servasse diceretur; sed nullo Scripturæ testimonio docemur cæteros Noëmo supares homines, frugalitatis desertores, longe minus quam Noënum vixisse.

D. Si Patriarcharum antediluvianorum anni pares nostris annis fuerunt, quorum, amabo, isti Patriarchæ tamdiu vitam celibem duxerunt? Legimus quippe in libro Genes. Patriarcham Sethum genuisse Enosum anno vitæ suæ 105. Enosum vero, jam nonagenarium genuisse Cainanem; Mathusalem genuisse Lamechum anno ætatis suæ 187. & denique Noënum anno ætatis 500. genuisse filios Semem, Chamum, & Japhetum. Credibile autem non est, istos primæ ætatis Patriarchas tamdiu celibes vixisse, aut continentiam in matrimonio servasse, & ad feram usque ætatem distulisse liberis procreandis operam dare.

M. Id creditu difficile tibi videri minime debet,

bet, tam quia, ut dicit S. *Augustinus* lib. 15. *De Civitate Dei* cap. 15. hi primæ ætatis Patriarchæ Pubertatis annos longe tradidit attingerunt, quam nos modo attingere solemus, ex proportionem longissimæ vitæ quam ducebant: Tum quia etiam illa Patriarcharum primæ ætatis genealogia non fuit a Moysæ per familiarum primogenitos contexta, sed per eos dumtaxat, per quos ab *Adamo* generationum series usque ad *Noëmum* produceretur, & a *Noëmo* usque ad *Abramum*, ex cujus stirpe nasciturus erat Christus, verus Messias a Deo pronissus. Cum igitur dicitur, *Seruum*, annos centum quinque natum, genuisse *Henochum*, *Noëmum* vero, cum esset quingentorum annorum, genuisse *Seruum*, non sequitur, illos Patriarchas non genuisse antehac, alios filios. Quod si quæras cur Deus voluerit, ut primæ ætatis Patriarchæ tam diuturnam vitam ducerent? Respondebo, ejusmodi vitæ longevitatem fuisse horumque Patriarcharum virtutis præmium a Deo concessum, eamque necessariam fuisse, non solum ut facilius propagaretur genus humanum, sed etiam ut Patriarchæ Astrologiam, Geometriam, aliasque, quas adinvenerant, artes, longiori usu & experientia excolere ac perficere possent.

D. Deum primæ ætatis hominibus longevitatem vitæ tanquam ipsorum virtutis præmium, concessisse difficile adducor ut credam, maxime cum Scriptura Sacra diferte dicat quod *omnis caro ante diluvium, corrumperat viam suam*, & cuncta cogitatio hominum ita esset intenta ad malum, ut penituerit Deum, quod creasset hominem. Explica igitur, si placet, quo in sensu intelligenda sit Scriptura Sacra, dum dicit cunctam cogitationem hominum ante diluvium ita fuisse intentam ad malum, ut, penituerit Deum, quod condidisset hominem.

M. Quando Scriptura Sacra ait, cunctam cogitationem hominum, qui vixerunt ante diluvium, ita fuisse intentam ad malum, ut Deum penituerit, se fecisse hominem, loquitur solum Scriptura Sacra de his hominibus, qui post mille & quingentos annos a creatione mundi vixerint, & centum quinquaginta circiter annis diluvium præcesserunt. Hi quippe homines, a majorum suorum frugalitate ac pietate degenerantes, se se turpissimis sedarunt vitis, & impietatem ad summum perduxerunt, adeo ut tempore *Noëni*, viri iusti, omnis caro viam suam corrumperet dicatur, nec aliter quam perpetuis quadraginta dierum imbribus, totiusque terræ eluvione flagrans ubique hominum libido fuerit restincta. Dum vero ait Scriptura Sacra, Deum penituisse quod fecisset hominem, loquitur de Deo more humano. Qui enim peritit ac destruit id quod fecerat, cum facti penitere videtur. Quando igitur in Scriptura Sacra dicitur, quod Deus penitentia ductus sit, vel tactus dolore cordis intrinsecus, id accipiendum est de effectu, idest, Deum externum prodidisse effectum, perinde ac si eum revera penituisse, vel tactus dolore cordis fuisset, eo quod prodidisset homines, quos per diluvium perdidit.

D. Quandonam contigit illud diluvium, & quamdiu duravit.

M. Anno ab orbe condito millesimo sexcentesimo quinquagesimo sexto, ætatis vero *Noëni* anno sexcentesimo, *Noëmus* una cum uxore sua, & tribus liberis suis *Semo*, *Cbamo*, atque *Japheto*, eorumque uxoris, in Arcam, quæ longitudine trecenta, latitudine quinquaginta, altitudine triginta cubita habebat, imperante Domino, ingressus est, cumque transissent septem dies, mense secundo, septimodecimo mensis, rupti sunt omnes fontes abyssi magnæ, & cataractæ Cæli apertæ sunt, & facta est pluvia per quadraginta dies, & quadraginta noctes, eoque afflurrexit aquarum inundatio, ut cubitis quindecim supra montium vertices altissimos immineret. Sed postquam per dies centum & quinquaginta semper excrevisset eluvies, tandem minui coepit est, tumque Arca quæviit in monte Armeniæ, cooperanteque appropere montium cacumina. Quo factum est, ut *Noëmus* ex Arca emisisset corvum, qui in eam amplius non rediit, sed vel incubuit cadaveribus, aut Arca iniecit. Emisit etiam *Noëmus* ex Arca columbam, quæ non inveniens solum siccum, ubi pedem figere posset, reversa est in Arcam, sed denuo laxata columba virentem ramum olivæ ore retulit, ex quo intellexit *Noëmus*, cessasse omnino diluvium, nec ullas in humilioribus locis, in quibus oleæ nascuntur, superesse aquas.

D. Audivi nuperime extare quosdam montes ita excellos, ut superent mediam aeris regionem, in qua imber, nives, ac venti generantur, quales sunt montes *Arbos*, *Caucasus*, &c. Qui fieri igitur potuit, ut aqua diluvii quindecim cubitis fuerit excelsis montibus altior.

M. Fabularum loco haberi debent quæcumque de illorum montium altitudine nonnulli comminisci solent, idque eo potissimum demonstratur argumento, quod prædicti montes non sint hominibus inhabitabiles, essent autem prius inhabitabiles, si mediani aeris, ut nonnulli fingunt, regionem superarent. Explofis itaque illis fabulis, standum est narrationi Scripture Sacre, quæ, dum ait, aquas diluvii prævaluisse nimis super terram, hisque operatos esse excelsos montes, aperte innuit, diluvium non in aliquam dumtaxat particularem regionem grassatum fuisse, sicut falso sibi aliqui persuaserunt, sed in totum quæ late patet orbem fasciisse, ita ut consumpta fuerit, teste eadem Scriptura Sacra, omnis caro, quæ movebatur super terram, volucrum, animalium, bestiarum omniumque reptilium, quæ reptant super terram, universi homines, & cuncta, in quibus est spiraculum vitæ, in terra mortua sint, ac salvi solum remanserint *Noëmus*, & qui cum illo erant in Arca, cæteris vero omnibus ad unum hominibus omnino deletis, quia, ut inquit Scriptura Sacra cap. 6. libr. *Genesis* v. 12. omnis caro corrumperat viam suam, & ibidem vers. 13. dixit Deus ad *Noëmum*: *Finis universæ carnis venit coram me, repleta est terra iniquitate & facie eorum, & ego disperdam eos cum terra.* Hinc est quod omne genus humanum, quod penitus in diluvio perditum fuit, a filiis *Noëni* post diluvium

hivium esse reparatum differtis verbis testatur Scriptura Sacra cap. 9. Genes. v. 19. ubi hæc habet: *Tres ibi filii sunt Noe, & ab his diffeminatum est omne genus hominum super universam terram.* Et cap. 10. ejusdem libri Genesios Scriptura Sacra narrans filiorum Noemi generationes, sic loquitur: *ab his (seu filiis Noemi post diluvium) divisæ sunt insula gentium in regionibus suis, unusquisque secundum linguam suam, & familias in nationibus suis.* Quæ Scripturæ Sacre verba manifeste probant, diluvium fuisse universale, ac subinde aquas, quibus absorpta est universa terra, quindecim cubitis excelsos omnes montes altitudine superasse. Addo etiam, diluvii universalis notitiam habuisse Historicos prophanos. Testatur enim *Josephus*, Hebræus, lib. 1. contra *Apionem* pag. 1044. *Berosum*, rerum Chaldaicarum peritissimum, de *facto diluvio, & hominum in eo corruptione, sicuti Moyses narrat, ita contigisse.* *Alexander Polyhistor*, apud *Georgium Syncellum* pag. 30. & apud *Ensebiu* in *Chronico* Græco *Scaligeriano* pag. 8. narrat ex secundo libro Chaldaicarum jam citati *Berosi*, sub *Sisithro*, quo *Noemius* nomine exprimit, *ingens fuisse diluvium, tuncque Deum Optimum Maximum, qui diem diluvii prædixit Noemo, quemque hic Scriptor gentilis pro prophano appellat Saturnum, per somnum Noemo dixisse, homines diluvio perituros.* Vetus etiam Scriptor idipsum prodidit non solum apud *Georgium Syncellum*, pag. 28. verum etiam apud *Ensebiu* lib. 9. *Præparationis Evangelicæ* cap. 12. & apud *S. Cyrillum* lib. 1. contra *Julianum*, ait enim de *Sisithro*, seu *Xisuthro*, sicut legit *S. Cyrillus*: *Huc autem Saturnus prædixit fore inundationem imbrum.* Ex hoc *Abydono*, & alio *Alexandri Polyhistoris* fragmento ita concludit *S. Cyrillus*: *Xisuthrus igitur appellatus Noe, forte voce Assyriorum: quamquam in hoc iterum a vero aberrant, Saturnum ipsi oraculum reddidisse dicentes, pro summo omnium Deo.* Habemus igitur ex Chaldaicis antiquitatibus, fidem eis facientibus *Beroso*, *Abydono*, *Alexandro Polyhistoro*, *Ensebio*, *Cyrillo Alexandrino*, & *Georgio Syncello*, Noeticum contigisse diluvium. Sed ex antiquitatibus etiam Ægyptiacis habemus, diluvium, quod accidit sub Noemo, fuisse universale. Hæc quippe Antiquitates Ægyptiacæ, nobis descriptæ a *Diodoro* lib. 1. Biblioth. meminerunt *absumpturam prope omnium in diluvio sub Ofiride*, per quem Ægyptii Noemum designabant. Idem legere est apud *Plutarchum*, in libro de *Iside*, & *Ofiride* pag. 356. ubi ait, *Ofiridem* Ægyptionem, seu Noemum nostrum, in Arcam, propter diluvium, fuisse ingressum. Denique, in antiquitatibus Rhodiorum, quas *Diodorus* exussit lib. 5. Biblioth. factum sub *Cærope* diluvium memoratur, quod fuit Noeticum, sicut & diluvium *Deucalionis*, cujus immensam vastitatem describens *Poeta Ovidius* lib. 1. *Metamorph. Fab.* 5. hæc habet.

Jamque mare, & tellus nullum discrimen habebant.

Omnia, pontus erant.

hæc paulo prolixius differui, ut ostenderem, quam impie *Isaacus Peyreri*, auctor Systematis Præadamitarum, ausus sit universalitatem Noetici Diluvii negare, & Scriptura Sacra penitus valere juf-

Hist. Ver. Test. Tom. I.

sa, fabulosas defendere variarum orbis nationum antiquitates, quæ cum Sacra Chronologia aperte pugnant. Hic temerarius Scriptor erat hæresiarchæ *Calvini* sequax, sed postea coram *Alexandro VII.* Pontifice Maximo, anno 1657. suam ejuravit hæresim, & insipium, quod procerat, Præadamitarum systema damnavit. (A)

“(A) Expectabam, afferendæ universalis diluvii exundationis, a Cl. Authore asserti tritum illud de offreis, aliisque marinis testaceis ac piscibus, quorum spolia lapidescentia in arduis per orbem montibus nec rata nec infrequentia reperiuntur, quibus indicio marinas aquas eouisse olim pertigisse ad oculum demonstratur; quod nonnulli in universalis diluvio contingere potuisse videri posset. Verum prudenter ab hoc urgendo argumento vir doctissimus sese abstinuit; ab ipso enim sui exordio usque nunc tot vices terre facies sustinuit, tam sepe novi montes ex ipso citari emerferunt, quemadmodum nostra etiam ætate prope insulam Sandorini in archipelago accidisse scimus, ut merito dubitari possit, num offrea illa, & pisces marini a mari, montes illos olim occupante, tum sensim recedente, relicta sint: ut malis adductis argumentis, & conjecturis demonstrat vir Cl. Antonius Vallisnieri in suo opere *Rislessioni intorno al Diluvio*.

D. Lubenti quidem animo auscultavi ea, quæ de Noetici Diluvii universalitate contra *Isaacum Peyreri* adduxisti momenta; sed ad istud tam insulsum confutandum systema, satis superque, mea sententia, sufficeret Mandatum, quo, sicut nuper time cap. 7. libri Genesios legebam, præcepit Deus Noemo, ut omnis speciei animalia introduceret in Arcam. Quorsum enim, quæso, necesse fuisse illas animalium species tanta diligentia inducere in Arcam, easque ibidem servare, si diluvium dumtaxat particulare extitisset, & omnia ubique animalia non interficerent? Nonne ex aliis terris, diluvio non obrutis, animalia in ea particularia loca, quæ devastasset diluvium, facili negotio adduci potuissent? Sed tempus est, ut meos repetam lares, crastina die summo mane ad te reversurus, ut ea, quæ de vita, & rebus, quæ a Patriarchis antediluvianis præclare gestæ sunt, dicturus es, necnon accuratam in eorum subducendis annis Chronologiam addicere possim.

COLLOQUIUM III.

De Vita & Rebus, quæ a Patriarchis antediluvianis gesta sunt, & de vera in eorum subducendis annis Chronologia.

M. CUM Adamus sit primus Patriarcha antediluvianus, ex quo uno fecit Deus omne genus hominum inhabitare super universam faciem terræ, sicut inquit *Apostolus Paulus* Act. cap. 17. necesse est, ut ab ipso Adamo, & a rebus, quæ ad ipsius vitam spectant, præsentis Colloquii exordium doceamus.

D. De Adam creatione, de ejus felicitate in statu

D 3

statu

statu innocentie, de illius lapsu, & e Paradiso terrestri expulsiōe, atque de omnibus miseriis, & vulneribus, quæ sibi, totique generi humano infixit, abunde in præcedentibus Colloquiis distinxisti. Expone nunc, si placet, quid acciderit Adamo, postquam, una cum sua uxore Eva fuit e Paradiso terrestri expulsus.

M. Postquam Adamus, iusto Dei iudicio e Paradiso terrestri fuisse a Deo expulsus, funesta, hoc nimium! experientia intellexit, quam durum in omnes, qui ab ipso prognati sunt, imperium perduellis concupiscentia exerceat. Huius rei exemplum inter primos, quos procreavit, filios luculentum apparuit. *Cainus* quippe, filius Adami primogenitus, qui erat agricola, invidia succensus, *Abelem*, fratrem suum, qui erat pastor ovium, quasi universis orbis utrique continendo par non esset, interfecit.

D. Dic, quælo, quænam fuerit causa invidiæ *Caini* erga fratrem suum *Abelem*, & qua poena Deus in hunc fratricidam animadverterit?

M. Causa, cur *Cainus* invidia in fratrem suum *Abelem* exarset, profecta est e singulari favore, quo Deus *Abelem* dignatus est, ejusque Sacrificia prætulit Sacrificiis *Caini*. Sic enim Scriptura Sacra Genes. cap. 4. refert: *Fæctum est autem post multos dies ut offerret Cain de fructibus terre munera Domino. Abel quoque obtulit de primogenitis gregis sui, & ad adipibus eorum, & respexit Dominus ad Abel, & ad munera ejus, ad Cain vero, & ad munera illius non respexit, transiitque ei Cain vehementer, & concidit cultus ejus. Cognovit autem Cain, munera sua repudiari a Deo, & ex adverso munera fratris sui *Abelis* grata esse Deo, quia, ut iniqui periti interpretes, ignis descendebat de Cælo, & in cineres redigebat oblationes *Abelis*, non autem oblationes *Caini* (a). Quo factum est, ut *Cainus* hoc visibili signo admonitus, facile intellexerit, quod fratris sui munera Deus suscepisset, & sua repudiasset.*

Hæc fuit origo invidiæ, quæ impulit *Cainum* ad occidendum fratrem suum *Abelem*, quem calibem fuisse, ex silentio Scripturæ Sacre, quæ nullam *Abelis* generationem narrat, colligant multi Scripturæ Sacre interpretes. Pœnam autem, quam Deus fratricidæ *Caino* infixit, Scriptura Sacra exprimit his verbis: *Dixitque Deus ad eum* (seu *Cainum*) *quid fecisti? vox sanguinis fratris tui clamat ad me de terra. Nunc igitur maledictus eris super terram, quæ aperuit os suum, & suscepit sanguinem fratris tui de manu tua.... vagus, & profugus eris super terram.* Referunt Hebræi ex antiqua Rabbīnorum traditione, quod *Cainus*, jam senio confectus, cum ex urbe *Enochis*, quam condiderat, animi gratia fuisset egressus, & inter densissima sylvæ arbuscula consedisset, contigit ut *Lamechus* venationi deditus eo tempore in sylva illa vagaretur, & admonitus ab uno e famulis suis, quem *Tubalcainum* esse voluit, sub foliis, & rariis seram latere, jaculum in eum locum distinxit, & miserum *Cainum* occidit. Verum, hunc, licet antiquam, Rabbīnorum traditionem, ceu puram, putamque fabulam, peritiores Scripturæ Sacre interpretes explodunt, primo, quia

Scriptura Sacra nullibi memorat, *Cainum* fuisse a *Lamecho* occisum, sed potius innuit, *Cainum* non fuisse a *Lamecho* interfecit. Dicenti enim *Caino*: *Omnia igitur, qui inveneris me, occide me*; respondit Dominus: *Nequaquam ita fiet, sed omnis, qui occiderit Cain, septuplum punietur, posuitque Dominus Cain signum, ut non interficeret eum amicus, qui invenisset eum*, Genes. cap. 3., frustratim porro Deo promissum, ac verbum videretur, si *Cainus* quoque illud non præstisset, ad quod positum a Deo fuerat, si *Cainus* a *Lamecho*, vel alio quopiam fuisset occisus. Dicere autem, quod casu, non sponte *Lamechus* occiderit *Cainum*, ariolari est, cum ea de re aliter sumum sit in Sacris Literis silentium. Hinc *Theodoretus*, Interrogatione 44. in Genesim, hanc Hebræorum traditionem, tanquam fabulosam, repudiatur. Major autem hides hac in *Theodoro* adhiberi debet, quam ceteris aliis, quia *Theodoretus* hanc Hebræorum traditionem data opera, loco mox laudato, accurate discutit.

(a) Quamquam non satis ex Scriptura constat, quo indicio ambo fratres intellexerint a Deo Sacrificium suum approbati, improbare; probabile quidem esse arbitror, igne de Cælo misso in Sacrificium *Abelis*, negato vero in Sacrificium *Caini*, illius approbationem, alterius reprobationem indicatam, quod & satis docent verba *Theodoretis*, qui Dei placitum in Sacrificium *Abelis* reddit *irrevocabilis inflammatus Deus*.

D. Ille *Lamechus*, qui juxta Hebræorum traditionem, occidit *Cainum*, est ne ille *Lamechus*, qui, ut legitur cap. 4. Genes. ex genere *Caini* ortus, induxit polygamiam, dæque duxit uxores, quarum uni nomen erat *Ada*, & nomen alteri *Sela*, & sic primus fuit, qui violavit legem monogamiæ, quam Deus tulit cap. 2. vers. 24. libri Genes. his verbis: *Quamobrem, relinquet homo patrem suum, & matrem, & adhaerebit uxori suæ, & erunt duo in carne una?*

M. Ille *Lamechus*, quem Hebræi occisorem *Caini* fuisse ducunt, ille ipsissimus est, qui duas duxit uxores, ac primus ante Diluvium violavit legem monogamiæ a Deo latam ab exordio mundi. Quo fit, ut ab omnibus iure optimo, ceu legis divine prævaricator, damnetur. At enim, postquam Deus *Evam* ex colla *Adami*, dormientis, formasset, illam adduxit ad Adamum, dixitque Adamus: *hoc nunc os de ossibus meis, & caro de carne mea, & vocabitur Virago, quia de viro sumpta est &c.* Et cap. 1. Genes. *Masculum & feminam creavit eos, benedixitque illis Deus, & ait: Crescite, & multiplicamini, & replete terram.* Quibus Scripturæ Sacre contextibus liquido patet, Deum in exordio mundi non plures condidisse fœminas, sed unam tantum, adeoque matrimonium cum una duntaxat uxore ex primaria Dei institutione profluxisse, & sic *Lamechum* contra primariam Marrimonii institutionem, a Deo factam, peccasse. Hinc est primo, quod pravum *Lamechi* exemplum, primæ Legi Dei contrarium, sequenti haud fuerint Patriarchæ ante Diluvium. Nam nec *Noëmus*, nec tres filii ejus, humano licet generi post Diluvium

vium propagando destinati, plures uxores habuerunt, sicut evidenter colligitur ex cap. 7. Libri Geneseos, ubi hæc leguntur: *Et ingressus est Noe, & filii ejus, & uxor ejus, & uxores filiorum ejus in Arcam prout aquas Diluvii.* Et Epistolæ 1. S. Petri cap. 3. dicitur: *in diebus Noe, cum fabricaretur Arca, in qua pauci, idest, quæ animæ salvæ factæ sunt per aquam.* Hinc secundo Christus Dominus Matrimonium ad primariam institutionem revocans, Matthæi cap. 19. ait: *Non legistis, quia, qui fecit homines ab initio, masculum, & feminam fecit eos, & dixit: propter hoc relinquet homo Patrem, & Matrem, & adhaerebit Uxori, & erunt duo in carne una, itaque jam non sunt duo, sed caro una.* Hæc Christus Dominus; quibus verbis manifeste polygamiam simultaneam, seu pluralitatem uxorum, damnat, non est enim polygamia duorum in una carne. Adde denique, omnes Sanctos Patres, cum Græcos, tum Latinos, *Lamechum* damnare, quod primus contra primariam Matrimonii Legem, a Deo datam, duas uxores duxerit.

D. Necdum, pace tua dixerim, intelligo, quæ de causa fuerit *Lamechi*, ante Diluvium, damnata polygamia? Nam primo, Patriarchæ veteresque iusti post Diluvium plures uxores habuerunt, nec eorum tamen damnatur polygamia. Quorsum igitur *Lamechi* ante Diluvium damnatur Polygamia? Præterea, ideo excusatur Patriarcharum postdiluvianorum polygamia, quia post Diluvium erat multiplicandum genus humanum, æquis Diluvii pene extinctum, & quia etiam post Diluvium nulla Lex erat prohibens polygamiam. Porro, eadem concurrentibus rationes tempore *Lamechi* ante Diluvium; tunc enim propagandum itidem erat genus humanum, nullaque extabat Lex, quæ polygamiam prohiberet. Quemadmodum igitur non damnatur in Patriarchis post Diluvium polygamia, ita nec ante Diluvium damnanda est in *Lamecho*. Videtur quippe mihi par utrobique ratio.

M. Longum certe latæmq; discrimen in ratione polygamie extat Patriarchas postdiluvianos inter & Patriarchas antediluvianos. Nam primo, polygamia Patriarchis postdiluvianis ideo crimini verti non debet, quia, ut inquit S. Augustinus lib. 22. contra *Faustum* Manichæum, invaluit post Diluvium mos plures habendi uxores: *Quando mos erat,* inquit Aquilinus ille Doctor, *crimen non erat, & nunc propterea crimen est, quia mos non est.* At, in Patriarchis ante Diluvium mos non inoleverat plures ducendi uxores, sed *Lamechus* fuit primus, qui ante Diluvium primam Matrimonii institutionem, a Deo factam, violavit, duas ducens uxores, nullum hac in re habens prævium exemplum. Quapropter, ipse peccavit, sed non peccatur Patriarchæ postdiluviani, quia post Diluvium obtinuit mos habendi plures uxores, immo, Deus cum Patriarchis postdiluvianis dispensavit, ut plures habere possent uxores, sicut oppositum ostendimus in Colloquio tertio in Historiam secundæ Mundi ætatis; hujus autem dispensationis concessit a Deo post Diluvium non

alia causa fuit, nisi necessitas multiplicandi genus humanum, & brevis vitæ Patriarcharum postdiluvianorum. Cum enim eorum vita brevior esset, quam vita Patriarcharum antediluvianorum, nimis lente multiplicatum fuisset genus humanum, si unam tantum quisque habuisset uxorem, & ideo Deus post diluvium polygamiam indulgit, quo ad propagandum genus humanum opus minime habebant Patriarchæ antediluviani, quia eorum vita longe diuturnior erat. Fateor, tamen, Legem, quæ Patriarchis antediluvianis simultaneam polygamiam prohibebat, non fuisse literis mandata, sed eorum tantum mentibus impressam a Deo. Docuerat enim Deus *Adamum* Legem Matrimonii, eique concepta verbis significaverat, se velle, ut in monogamia se contineret, quam Dei voluntatem *Adamus* docuit posteris usque ad Diluvium. Post Diluvium vero, Deus speciali inspiratione Patriarchas docuit, se polygamiam illis permittere, maxime cum illis viris sanctis, ut docet S. Augustinus, loco mox a me laudato, misceri multis uxoris officio fuerit, non libidinosum. Sed de *Lamecho*, quem Hebræi occiderent *Caini* esse putant, & de ejus polygamia hæcenus satis. Nunc ad Historiam Patriarcharum, qui ante Diluvium vixerunt, ex isto diverticulo redeamus.

D. Potesne certo affirmari, *Adamum*, & ejus filium *Abelam*, a fratre suo *Caino* occisum, salutem æternam fuisse consecutos.

M. Æterna salus *Adami*, & uxoris illius *Eve*, necnon filii ejus *Abelis*, a fratre suo *Caino* occisi, extra omnem dubitationis aleam posita esse debet. De salute *Adami* luculentissimum habemus in Sacris Literis testimonium, petitur et capite 10. Libri Sapientie, ubi hæc habentur: *Hæc, seu sapientia, illum, idest, Adamum, qui primus formatus est a Deo Pater Orbis terrarum, cum solus esset creatus, custodiit, & eduxit illum a delicto suo, & dedit illi virtutem continendi omnia.* Præterea, viguit semper in Ecclesia constans Sanctorum Patrum traditio de salute *Adami*, huicque traditioni aperte suffragantur S. Irenæus lib. 3. adversus Hæres. cap. 34. Tertullianus, lib. 2. contra Marcionem cap. 25. Epiphanius Hæres. 46. & Augustinus pluribus in locis. Hinc est, quod *Tatianus*, qui fuit discipulus S. Justin Martyris, sed postea evasit auctor Sectæ Encraticæ, damnavit Ecclesiæ, quia negabat, *Adamum* fuisse æternam salutem affectum. Hinc est etiam, quod omnes Catholici Doctores Abbatem *Ruperium* arguant, quod dixerit, sententiam de *Adami* damnatione probabilem esse, eamque multis sibi coætaneis Scriptores paternos nasam fuisse. Denique, incredibile est, Christum Dominum, quæ innumeris filios *Adami* & servitute, & captivitate Diaboli liberavit, & æterna salute donavit, voluisse, *Adamum*, primum omnium Parentem, in massa perditionis relinquare, & nulla profus habita ratione laboriosæ, ac diuturnæ poenitentiz, quæ una cum uxore sua, *Eva*, in terris egit, ab æterna gloria illum, & ipsius uxorem exclusisse. Continuatores *Bollandi* in Actus

in Actis Sanctorum Tomo 3. mensis Martii pag. 541. testantur, extare Martyrologium MS., quod in Ecclesia Bruxellensi olim solebat recitari, in quo ad diem 25. mensis Martii ista leguntur: *Eodem die, seu 25. Martii, plasmatio Ade, & ejectio de Paradiso.* Idem habetur in MS. Florario, & alio vetustiori MS. Martyrologio *Uffuardi*. Scilicet, quia Adamus, violando Dei preceptum, brachia extendit ad lignum vetitum, voluit Christus, obediendo Patri aeterno, brachia ad Crucem extendere, ut unde mors oriebatur, inde vita resurgeret, & qui in ligno vincebat, in ligno quoque vinceretur. Hinc Christus voluit appellari *secundus*, seu *novissimus Adam*; *Factus est primus homo Adam in animam viventem, novissimus Adam, seu Christus, in spiritum vivificantem*, ait Apostolus Paulus Epist. 1. ad Corinth. cap. 15. Plerique ex antiquis Scriptoribus, a *Baronio*, *Tornello*, *Saliano*, *Gresero*, & aliis relati, magno consensu tradiderunt, *Adamum Hierosolymis*, & quidem in Monte Calvarie, ubi Christus Dominus crucifixus est, fuisse sepultum. Sed huic traditioni pluribus in locis fidem negat *S. Hieronymus*, docetque, Adamum sepultum fuisse in Civitate *Hebron*, ubi *Abraham*, & *Sara*, *Rebecca*, *Jacob*, & *Lia* conditi sunt; qui sententia *S. Hieronymi* subscribit *S. Thomas Aquinas* 3. p. qu. 46. art. 10. In dubium ergo revocari minime debet, Adamum ejusque uxorem *Evan*, aeterna beatitudine gaudere. Idem de salute *Abelis*, filii *Adami*, quem *Cainus* per invidiam trucidavit, adfirmat Ecclesia Catholica. De *Abele* siquidem nonnulli Martyrologia, quae in A.S. Sanctorum ad diem 25. mensis Martii a *Bollandi* Continuatores citantur, mentionem faciunt, & in antiquo MS. Martyrologio Bruxellensi ad eundem diem 25. Martii haec leguntur: *Apud Agrum Damascusum Abel, primus Martyr, pro iustitia occisus est.* Hinc multi Sancti Patres ajunt, *Abelem* gessisse typum Christi mortis, idque confirmat *Paulus* Epist. ad Hebraeos cap. 12. v. 24. ubi haec habet: *Et Testamenti novi mediatorum Jesum, & sanguinis asperisionem melius loquentem, quam Abel.* Christus etiam Dominus appellat *Abelem*, iustum, *Matthaei* cap. 23. v. 35. Denique, in Canone Missae Deum orat Ecclesia, ut *Sacra dona propitio, ac sereno vultu respicere dignetur, sicut accepta habere dignatus est munera pueri sui iusti Abel.* Quae omnia manifeste probant, *Abelem* Caelo fuisse receptum.

D. Numquid Adamus praeter *Cainum*, & *Abelem*, alios progeniit filios?

M. Non est dubium, quin Adamus, praeter *Cainum*, & *Abelem*, alios procreavit filios, ait enim Scriptura Sacra cap. 5. Genesis vers. 4. & facti sunt dies Adam, postquam genuit *Seth*, octavo anni, *genitque filios & filias*. Verum, Scriptura Sacra non enumerat omnes filios & filias *Adami*, sed, postquam recognovit *Cainum*, & *Abelem*, quem crudeliter *Cainus* interemit, tertium nominat *Adami* filium, videlicet *Sethum*: Cognovit quoque adhuc Adam uxorem suam, & peperit filium, vocavitque nomen ejus *Seth*, dicens: *posuit mihi Deus semen aliud pro Abel, quem occidit Cain*,

Genesis cap. 4. vers. 25. Nec mirari debes, quod Scriptura Sacra trium tantum filiorum *Adami* disertam mentionem fecerit; voluit quippe *Moses*, libri Genesis Auctor, perscrutari demtaxat Patriarchas, qui vixerunt ab Adamo usque ad Diluvium. Quocirca, post relatum *Abelis* mortem, inmemorativitatem *Sethi*, qui fuit tertius *Adami* filius, & secundus Patriarcha ante Diluvium.

D. Narra, si placet, omnia, quae ad istum tertium *Adami* filium, *Sethum*, qui fuit secundus ante Diluvium Patriarcha, & quae ad ejus posteritatem pertinere possunt.

M. Multa, quae ad *Sethum*, ejusque posteritatem spectant, paucis complectar. In primis Scriptura Sacra inquit, *Sethum* in locum *Abelis*, a fratre suo *Caino* occisi, editum fuisse, & in eo pietatem caeli *Abelis* reforescere. Secundo, fuerunt in secundo Ecclesiae saeculo quidam haeretici, dicti *Sethiani*, quod *Sethum*, *Adami* filium, existimarent esse Christum. Turpius tamen errant nonnulli ejusdem saeculi Haeretici, dicti *Cainae*, quia *Cainum*, miserabilem *Abelis* fratricidam, singulari veneratione colebant. Turpissime vero errant alii in eodem secundo Ecclesiae saeculo Haeretici *Adamitae*, quod in suis Conventiculis, omni plane pudore deposito, nudos omnes tam viri quam feminae, delectarent, se primam *Adami*, patris *Sethi*, in horto voluptatis, seu in Paradiso terrestri, conditionem representare, & sub hoc obtentu, quod horrendum est, promiscuo concubitu, & uxorum communiione, belluorum instar, inverecunde uterentur. Circa posteritatem *Sethi*, duo observatio digna hic breviter subnectam. Ea primo quidem *Iosephus* lib. 1. Antiquitatum judaicarum cap. 3. scribit, *Sethi* nepotes Coelorum ordinem ac syderum cursus observasse, & ne inventa suis ex hominum notitia dilaberentur, cum *Adamus* gentilem Mundi incensum, unum incendio, diluere alterum praedixisset, duas excitasse columnas, alteram laevam, alteram lapideam, & utrique inventa suae insculpsisse, ut, si interitum diluvio periret, superstes esset lapidea, quae hominibus discendi copiam faceret. Praeterea, observare debes, nepotes Patriarchae *Sethi* fuisse acceptos Deo, quod probatiss & iustitiae cultores essent, & ideo *Filiis Dei* in Scriptura Sacra appellati; nepotes vero *Caini* fuisse Deo exotos, quod parentis sui *Caini* haud dissimiles essent: illi igitur, seu nepotes *Sethi*, inquit Theodoratus quaest. 47. in Genesim, *namque pii & boni, cognominati sunt filii Dei. Separatum enim erat genus Sethi, & non permiscetur cum cognatione Cain, propter illam ei ab omnino Deo maledictionem.* Theodoro locumine *Procephus* in cap. 4. Genesis, & *Epiphanius* Haeretic. 39. Ex hinc orta est in utraque familia, *Sethi* videlicet & *Caini*, capitalis inimicitia, rursaque morum discrepantia, ut nepotes *Sethi* matrimonia inire nollet cum filiabus, quae e *Caino* orta suum dicebant.

D. Dicis mihi, quae, quo pacto exponi debeant ille Scripturae Sacrae locus, qui legitur c. 6. libri Genesis: *Viderunt filii Dei filias hominum, quod*

quod essent pulchra, acceperunt sibi uxores ex omnibus, quas elegerant? Quinam sunt isti filii Dei, & istae filiae hominum?

M. Germana istius loci expositio est illa, quae per *filios Dei* intelligit posteros *Serbi*, & per *filias hominum* intelligit eas, quae erant de posteritate *Caini*. Filii autem *Serbi* vocati sunt filii Dei, quia propter pietatem, cultumque Dei singularem, segregati erant a posteris *Caini*. Filiae autem, quae descendebant et progenie *Caini*, dictae sunt *filiae hominum*, quod malitia similes essent parenti suo *Caino*. Porro, nepotes *Serbi*, sicut mox observavi, ita avertabantur posteros *Caini*, ut cum illis nihil commercii & societatis, nec cum eorum filiabus, usque ad tempora vicina Diluvio, connubia jungere voluerint. Sed, appetente diluvio, nepotes *Serbi*, illicti pulchritudine filiarum et progenie *Caini*, matrimonia inierunt cum illis, & earum consuetudine similes eis effecti, ab avita pietate degeneraverunt, & una cum illis eluvione perierunt. Huic expositioni favent Sancti Patres & Scripturae Sacrae Interpretes. Quapropter, iure optimo rejici debet quorundam antiquorum Scriptorum error, asserentium, *filios Dei*, quos Scriptura Sacra, loco mox laudato, ait, commercium habuisse cum filiabus hominum, intelligi debere *Angelos*, qui, mulierum pulchritudine capti, carnali commercio cum illis commixti sint. Hic, inquam, error rejici debet primo, quia Scriptura Sacra testatur, eos quos *filios Dei* appellat, captos fuisse pulchritudine mulierum, & rem cum illis habuisse. Sed *Angeli* nec mulierum pulchritudine capi, nec rem cum eis habere possunt, quippe qui corporis sunt omnino expertes, ut constans est omnium Theologorum sententia contra nonnullos antiquos Scriptores, qui *Angelis* corpora, non quidem crassa, sed subtilia, aerea, ignea tribuerunt. Per illos itaque, quos Scriptura Sacra appellat *filios Dei*, non possunt intelligi *Angeli*. Secundo, Scriptura Sacra, postquam meminit istius, *filios Dei* inter & filias hominum, matrimonii confectum subiicit: *Dixitque Deus: non permanebit spiritus meus in homine in eternum, quia caro est, et unatque dies illius centum viginti annorum, igitur per filios Dei, qui filias hominum duxerunt uxores, Scriptura Sacra intelligit homines, non vero Angelos.* (a)

„(a) Unde orta fuerit fabella, quam veteres „plures adeoptant de angelis cum filiabus Cain congressis in luxuria, detegunt non infeliciter nonnulli rati in hunc errorem inductos ex versione Septuaginta, quae habet *Angeli Dei*, quo loco in vulgata est *Filii Dei*. Hanc vocalam ad litterae rigorem accipientes veteres illi, angelos, excogitarunt, connubia cum puellis Cainitis miscuisse. Verum praeterquam quod in Scriptura vox *angelus* interdum pro hominibus pietate eximilis accipitur, textus etiam Septuaginta vaticanus non *angeli* sed *filii Dei* habet. Fatendum est tamen Alexandrinum codicem ferre expressis verbis *angeli Dei*. Vide Buddeum in hist. eccles. v. 2. period. I. sect. II. §. 1. in notis.

D. Fueruntne itidem puri homines illi gigan-

tes, quos Scriptura Sacra cap. 6. libri Geneseos ait, procreatos fuisse ex his connubiis, quae filii Dei inierunt cum filiabus hominum: *Gigantes autem erant super terram in diebus illis; postquam enim ingressi sunt filii Dei ad filias hominum, illaeque genuerunt, isti sunt potentes a saeculo viri famosi.*

M. Isti gigantes, quos perhibet Scriptura Sacra natos esse ex carnali congressu *filiorum Dei* cum *filiabus hominum*, fuerunt revera puri homines, non vero Demones; sicut docent omnes Sacrae Scripturae interpretes. At enim, Demones nasci haud possunt ex hominibus, sed *filii Dei*, qui, teste Scriptura, fuerunt istorum gigantum progenitores, erant homines, sicut nox ostendimus, non igitur Demones erant isti gigantes, sed veri homines, quos, propter eorum fortitudinem & staturae proceritatem, Scriptura Sacra appellat potentes a saeculo viros famosi. Observant autem periti Hebraei, Rabbini *Abraham*, & R. *Aben Ezra*, Gigantes appellari hebraice *Nephilim*, quasi *cadentes*, non quod e Caelo, quasi *Demoni* ceciderint (sicut nonnulli antiquis Scripturibus per errorem obrepsit) sed quod ceteri homines, insolentem corporis eorum proceritatem intuentes, attoniti ante illos caderent: vel quod isti Gigantes ferocia, latrocinio, & tyrannide terribiles, irruerent violentem in homines, eosque in terram prosternerent, ad quod alluisse videtur *Job* c. 6. libri sui dicens: *irruit in me quasi gigas; vel isti gigantes: appellabantur ab Hebraeis Nephilim, seu Cadentes, quod propter suam in Deum impietatem & flagitiosissimam vitam provocaverint iram Dei, & in diluvio generali ceciderint: quo forte referri potest illud Job cap. 26. vers. 5. sui libri dicens: Ecce gigantes gemunt sub aquis, & qui habitant cum eis. Adde etiam, nomen *Nephilim*, seu *Cadentes*, non solum Angelis, sed & hominibus convenire, qui e statu, vel professione sanctitatis exciderunt, vel ab avita majorum suorum pietate degeneres ad studia meretricum impiorum delabantur, quales fuerunt posteri, qui ex Patriarcha *Setho* originem duxerunt. Hi quippe a Majorum suorum vestigiis desectentes, & ad flagitia *Cainitarum* delapsi, haud immerito dicti sunt *Nephilim*, seu *Cadentes*, & ideo ad perdendos illos missum est univerfum diluvium, in cuius aquis submersi perierunt, sicut legitur libri Sapientiae cap. 14. vers. 6. & lib. Ecclesiastici cap. 16. vers. 8. Non exaruerunt pro peccatis suis antiqui gigantes, qui destructi sunt confidentes virtuti suae. Rejiciendus itaque est error quorundam antiquorum Scriptorum, qui existimantes, Angelos esse corporibus praeditos, affirmarunt, illos gigantes, quorum meminit Scriptura, non fuisse homines, sed Demones, ex carnali Angelorum cum mulieribus commercio procreatos. Ex his antiquis Scripturibus, qui hujus erroris assertores ac patroni fuerunt, unum hic dumtaxat referam *Lactantium*, qui lib. 2. Divinarum Institutionum cap. 15. haec habet: Cum ergo numerus hominum capisset increfcere, providens Deus, ne fraudibus suis Diabolus, cui ab initio terra dederat potestatem, vel corrumpere vel disper-*

peret homines, quos in exordio fecerat, misit Angelos ad celum cultumque generis humani; quibus, quia liberum arbitrium erat datum, preceptum ante omnia, ne terra contagione maculati, substantia celestis amitterent dignitatem: scilicet illos facere prohibuit, quod sciebat esse futurum, ut veniam sperare non possent. Itaque illos cum hominibus commorantes, dominator ille terre salutissimus (seu diabolus) consuetudine ipsa paulatim pellexit, & multorum congestibus inquinavit. Tum in Caelum, ob peccata quibus se immergerant, non recepti, ceciderunt in terram. Sic eos diabolus ex Angelis Dei suos fecit suavitates ac ministros. Qui autem sunt ex his procreati, quia neque Angeli, neque homines fuerunt, sed medium quandam naturam gerentes, non sunt ad inferos recepti, sicut in Caelum parentes eorum. Ita duo genera Dæmonum facta sunt, unum celeste, alterum terrenum. Hi sunt inimici spiritus, malorum, quæ geruntur, auctores, quorum idem diabolus est princeps. Hunc errorem, quem Lactantius communem habuit cum quibusdam antiquis Scripturis, qui corpora Angelis tribuebant, & ex eorum cum hominibus congressibus terrestres Dæmones fuisse procreatos asserbant, nemo est in præsentia, qui non rejiciat, eumque inter alios Lactantii natos non reponat.

D. De Serbo, qui fuit secundus ante Diluvium Patriarcha, & de ejus posteritate plura scire non desidero, sed optarem, ut cæterorum Patriarcharum antediluvianorum res præclare gestas compendiose describeres, sicut eas refert Scriptura Sacra. Ea siquidem, quæ illos Patriarchas spectant, nonnisi ex Sacris voluminibus, velut ex ipsis fontibus, haberi debent.

M. Tertius Patriarcha antediluvianus est Enos, filius Serbi. De hoc Patriarcha Enos ait Scriptura Sacra: *Iste cepit invocare nomen Domini*, quod tamen non ita accipi debet, quasi ante Patriarcham Enosum nullus fuerit Deus invocandi modus, nec publicus Deo exhibitus cultus, sed Enosus dicitur cepisse invocare nomen Dei, quia id majori & excellentiori, quam antehac, studio ac pietate fecerit, videlicet certas quasdam ceremonias, & solemnes precum formulas adhibendo. Negari siquidem haud potest, Adæmum, primum omnium parentem, ab eoque Patriarchas, qui præcesserunt Patriarcham Enosum, nomen Dei invocasse, & publicum Deo exhibuisse cultum, sicut aperte constat non solum ex sacrificiis, quæ Cainus, & Abeler, filii Adami, Deo offerunt, sed etiam ex lege, quam Deus ab exordio mundi promulgavit, sanctificandi diem septimam, seu diem Sabbathi: *Et benedixit diei septimo & sanctificavit illum*, Genes. cap. 2. ver. 3. Quibus verbis voluit Deus, ut dies Sabbathi, Deo offerant ipsius cultui esset consecratus, ab omnibus tanquam sanctus, solemniter & venerabilis haberetur, essetque dies sanctitatis, quietis, & gaudii. Hac autem lex de sanctificatione Sabbathi, lata a Deo ab initio Mundi, ita Adamo, ejusque posteris imposita fuit, ut etiamsi Adamus non peccasset, & in statu innocentie perseverasset, posteris tamen ejus, in eodem innocentie statu constituti, debuissent peculiariter die septimo, seu die Sabba-

thi cultui divino vacare, eo potissimum nomine, ut hac lata die recolerent beneficium creationis suæ, totiusque Mundi, hac die Sabbathi completæ. Cum igitur ante Patriarcham Enosum fuerint Deo oblata sacrificia, & ab exordio mundi viguerit lex, a Deo condita, de sanctificatione Sabbathi, dici minime potest, hunc Patriarcham fuisse primum, qui publicum Deo debitum cultum instituerit.

D. Siste tantisper. Subiit animum scrupulos, quem mihi eximas velim. Si lex de sanctificatione Sabbathi a Deo ab exordio Mundi condita est; quorsum igitur Ecclesia dispensavit cum Christianis ab hac lege, quam a Moyse, eorum Legislatore, promulgatam semper retinuerunt; & etiamnum observant Judæi?

M. Christiani antiquitus Sabbathum pie coluerunt, eoque die curas suas habuerunt. Cur autem Ecclesia hanc Sabbathi sanctificationem, quam Deus non æternam, sed ad temporis duritiam duratam promiserat, postea transfulerit in diem Dominicam? Apposite hanc rationem adducit Sanctus Joannes Damascenus lib. 4. de Fide Orthod. c. 32. juxta ultimam editionem, quam adnotavit P. Michael le Quien, Ordinis Prædicatorum: *Ex qua venit*, verba sunt S. Joannis Damasceni, quod perfectum est, evacuatum est quod ex parte erat, ac scisso per Salvatoris Crucem tegumento, sive velo legis, Sanctio Spiritus ignis linguis illucescente, littera obsoletis, corporalia cessant, & impleta lege servituti, lex libertatis nobis donata est. Atque perfectum humane nature requiem celebramus, hoc est, Resurrectionis diem, in qua Dominus Jesus, vite auctor & salvator, nos ad promissam illi, quæ spirituali cultu Deo servitum, hereditatem introduxit &c. Sicut ergo Lex Moysi, adveniente Jesu Christo, vero Mellis, cessit, non secus ac proflata luce evanescunt umbræ, ita Sabbathi sanctificatio post Legis Evangelicæ promulgationem desit, & auctoritate Ecclesie translata est in diem Dominicam, in qua Christus Dominus resurrexit, nosque per Resurrectionem suam ad perfectam requiem & ad promissam hereditatem introduxit. Obiter autem observare debes, Sabbathi sanctificationem tam antiquam, tamque celebrem apud Judæos fuisse, ut illius notitia ac veneratio pervenerit ad Gentiles, quos inter sic canit poeta Ovidius:

Cultuque Judæo septima sacra viro;

circa tamen originem sanctificationis Sabbathi apud Judæos, turpiter errantur Gentiles, Sacramum litterarum rudes. Alii quippe existimant, Judæos in honorem Saturni Sabbathum colere. Alii in honorem Bacchi a Judæis institutum fuisse dixerunt. Alii voluerunt, Judæos, ex Ægypto exeuntes, laborasse ulceribus inguinum, quæ Ægypti Sabbatho appellabant, eaque septimus die cessasse, ideoque hunc diem a Judæis Sabbathum vocatum fuisse & speciali cultu ab illis celebratum. Sed hæc Gentilium pura putaque commenta sunt, quia, sicut superius dixi, Deus ab initio Mundi diem septimum, seu Sabbathi diem (in qua, ut inquit Scriptura, requievit ab omni opere, quod paratrat) sanctificavit, consecravit, legemque enavit,

ut omnes in posterum eundem diem solemnem haberent, & per illos diei sanctificationem, quæ per singulas hebdomadas recurreret, hominum mentibus infixæ hærent Mundi creationis a Deo factæ constans ac perpetua recordatio. Hinc contra Infideles validum duci potest argumentum ad religionem confirmandam, veritatemque illius fidei, quod in libr. Genesis narrat Moyses de Mundi creatione facta a Deo, & de lege, quam ad conservandam creationis Mundi perennem memoriam tulit sanctificandi eum septimum, seu diem Sabbathi. At enim, ex eo quod præceptum sanctificandi diem Sabbathi fuerit ab origine Mundi a Deo datum, atque a Patriarchis, & Hebræis diligentissime observatum, manifestè colligitur, non potuisse Moysen imponere Hebræis circa ejusmodi factum de creatione Mundi a Deo facta, cujus memorie celebrande per singulas hebdomades speciales dies semper apud Hebræos dedicatus fuit. Cum enim singuli Judei per certissimam traditionem, & celebrationem Sabbathi, singulis hebdomadibus recurrerent, moniti ac plene instructi essent circa factum, quod spectabat creationem Mundi, contra Moysen omni proculdubio reclamassent, si hæc in re aliquid falsi protulisset. Sed de origine sanctificationis Sabbathi, & de cultu, qui ante Patriarcham Enosum Deo exhibebatur, satis dictum sit (a).

(a) Vera quidem de institutione Sabbathi vel septimæ diei author hic statuit, non tamen ab omnibus æque admittitur, sunt enim plures, qui ea tenentur opinione, Festum Sabbathi inditum a Deo fuisse Judæis in quinta statione, cum populus venit in Marā, ibi enim, ut legitur Exod. XV. *asp. confinis Deus præcepit atque judicis*: atque hanc originem determinat paraphrasæ Chaldaeus in caput illud Exodi. Quod autem notat Moyses in Genesi de benedictione & sanctificatione sabbathi, quæ die a creando mundo cessavit, id vero scriptum esse a Moysæ affirmant, ut intelligeret populus, quam merito Deus lato in ea statione præcepto diem septimam Festam haberi voluerit. Ceterum usque ad id tempus nihil de sanctificatione diei Sabbathi in Scriptura occurrere, scriptores isti opportune admovent. Hanc sententiam præ ceteris dissertatione sua tuetur Dom. Abbas Sallier in dissert. de Festo septimæ diei in tom. v. *memoires de literature de l'Academie des Inscriptions & belles lettres*, verum est in scriptura nihil ante illud tempus legatur, ac fieri potuerit, ut expresso præcepto in statione Maræ id Deus junxerit; vix tamen credo, diem aliquam inditum non fuisse a Deo in ipso creati mundi exordio, cum præsertim Moyses non ambigue affirmet diem septimam sanctificationem & benedictionem a Creatore obtinuisse. Nec aliter ea verba, quam de sabbathi institutione Patres communi assensu unquam acceperunt. Felicius Abbas ille doctissimus demonstrat septimæ diei festum commune aliis etiam nationibus fuisse; adductis tamen veterum non obscuris testimoniis evincit diem septimam, quæ tantopere apud veteres celebratur, fuisse septimam cujuslibet men-

sis, non vero septimam per singulas recurrentes hebdomadas.

D. Aliorum Patriarcharum, qui post Enosum vixerunt ante Diluvium, summatim, quæso, gesta perstringe, ne colloquium nostrum longius, quam par sit, protrahatur.

M. Patriarcha Enosus, genuit Cainanem, Cainan vero genuit Malaleel, Malaleel autem Jaredem. Verum, quia de tribus illis Patriarchis, qui post Patriarcham Enosum vixerunt, nihil fugerunt Codices sacri, his prætermisiss, transitum faciemus ad Patriarcham Enochum, qui fuit filius Jaredis, ac septimus ab Adam Patriarcha, de quo Scriptura Sacra cap. 5. Geneseos hæc habet: *Ambulavit (Enoch) cum Deo, & non apparuit, quia tulit eum Deus*.

D. Equid, fides, si bi volunt hæc Scripturæ verba, de Enoch dicta: *Et non apparuit, quia tulit eum Deus*? Voluitne Scriptura Sacra his verbis: *Et tulit eum Deus*, significare, quod Enoch mortuus sit, vel quod Deus vivum transulerit Enochum in aliquem locum, in quo adhuc vivit?

M. Gemina est istorum Scripturæ Sacre verborum interpretatio. Nonnulli cum Rabbinis Aben Esra dicunt, hæc Scripturæ verba: *Quia tulit eum Deus*, significare, Patriarcham Enochum revera mortuum esse, non secus ac Libri primi Regum c. 19. verba illa Prophetæ Eliae: *Tolle, quæso, animam tuam, significant mortem*. Huic interpretationi suffragatur etiam Rabbi Salomon, atque, Patriarcham Enochum, justum quidem fuisse, sed mente versatili, seu instabili, & ad impie agendum propensa, eximque ob rem, fuisse a Deo præmatura morte sublatum, sed hæc interpretatio, utpote falsa, rejicienda est. Alii vero Scripturæ Sacre Interpretes, cum Græci, tum Latini, assentunt, hæc Scripturæ Sacre verba: *Quia tulit eum Deus*, significare, Patriarcham Enochum necdum esse mortuum, sed a Deo fuisse translatum in cetum quemdam locum, ubi etiamnum vivit, eumque in fine Mundi venturum, ut fraudes Antichristi detegat, Fideles in Christi Fide confirmet, Judæos ad Christianam fidem convertat: denique, illum, post expletum prædicationis suæ tempus, ab Antichristo occisum iri, sed, post tres dies & dimidium, ad vitam reditum, & splendidissima circumfusum gloria, in nobis lucida ascensurum in Cælum. Hæc secunda interpretatio retinenda, & amplectenda est, tum quia non solum traditur ab omnibus Sanctis Patribus cum Græcis, tum Latinis, sed quia etiam perpetua, sibi quæ semper constanti Ecclesie, & omnium Orthodoxorum traditione succurrit: Tum quia magis congruit Scripturæ Sacre, quæ non obscure innuit, Patriarcham Enochum nondum esse mortuum, sed adhuc in vita mortali conservari a Deo. Sic enim legitur Genesis cap. 5. v. 24. *Et facti sunt omnes dies Enoch trecenti sexaginta quinque anni, ambulavitque cum Deo, & non apparuit, quia tulit eum Deus*. Deinde, Libri Sapientie cap. 4. v. 10. legitur: *Enoch, placens Deo, factus est dilectus, & vivens inter peccatores, translatus est: raptus est, ne malitia mutaret intellectum ejus*. Idem ferme legitur cap. 44. v. 16. Libri Ecclesiastici: *Enoch plenus* Deo,

Deo, & translatus est in Paradisum, ut dei gentibus pariteriam. Postremo Apostolus Paulus Epist. ad Hebraeos c. 11. v. 5. de Patriarcha Henoch hæc habet: *Fide Henoch translatus est, ne videret mortem, & non inveniebatur, quia transtulit eum Dominus: ante translationem enim testimonium habuit, placuisse Deo.* Ex quibus Scripturæ Sacre locis facile colligitur, Patriarcham Enochum nondum esse mortuum, sed a Deo fuisse translatum in certum quemdam locum, ubi etiamnum vivit.

D. Gestirem scire locum, in quem Deus transtulerit Patriarcham Enochum?

M. Nonnulli existimant, Patriarcham Enochum fuisse a Deo translatum in Paradisum terrestrem, in quo constitutus est Adamus, ibique illum adhuc vivere, & hanc in rem laudant istud testimonium de promptu ex cap. 44. Libri Ecclesiastici: *Enoch placuit Deo, & translatus est in Paradisum* &c. Verum nihil inde certi elici potest, quia non raro Scriptura Sacra Paradisi voce utitur, non ad indicandum Paradisum terrestrem, in quo fuit postus Adamus, sed ad designandum quemvis amonum, ac deliciis affluentem locum, & in eo testimonio Libri Ecclesiastici citato hæc Paradisi vox nullo epitheto restringitur ad illum Adami Paradisum. Denique, permulti viri eruditi docent, Paradisum terrestrem, in quo fuit Adamus, aquis Diluvii Noetici, quod, sicut superius ostendimus, in universum Orbem grassatum est, deletum fuisse, quantum ad cultum, & amonitatem. Quem igitur in locum Deus transtulerit Enochum inquirere, non solum curiosum, sed supervacaneum est: *Multi*, inquit S. Chrysostomus Homil. 22. in Epistolam ad Hebraeos, *querunt, quomodo translatus sit Enoch? & cur translatus sit? & cur non sint mortui neque ipse, neque Elias? & si adhuc vivant? quomodo vivant? & in quo habitu? Sed supervacaneum est hoc querere.* Nam quod ille quidem, nempe Henoch, sit translatus, hic autem Elias sit assumptus, dicunt Scripturæ. Ubi autem sunt, & quo modo sunt, non adiecerunt. Non enim amplius dicunt, quam que sunt necessaria. Idem docet S. Augustinus lib. 2. adversus Pelagium, & Celestium cap. 27.

D. Dicebat mihi nuperrime vir eruditus, Patriarcham Enochum edidisse librum, ex quo excerptam Prophetiam citat S. Judas, Apostolus, v. 14. suæ Epist. ubi hæc habet: *Prophetauit autem, & de his, septimus ab Adam, Enoch, dicens: Ecce venit Dominus in Sanctis millibus suis.* Id autem mihi verosimile haud videtur, quia sæpius a te audiivi, Moysem, juxta Sanctorum Patrum sententiam, primam esse omnium Scriptorem, quod sane falsum esset, si Patriarcha Enochus, qui multis Saeculorum myriadibus Moysem præcessit, librum scripsisset.

M. Liber, qui olim circumferebatur sub nomine Patriarchæ Enoch, ad Apocryphorum classem ablegandus est, utpote supposititius, & multis scatenis erroribus, quos inter Auctor illius libri ait, Angelos Dei, amore mulierum captos, pa-

rumque congressibus inquinatos fuisse, & ex illis filios genuisse. Hinc libro, Patriarchæ Enoch perperam adscripto, omnem auctoritatem arrogat Sancti Patres Hieronymus, & Augustinus, quos secuta est Catholica Ecclesia, quæ nullam huic spurio libro asseruit, ac vindicavit auctoritatem. Citat quidem S. Judas, Apostolus, Patriarcham Enochum, tanquam auctorem illius Prophetiæ, quam in sua Epistola refert; sed inde non sequitur, Enochum scripsisse aliquem librum. Potuit quippe Apostolus Judas ejusmodi Prophetiæ Enoch per revelationem sibi divinitus factam habere notitiam, vel hæc Enoch Prophecia, ope continuatæ Traditionis conservata, potuit de ore in os; & de aure in aurem usque ad S. Judam, Apostolum, pervenire, qui illum, afflatus Spiritu Sancto, suæ Epistolæ inseruit. Si enim, ut recte observasti, Patriarcha Enochus esset illius libri, qui sub ejus nomine prostat, genuinum parens, esset tamen omnium Gentium Scriptorum antiquissimus, non vero Moyses; quod tamen negant omnes Sancti Patres. Nulla ergo fides habenda est Terrulliano, qui in lib. *De habitu Mulieris* hunc librum, qui Patriarchæ Enoch tribuitur, genuinum esse atturnat, & ex eo errorem de corporeitate Angelorum, & de illorum carnali cum mulieribus commercio errorem hausit.

D. Genuitne Patriarcha Enochus aliquem filium, antequam transferretur a Deo in eum locum, ubi, sicut mox dixisti, etiamnum vivit?

M. Patriarcha Enochus, sicut legimus cap. 5. Libri Geneleos, *vixit sexaginta quinque annis, & genuit Matuselem* ... & *vixit, postquam genuit Matuselem, trecentis annis, & genuit filios, & filias; & facti sunt omnes dies Henoch trecenti sexaginta quinque anni.* Porro, circa Matuselem, qui fuit Enoch filius, & octavus Patriarcha antediluvianus, duo velim observes. Primum est, Versionem 70. Interpretum in capite 5. Libri Geneleos fuisse mendo cubare. Ibi namque, juxta Græcorum Codicum calculum, Matuselem invenitur vita functus post Diluvium annis quatuordecim, quod aperte adversatur Scripturæ Sacre, quæ cap. 3. Epist. 1. S. Petri diserte asserit, octo tantum animas, Noemam videlicet & uxorem ejus, tres ejus filios, Semum, Chanaan, & Japhethum, cum tribus eorum uxoris, universalis Diluvii exitium evasisse. Quod quidem, ut clarus intelligas, advertere debes, Matuselem, juxta 70. Interpretum Chronologiam, genuisse Lamechum, cum esset annorum 167. & rursus Lamechum, cum esset annorum 188. genuisse Noemum. Ex quo calculo sequitur, Matuselem habuisse annos trecentos quinquaginta quinque, quando natus est Noemus. Cum igitur universale Diluvium contigerit anno sexcentesimo vitæ Noemi; necesse est, ut, juxta Codices Græcos, Matuselem, anno, quo accidit universale Diluvium, natus dumtaxat fuerit annos nonagentos quinquaginta quinque. Sed quia, nemine reclamante, Matuselem vixit annos nonagentos sexaginta novem, ut perhibet Scriptura Sacra, manifestum est, Matuselem, juxta Codices Græcos, habita ratione per partes, vixisse quatuordecim annis post Diluvium. At, in Sacri Textus Hebræi Chronologia

omnia

omnia sibi perfecte coherent. Nam, juxta Hebraeos Codices, *Mathusalem* genuit *Lamechum* cum esset annorum 187. *Lamech* autem genuit *Noemum*, cum esset annorum 182. A die ergo natiuitatis *Mathusalem* usque ad natiuitatem *Noemi* interfuxerunt anni trecenti sexaginta novem, quibus si adjicias sexcentos annos, quos natus erat *Noemus*, quando accidit Diluvium, facile comperies, *Mathusalem* anno vite suae nonagesimo sexagesimo nono vitam cum morte commutasse, eodem videlicet anno, quo Diluvium Noeticum in totum Orbem grassatum est. Hic est nodus in Codicibus Graecis, seu 70. Interpretum, circa generationem Patriarchae *Mathusalem*, implicatissimus, seu potius manifestus error, qui, sicut ait S. Augustinus lib. 15. *De Civitate Dei* cap. 12. non casum redolet, sed insidiam. Unde idem S. Doctor cap. 11. ejusdem libri hac habet: *Sed inquit, Judaei, dum nobis invident, quod Lex, & Propheta ad nos interpretando transmissum, mutasse quaedam in Codicibus suis, ut nostri minueretur auctoritas. Hanc opinionem, vel suspicionem accipias quisque ut putaverit, certum est tamen, Mathusalem non vixisse post Diluvium, sed eodem anno fuisse desincentum. Alterum, quod velim observare, spectat Codices Samaritanos circa generationem *Mathusalem*. Testatur quippe S. Hieronymus in lib. *De Traditionibus Hebraicis*, se in Samaritanorum Codicibus sic scriptum invenisse: *Et vixit Mathusalem 187. annos, & genuit Lamech*. At, doctissimus P. Morinus, Congregat. Oratorii Presbyter, Exercitatione 4. *De Textu Hebraei, Graecae sinceritate*, specimen exhibet Samaritani Codicis, ubi *Mathusalem* vixisse tantum dicitur 67. annis, antequam genuit *Lamechum*. *Scaliger* autem, ex altera parte affirmat, se in Exemplari Samaritanis, quod penes se habebat, sic invenisse scriptum: *Et vixit Mathusalem 77. annos, & genuit Lamechum*. Quae sane varietas multum derogat sinceritati Codicis Samaritani; de quo tamen *Johannes Morinus*, mox laudatus, tantopere gloriatur. Quis enim hinc non colligat, aliud fuisse Exemplar Samaritanum S. Hieronymi, aliud Morini, aliud *Scaligeri*?*

D. Intelligo quidem Patriarcham *Mathusalem*, annos natum nonagesimo sexaginta novem, mortuum esse eodem anno, quo contigit universale diluvium; ad scire vellem, an ille *Lamech*, quem dicit fuisse Patriarchae *Mathusalem* filium, idem sit ac ille *Lamech*, cujus superius mentionem fecimus, quique *Cainum*, filium *Adami* occidit, & primus fuit, qui ante Diluvium polygamiam simulaneam invenit, duas ducendo uxores, contra Legem de Monogamia ab exordio Mundi latam a Deo?

M. Ille *Lamech*, filius *Mathusalem*, pietate insignis fuit, & a justitia, sapientia, multarumque rerum cognitione commendatur, subindeque plene diversus ab illo *Lamecho*, qui multos filios, & primus Polygamiam inducit. *Lamech*, qui fuit *Mathusalem* filius, & Pater *Noemi*, originem habet ex *Adamo* per *Sethum*, & *Lamech*, qui primus duas uxores duxit, ex *Adamo* per *Cainum*

trahit genus suum. Genealogia *Adami* per filium suum *Sethum* Deo grata fuit & accepta. Genealogia vero *Adami* per filium suum *Cainum* fuit Deo exola. Utramque genealogiam *Adami*, majoris claritatis ergo, hic subnectam, sicut describitur cap. 4. & 5. libri *Genesis*.

Genealogia *Adami* per filium suum *Cainum*, quae Deo exola fuit.

<i>Adamus</i> genuit <i>Cainum</i> .	} Lib. Gen. c. 4.
<i>Cainus</i> genuit <i>Henochum</i> , & edificavit civitatem, quam de nomine filii sui <i>Enochiam</i> nuncupavit.	
<i>Henochus</i> genuit <i>Irad</i> .	
<i>Irad</i> genuit <i>Maviael</i> .	
<i>Maviael</i> genuit <i>Mathusael</i> .	
<i>Mathusael</i> genuit <i>Lamechum</i> ;	
Ille est <i>Lamech</i> , qui duas accepit uxores, nomen uni <i>Ada</i> , & nomen alteri <i>Sella</i> .	

Genealogia *Adami* per filium *Sethum* quae Deo grata, & accepta fuit.

<i>Adamus</i> genuit <i>Sethum</i> .	} Lib. Gen. cap. 5.
<i>Sethus</i> genuit <i>Enosum</i> .	
<i>Enosus</i> genuit <i>Cainanem</i> .	
<i>Cainana</i> genuit <i>Malalaelem</i> .	
<i>Malalael</i> genuit <i>Iared</i> .	
<i>Iared</i> genuit <i>Henochum</i> .	
<i>Henochus</i> genuit <i>Mathusalem</i> .	
<i>Mathusalem</i> genuit <i>Lamechum</i> .	
<i>Lamech</i> genuit <i>Noemum</i> .	

D. Pervenimus tandem ad *Noemum*, *Lamechi* filium, qui fuit decimus Patriarcha antediluvianus, sub quo universale diluvium contigit se superius observasti. Sed dicas, amabo, quorsum Deus, emissio universali diluvio omnes homines delere voluerit, & *Noemo* duntaxat ejusque familiae pepercit?

M. Causam terribilis illius erga homines divinae sententiae non aliam, praeter malitiam hominum assignat Scriptura Sacra cap. 6. libri *Genesis*, ubi hac habet: *Videns autem Deus, quod multa malitia hominum esset in terra, & cuncta cogitatio cordis intenta esset ad malum omni tempore . . . delebo, inquit, hominem, quem creavi, a facie terre, ab homine usque ad animantia, a reptili usque ad volucres caeli*. Causam vero cur Deus Patriarcham *Noemum*, ejusque familiam huic destinatae exemerit sententiae, continenter Scriptura Sacra ibidem protestatur, dicens: *Noe vero invenit gratiam coram Domino* *Noe vir justus, aequus perfectus fuit in generationibus suis*. Cum igitur tempore *Noemi* omnis caro corrumperat viam suam, misit & Coelo Deus ultrices aquas, ut hac scelerum sententia penitus eluere- tur, & perpetuis quadraginta dierum imbris, totiusque terrae eluvione flagrans ubique hominum libido resingueretur. *Noemi* autem, Patriarchae pii, ac justi, familiam a Diluvio li-

bera-

beravit Dominus, ut in ea vigeret, & confer-
ratur vera Religio, & ad posteros illibata per-
venire posset. Admonitus itaque Noëmus a Do-
mino, diluvium terris imminere, Arcam im-
mensæ magnitudinis ex lignis contexit, ac bitu-
mine illam impenetrabilem aquis reddidit. Sed
(quod singulari observatione dignum est) huic
construendæ Arcæ homines, qui aquis Diluvii pe-
rire debebant, diu adlaborarunt, deridentes tamen
Noënum, quasi delirum senem, a quo in Ar-
cam, & ad sinceram scelereum detestationem, ver-
bo & exemplo invitabantur. Sed in illos infa-
nos homines vere quadrat istud, quod vul-
go circumfertur, Adagium: *Sero sapiunt Phry-
ges*; tunc enim serius agnoverunt, Noënum ve-
rum fuisse vatem, quando omnis ad Arcam, &
ad salutem aditus præclusus omnino fuit. In hac
Arca Noëmus cum uxore sua, ac filiis tribus, *Se-
mo, Chamo, Japheto*, & totidem suis Nuri-
bus clausus est: volucrum etiam paria, itidemque di-
versi generis bestiarum, eadem in Arca recepta sunt,
reliqua omnia, quæ erant in Mundo, fuisse dilu-
vio absumpta. Mansit autem Noëmus clausus in
Arca, donec jam imbrem destitisse, ac quieto in solo
Arcam circumferri intellexerit. Tunc enim ratus
id quod erat, corvum explorandæ rei gratia, primum
per fenestram Arcæ dimisit, eoque non revertente,
(utpote aut cadaveribus incubante, aut Arcæ tecto
insidente) emisit Noëmus columbam, quæ cum con-
sistendi, seu pedem solo figendi locum non reperis-
set, reversa est, sed rursum remissa, folium olivæ
retulit, manifestum indicium nudari cacumina arboru-
m. Tercio demum emissa columba, non rediit,
indeque certe cognoscens Noëmus, cessasse penitus
Diluvium, egressus est ex Arca. Mansit autem
Noëmus in Arca per annum integrum solemem,
undecim diebus aino lunari majorem. Sic enim
Gordonus calculum ponit: per dies 40. pluit. Per
dies 150. stetit plenum diluvium. Per dies 129.
minuuntur aquæ. Per dies 56. Noë perleverat in Arca,
terra exsiccata. Hic dies ultimus habetur a mul-
tis vigesimus septimus mensis secundus, adeo ut an-
nus integer solaris, & decem præterea dies hunc
numerum efficiant. Hinc recte S. August. l. 15.
de Civ. Dei c. 14. ait: *a sexcentesimo anno vite
Noë, profusus tantus etiam tunc dies fuit, quantus
& nunc est, quem viginti & quatuor horæ diurno
curriculo nocturnoque determinant: tantus mensis,
quantus & nunc est, quem luna capta & finita
concludit: tantus annus, quantus & nunc est, quem
duodecim menses lunares, additis, propter cursum
solarem, quinque diebus & quadrante consummant.*
Eandem anni, & mensis formam fuisse a veteri-
bus observatam asserit idem Sanctus Doct. lib.
4. de Trinitate cap. 4. Quid autem post erectionem
ex Arca gesserit Noëmus? & quo pacto ejus
filii extinctum pene genus humanum reparave-
rint, instauraverint, ac per totum orbem propaga-
verint? opportunum suo loco ostendimus, seu
in colloquiis nostris in historiâ secunde Mun-
di ætatis, quæ incipit ab universali Diluvio,
& protenditur usque ad vocationem Abra-
hamæ.

D. Diluvium istud, quod Gentiles vocant Ogy-

gium, & quod item Deucalionem nuncupant, est
ne idem ad Diluvium universale, quod sub Pa-
triarcha Noëmo contrigisse Sacra Scriptura refert,
vel ab eo plane diversum?

M. Hæc Diluvia, quæ contrigisse narrant Gen-
tiles, & quorum unum appellant Ogygium, alterum
Deucalionem, revera accidisse pertendunt
multi Scriptores, qui in primis dicunt, hæc duo Gen-
tilium Diluvia, videlicet Ogygium, & Deuca-
lionem, fuisse tantum Diluvia particularia, Dilu-
vium vero, quod Scriptura Sacra ait sub Patriar-
cha Noëmo inundasse terram, fuisse universale.
Secundo, dicunt illi Scriptores, Diluvium Ogy-
gium incidisse in tempora Patriarchæ Isaac, filii
Abrahamæ, vocari autem Ogygium ab Ogyge,
Patre Inus, Beoræ Rege; Diluvium vero al-
terum appellari Deucalionem a Deucalione, Pro-
methei filio, secundo Atheniensium Rege, Cecro-
pis, primi Atheniensium Regis successore, &
Moyses aequali. Postremo dicunt, Diluvium Ogy-
gium Diluvio universali Noetico fuisse annis
quingentis recentius, sed Diluvio Deucalione anti-
quius esse annis ducentis, & sexaginta tribus.
Sic censent bene multi Scriptores. At ipse exi-
stimo, hæc omnia esse pura putaque commenta
Græcorum Gentilium, qui aliquam notitiam de
Diluvio universali Noetico, sive ex lectione Li-
brorum Moysis, sive ex traditione cum accepis-
sent, illud accidisse finxerint sub Regibus suis
antiquissimis Ogyge, & Deucalione. Certe Di-
luvium Deucalionem, sicut jam observavi sub finem
secundi nostri Colloquii, Poeta Ovidius aperte innuit,
non fuisse particulare, sed universale, ex quo sequi-
tur, illud nec re, nec tempore differre a Diluvio
universale, quod sub Patriarcha Noëmo contrigisse
narrat Moyses. Lucianus etiam in libro de *Dea
Syria*, qui extat Tom. 3. ejus Operum, Editio-
nis Basileensis, describit hoc Diluvium Deucalio-
nem, non tanquam particulare, sed tanquam uni-
versale, in quo omnes perierint. Postquam enim
hic Scriptor Græcus eo in libro locutus est de
Templo Heliopolitano, ut vetustate clarissimo, ita
per Orientem in gentibus celeberrimo, ista subjun-
git, juxta Versionem Jacobi Micilli: *Comptures
igitur Deucalionem Scythiam illam tradunt, Tem-
plum hoc consecrassse, eum puta Deucalionem, cu-
jus temporibus aquarum Diluvium fuit. Ceterum
de Deucalione inter Græcos sermonem, quem illi de
eo referunt, audivi. Habes sermo ille hoc pacto:
hanc hominum generationem, quæ nunc est, ab ini-
tio haud quaquam fuisse, sed eam, quæ tunc fuit,
totam interisse; hos autem homines, qui nunc sunt,
secundi generis esse ejus, quod rursus a Deucalione
in tantam multitudinem excrevit. De illis autem ho-
minibus hujusmodi quædam traduntur: eam contumel-
liosi admodum essent, nefaria opera corporis præstasse.
Neque enim iururandum observasse, neque hostias
recepisse, neque supplicium miserat esse. Ob eam rem,
maximam calamitatem ipsos mox consecutam esse. Sta-
tim enim & tellus multam aquam effudit, & imores
magni fuerunt, & flumina solito majora decurrebant,
& mare quoque in multum ascendit eo usque domus
omnia aquis inundarentur, atque omnes perirent. Deuca-
lion autem solus omnium relictus fuit, in fecunda*

dum videlicet generationem, prudentia simul, & pietatis gratia. Servatus autem suis hoc populo: Arcam ipse habebat, inpositis in eam, & liberis, & uxore sua, confendit. Ceterum, cum ipse ingrederetur, veniunt eodem & apri, & equi, & leonum genera, & serpentes, alique quicumque tellure pascuntur, bina ex unoquoque genere cuncta. Ille autem recipit ad se omnia, atque ea ipsum haud quaquam ladebant, sed magna inter eos, fore ita dispendente, concordia erat, naque in Arca omnes navigabant, quando aqua superabat. Atque hoc quidem de Deucalione Graeci tradunt. Hanc Luciani de universalis Diluvio, ejusque circumstantiis, narrationem si attente perpendas, facile percipies, Diluvium universalis, quod fuit Patriarcha Noemi contigit, notitiam ad Graecos, seu Gentiles, pervenisse, eos vero commentos postea fuisse, istud Diluvium accidisse sub uno & fuis Regibus, videlicet Deucalione.

D. Putasne, aliquos ex his, qui tempore Noemi vindictis aquis universalis Diluvii extincti sunt, Poenitentiam egisse, & aeternam damnationem evasisse?

M. Si sermo sit de parvulis, qui per Sacramentum Legis naturae, aut per Fidem signo aliquo sensibili, & sacro significatam, & confirmatam, ab originali peccato mundati, & sanctificati erant; nullum dubium est, quin isti parvuli, aquis Diluvii universalis submersi, salutem aeternam fuerint consecuti. Si etiam sermo sit de his hominibus, qui, incipiente Diluvio, poenitentiam agere potuerunt, donec aquis suffocati interirent, certum itidem est, illos, si revera poenitentiam egerint, salutem aeternam fuisse adeptos. Poenitentiam autem aliquos ex his, qui universalis Mundi Diluvio perierunt, egisse, docere videntur S. Hieronymus in Libro Questionum Hebraicarum in Genesim, & in Caput I. Prophetæ Nahum, necnon Rupertus, Abbas, lib. 4. Commentariorum in Genesim cap. 16. At, ipse, cum aliis doctissimis Scripturae Sacrae Interpretibus, existimo, nullos ex his, qui in hoc generali Mundi naufragio extincti sunt, poenitentiam egisse, & abinde illos omnes aeternam damnationem incurrisse. Tantum enim abest, ut Scriptura ullibi innuat, aliquos ex his, qui Diluvio Noetico perierunt, scelus suorum poenituisse, ut potius Evangelista Lucas cap. 17. v. 27. contrarium aperte testetur his verbis: *Edebant, & bibebant, uxores ducebant, & dabantur ad nuptias, usque in diem, qua intravit Noe in Arcam, & venit Diluvium, & perdidit omnes.* Quapropter, sicut non licet asserere aliquos, vel ex Sodomitis, qui incendio perierunt, vel aliquos ex Aegyptiis, qui in Mari rubro demersi sunt, vel aliquos ex his, quos cum Core, Dathan, & Abiron debentem terra absorbit, poenitentiam egisse, quia de illorum poenitentia altum est in Scriptura Sacra silentium; ita nulli affirmare fas est, aliquos ex his, qui tempore Noemi in generali Mundi Diluvio interierunt poenitentiam egisse, quia de illorum poenitentia silet omnino Scriptura Sacra; nec debemus certo quidquam pronuntiare, cujus in sacris litteris ne vola quidem, ac vel minimum reperitur vestigium, alioqui procacibus quibuldam ingenuis in Sacrarum Scripturarum interpretatione amplissimum ariolandi, vanisque in-

dulgenti conjecturis aperiretur ostium. Probabilius itaque esse censo, omnes homines, qui universalis Diluvio perierunt, aeternam damnationem incurrisse, tum quia, silente Scriptura Sacra, dicere haud possumus, quemquam illorum poenitentiam egisse; tum quia etiam, juxta doctrinam Sanctorum Patrum, quemadmodum hi omnes, nullo excepto, qui extra Ecclesiam moriuntur, per temporalem mortem transeunt ad aeternam, ita quicumque extra Arcam Noemi perierunt, aeternum perierunt. Absurdum quippe est, & Scripturae Sacrae auctoritati penitus contrarium, dicere impios, de peccatis suis poenitentiam non agentes, aeternis suppliciis non puniri, quia panis temporalibus in hac vita plechuntur.

D. Quoto anno Mundi contigit Diluvium universale Noeticum?

M. Haec difficultas, propter Hebraeorum, Graecorum, & Samaritanorum Codicum in annis Patriarcharum antediluvianorum numerandis discrepantiam, satis intricata est, nec tam facile dirimi potest. Hebraei namque ab ortu Mundi usque ad Diluvium numerant dimittant annos 1656. Graeci autem, seu 70. Interpretes, a creatione Mundi usque ad Diluvium subducunt annos 2242. vel 2262. Samaritani denique ab exordio Mundi usque ad Diluvium numerant annos 1307. De hac calculorum discrepantia doctissimi Chronographi, & Theologi magno animorum aestu, hac nostra praesentium tempestate inter se se digladiantur, altercantur, tumultuantur; aliis Textum Hebraeum, ac subinde Hebraeorum calculum Versioni, & calculo 70. Interpretum antepoenitentibus; aliis e diverso stantibus pro Versione, & calculo Graecorum, seu 70. Interpretum. Qui calculum Hebraeorum probant, mendosam & interpolatam esse 70. Interpretum Chronologiam pertendunt. Qui vero 70. Interpretum Epilogismum tuerentur, corruptum, & adulteratum fuisse Textum, ac calculum Hebraeorum dicunt, & utrique suas varias conjecturas proponunt. Longior certe esset, si hanc questionem, quae amplissimam praebet disputandi materiam, in praesentia vellem accurate, pro eo ac mereret discutere. Consultus me scilicet puto, si te remittam ad Dissertationem, quae est ordine quinta, inter alias Dissertationes, quas edidi in libro *De Mysteriis, & annis Jesu Christi Servatoris nostri*, quem Romae anno 1724. secundis curis adornatum publicam in lucem emisi. In hac quippe Dissertatione multis momentis evinco, Chronologiam Textus Hebraei, in numerandis annis Patriarcharum ante, & post Diluvium, praefertendam esse calculo Codicum Graecorum, & Samaritanorum, ibidemque omnibus objectionibus, quae vulgo proponi solent, abunde facio satis.

D. Cum librum, quem lucubrasti, *De Mysteriis, & annis Jesu Christi*, nunc ad manum non habeam, optarem, ut compendio hic praecipua proferres momenta, quibus probari potest, Textus Hebraei Chronologiam in supputandis annis Patriarcharum primae, & secundae aetatis praeponi debere calculo Codicum Graecorum, seu 70. Interpretum, & Samaritanorum.

M. Inter praecipua momenta, quibus probatur, Chronologiam Textus Hebraei in numerandis annis Patriarcharum primae, & secundae aetatis antepo-

poni debere calculo Codicum Græcorum, seu 70. Interpretum, & Samaritanorum, hæc sunt, quæ hic summam perfiringam. Primo, quia cum Chronologia Textus Hebræi, qui est Scripturæ Sacre Textus primigenius, optime consentit Editio vulgata, quæ a Concilio Tridentino fuit Authentica declarata, & qua universa nunc utitur Ecclesia Catholica. Credibile autem non est voluisse Ecclesiam approbare in Editione vulgata Chronologiam Textus Hebræi in supputandis annis Patriarcharum primæ, & secundæ ætatis, si ea Chronologia corrupta, ac mendosa esset. Præterea, Chronologia, quæ est in Codicibus Græcis, seu 70. Interpretum, & in Pentateuco Samaritanorum, multis icaret erroribus, sicut superius observavimus in annis *Mathusalem*, quem Codices Græci superstitem faciunt, quatuordecim annis post Diluvium, quod e diametro opponitur Scripturæ Sacre. Codices Samaritani ab initio Mundi usque ad Diluvium, percensent tantum annos 1397. qui annorum numerus, ut fidentur omnes, contractior est, & longævæ Patriarcharum ante Diluvium vitæ plures adimit annos. Denique, omnium Hebræorum animis tantum semper infedit ardor sacros conservandi libros, & cavendi, ne quod in ipsos, vel minimum irreperet mendum, ut paratos se se exhiberint mortem potius oppetere, quam in eorum depravationem consentire. Quo fit, ut audiri non debeant, qui aurem fabulis præbentes, dicunt, Hebræos, odio in Christianos percitos, Chronologiam Textus Hebræi de industria corrupisse. Sane, si Hebræi propter odium quo prosequuntur Christianos, voluissent sacros suos corrumpere libros, tam nefandum scelus non attemptassent in Chronologia, sed in Vaticiniis, quæ de venturo Messia cecinerunt Prophetæ, quæque in Jesu Christo, vero Messia, adamussim fuisse completa antiqui Christiani Sole claris contra Judæos demonstrabant; in his, inquam, corrupendis Prophetarum de venturo Messia oraculis omnem suam operam, artem & industriam posuissent Judæi, non vero in corruptenda Chronologia Sacra, quæ nul-

lum Christianis ad probandum Messie adventum efficax poterat suppetere argumentum. Non enim solabant antiqui Christiani disputare contra Judæos calculatores, seu e Chronologia petitis argumentis, sed ipsis objiciebant Prophetarum vaticinia, quæ illorum jugulum prebebant, eoque ita ad incitas redigebant, ut ad illa nec hifcere, nec mustitare possent. Cum igitur Judæi hæc Prophetarum vaticinia, quæ Christianorum doctrinæ de adventu Messie aperte suffragantur, nunquam adulteraverint, sed illa adhuc integra, & illibata in Sacro Textu Hebræo confervent, quamvis ea, ne Christum esse verum, & a Prophetis prædictum Messiam fateri cogantur, sinistris, & violentis interpretationibus in alium sensum oborto collo inflectere, ac detorquere frustra moliantur; qui, quæso, credibile erit, Judæos voluisse vitare Chronologiam Sacri Textus Hebræi, quæ ipsis nec quidquam nocuementi, nec Christianis aliquid præsidii adversus ipsos asferre poterat? Id sane abhorret ab omni veri specie. Præterquamquod impossibile videtur, Judæos per totum, qua late patet, Orbem, maxime post passionem Christi, dispersos, & in varias Sæctas, videlicet Samaritanorum, Saducæorum, Caraitarum, Rabbanistarum, Phariseorum, &c. distractos, in depravationem Sacre Chronologie Textus Hebræi consensisse, tamque sacrilegum facinus aggredi potuisse, etiam si voluissent. Sed de Chronologie Sacri Textus Hebræi integritate plura legis in prælaudata Dissertatione nostra.

D. Ut discrepantiam Codicum Hebræorum, Græcorum, & Samaritanorum in numerandis annis primæ ætatis, seu Patriarcharum ante Diluvium, uno oculorum conspectu videre possim, rem mihi gratissimam faceres, si hic Tabulam Chronologicam subnecteres, quæ generationum Patriarcharum antediluvianorum annos; juxta Codices Hebræorum, Græcorum, & Samaritanorum accurate notaret.

M. Quandoquidem hæc, quam postulas, Tabula Chronologica nonnihil lucis asferre potest his, quæ hæcenus diximus, eam oculis subjiciam.

TABULA CHRONOLOGICA.

Complectens annos generationum Patriarcharum antediluvianorum, juxta Codices Hebræorum, Græcorum, & Samaritanorum.

Adm genuit	juxta codices Hebræos.	Juxta codices Græcos.	juxta codices Samaritanos.
Seth			
Anno ætatis suæ	140.	230.	130.
Sethi genuit Enos.	105.	205.	105.
Enos genuit Cainan.	90.	190.	90.
Cainan genuit Malaleel.	70.	170.	70.
Malaleel genuit Jared.	65.	165.	65.
Jared genuit Enoch.	162.	162.	62.
Enoch genuit Mathusalem.	65.	65.	165.
Mathusalem genuit Lamech.	187.	167.	67.
Lamech genuit Noe.	182.	181.	53.
Diluvium cepit Noe annos nato. 600.		600.	600.
Summa annorum a creatione mundi usque ad Diluvium.	1656.	2242. vel 2262.	1307.

D. Video sane magnam calculorum discrepantiam, quæ in numerandis annis Patriarcharum primæ ætatis, idest, a creatione Mundi usque ad Diluvium, reperitur inter Codices Hebræos, Græcos,

& Samaritanos. Sed quia Concilium Tridentinum approbavit in Editione vulgata, quam sequitur Catholica Ecclesia, Chronologiam Codicum Hebræorum, eamque præfert calculis Codicum Græcorum, & Sa-

& Samaritanorum, etiam, atque etiam te rogo, ut aliam hic inferas Tabulam Chronologicam, quæ, juxta Chronologiam Textus Hebræi, decem primorum Patriarcharum ab exordio Mundi ad Diluvium usque stemma, & annorum vitæ summam complectatur.

M. En aliam, quam tibi exhibeo, Tabulam Chronologicam, in qua, juxta Chronologiam Textus

Hebræi, accurate notantur anni Mundi, quibus decem Patriarchæ ante Diluvium nati, & mortui sunt. Indicatur etiam quoto anno vitæ suæ decem illi Patriarchæ ante universale Diluvium genuerint; quot annos vixerint, postquam genuerunt; & denique quot annos in universum vixerint. Quorum notitia tibi circa annos decem Patriarcharum ante diluvium abunde sufficere debet.

Tabula Chronologica decem Primorum Patriarcharum ante Diluvium stemma, & annorum vitæ summam complectens.

	Natus est anno Mundi.	Genitus anno vitæ suæ.	Vitæ postquam genuit.	Vitæ in universum.	Obiit anno Mundi.
Adamus	2.	130.	800.	930.	930.
Seth	130.	105.	807.	912.	1042.
Enos	235.	90.	815.	905.	1140.
Cainan	325.	70.	842.	910.	1215.
Malael	395.	65.	890.	895.	1290.
Jared	460.	112.	800.	912.	1432.
Enoch	622.	65.	300.	365.	987.
Matuselem	697.	187.	782.	969.	1656.
Lamech	874.	182.	595.	797.	1661.
Noë	1056.	1500.	450.	950.	2006.
Diluvium			Coepit anno Mundi 1656.	Duravit anno 1.	Deiit anno Mundi 1657.

D. Vocis mei plenissime fecisti satis. Quapropter, si nihil aliud de decem Patriarchis, qui vixerunt ante Diluvium, tibi superest dicendum, hic finem ultimo colloquio nostro in Historiam primæ Mundi ætatis imponemus.

M. Ne quidquam horum prætermittamus, quæ Historiam spectant primæ Mundi ætatis, seu Patriarcharum ante Diluvium, velim ut sub finem hujus nostri Colloquii observem, Adamum, ejusque filium Abelem, necnon Patriarcham Noënum, Jesu Christi, Salvatoris nostri, verique Messie, typum gessisse, ut inde intelligas, horumque Patriarcharum Gestis in Christum collimasse, eumque venturum significasse. Ordinar autem ab Adamo, qui fuit primus omnium Patris, quique Jesu Christi typum gessit, sicut ex hac, quam subijcio, comparatione Adamum inter & Jesum Christum liquido patebit. In primis, Adamus sexto die creatus est: Jesus Christus sexto die mortem subiit. Adamus ad imaginem Dei creatus est: Jesus Christus est imago Dei invisibilis, & figura substantiæ ejus, & speculum sine macula Dei Majestatis, & imago bonitatis illius, ut inquit Apostolus Paulus. De terra virgine factus est Adamus: in puellæ Virginis Mariæ utero conceptus est Jesus, & ex eo, illibata manente Matris Virginitate prodivit. Adamum iussit Deus dominari piscibus Maris, & volatilibus Cæli, & universis animalibus, quæ moventur super Terram: Jesus Christus prædicat, datam

tibi esse omnem potestatem in Cælo, & in Terra. Conjugium Adami, & Evæ, individuum Christi Jesu, & Ecclesiæ communium refert auctor est Apostolus Paulus in Epistola ad Ephesios cap. 5. Evæ suam commissum esse peccatum: Mariæ Virginis partu ortum est peccati remedium. Per lignum morti nos tradidit Adamus: per lignum, vitæ nos restituit Jesus Christus. Fructum arboris, per quem bonum, & malum noscebat, degustavit Adamus: De Christo Jesu prædixit Iliasis: *Butyrum, & mel comedes, ut sciat reprobare malum, & eligere bonum.* Nudus peccavit Adamus: Nudus peccatum in Cruce reparavit Jesus Christus. Post admissum peccatum e Paradiso terrestri exivit Adamus: Post reparatum peccatum in cælestem Paradisum introivit Jesus Christus. Dormiente Adamo, creatur Eva: moriente Jesu, nascitur Ecclesia. Ex Adamo, & Eva nascuntur homines: ex Jesu Christo, & Ecclesia renascuntur homines.

Alteram Jesu Christi figuram exhibet nobis Abeli, & Caini, filiorum Adami, historia. Quemadmodum enim Abeli, integerrimo viro, Caini, fratris, invidiam conflavit eximia, quæ pollebat, pietas; ita Jesu Christo, omnium hominum innocentissimo, fratrum Iudeorum odium virtutes suæ pepererunt. Fuit Abel ovium pastor: Jesus Christus fuit pastor hominum. Abeli mortem parat Cainus: Jesu Christo mortem consciscunt Iudei. Abelem foras ad mortem edu-

cit Cainus : Iesum Christum Iudæi ad supplicium extra Hierosolimam rapiunt. Vox sanguinis Abelis clamat ad Deum de terra : De Iesu Christo ait Apostolus Paulus in Epistola ad Hebræos : *Accessisti ad Testamenti Novi Mediatorem Iesum, & sanguinis asperionem, melius loquentem, quam Abel.* Hanc Caino pœnam, ob perpetratum flagitium, irrogat Deus, ut detestabilis, & exosus sit omnibus in terra hac, quam fraterno sanguine repperit : Iudæi omnibus inuisi, & execrabiles sunt, præsertim in Ecclesia Christiana, quæ Iesum Christi sanguine lota, ac munda est. Futurum præterea addidit Deus, ut terram a se fœdaturis vanis laboribus Cainus exerceat, nullos ipsi fructus, operæ pretium reddituram : adeo etiam deplorandam videmus perditionem Iudæorum sortem ac conditionem, ut priscam, & jamprius antiquatam Synagogam, necnon abrogatos ejus ritus frustra concelebrent, nec quidquam proficiant ad salutem. Exilio quoque Cainum multat Deus, patriisque extrudit sedibus, sic tamen ut tutum, & incolumem ei vitam præset : profugi passim, & extorres errant Iudæi, nec penitus tamen excinduntur. Signo quodam Cainum notavit Deus, quo agnitus mortem effugeret : Iudæi, qui per immanitatem, post homines natos maximam, Iesum Christum in Crucem egerant, certo colore, vel nota insignes variis in locis esse videntur, quo ab aliis discernantur. Plura circa hanc comparationem Abelis, & Iesu Christi leges apud Rupertum Abbatem Tutinsem lib. 3. Comment. in Genesim cap. 6.

Denique, in Patriarcha Noëmo typum Iesu Christi habemus. Noëmi quippe nomen significat consolationem, & quietem : id de se pollicitus est Iesus Christus, dicens : *Tollite jugum meum super vos, & discite a me, quia mitis sum, & humilis corde, & invenietis requiem animabus vestris.* Matth. cap. 11. Præterea, Noëmus, sicut legitur cap. 6. Libri Genesios. *Invenit gratiam coram Domino : Noë vir iustus, æque perfectus fuit in generationibus suis, cum Deo ambulavit : Iesus Christus proficiebat sapientia, & gratia apud Deum, & homines, cap. 2. Evangelii Lucæ.* Terras inundante Diluvio, totumque genus humanum delente, hi tantum instantem perniciem evaserunt, quos servavit Noëmus in Arca : grassante in Mundo peccati lue, hominesque in certum interitum adducte, illi dumtaxat fore æ immineanti exitio liberati, quos Iesus Christus efficaciter salvos esse voluit; nec enim aliud, (ut dicitur A. Apostol. cap. 4.) *nomen est sub Cælo datum hominibus, in quo oportet nos salvos fieri.* Extra Arcam Noëmi omnes perierant absorpti aquis Diluvii : Extra Ecclesiam, quam Christus instituit, nulla est salus, vita, & gratia sanctificans : Noëmus, nudatus a Chamo, filio suo, irrisus est, cum interea filii ejus duo, Semus, & Japhetus, singularem ei pietatem, ac reverentiam præstiterunt, indeque factum est, ut Noëmus diris devoverit Chamum, duobus vero aliis filiis suis fausta omnia fuerit apprecatus : Iesus Christus nudus in Cruce pendens, ab Israël, filio suo, habitus est ludibrio, cum verus Israël, & populus gentium, ejus quoque filii, in ipsius obsequium, & cultum concesserint, & id-

circo Deo ille, seu populus Judaicus, abominabilis factus, extrema per omnia infelitem vitam trahit, dum hic populus verorum Israelitarum, & Gentium, Iesu Christi doctrinam (suscipientium), evasit Deo gratus, & acceptus. Denique, Arca Noëmi paucos a Diluvio liberavit, & animalia munda, & immunda continebat : in Ecclesia Iesu Christi, si advertatur cæterorum hominum, qui sua culpa pereunt, ingens multitudo, pauci salvantur, indeque Christus sæpius dicit, salutem esse paucorum, & arctam esse viam, quæ ducit ad cælum. Ecclesia etiam Iesu Christi complectitur homines bonos & malos, iustos & peccatores, non secus ac frumentum cum palea invenitur in area, & boni ac mali pilces concluduntur in sagena.

D. Ecce, quæso, voluit Deus, ut tot typis, ac figuris etiam ab initio Mundi prænunciaretur, & adumbraretur Iesus Christus, qui tamen post expletum demtaxat quartum Mundi millenarium produit in Incem ?

M. Cum Christus sit Deus simul & homo, qui redemptionis generis humani ineffabile Mysterium in terris implere debebat : oportuit, ut post peccatum Adami, hoc est. ab ipso Mundi exordio prædiceretur, multisque typis ac figuris, quasi prævio quodam ad ostium suum apparatu, terris ostenderetur. Hinc non solum voluit Deus, ut Patriarchæ dictis, & factis suis Iesum Christum, verum Messiam a Deo promissum, repræsentarent, sed etiam, dum omne humanum genus in vitium rueret, elegit numerosam gentem, seu Judaicam, cui Leges, Ritus, Cæremonias, & Sacrificia præscripsit, quibus promissus Christus, dignitas ejus, opera, vita, & mors, prænunciarentur, & significarentur, sicque, dum gens Judaica hunc promissum Servatorem expectaret, eadem spe totus Orbis impleteretur, huicque excipiendo aliquando homines bene præparati essent : *Per multam seriem temporum prædicendus fuit Christus : Non enim aliquis parum venturum fuit. Diu fuerat prædicendus, semper venerendus. Quanto major index veniebat, tanto præconum longior series præcedebat, (sunt verba S. Augustini Tractatu 31. in Joannem.* Sed de typis ac figuris, quibus adumbratus fuit Iesus Christus, antequam ejus vultus toti terrarum orbi affulgeret, plura opportunius dicemus in nostris Colloquiis, in quibus agemus de Lege Moisaica, cuius ritus, cæremonie Festa, & Sacrificia in Iesum Christum venturum collinabant, eaque ad illum significandum, seu, ut ita loquar, ad viam ejus adventui sternendam, fuerunt a Deo instituta, disposita, & ordinata. Finem itaque huic ultimo nostro Colloquio in Historia primæ Mundi ætatis, quæ incipit a creatione Mundi, & protenditur usque ad diluvium, imponamus. Crastina autem die aggrediemur hora secunda pomeridiana Historiam secundæ Mundi ætatis, quæ incipit a diluvio universalis Noetico, & producitur usque ad vocationem Abrahami. Tu vero, quæ in tribus Colloquiis in Historia primæ Mundi ætatis hæstus diximus, sæpius ruminari, & memoriz tue traballi clavo penitus insingere debes.

HISTORIA

SECUNDÆ MUNDI ÆTATIS,

*Quæ initium habet a Diluvio Universalì Noetico, & producitur
usque ad vocationem Abrahami.*



OST universale Diluvium tres filii Noemi, videlicet *Semus, Chamus, & Japhetus*, genus humanum, quod erat aquis Diluvii pene extinctum, repararunt, & ex his orti sunt omnes populi. Qui autem ex his tribus Noemi filiis proximæ nati sunt, aucto hominum numero, de discessu in varias terræ regiones cogitarunt; sed prius maximæ altitudinis turrim *Babel*, seu *Confusionis*, quæ omnibus perfugii loco esse posset, si novum Deus moliretur Diluvium, audaci conatu inchoarunt, perficere tamen haud potuerunt, Deo immensæ illius molis fabricam momento temporis interrumpente, & linguam communem, qua utebantur, in plures linguas dividente, quo factum est, ut sublato illo, quo inter se se devinciebantur iiti postdiluviani homines, loquelæ commercio, aliis in alias terras commigrandi incubuerit necessitas. Sed etiam si locis diffiti, & sermone essent divisi, in hoc tamen conveniebant, quod moribus perditì in flagitia, & sordes ruerent, omnibus scelerum generibus essent mancipati, neglectoque solius Dei veri cultu, Idolis servirent. Nonnullos tamen in tanta malorum colluvie illibatos & puros servavit sibi Deus, quos inter eminet *Abrahamus*, qui specialiter electus est, ut esset pater credentium. In vocatione Abrahami definit secundæ Mundi ætatis Historia, quam in tribus, quæ instituimus, colloquiis, diligenter examinabimus. In primo colloquio agemus de his, quæ spectant Historiam secundæ Mundi ætatis. In altero Colloquio discutiemus quædam dubia, quæ circa secundæ Mundi ætatis Historiam proponere solent Scripturæ Sacræ interpretes. In postremo referemus Patriarcharum postdiluvianorum Gesta, & aliquot difficultatibus, quæ circa illorum vitæ annos, vel circa illorum dicta aut facta occurrere possunt, breviter faciemus satis.

C O L L O Q U I U M P R I M U M.

In quo agitur de his, quæ spectant secundæ Mundi Ætatis Historiam.

DISCIP. **A**D se, observande Magister, hora, quam præfixisti heri, secundæ pomeridiana, non tam accuri, quam advolavi, ut in eo, quod hodie habitori sumus, colloquio perdiscere possim omnia, quæ ad Historiam secundæ Mundi ætatis, hoc est, a Noetico Diluvio usque ad vocationem Abrahami, attinere possunt.

M. Oprato sane & in tempore advenisti, nec enim hodie in meo Museo fiet nostrum colloquium, sed in meo prædilio rusticano, quod procul a nobis non distat, & quo ipse me recipere soleo, quoties me urbis cœpit fatietas. Hoc prædillum; seu Colloquio nostro locum peropportunum, destinavi, non solum quia cœli assurgens serenitas ad prodeambulandum invitat, verum etiam, quia in horto istius prædii extat copiosum pomarium, proceris quercubus, & rivo limpidissimo cinctum. Adest etiam, inter alias arbores, Pirus, quæ triplicem nobis voluptatem ministrabit; Nam ut est proceræ satis, & parulis diffusa ramis, amoenissimam prorsus umbram præbebit, & frondibus opacis æstui facile propulsabit. Præterea, ut est anni vernum tempus, non oculos modo flosculorum adspæctus pascet, sed etiam nares gratissimo odore recreabit; ut nihil in præsentia dicam de aura, quæ ibi spirat, saluberrima, de leni naumare rivi, qui circum labens totum hortum irrigat, & de variis herbarum virtutibus, graminumque flosculis versicoloribus distinctiorum, speciebus. In hoc amenissimo horto sub illa ingenti Piro commodissima sedilia inveniemus, pulvillo quoque, si videbitur, adseri jubebo.

D. Delectat me valde hæc amoenissimi loci tam eleganter a te collaudata species. Huc itaque, abjecta omni cunctatione, nos conferamus, ut humi juxta rivum in gramine procumbentes colloquium nostrum incipiamus.

M. Ne, inter secundum hæc, tempus inani sermone teramus, periculum facere vellem, an memoria adhuc teneas Historiam primæ Mundi ætatis, quam tibi in superioribus colloquiis sat superque exposui; sic enim ad audiendam Historiam secundæ ætatis Mundi, quam, dum ad hortum e-rimus appulsi, pertexam, præparatus magis accedes.

D. Quando ita jubes, Historiam primæ Mundi ætatis compendiose descriptam inter deambulandum recitabo, ut inde intelligas, me omnem itidem curam & attentionem adhibitarum, ut Historia secundæ Mundi ætatis, quam mox concinnatus est, perpetuo memorizæ meæ infixæ remaneat. En igitur Historiæ a creatione Mundi usque ad Diluvium, hoc est, primæ Mundi Ætatis sy-

nopsim: Postquam Deus creasset cælum & terram, condidit tandem ad imaginem & similitudinem suam Adamum, & e costa, quam ei detraxit, formavit Evam, ipsius conjugem. Hos primos parentes nostros, quibus dederat Deus mentem ratione pollentem, & in bonum natura sua conversam, collocavit in Paradiso voluptatis, omni bonorum copia affluente. Ipsi vero, accepta ab omnipotenti conditore Lege observata facilissima, qua ligni scientiæ boni & mali fructus ipsis interdicebatur, externa dumtaxat persuasione, seu suggestionem Diaboli, qui formam serpentis induerat, non interna concupiscentiæ, quæ necdum ipsis inerat, sollicitatione victi, primum Dei mandatum, decreto ex arboræ vetita fructu, eoque gustato, violant. Hinc prima torius labis origo. Hinc Adamus & Eva continuo nudos esse se erubuerunt. Hinc e Paradiso terrestri fuerunt ælium a Deo expulsi, morbus & morti obnoxii facti, quos Deus creaverat immortales. Hinc ad summan miserrimam redacti, compulsi sunt velsi pane in sudore vultus sui. Hinc denique cœpit concupiscentia contra rationem pugnare, durumque deinceps in omnes homines, qui ab iis prognati sunt, imperium exercere. At Deus, qui dives est in misericordia, & cujus bonitas prævalet hominum nequitie, primis Parentibus nostris, statim ac lapsi sunt, promissit ex semine eorum nasciturum Messiam, seu Redemptorem, qui generi humano illata per primigeni Proparentis Adami culpam damna cum senore refarciret. Patuit autem confestim post peccatum primi omnium hominum parentis, corruptam esse totam illius sobolem, & egere salvatore, qui non solum paupertati & miseriis, sed & moribus corruptis mederetur. At enim Cainus, filius Adam, & Evæ, invidia motus, occidit Abælem, fratrem suum. Dein, hominibus scelerationibus fictis, Deus coactus est Mundum universali Diluvio perdere, uno excepto Patriarcha Noem cum familia sua, qui jussu Dei ingentem fabricavit Arcam, qua, præter familiam suam, omnium animalium species servavit, ne perirent in aquis. Hactenus, ut morem tibi gererem, compendiosam recitavi primæ Mundi Ætatis narrationem, quæ non sensim sine sensu ad hunc hortum perduxit, qui studiorum secessibus vel maxime videtur idoneus, quique limpidis suis fontibus, ac ripis smaragdinis, & opacis nemorum umbris me plurimum exhibitarque delectat. Adu itaque, sedeamus, tu vero incipe secundæ Mundi Ætatis Historiam, quam in numerato habes; tuam quippe novi memoriam, quam scio tibi esse commentari vice.

M. Historiam secundæ Mundi Ætatis ordiar ab

his

his, quæ immediate post Diluvium contigerunt, eandemque Historiam continuabo usque ad vocacionem Abrahami, ubi definit secunda Mundi Ætas. Tu vero, fac ut attento sis animo, neque circa ea, quæ intelligenda assequi haud poteris, apposite interroges.

D. Quid egit Noëmus, postquam, exacto Diluvio, exivit ex Arca?

M. Postquam Noëmus anno Ætatis suæ sexcentesimo primo, a creatione vero Mundi anno millesimo sexcentesimo quinquagesimo septimo, ex Arca, orbe siccato, fuisset iussu Dei egressus, Altare Deo, seu liberatori suo, erexit, eique in gratiarum actionem holocausta obtulit, quæ grata Deus habuit, ideoque Noëmo, & ejus familie benedixit, promissitque, se non amplius universali diluvio delecturum genus humanum, dicens: *Nunc igitur ultra percutiam omnem animam viventem sicut feci*, Genes. c. 8. v. 21. *Statim postquam meum vocabissem, & nequamquam ultra interficeretur omnis caro aqua diluvii, neque erit deinceps diluvium dissipans terram*, Genes. cap. 9. v. 11. *Et non erunt ultra aque diluvii ad delendam universam carnem*, ibidem, v. 15. Denique, Deus promisso suo de eluvione ulterius non immittenda adjecit fœdus Iride firmatum, quod dignatus est icere cum Noëmo dicens: *Arcum meum ponam in nubibus, & eris signum fœderis inter me, & inter terram*; sicque factum est, ut qui ante diluvium erat tantum a natura pluviz signum, cœlestis in nubibus arcus, exalaret post diluvium fœderis Deum inter & homines testera, & quasi fidejussor divino nutu fuerit constitutus; ne unquam pari eluvione universum terrarum orbem Deus inundaret. Falsum igitur est quod dissentiant nonnulli: Iridem nunquam fuisse ante diluvium universale; nam ante diluvium fuit Sol, fuerunt pluvia, serenitates, nubes roseæ, nubes opacæ, exhalationes, halitus, spiritus vagantes per Atmosphæram, sicut modo; alioqui progenies illa hominum, qui ejusdem speciei, temperamenti, atque complexionis quoad substantiam, erant sicut nos, quo pacto subsistere potuissent, deficientibus his; quæ adeo necessaria experimur, cum ad nostram conservationem, tum ad segetum, plantarumque generationem?

D. Dicebat mihi nuperrime vir Historiæ Sacre peritus, Deum contraxisse hominum post diluvium vitam ad annos centum viginti, juxta illud Scripturæ Sacre: *Dixitque Deus: non permanebit spiritus meus in homine in æternum, quia caro est; eruntque dies illius centum viginti annorum*. Addebat insuper vir ille eruditus, Deum, habita ratione imbecillitatis hominum post diluvianorum, eis permisisse esum carni, quem hominibus ante diluvium prohiberat, in cujus sententiæ confirmationem, hæc verba Scripturæ Sacre proferebat perdoctus ille vir: *Omne, quod movetur & vivit, erit vobis in cibum, excepto quod carnem cum sanguine non comedetis*, Genes. cap. 9. v. 3. utrum autem hæc vera sint, & Scripturæ Sacre consentanea, velim ut in præsentia me edoceas.

M. Utramque istius vici eruditi sententiam, ut candide fatear, meo calculo probare haud possum.

Hist. Vet. Test. Tpm. I.

Et primo quidem, hæc verba Scripturæ Sacre, quæ lib. Genes. cap. 6. v. 3. leguntur: *Eruntque dies illius centum viginti annorum*, non innuunt, Deum contraxisse post diluvium vitam hominum ad annos centum viginti, sicut nonnulli post Josephum Hebræum, lib. 1. Antiq. Judaicarum cap. 4. male interpretantur: sed hæc Scripturæ Sacre verba: *eruntque dies illius centum viginti annorum*, indicant spatium, quod Deus hominibus ante diluvium concessit, penitentiam agendi, tanquam si Deus diceret: *usque ad centum viginti annos iram meam in homines differam, ac procrastinabo; si autem non respiciant, & ad meliorem frugem sese recipere nolint, in eos diluvium inducam*. Hunc esse genuinum illorum Scripturæ Sacre verborum sensum evidenter patet ex annis Patriarcharum post diluvium. Semus quippe, Noëmi filius, qui tempore diluvii centum annos natus erat, vixit usque ad sexcentos annos. Innumeri etiam alii post diluvium longe ultra centum viginti annorum spatium vitam produxerunt, ut Sanctæ Literæ docent. Rejicienda itaque est hæc Josephi Hebræi, & aliorum ei adherentium expositio, quæ centum viginti annos hominibus post diluvium in vitæ terminum fuisse a Deo constitutos asserit, & intelligenda sunt hæc laudata Scripturæ Sacre verba: *Eruntque dies illius centum viginti annorum*, eodem in sensu, quo explicantur hæc Prophetæ Jonæ verba: *Adhuc quadraginta dies, & Ninive subvertetur*. Alteram quod spectat sententiam, quam, ut mox dicebas, propagabat vit eruditus, asserens, Deum dumtaxat post diluvium concessisse esum carnium, quem hominibus ante diluvium veterat: hæc, inquam, non mihi itidem probatur sententia. Offendi siquidem in nostro fecundo Colloquio in Historiam primæ Mundi ætatis, Deum nullam edidisse præceptum, quo prohiberet hominibus ante diluvium esum carnium. Addam hic dumtaxat, credibile non esse, homines, qui, ut perhibet Scriptura Sacra, ante diluvium illicitis voluptatibus admodum dediti erant, a carnibus abstinuisse, ex quarum immoderata comestione prodeunt ille voluptates, quæ ad galam pertinent, & ventri ac libidini servant, in quibus illi toti erant; crediderim ergo ipse, Deum non prohibuisse hominibus ante diluvianis esum carnium, sed tacite illorum esum esse tantummodo permisisse, & post diluvium factum fuisse a Deo aperte hominibus potestatem comedendi carnes, tum quia voluit Deus hæc speciali concessa indulgentia homines post diluvianos ab eluvionis metu confirmare & recreare: Tum quia etiam, terra diluvio efficta & deterior facta est, atque olera minus nutritiva, quam erant antehac: Tum denique, quia natura hominis post diluvium evasit fragilior & imbecillior, sicut ex contractiore vita eorum, qui post diluvium nati sunt, & quorum ætas in Sacris literis præscripta est, facili negotio intelligi potest.

D. Quid sibi volunt hæc verba: *Excepto quod carnem cum sanguine non comedetis*?

M. Deus his verbis prohibuit hominibus post-diluvianis, ne membrum de animante adhuc vivo comederent. Voluit etiam Deus, ut homines

abstinere ab esu sanguinis animalium, quia eorum anima est in sanguine. Hanc legem de abstinentia ab esu sanguinis animalium, latam a Deo post diluvium, observant etiam nunc ad firmos iuris apices Iudaei, qui ab esu sanguinis, & suffocati vehementer abhorrent. Eiusdem legis de abstinentia a sanguine animalium observationem commendavit Apostoli, in Concilio Hierosolymitano, sic definiens: *Vision est Spiritui Sancto, & Nobis, nihil ultra imponere vobis oneris quam haec necessaria: ut abstinatis vos ab immolatis simulacrorum, & sanguine, & suffocato, & fornicatione.* Hanc legem in exordio nascentis Ecclesiae promulgavit Apostoli, ut facilius conciliarentur Gentiles cum Iudeis, & simul habitantes, in unum populum coalescere possent, sublati semel huiuscausis, quibus ab invicem dissociari, & alienari possent, qualis erat esus sanguinis, a quo Iudaei ex praescripto legis religiose abstinabant. At, cum jam a multis saeculis Iudeorum, & Gentilium discordia omnino desierit, & utrique, Jesu Christi Fide illuminati, in ejus Ecclesiam coalescerent, hac tandem lex de abstinentia a sanguine, quae non perpetua, sed temporanea, seu ad tempus observanda erat, fuit in Ecclesia penitus abolita, extrinsecta, & antiquata. Nec tamen obiter advertere debes, Deum, occasione illius legis de non comedenda carne animalium cum eorum sanguine, & de abstinentia ab esu illorum sanguinis, quam tulit post diluvium, aliud ad destinationem homicidii edificasse praecceptum, cap. 9. libri Geneseos his verbis conceptum: *Quicumque effuderis humanum sanguinem, fusa est sanguis illius: ad imaginem quippe Dei factus est homo.* Quasi Deus hominibus postdiluvianis sic diceret: *Ne forte sicutum putatis humanum sanguinem, sicut & belluinarum effundere; denuncio vobis, quod quicumque effuderis humanum sanguinem, fundetur sanguis illius, tantum abest, ut hominem, qui homicidii reus erit, impune abire sinam.*

D. Fueruntne alia praeccepta post diluvium a Deo data Noemo, ejusque filiis, quae observare tenerentur?

M. Hebraeorum Magistri, seu Rabbini, *Noachidas* vocant omnes Gentes, praeter Hebraeos, qui *Abrahamidae*, vel potius *Israelitae* vocari amant. Hi autem Rabbini dicunt, Deum tradidisse Noemo, ejusque filiis, septem praeccepta, quae ideo appellantur *praeccepta Noachidarum*, quaeque pro jure naturali, seu jure omnium gentium, sunt. Horum septem Noachidarum praecceptorum primum praecipit unius solius Dei cultum, & damnat idololatriam. Alterum praecceptum vetat, ne nomen Dei prophaneur. Tertium prohibet, ne effundatur sanguis humanus. Quartum damnat illicitos concubitus. Quintum inhibet furtum. Sextum praecipit ut Magistri, & Judices constituantur, quibus onus incumberet de illis praecceptis ferendi judicium, & commoneo populum de illorum observatione. Septimum denique Noachidarum praecceptum prohibet, ne animalium caro cum sanguine comedatur. His septem Noachidarum praecceptis adstringebantur quot quot erant intra Hebraeorum portas, seu qui diceban-

tur *Profelyti portae & domicilii*, quique professione non erant Iudaei, seu Legem Moisaicam non sectabantur. Neque enim cuiquam fas ac licitum erat cum populo Dei, idest, Israelitico, commoranti, sine iustitia, hoc est, absque illorum septem Noachidarum praecceptorum observatione, vivere; sicut testatur *Maimonides*, cap. 3; ubi haec habet: *tenemus interficere omnes Gentiles qui nolunt accipere praeccepta Noachidarum, si sint in potestate nostra.* Et pauci interpresis, subdit: *Justus Moyses, a Deo edoctus, ut cogeremus unumquemque, qui in Mundum venerit, suscipere in se praeccepta Noachidis data, & quicumque ea non suscipit, interficitur; qui vero ea in se suscipit, vocatur Profelytus domicilii in quocumque loco.* Obligatur autem ea in se suscipere coram tribus viris doctis. Sed de his septem Noachidarum praecceptis & de Hebraeorum Profelytis, qui illorum observatione abstinerebantur, plura legisi apud jam citatum *Maimonidem* in suo Tractatu de *Profelytis*.

D. Legam, si aliquando mihi per orium liceat, hunc *Maimonidis* Tractatum. Interim, perge, si placet, referre cetera, quae Noemum, ejusque filios spectant.

M. Terram studiose coluit Noemus, atque vineam suam manu levit. Unde (inquit *Lactantius* cap. 14. lib. 2. Institutionum Divinarum) *arguuntur, qui auctorem vini Libanum, seu Bacchum putant. Ille enim, seu Noemus, non modo libanus, sed etiam Saturnum, atque Uranum multis antecessis atavibus.* Es vineae, quam plantaverat Noemus, cum primum fructum cepisset, lactus factus, bibit usque ad ebrietatem, iacitque nudus. Quod cum vidisset unus ex filiis suis, cui nomen fuit *Cham*, non texit patris nuditatem, sed erectus etiam fratribus suis, videlicet, *Semo, & Japheto*, indicavit. At, illi, sumpto pallio intraverunt avertis vultibus, patremque tenebant. Quae cum facta espergillus recognovisset pater, imprecatus est non filio suo *Chamo*, sed *Chanaan*, filio *Chami*, dicens, *Maledictus Chanaan, servus servorum eris fratribus tuis Semo, & Japheto*, sicut legitur cap. 9. libri Geneseos.

D. Duo hic, cum bona tua venia, praeoriam Dubia. Primum est, an ebrietas, in quam Noemus, hausto nimium vino, incidit, ei debeat vitio verti, fueritque vere peccatum? Alterum Dubium est, cur Noemus interferret maledictionem in *Chanaan*, filium *Chami*, & non in ipsius patrem, seu *Chamum*, qui Noemum, Patrem suum, jacentem nudum, & verenda sua monstrantem derisit, eumque fratribus suis deridendum propinavit?

M. Ebrietas Noemi non fuisse peccatum, consensu est Sanctorum Patrum Sententia. Alii quippe, quos inter censentur *Hieronymus, & Augustinus*, docent, Ebrietatem Noemi mysticam fuisse, idest, Deum in ebrietate Noemi typum dare voluisse impletum in Jesu Christo, Salvatore nostro. Sic enim loquitur S. *Hieronymus* in lib. contra Luciferianos: *Egressus ex Arca Noe vineam plantavit, & bibens de ea inebriatus est. Navis quoque in carne Christus Ecclesiam plantavit, & passus*

passus est. Nudatum patrem irrisit major filius, & minor texit. Deum crucifixum irriserunt Judei, honorarunt Gentiles. His genina habet S. Augustinus lib. 16. De civitate Dei cap. 1. Alii vero SS. Patres hanc ebrietatem Noemi non fuisse peccatum asserunt, videlicet S. Cyrillus Alexandrinus lib. 2. in Genesim, Theodoretus Quæst. 56. in Genesim, Chrysostomus Homil. 29. in Genesim, Ambrosius lib. de Noe & Arca cap. 29. Rationes autem, quibus illi Sancti Patres excusant Noemi ebrietatem, hæc sunt: quod Sancti illius Patriarchæ inopinate ebrietas fuit, ut loquitur S. Cyrillus: quod ab imperitia proficiscebatur hæc passio, non ab intemperantia sicut ait S. Chrysostomus, quia, inquit, neque ille gustaverat prius, neque alium sciebat, qui gustasset, ignarus qua menura uri debebat, per ignorantiam incidit in ebrietatem. Cum igitur involuntarium sit, quod sit ex inculpatâ ignorantia, & nullum sit peccatum, nisi voluntarium sit, sequitur, ebrietatem Noemi non fuisse peccatum, utpote quæ involuntaria prorsus fuit. Ad alterum, quod proponis, Dubium, responderet Theodoretus, Chanaan, filium Cham, fuisse primum, qui Noemum avum suum, dormientem, & insecore nudatum animadvertit, nec officio, ut par erat, eum cooperuisset, sed irrisisse, totamque rem ad patrem suum Chanaan inverecunde & cum ritu detulisse, neque ipsum a Patre de humanitate in parentem increpuit fuisse, sed & ipsum quoque derisisse; eaque de causa Chanaan, filium Cham, improbitate derisionis primum auctorem, fuisse ab avo suo, seu Noemo, maledictione percussum. Addo etiam, Noemum non maledixisse filio suo Chamo, sed Chanaani, filio Cham, quia Deus Chamo, aliisque duobus filiis Noemi benedixerat, quando egressi sunt ex Arca; non conveniebat igitur, ut Noemus malediceret filio suo Chamo, cui Deus benedixerat: Tum quia etiam, si Noemus maledixisset filio suo Chamo, ea maledictio incidisset in omnes filios Cham, cui tamen Deus illos subicere volebat, sed tantum progenies Chanaani, filii Cham, & irrisoris sui avi Noemi.

D. Semum, Chamum, & Japhetum, fuisse filios Noemi jam probe scio, sed a te scire optarem primo, an Semus sit revera primogenitus filiorum Noemi? Secundo, an Noemus præter tres illos filios, quos genuit ante diluvium, alios procreaverit post diluvium?

M. Quinam inter tres illos Noemi filios ordo servari debeat? Seu quinam sit filiorum Noemi primogenitus? Incertum omnino est, ac lis sub iudice adhuc pendens. Alii existimant, Semum esse primogenitum filiorum Noemi eo præsertim ducti argumento, quod quoties Scriptura Sacra recenset filios Noemi, semper Semum primo reponit loco. Verum, hæc mihi non placet conjectura, quia Scriptura Sacra percensendo filios Noemi, primum numerat Semum, non quidem ordine naturæ, sed habita ratione ejus dignitatis, cum ex ipso, seu ex ipsius familia prædictum esset Jesus Christus verus Messias. Ex Semo, inquit Sanctus Augustinus lib. 16. de Civita-

te Dei, Patriarchæ, & Prophetæ, Christus ipse & Apostoli; ex Japhet Gentēs prodierunt, & utrique in idem corpus Ecclesiæ convertunt. Certe, nemo negare potest, Scripturam Sacram, dum recenset filios Noemi, secundo loco ponere Chamum, qui patris sui Noemi fuit irrisor, & tamen Chamum fuisse juniorem Japheto, quem Scriptura Sacra inter filios Noemi ultimo loco collocat, testatur eadem Scriptura Sacra v. 24. cap. 9. libri Genesim, ubi hæc habet: *Evigilans autem Noe ex vino, cum didicisset quæ fecerat ei filius suus minor, idest, Chamus, patris sui Noemi irrisor.* Non ergo ex Scriptura Sacra certo evinci potest, Semum fuisse primogenitum filiorum Noemi. Immo potius probabilis, mea quidem sententia adstri potest auctoritate Scripturæ Sacræ, Japhetum esse primogenitum filiorum Noemi. At enim, postquam Scriptura Sacra cap. 10. v. 1. libri Genesim, numeravit tres filios Noemi, dicens: *Hæc sunt generationes filiorum Noe, Sem, Cham, & Japhet,* statim a recensendis decem filiis Japhet exordium ducit, qui ordo præposterus esset, si Japhetus ordine naturæ fratres suos non ante vertisset, seu filiorum Noemi non fuisset primogenitus. In altero, quod proposuisti, Dubio, utrum Noemus aliquos post diluvium genuerit filios? Non est quod multum immoremur, cum Scriptura Sacra testatur recenset filios, quos ante diluvium procreavit Noemus videlicet Semum, Chamum, & Japhetum: *Tres isti sunt filii Noe, & ab his disseminatio est omne genus hominum, super universam terram.* Genesim cap. 9. v. 19. Si ergo ex Scriptura Sacra ex tribus istis Noemi filiis propagatum est omne genus humanum super universam terram, palam sequitur, Noemum nullos post diluvium genuisse filios, aliqui dicendum esset, illos filios, quos post diluvium genuisset Noemus, permansisse steriles, & improles obfuisse, quod sane tam absurdum est, quam quod maxime. Rejicienda itaque est sententia Cardinalis Cajetani, asserentis Noemum genuisse filios post diluvium; sed sibilo explodi debet Bersivus Annianus, qui scribit, Noemum procreasse post diluvium plures filios, triginta scilicet Gigantes, quos ex nomine matris, quæ Titaea dicebatur, Titanas appellavit. Apagæ fabulam, Sunt quidam alii Scriptores, qui dicunt, Chamum, filium Noemi, intempestiva venere in Arca usum, genuisse filium dictum Chanaan. Sed contrarium diserte asserit Scriptura, quæ cap. 10. vers. 1. libri Genesim, postquam percensuit tres Noemi filios, Semum, Chamum, & Japhetum, continuo subjungit: *Natiq̃ sunt eis filii post diluvium,* ergo filii Noemi, quos inter est Chamus, durante diluvio, procreandis liberis operam non dederunt. Præterea eodem in capite libri Genesim vers. 6. numerantur filii Cham: *filii autem Cham, Chus, & Mesraim, & Phuth, & Chanaan.* Si autem Chamus, durante diluvio, genuisset in Arca filium suum juniorem, dictum Chanaan, jam ergo tres filios, Chanaan majores, videlicet Chus, Mesraim, & Phuth, procreasset ante diluvium, ac subinde tres illi filii una cum patre suo Chamo extitif-

sent in Arca, quod tamen opponitur Scripturæ Sacre, quæ cap. 3. Epistolæ primæ S. Petri octo tantum enumerat animas, quæ perflante diluvio fuerunt in Arca inclusæ; scilicet Noemum, & ejus uxorem; tres Noemi filios, Semum, Chamum, & Japhetum, earumque uxores. Addo etiam credibile non esse, grassantis diluvii tempore, quo Noemis, ejusque filii, in Arca conclusi, potentia, precibus & lacrymis iram Dei placare debebant, voluisse Chammum indulgere libidini, & liberos intempestiva Venere procreare.

D. Non mihi verosimile videtur, totum genus humanum potuisse, a tribus dumtaxat Noemi filiis post diluvium ita propagari, ut omnes totius orbis nationes a tribus illis Noemi filiis originem duxerint.

M. Cum diluvium Noeticum fuerit universale, sicut sub finem nostri secundi Colloqui in Historiam primæ Mundi ætatis ex Scriptura Sacra dilucide offendimus, pro comperto habere debes, omne genus humanum, quod tempore diluvii, excepta Noemi familia extinctum est, a tribus Noemi filiis post diluvium ita fuisse reparatum ut ex illis singulæ universi orbis nationes prodierint. Cæterum, cum nimis longum esset hic assignare singulas nationes, quibus tres filii Noemi initium dederunt, ab his in præsentia recensendis supersedeo, tibique auctor sum, ut consulas viros eruditos, qui hoc argumentum de propagatione totius orbis nationum ex tribus filiis Noemi post diluvium fassus pertractant, quos inter Bochartus in libro suo, cui titulus est: *Phaleg*, seu in sua *Chronologia Sacra* majori studio, & eruditione laborasse, cæterisque Scriptoribus palmam præcipuisse videtur.

D. Non possum adhuc conciliare Historiam Sacram cum Prophana, quæ, sicut superrime audi viro erudito, Ægyptiorum, Assyriorum, seu Chaldeorum, & Sinarum antiquitates, Monarchias, & Regna longe ante diluvium Noeticum habuisse exordium narrat. Quod si verum sit, qui, queso, fieri potuit, ut tres filii Noemi omnibus universi orbis nationibus post diluvium dederint initium?

M. Historiæ Sacræ authoritati indivulso adhæresere debes, nullamque prorsus adhibere fidem Ægyptiorum, & Chaldeorum Historiis, quæ fabulis scærent, teste S. Augustino l. 12. *De Civit. Dei* c. 10. ubi dicit, non esse credendum litteris, quas Chaldei, & Ægyptii plenas fabulosas Antiquitatibus proferunt contra Authoritatem vetustissimorum divinorumque librorum. Et lib. 18. *De Civit. Dei* cap. 40. fictitias Ægyptiorum Antiquitates his verbis reitellit Doctor ille aquilinus: *Frustra vanissima presumptione garrimus quidam, dicentes: Ex quo rationem syderum comprehendis Ægyptus, amplius quam centum annorum millia numerari. In quibus enim libris numerum istum collegerunt, qui non multum ante annorum duo millia litteras, Magistra Iside, didicerunt. His similia habet Lactantius lib. 7. *Divinationis Inst.* cap. 14. ubi hæc habet: *Chaldei quadringenta septuaginta millia annorum monumentis comprehensa se habere delirant: in quo quia se posse argui non putabant, liberum sibi crediderunt esse**

memiri. Denique si consularimus Scriptores Prophanos, aperte constabit, ipsos ne minimam quidem fidem habuisse hiisce vanissimis, mendacissimisque Chaldeorum Antiquitatibus, quas nobis tradiderunt. At enim *Diodorus* Lib. 2. pag. 83. affirmat, *Chaldeos rei Astrologice scientia mortalibus universis præcellere, & maximam huic speculationi operam tribuisse. At numerum annorum, quibus Mundi se considerationi vacasse Collegium Chaldeorum asseruas, haud facile credideris. Nam ad expeditionem Alexandri in Asiam quadringenta, & septuaginta tria millia annorum numerant, ex quo sydera observari captum est. Quis ergo non videt, Ægyptios, Chaldeos, aliosque Nationum Orientalium populos, ut geutis fæx primordia augustiora redderet, splendida mendacia adornasse, & puras putasse fabulas obtulisse?*

D. Mittamus igitur istas Ægyptiorum, & Chaldeorum fabulosas antiquitates, & offende, queso, illarum nationum originem non altius quam a filiis Noemi post diluvium esse arceffendam.

M. Ægyptiorum, & Chaldeorum originem non altius, quam a filiis Noemi post diluvium duci debere, facile tam ex Sacra, quam ex Prophana Historia evinci potest. Nam primo, Ægyptus vocatur *Cham* non tantum in Sacris Litteris, verum etiam in Gentilium libris, hoc quippe nomine insignitur a *Plutarcho*. Ideo autem Ægyptus vocatur *Cham* quia *Chamus*, Noemi filius, fuit primus Ægypti Rex, quem *Menes* appellant *Herodotus*, *Diodorus Siculus*, *Eratosthenes*, & ex *Manethone Julius Africanus*, *Eusebius*, & *Georgius Syncellus*. Ægyptus etiam appellatur *Misraim*, propter *Misraim*, filium *Chami*, sicut testantur *Josephus* Hebræus, lib. 1. *Antiq. Jud.* cap. 12. & *Georgius Syncellus* in sua *Chronographia*. Duo itaque illa nomina *Cham* & *Misraim* Ægypto imposita palam demonstrant, Ægyptiorum originem non altius, quam a filiis Noemi post Diluvium esse repetendam. Hinc *Marhamus*, & *Ellias Du Pin* Ægyptiorum Dynastias, earumque originem post Diluvium cum calculo textus Hebræi optime conciliant, prior quidem in suo *Chronico Canone* Ægyptiorum; alter vero in sua *Bibliotheca universali historicorum*.

D. Expone nunc, quo pacto tres filii Noemi potuerint post Diluvium tam cito propagare genus humanum, torque diversarum nationum Monarchias, & Regna instituire?

M. Genus humanum a filiis Noemi, *Semo*, *Chamo*, *Japheto*, & ab ejus nepotibus fuit post Diluvium brevi tempore propagatum, tantumque per polygamiam, quam Deus postdiluvianis hominibus concessit, incrementum brevi tempore suscepit, ut non una regione capi amplius posset. Aucto itaque hominum numero, de discessu in varias terræ regiones cogitatum est, sed in eas antequam immigrarent, & a se mutuo divellerentur, ingentem turrim *Babel*, sive *Confusionis*, in Campo *Senar* adificavit, non eo quidem fine (sicut quidam post *Josephum* Hebræum putant) ut hæc altissima turris esset omnibus periculum, si quando Deus, oblitus fœderis cum hominibus initii, Mundum aut universali Diluvio, aut generali incendio destruere

struere vellet; (nec enim adeo infanierant illi homines, ut contra armatam Dei manum subsidia humana, ac perfugia prevallere posse sibi perficerent; maxime cum funesta experientia jam exploratum haberent, Diluvium a Deo immissum, quindecim cubitis altioribus totius orbis montibus eminuisse; sed hanc altissimam turrim, quæ ad nubes usque assurgeret, eo sine extruxerunt, ut relicto posteris superbissimo, & ære perenniori monumento, quod nec imber edax, nec aquilo vehemens diruere posset, nominis sui fama, ac gloria longe, lateque diffunderetur. Ejusmodi post diluvianos homines, qui huic imense turri construendæ operam navarunt, a peccato excusati *Tostatus*, cujus sententia jure optimo ab omnibus rejicitur. Satis enim superque peccatum illorum tam insolentis operis aggressorum arguit Deo, præpositus scelorum altoris, animadversio ac vindicta. Appetit etiam illa Dei verba: *Venite, descendamus, & confundamus ibi linguam eorum, ut non audiat unusquisque vocem proximi sui*, Gen. c. 11. v. 7. judicariam Dei actionem, poenarum judicio secutum indicant.

D. In quo sita erat illarum linguarum confusio, qua Deus ad iram concitatus, superbos illos, ridiculoseque latos punit?

M. Ab exordio Mundi usque ad constructionem Turris Babelicæ, communis fuerat omnium mortaliū lingua, sicut Scriptura Sacra c. 11. v. 1. ait: *Erat autem terra labii unius, & sermonum eorumdem*. Hanc autem primigeniam, & communem omnium hominum linguam Deus in plures linguas distinxit, ut temeratis illis hominibus, adempto semel communis vocis commercio, evanidis illorum redderet, conatus, ipsique tandem ædificandi consilium abicerent, & in totum orbem dispergerentur, Monarchiis, & regnis omnium nationum daturi initium. Hanc autem communem omnium mortalium linguam, quæ ab exordio Mundi usque ad constructionem Turris Babelicæ obtinuit, fuisse Hebraicam, eamque Mundo fuisse coævam, & Adamo, & Patriarchis prioribus usitatam, & post Babelicam confusionem in familia Patriarchæ *Heberis* usque ad Abrahamum, & in tota gente Israelitica perseverasse, opportunum in Colloquio sequenti ostendimus. Porro, in hac confusione Babelica natus fuisse 70. vel 72. linguas juxta numerum nepotum Noemi, communis est veterum Patrum sententia. Hinc Patres Latini, qui recensent septuaginta dumtaxat Noemi nepotes, ajunt, septuaginta in hac confusione Babelica ortas fuisse linguas. Patres vero Græci, qui septuaginta duos numerant nepotes Noemi, dicunt, numerum linguarum in confusione Babelica excrevisse usque ad septuaginta duas. Verum ipse, ut candidè fatear, cum veterum de 70. vel 72. linguas sententia certa non omnino sit, probabilis existimo, certo definiti haud posse linguarum numerum, in quas humanus sermo in confusione Babelica divisus est. Hoc unum certum est, hac semel facta divisione linguarum, homines fuisse per totum orbem dispersos, & alios in alias commigrasse terras, ubi diversis nationum populis, Monarchiis, & Regnis dedere initium.

D. Potestne certo e Sacra Scriptura probari, Noemi nepotes, post linguarum confusionem, in omnes universi orbis terras fuisse dispersos? obviū enim habui nudius tertius quemdam Sacre Geographiæ peritum, qui assereret divisas, & possessas fuisse a filiis, & nepotibus Noemi non universas totius orbis plagas, ac terras, sed regiones tantum terræ Sanctæ, vel terras ei conterminas.

M. Commentum tibi narravit quisquis ille fuerit Sacre Geographiæ peritus, quod memini me legisse in Præadamitarum Syllemate, quod producit quidam fabulator, qui sese omnibus deridendam propinavit. Hanc autem fabulam aperte explodit Scriptura Sacra, quæ postquam cap. 9. libri Geneseos percensuit generationes trium filiorum Noemi, videlicet *Semi, Chami, & Japheti*, enumerat deinde cap. 10. generationes filiorum, qui orti sunt ex *Semo, Chamo, & Japheto*, quibus enumeratis, subdit: *Ab his divisæ sunt Insule Gentium in regionibus suis, unusquisque secundam linguam suam, & familias suas in nationibus suis*. Quis autem, amabo, luvum in animum inducere potest, per *Insulas Gentium*, & *nationes* significari non Gentes per omnes Mundi terras dispersas, sed tantum terræ Sanctæ populos, sicut falsis, & frivolis nixus conjecturas scripturæ auctus est fabulator Præadamitarum, in quem bene multi viri eruditi calamum acuerunt, multisque argumentis ex Historia Sacra petitis luculenter demonstrant, omne genus humanum, quod universali Noetico Diluvio pene extinctum fuerat, a filiis, & nepotibus Noemi fuisse reparatum, universosque terrarum omnium populos ab illis fuisse propagatos. Hos inter viros eruditos, qui hac provincia egregie defuncti sunt, eminet *Bochartus*, superius a me laudatus, ut in Historia, ac Geographia Sacra versatissimus Scriptor, quem digito tibi monstraſſe abunde sufficiat. Dicam tantum in genere, *Semi*, Noemi filii, posteris occupasse Asiam Orientalem, & partem Australis; *Chami*, alterius filii Noemi, posteris obvenisse partem Asiæ Australis, & Africam; *Japhetum* vero, Noemi itidem filium, obtinuisse Asiam Septentrionalem, & European.

D. Quoto anno post Diluvium contingere hæc tria, quæ mox memorasti, nimirum structura turris Babelicæ, linguarum confusio, & hominum in omnes orbis regiones dispersio?

M. Hæc tria sub *Phalego*, Patriarchæ *Heberis* filio, contigisse, constans est omnium sententia. Sed utrum hæc tria acciderint, nascente *Phalego*? an ipso adulto, an mortui propinquo? non convenit inter omnes. Alii post *Josephum* Hebræam, lib. 1. Antiq. Jud. cap. 7. & *S. Augustinum* lib. 16. *De Civit. Dei* c. 11. censent, hæc tria contigisse nascente *Phalego*, & ob eam rem memorabilem Patriarcham *Heberum* nascenti filio suo nomen dedisse *Phalegi*, quod significat dispersionem, seu divisionem. Natus autem est *Phaleg* anno centesimo a Diluvio expleto. Alii dicunt, hæc tria contigisse adulto jam *Phalego*. Alii denique volunt, hæc tria facta fuisse extremis *Phalegi* temporibus, seu in illius

illius morte, quæ incidit in annum ab expleto Diluvio 338.

D. Indica, si placet, sententiam, quæ tibi hæc in re magis probatur, quamque ipse ambabus manibus amplectar?

M. Mihi magis aridet media sententia, quæ hæc tria, seu structuram turris Babelicæ, confusio- nem linguarum, & terrarum divisionem, statuit facta esse adultæ jam *Phaleg*, Patriarchæ *Heberis* filio. At enim prima sententia, quæ tuetur, hæc tria contigisse nascenti *Phaleg*, non mihi placet, quia *Phaleg*, filius *Heberis*, natus est, sicut mox diximus, anno centesimo a Diluvio expleto. Qui autem credibile est, tres filios Noemi, *Semum*, *Chamum*, *Japhetum*, potuisse intra centum annos tot procreare filios, ex quibus Regna, populi, & numerosæ coloniz ad universam, qua late patet, terram incolendam formarentur, quod sane omnino incredibile videtur. At, in media, quam sequor, sententia, nihil profusum apparet, quod sit creditum difficile. Existimo siquidem, structuram Turris Babelicæ, confusio- nem linguarum, ac terræ divisionem contigisse jam adultæ *Phaleg*, seu anno nonagesimo secundo ætatis ipsius, hoc est, anno Mundi 1848. A Diluvio autem anno 192. Non est autem incredibile, tres filios Noemi intra spatium 192. annorum potuisse tot progenerare homines, quot ad construendam Turrim Babelicam, & ad condenda diversa Regna, quæ initio erant admodum angusta, fati superque sufficere potuerunt, idque eo facilius credi potest, quod polygamia, seu facultas plures simul uxores ducendi, fuerit a Deo post Diluvium permissa ad sobolis humanæ incrementum, ad orbis vastitatem reparandam, adeo ut non desint Auctores graves, qui per regulas Arithmeticæ demonstrant, tempore, quo facta est orbis divisio, extare potuisse numerum trecentorum octoginta quatuor, sexcentorum & quinquaginta marium, totidemque feminarum. Quæ demonstratio a doctissimo *Potavio*, & ab aliis Chronologis, qui hoc argumentum ex professo tractarunt, tradita inde magis confirmari potest, quod homines post Diluvium, cum propter vivax, ac vegetum corporis roborem ad multos annos superstites essent, potuerunt sive ope polygamiz simultaneæ, sibi id ætatis a Deo concessæ, sive beneficio divinæ fecundantis benedictionis, pares esse plurimis procreandis liberis, ita ut quotannis singulos gignerent filios, aliquando geminos & nonnunquam ter geminos haberent. Cum igitur media illa, quam proposui, sententia nihil habeat, quod sit creditum difficile, quodque negotium facessere possit, ei libentissime subscribo, nec differendam esse puto hanc factam terræ divisionem in tempus illud, quod mortem *Phaleg* proximè antecessit.

D. Si terræ divisio facta est adultæ jam *Phaleg*, hoc est, anno ætatis suæ nonagesimo secundo, quorum filius ejus pater *Heber* nascenti filio indidit nomen *Phaleg*, quod significat divisionem terræ? Præterea, media hæc sententia, quæ, in præfignendo tempore divisionis terræ, tibi magis probatur, non omnino; pace tua dixerim, difficultatem solvit. Si enim stare velimus calculo Textus He-

bæi (quem Græcorum, seu *Ixx*. Interpretum Chronologiz præferendum esse jam me monuisti) comperimus, a Diluvio Noetico usque ad natiuitatem Abrahami interfusisse dumtaxat annos ducentos nonaginta duos. Verosimile autem non est, in tam exiguo temporis intervallo tot Reges, quorum meminit Historia Sacra, quique vel ante ortum Abrahami existerent, vel ei coætaneæ fuerant, potuisse ex tribus dumtaxat Noemi filiis, a Diluvio superstitibus, oriri, ac multiplicari. Enim vero, ut nihil in præsentia dicam de Assyriorum, Ægyptiorumque Regibus, qui etiam ante ortum Abrahami amplissima jam Regna occupabant, & multa inter se bella movebant; legi nuperime cap. 14. Libri Geneseos, fuisse novem Reges Abrahamo coævos ac suppres, quorum uni, scilicet *Chodorlabamor*, quinque Reges annis duodecim servierunt, annoque decimo quarto redintegratum est bellum, quo *Larb*, nepos Abrahami, captus est, & ab Abrahamo fuit servatus. Cum igitur, juvene adhuc Abrahamo, tot existerent Reges, multaque inter illos sevisissima exarierint bella, vix ac ne vix quidem intelligi potest, quo pacto tot Reges, totque nationes, longe a se invicem separate, ex tribus Noemi filiis intra spatium ducentorum nonaginta duorum annorum pullulare & exurgere potuerint? Addo etiam, *Diodorum Siculum*, quem paucis abhinc diebus legebam, de Assyriorum Imperii amplitudine ac potentia sub *Nino* cap. 2. *Bibliotheca* differentem, testari, *Ninum*, amplissima sui nominis condita urbe, dicta *Ninive*, Armeniam, Mediam, Syriam, Ægyptum, Phœniciam, & Afianos tractus omnes, præter Indiam, occupasse; postremo, Bactrianos infinitis copiis fuisse aggressum, ita ut in ejus exercitu peditum essent decies septies centena millia, Equitum ducenta millia, falcatorum curram centum millia cum sexcentis. Porro, *Ninus* fuit filius *Beli*, qui primo regnavit in Babylone, atque Babyloniorum, seu Assyriorum Imperii conditor fuit. Si ergo Babyloniorum, seu Assyriorum Imperium conditum sit a *Belo*, tempore, quo divisionem terræ factam esse, seu anno a Diluvio centesimo nonagesimo secundo, asseruisti; non video sane, quomodo fieri poterit, ut intra tam breve, & angustum temporis spatium Babyloniorum, seu Assyriorum Imperium evaserit adeo amplum, ac longe lateque patens, ut *Ninus*, qui patri suo *Belo*, Babyloniorum, seu Assyriorum Imperii conditori, successit, haberit exercitum ex innumeris constatum hominibus, torque Provincias, & nationes vitricibus armis subegerit, sicut narrat *Diodorus* loco mox a me laudato.

M. Video, te ad nostrum Colloquium non imparatum accessisse; tres etenim difficultates proposuisti, quæ explicatione indigent. A prima autem cito me expediam. Quoniam enim terræ divisio contigerit, sicut dixi, anno nonagesimo secundo ætatis *Phaleg*, attamen pater ipse *Heber* nascenti filio suo indidit nomen *Phaleg*, quod significat divisionem terræ, quia *Heber* spiritu Prophetico prævidit, tempore hujus filii, qui nascebatur, futuram terræ divisionem. Ita respondent S. Hieronymus in

in Traditionibus Hebraicis in *Genesim*, S. *Chrysof.* Hom. 30. in *Genes.* *Abulenſis*, & *Lyranus*. (a) Alteram, quam propoſuiſti, difficultatem, plenè diſſolvam in ſequenti Colloquio noſtro, ubi auxiliante Deo, diſcutiemus nonnulla Dubia, quæ circa Hiſtoriam ſecundæ Mundi ætatis moveri & ventilari ſolent. Interim dicam hic obiter, ab univerſali Diluvio Noetico uſque ad ortum *Abrahami* fluxiſſe annos 352. non vero annos tantum 292. *Abrahamus* ſiquidem, juxta Calculum Textus *Hebraei*, natus eſt non anno ætatis patris ſui *Thare* ſeptuageſimo, ſicut perperam nonnulli autumant Chronologi, ſed anno centeſimo trigefimo patris ſui *Thare* prodiit in lucem. Quo fit, ut, facta annorum ſupputatione, numerentur a Diluvio Noetico uſque ad ortum *Abrahami* anni 352. Et rurfus a Diluvio uſque ad vocationem *Abrahami* (quæ contigit anno ejus ætatis ſeptuageſimo quinto) interceſſerint anni 427. Non eſt autem credita difficile, intra ſpatium 352. vel 427. annorum potuiſſe a tribus filiis *Noemi*, eorumque poſteris, ſic humanum genus propagari, ut *Abrahami* tempore multi exiſtiterint Reges, jamque condite fuerint *Babyloniorum*, ſeu *Aſſyriorum*, & *Ægyptiorum* Monarchiæ, quæ tamen in orta ſuo parvæ, tenues & anguſtæ fuerunt. *Belus*, ille, quem Hiſtorici Prophæti dicunt fuiſſe Imperii *Babyloniorum*, ſeu *Aſſyriorum* conditorem, vocatur in Sacris Literis *Nembrodus*, qui fuit filius *Chus*, nepos *Chanaan*, & pronepos *Chami*, filii *Noemi*, ſicut legitur cap. 10. v. 10. libri *Genefis*. Huic *Belo*, ſeu *Nembrodo*, ſucceſſit in *Babyloniorum*, ſeu *Aſſyriorum* Imperium *Ninus*, ejus filius, a quo condita eſt urbs *Ninive*. Circa idem tempus, quo *Babyloniorum*, ſeu *Aſſyriorum* Imperio *Nembrodus* primordium dedit, alibi quoque Regna conſtituta ſunt, præſertim *Ægyptiorum*, & *Sicyoniorum*, quorum exordia, in variis conſingendis Regum Dynaſtibus, *Julius Africanus*, *Eusebius* in Chronico, & *Dionysius Siculus*, in ſua Bibliotheca fabularum licentia corripuerunt. Hinc patet reſponſo ad tertiam, quam propoſuiſti, difficultatem, petitam ex narratione *Diadori Siculi*, de *Aſſyriorum* Imperii amplitudine ac potentia ſub *Nino*. Hæc quippe *Diadori* narratio, ceu fabuloſa, ſibilo explodi debet. Ut enim *Aſſyriorum* Imperii, cujus Hiſtoriam deſcribebat ille Scriptor, originem auguſtorem redderet, de *Nini* potentia, ejusque Imperii amplitudine multa finxit, ſplendida mendacia longo latoque calamo libere effudit, & ut vulgo ajunt, ex muſca elephantem fecit.

„(a) Nodum quidem ſolvi difficilem hic extricare tentat vir doctiſſimus, ſed cum ſolvere non valeat, præcidit; cenſet enim adulto jam Phalegi diſperſionem gentium contigſſe; at ſi eo adulto, & jam centenario diſperſio facta eſt, quomodo pater naſcenti filio nomen indidit Phaleg, quod diſpoſitionem, & diſperſionem gentium ſignificat? quomodo Pater futurum poſt centum annos eventum præſcire potuit? Id vero Deo revelante didiciſſe Heber cum S. Hieronymo, aliſſime que affirmat. At vereor ne non *Deus* & *muſci* inducatur. Planius reſponderetur Phaleg cognomen fuiſſe homini poſt diſperſionem indi-

„tum, cum ante alio forte nomine ignoto nobis appellaretur; & cum deinceps ex eodem cognomine magis quam ex ipſo nomine immortuiſſet, maluit illum Moſes ex cognomine indicare. „Nec inuſitatum eſt ſcripturæ viros ex indito cognomine ſignificare; ſic *Abraham* ex cognomine potius, quam ex nomine *Abtam* appellari conſuevit.

D. Manſitne apud illos homines, qui in conſuſione *Babelica* ſermone diverſi, in variis terræ regionibus diſperſi ſunt, ſolius Dei veri cultus, ſeu avita illa, quam a Majoribus ſuis acceperant, Religio?

M. Minime gentium. Hi ſiquidem homines poſt conſuſionem linguarum hac atque illac diſperſi, omnes inſulas & orbem totum repleverunt, & a ſtirpe ſanctæ radicis avuſi, novos ſibi mores, ac Inſtituta proarbitrio condiderunt. Sed omnium primi (ut verbis *Laſtantii* lib. 2. Divin. Inſtitut. c. 14.) Qui *Ægyptum* occupaverunt, celeſtia ſuſpicere, atque adorare ceperunt. Et quia nec domiciliis agebantur, propter aeris qualiſcunq; (nec enim in ea regione nubibus ſubſiſtunt celum) curſus ſiderum, & deſectus notaverunt, dios ea ſape venerantes, curioſius atque liberius inſpicerent. Poſtea deinde portentificæ animalium figuræ, quas cœlestes, commutari ſunt, quibuſdam prodigiis induci. Ceteri autem, qui per terram diſperſi fuerunt, admirantes elementa Mundi, celum, ſolem, terram, mare, ſine ullis imaginibus, ac templis venerabantur, & his Sacrificia in aperto celebrabant, donec proceſſu temporis potentiffimis Regibus templa, & ſanctuaria fecerunt, eaque victimis, & odoribus colere inſtituerunt. Sic aberrantes a motu Dei, gentes eſſe ceperunt. Errant igitur, qui Deorum cultum ab exordio verum fuiſſe contendunt, & priorem eſſe gentilitatem, quam Dei religionem, quam putant poſteriori inventam, quia fontem atque originem veritatis ignorant. Ex quo *Laſtantii* teſtimonio colligere debes primo, homines, poſt linguarum conſuſionem in omnes terræ plagas diſperſos, neglecto ſolius Dei veri cultu, Idolis ſervivſſe. Tanta videlicet erat hominum id ætatis ad malum proclivitas, ut nulla proſus habitata ratione Diluvii, in ſordes, flagitia, & in Idololatriam prolapſi ſint. Secundo colligere debes, Idololatriæ originem non altiſſe eſſe accendendam, quam ab eo tempore, quo facta linguarum conſuſione homines per omnes orbis regiones diſperſi ſunt.

D. Cum de idololatriæ exordium jam ceperis habere ſermonem, rem mihi pergratam faceres, ſi primo offenderes, quo pacto inveſta ſit Idololatria, & quis, poſt hominum in variis Orbis terras diſperſionem, ei dederit initium? Secundo, quis fuerit Idololatriæ progreſſus? & denique, quis ejus interites?

M. Ampliſſimum ſane mihi proponis diſcendi argumentum, de quo non minus late quam erudite pertrahat *Joannes Gerardus Voſſius* in libro, quem *De Idololatria* conſcripſit. Hunc itaque Auctorem, ſi tibi per otium liceat, conſulere poteris. Ipſe vero, qui mihi præſcriptos brevitatſ limites excedere nolo, rem totam ſummatim perſtringam. Imprimis, quod ſpectat exordium &

Auctorem Idololatriæ, seu Polytheismi, pervulgata est Scriptorum sententia; *Ninus* (qui fuit filius *Nembrodi*, *Noemi* nepotis, cujus regni principium in terra *Sennaar* *Babylon* fuit, sicut legitur c. 10. libri *Geneseos* v. 10.) extitisse Idololatriæ, & Idololatriæ auctorem. *Ninus* siquidem, mortuo patre suo *Belo*, seu *Nembrodo*, quem ardentem prosequatur amore, ut eum præsentem sibi, ad levandum utcumque dolorem, redderet, statum in ejus erexit honorem, quam votis & Sacrificiis a servis suis & domesticis coli voluit, ita ut nullam gratiam, nullumve beneficium, nisi reclamarent patrem, concederet. Hic autem *Ninus*, seu *Beli*, seu *Nembrodi*, idem est ac ille *Rex Assur*, cujus meminit *Moyſes* cap. 10. v. 10. libri *Genesim*, dicens: *Fuit autem principium regni ejus* (idest, *Nembrodi*, qui fuit filius *Chus*, & nepos *Noemi*) *Babylon* in terra *Sennaar*. Et vultu sequenti subdit *Moyſes*: *De terrarilla*, seu *Sennaar*, *egressus est Assur*, seu *Ninus*, qui edificavit *Niniven*, & plateas civitatis. *Ninus* autem, filius *Beli*, ideo dictus est *Rex Assur*, quia, licet regnis *Babyloniæ*, & *Affylionum* perinde potiretur, maluit tamen *Rex Affylionum* dici, quam *Babyloniæ*, eo quod *Babyloniæ* regnum, quod *Belus*, seu *Nembrodus*, ipſus pater, condiderat in terra *Sennaar*, paternam quidem gloriam commendaret, sed *Affylionum* Regnum, quod *Ninus* suam in potestatem victricibus armis redegerat, propriam ejus virtutem gloria commendaret. Primus itaque Idololatriæ auctor fuit *Ninus*, qui patrem suum *Nembrodum*, dictum *Belum*, publica Apotheosis sub titulo *Jovis*, vel, ut aliis placet, *Saturni Babyloniæ*, retulit in Deum, sicut observat *S. Hieronymus* Comment. in cap. 2. *Osee*, dicens: *Ninus in tantam peruenit gloriam, ut patrem suum Belum referret in Deum, qui hebraice dicitur Bel . . . hunc Sidonii & Phœnicæ appellant Babel*. Hoc infestissimum *Nini* exemplum plerique Principes deinceps imitati, Idololatriam per totum terrarum Orbem propagarunt, ut fuisse demonstrat *Sacer auctor libri Sapientiæ* cap. 14. v. 14. & seqq. Cœperunt ergo homines (ut ea, quæ Idololatriam spectant, breviter attingam) primum *Astra*, seu vera numina, colere; deinde, crescente vanitate, & prava invalescente consuetudine, Reges Deorum numero accenserunt populi, & quosdam Heroes, quos inter eminet *Hercules*, propter res ab ipsis præclare gestas, divino cultu donarunt. Postremo, eo impietatis & insanie proruperunt homines, ut eos mutis animalibus, serpentibus, draconibus, bobus, divinum deferre cultum non puderit, sicut testatur *Apostolus Paulus* in Epistola ad Romanos cap. 1. dicens: & mutaverunt gloriam incorruptibilis Dei in similitudinem imaginis corruptibilis hominis, & voluerunt, & quadrupedum, & serpentium. Hinc orta est in Mundo vana Idolorum superstitione, quam *Lactantius* cap. 8. lib. 1. *Divin. Institutionum* sic eleganter refellit: Unde mihi de tanta Dei maiestate sepius cogitanti, qui Deos colunt, interdum videri solent tam cæci, tam incogitabiles, tam excordes, tam non multum a muris animalibus differentes, qui credunt, eos,

qui geniti sunt maris ac fæmine coitu, aliquod majestatis, divineque virtutis habere potuisse. Porro, constat, prosequitur idem Scriptor, *Herculem*, *Apollinem*, *Libertum*, *Mercurium*, *Jovemque ipsum cum cæteris homines fuisse, quoniam ex duobus sexibus nati*. Et paucis interjectis, subdit: *Quomodo ergo, inquit aliquis, Dii crediti sunt? nimirum quia Reges maximi, ac potentissimi fuerunt, ob merita virtutum suarum, ac munera, aut artium repertarum, cum chari fuissent iis, quibus imperitaverant, in memoriam suam consecrati. Quod si quis dubitet, res eorum gestas, & facta consideret, quæ universa tam Poetæ, quam historici veteres prodiderunt*. De simulacris Deorum, eorumque contemptu, leges omnino *Laëntium* cap. 4. lib. 2. *Divin. Instit.* Perſtitit in mundo Idololatria usque ad Christum, Salvatorem nostrum, qui, sicut prædixerant Prophetæ, Idololatriam, tot annorum diuturnitate roboratam, penitus proſtigavit, deorum delubra solo æquavit, Dæmonibus, per ambigua Oracula populum deludentibus, æternum imposuit silentium, uniusque veri Dei cultum in univærsum orbem innoxit. (a)

(a) Omnes fere heterodoxi, apud quos libri sapientie autoritas penſi parum habet, aliam Idololatriæ originem assignant admirationem, quam Sol, Luna, & æſtra reliqua in hominibus excitant. Ad tantam enim eorum lucem stupentes, cursum eorum constantem, sciramque rationem intuentes, divini aliquid inesse illis suspicati sunt, hinc honor, ac dein cultus. In rem suam afferunt illud *Jobi XXXI. 26. 27.* quod jam inde ab ejus ætate cultum astrorum pervulgatum extitisse demonstrant, & quidem unice; neque enim *Jobus* alterius Idololatriæ meminit: *Si vidi solem, cum fulgeret, & lunam incendentem clare, & lactatum est in abscondito cor meum, & osculatus sum manum meam in ore meo*. Porro maus osculatione cultum suum Diis veteres præstabant, ut ex *Minucio* in *Octavio* discimus. Suffragantur vetustissimi Pagani scriptores, *Dionysius Siculus Biblioth.* lib. 1. *Plato* in *Cratyl.* *Sanchoniaton* apud *Euseb.* *Præp.* lib. 1. cap. 9. qui omnes Idololatriæ astrorum primatum vindicant. Verum conciliari utraque sententia potest; cum enim late dispersæ per varias distitas regiones gentes essent, varias etiam extitisse Idololatriæ originem credendum est, aliis a consecratis in Deos hominibus, aliis ab impenſo astris cultu superstitionem suam incipientibus. D. Cum homines, post linguarum confusionem, per omnes Orbis partes fuerint dispersi, optarent, ut brevem hic delineares totius Orbis descriptionem, eademque opera offenderes, quo pacto omnes Mundi partes a filiis, nepotibusque *Noemi* fuerint occupatæ, atque habitatæ.

M. Partes Mundi terrestres, nobis cognitæ, sunt omnino quatuor, *Asia*, *Africa*, *Europa*, & *America*, quæ novus Orbis, appellatur. *Asia* sex potissimum partes, juxta recentiorum Geographorum divisionem, complectitur, scilicet *Asiatam*, *Turcarum ditamen*; *Perſidem*, seu *Perlarum Imperium*; *Indiam*; *Cibiam*; *Tartariam magnam*; & *Insulas*, quæ *Aſiæ* adjacent, & quæ sunt

sunt Japonensis, Philippina, Molucca &c. Africæ partes octo præcipue numerantur, nimirum: *Aegyptus, Barbaria, Bildugeria, Zama*, seu Desertum, *Nigritia, Guinea, Ethiopia*, ac *Nubia*, quibus, nonne partis instar, adjungi possunt *Insulae* proximæ, scilicet *Madagascæ, Sancti Thomæ, Promonturii viridis, Azores, Fortunata*, seu *Canariae* &c. In Europa ad Septentrionem occurrunt primo *Insulae Britannicae*, quæ *Angliam, Scotiam, & Hiberniam* complectuntur: Deinde, in continente, seu in terra, reperiuntur *Dania, & Norvegia*, tandemque *Suecia, & Moscovia*. Ad Austrum vergunt *Hispania, Italia, & Thracia* in Europa Imperium, quæ in varias adhuc Provincias, & Regna distribuuntur. Medio denique loco consistunt *Gallia, Germania, Polonia*. Quarta Mandi Pars, quæ dicitur *America*, vel Septentrionalis est, & vocatur *Mexicana*, vel Meridionalis est, & appellatur *Peruviana*. In Septentrionali America inveniuntur *Canada*, seu nova Francia, *Virginia, Florida, Mexicana Regio, & nova Hispania*, quibus adjici possunt *Insula California*, & alie minores. In America vero Meridionali extant *Castella Regia, Guiana, Peruvium, Chili, Magellanica Regio, Brasilia, Paraguaya*. Has quatuor Orbis Partes, & in his contentas Insulas a tribus filiis Noemi, eorumque nepotibus, post divisionem terræ, habitatas fuisse perdocte offendit *Samuel Bochartus* in libro, qui titulum indidit *Phaleg*, seu de *Sacra Geographia*, ubi omnium Gentium, post divisionem terræ ex tribus Noemi filiis, eorumque nepotibus, prodeuntium origines, situs, linguas, mores, Regnorum initia, Religionum institutiones, ac incrementa, Ethnicarum fabularum natales, & fundamenta, singularum Nationum commercia, Colonias & societates, incredibili labore ita diserte exposuit, ut Babylonice Terrarum dispersioni præfuisse, & singulis Nationibus regiones suas, idiomata, mores, cultus, Instituta, præfens ipse definiisse videatur. Hunc itaque Auctorem, si ea de re plura scire aves, consulas velim.

D. At, dicas mihi, si placet, quo pacto filii Noemi, eorumque nepotes, potuerint, post divisionem terræ, in Americani penetrare? Americani siquidem, ut superrime audiui a viro erudito, sunt Antipodes respective ad varias regiones hujus nostri Orbis veteris. Porro Antipodas, seu populos adversis vestigiis nobis oppositos, quæ commentitios non solum rejecit *Lactantius*, & S. *Augustinus*, ut me monebat vir ille eruditus, fed etiam Summus Pontifex *Zacharias*, urgente *Bonifacio*, Episcopo Moguntino, Sententiam Suspensionis tulit adversus *Virgilium*, Presbyterum, quod Antipodas esse affirmasset. Hoc autem *Zacharia* Papæ factum a multis Historicis ad annum Christi 748. narrari, propriis ipse oculis inspexi. Credibile igitur non est, filios Noemi, eorumque nepotes, post divisionem terræ, Americani penetrare & habitare potuisse, cum ea Regio nullo præfens incolæ admitrat, nec admittere possit.

M. Existere in rerum natura Antipodas, quales sunt *Americani*, negant quidem olim *Ari-*

stoteles 2. Met. cap. 5. *Lactantius* lib. 3. Divin. Instit. cap. 27. & *Augustinus* lib. 16. De Civitat. Dei cap. 9. Sed, ob diversas rationes, quas hic breviter referre non abs re erit. In primis, *Aristoteles* negavit esse Antipodas, quia putavit, sole sub ardente, atque radios ad perpendicularum vibrante, neque pluvias, neque fontes, neque flumina esse posse, ac subinde, neque arbores, neque pascua, & consequenter, neque animalia, neque homines, *Lactantius* vero negavit esse Antipodas, ob vulgarem illam opinionem, quod homines pedibus sursum, & capite deorsum penduli, inverisque ordine deberent incedere. Sic enim loco mox a me laudato scribit elegantissimus ille Auctor: *Quid illi, qui esse contrarios vestigiis nostris Antipodas putant, num aliquid loquuntur? aut est quisquam tam ineptus, qui credat esse homines quorum vestigia sint superiora, quam capita? aut ibi, quæ apud nos sacent, inversa pendere? fruges & arbores deorsum versus cresecere? pluvias & nives, & grandinem sursum ventus cadere in terram? & miratur aliquis horis pensiles inter septem mira narrari, cum Philosophi, & agros, & maria, & arbes, & montes pensiles faciant?* &c. Denique S. *Augustinus* negavit esse Antipodas, quia existimavit ejusmodi homines suam haud potuisse originem trahere ex aliquo trium filiorum Noemi, a quibus tamen Scriptura Sacra c. 9. libri Geneseos ait, *disseminationem esse omne genus hominum super universam terram*. Putavit, inquam, S. *Augustinus*, nullum ex tribus Noemi filiis, eorumque nepotibus, immensam superare potuisse molem vastissimam illius Oceani, statim occurrentis post Fretum Gaditanum, siquæ negavit esse Antipodas, seu Americanos. Verum, nostris temporibus nullus est, qui in dubium revocet, existere Antipodas, seu populos Americanos, cum frequenter in Americam navigent Hispani, Galli, Angli, quorum alii aliis regionibus detectis nomina sua quique lingua imposuerint. Primus, qui regionem Americam, quoad oram maritimum, lustravit, fuit *Alphonfus Sanchez*, nauticus Bæticus, qui, rediens in Hispaniam, ut majori apparatu navium & hominum instrueretur, morte præoccupatus, tradidit sua Scripta *Americo Vesputio*, natione Florentino, qui *Emmanuelis*, Lusitanæ Regis, auspiciis a Gadibus profectus anno 1497. hanc regionem detexit, quæ ab ipso nomen *America* sumpsit. Ante hunc tamen *Americum Vesputium*, quidam Americæ Insulas, Hispaniolam, videlicet, *Cubam, & Jamaicam*, anno 1494. ingressus fuerat *Christophorus Columbus*, Genuensis. Modo in Americam, dictam novum Orbem, multi eunt & redeunt singulis diebus, & ad populos Americanos mittuntur viri Apostolici, veritatis Christianæ præcones, a quibus æternæ salutis viam docentur, salutareque doctrinam accipiunt. Immo, in America Christianam Religionem vigere, & in ea latissime esse diffusam, tam certum est, quam quod maxime. Quo pacto autem filii, aut nepotes Noemi potuerint immensam superare molem vastissimam Oceani, statim occurrentis post Fretum Gaditanum,

utque

usque ad Americam? Etsi, ut candide fatear, explicare difficile sit, potest tamen dici primo, quod, sicut Deus transfudit *Henochum*, & *Heliam*, ita, non obstante vastissimo illo Oceano, transfudit aliquot ex nepotibus *Noemi* in Americam, quam nos *novum Orbem* nunc appellamus. Secundo dici potest, illum, vastissimum licet, Oceanum pluribus insulis esse persepsum, sicut & multa alia maria Insulis magnis, parvis, & medicioribus scatent. Fieri ergo facile potuit, ut nepotes *Noemi*, postquam omnes Orbis regiones gentibus impleverint, transirent de Insulis ad Insulas, donec distanderentur hac illac per Americam totam. Denique dici potest, aliquos ex nepotibus *Noemi*, qui Africanam incolebant, potuisse inter navigandum, præter intentionem, & procellarum impetu abreptos, transire ex Africa in Brasiliam, quæ est pars propinquior Americæ, indeque facili negotio deveniri in Americam, eoque ibi substituisse, & multiplicatos fuisse, eo modo, quo Hispanus *Cabral*, & Lusitania solvens, invenit, præter intentionem, & tempestatis impetu raptus, eandem Brasiliam; & alter Hispanus, *Beticus*, itidem procelloso mari raptus, & præter intentionem suam, reperit *Jucatam*, & littus *Veraguas*, quæ sunt partes Mexici.

D. Americanos ex Africanis descendisse mihi (cum tua bona venia) probabile non videtur, quia Africanis meridionales, cujusmodi sunt *Guinei*, *Angolitani*, & Accolæ maris nigri, habent colorem prorsus nigrum. Si ergo Americani ex Africanis meridionalibus descenderent, ut mox insinuaui, deberent pariter esse omnino nigri, quia materia illa primigenia, quam parentes communicant filiis, & qua formatur horum corpus, tota imbueretur illo nigredinis fermento, & filiorum corpus totum evaderet nigrum sicut experimur in filiis, quos parentes nigri gignunt in regionibus nostris. Porro, *Americani* licet sint coloris fusci & subobscuri, non sunt tamen omnino nigri, sicut sunt *Guinei*, & alii Africani meridionales, hæc igitur Americanos inter & Africanos in colore diversitas argumento est, Americanos ex Africanis non descendisse.

M. Causa nigredinis Africanorum, *Æthiopum*, *Guineorum* &c. non aliunde, mea quidem sententia, repeti posse videtur, quam ex magna, quæ in Africa reperitur, copia metallorum, præsertim argenti vivi, ferri, & carbonum fossilium, in terræ visceribus latitantium, scæpeque emittentium, & per aerem spargentium subtiles fumos, halitus, & spiritus viscosos, nigros, tetroque vapores, quos dum continuo ebibunt, respirantque corpora, sensim sine sensu nigerrimum contrahunt colorem. Nepotibus itaque *Chami*, filii *Noemi*, in Africam, post divisionem terræ, ingressis, contigit, quod apud nos accidere solet hominibus dum degentibus in culinis, in quibus jugiter ardent carbonēs nigri fossiles, aut res mittentes tantum vapores nigros, nempe quod mutatur illis color, & in nigredinem degenerat. Nepotes igitur *Chami*, qui Africam occuparunt, respirantes semper illos halitus, & terrarum visceribus erumpentes, nigrum contraxe-

runt colorem, & materiam eisdem tetræ ferrent spiritibus per generationem communicarunt filius suis, quibus post aliquot generationes, idem contigit, quod caminis nostris, qui ex vaporibus, halitibus, jugiter ex materia infra combusta ascenduntibus, evadunt nigri. Hæc est vera causa, ni mea me fallat mens, nigredinis Africanorum. At nunc breviter explicandum est, cur *Americani*, qui, ut antea diximus, ex Africanis descendunt, sint coloris dumtaxat fusci & obscuri, sed non prorsus nigri, sicut sunt *Africani*, ex quibus prodierunt? Hujus discriminis in colore Africanos inter & Americanos hæc ratio proferri potest. Nempe, quod *Africani*, qui ex Africa meridionali in Americam transierunt, erant omnino nigri coloris, sed postquam in America fedes suas fixissent, paulatim intensa illorum nigredo mitigata est, & in colorem nec album, nec nigrum; sed in fuscum, & subobscurum degeneravit. At enim, cum in America Mineralium, carbonum fossilium, tetroque emittentium halitus & vapores fuscus tanta non sit copia, quanta est in Africa, fieri facillime potuit, ut illorum Africanorum, qui dum in Americam transierunt, nigri prorsus coloris erant, filii, qui nunc *Americani* dicuntur, amiserint, post aliquas generationes, paternam illam nigredinem intensam, & contraxerint hunc colorem, quo nunc tinguntur, quique nec albus nec niger est, sed fuscus ac subobscurus; non secus ac mutatus Solo, Cælo, aquis, & cibo, mutari solent aliorum hominum complexiones.

D. Hæcenus, ut ingenue fatear, credideram, insitam illam nigredinem, ac perpetuo Africanis meridionalibus inherentem, vel ex eo præcise nasci, quod populi illi degant sub Zona torrida, & radiis directis Solis sint obnoxii; vel hæc Africanorum meridionalium nigredinem esse poenam *Chami*, illarum gentium Patris: quasi primam irreverentiam filii adversus patrem, qualis fuit illa *Chami* adversus patrem suum *Noemum*, ultus fuerit Deus ea nota perpetua, perinde ac *Caino*, in poenam fratris homicidii, signum, quo ab omnibus statim dignosci posset, impositum.

M. Neutri capiti, quod assignasti, accepta referri debet Africanorum meridionalium nigredo. Et primo quidem, Zona torrida eorum qua degunt *Africani* meridionales, non est causa eorum teterimæ nigredinis, quia nupitæ sunt alie nationes sub Zona torrida, videlicet major pars *Americanorum*; & tamen licet sint fusci & subobscuri coloris, sicut nox innoxius, non tamen sunt coloris teterissimi, ac penitus obscuri. Secundo dici non potest, Africanorum meridionalium nigredinem esse poenam a Deo ipsis insitam ob culpam *Chami*, eorum parentis; id, inquam, dici minime potest: Tum quia, de illa poena silet omnino Scriptura Sacra, quæ tamen de signo, quod Deus *Caino*, propter fratrum homicidium, imposuit, disertam mentionem facit: Tum quia etiam, *Africani* septentrionales, & *Parsiani* etiam sunt nepotes *Chami*, sicut ait Scriptura, & tamen isti non sordantur totali illa nigredine: Tum quia, *Indi* Orientales sunt nepotes *Semi*, filii *Noemi*, & fra-

tra

tres *Chami*, & tamen inter illos fuit nationes profus nigræ, sicut in ipsa Insula *Manila*. Adde denique, Deum non vibrasse maledictionem in *Chanaan*, sicut superius observavimus, sed in ejus filium natum minimum, qui *Chanaan* in Scriptura nuncupatur: *Maledictus Chanaan, servus servorum, &c.* Genes. cap. 9. Porro, posteri istius *Chanaan*, filii *Chami*, non sunt Africani, sed Sidonii, & *Chananei*, sicut constat ex c. 10. v. 15. libri *Geneseos*. Divina itaque maledictio in *Chanaanem*, filium *Chami*, vibrata, non afficiebat Africanos, qui ex *Chano* quidem descendebant, non per *Chanaanem*, cui imprecatus fuerat Deus, sed per alium ejus filium, puta *Phuth*. Nigredo igitur Africanorum meridionalium nec in Zonam torridam, sub qua degunt, nec in poemam a Deo posteri *Chami*, a quo descendunt, inflatam, tanquam in causam, rejici debet. (a)

„(a) Zonæ quidem torridæ calorem causam non esse nigredinis *Æthiopum* negat hic Historicus noster; verum D. de Bouffon Histor. Natural. General & Particul. Tom. 111. hoc argumenti genus ceteris huc usque diligentius tractans, postquam per gentes fusco colore tinctas late discurrit, evincit eas terras, quæ solis calentis ardore maxime torrentur, nigro colore atrius offusari; id vero non omnibus sub zona torrida degentibus semper contingere, cum aliæ, ob situm loci, ob proceritorem montium nives, ob ventos longa terrarum cursione refrigeratas etiam in calidissimo climate temperatiori celo fruuntur; ex quo fit, ut etiam in zona torrida gentes nonnullæ albescant. [Hinc] concludit solis radios magis minusve ferventes unicam esse aeris coloris causam.

D. Nunc facile capio, quo pacto, facta post diluvium divisione terræ, posteri Noemi omnes Orbis partes adierint, & ex continente ad ejus Insulas, etiam valde diffitas navigando transferint, ibique domicilium fixerint. Sed necdum satis intelligo, qui fieri potuerit, ut animalia ex continente in remotissimas Insulas, in quibus nunc reperiuntur, transire potuerint? Non loquor autem hic primo de animalibus, quæ sunt utilia, quia ejusmodi animalia ex continente in Insulas, valde etiam distantes, istis navibus, quibus homines vehebantur, asportari poterunt, sicut revera Hispani in Americam duas species animalium ibi ignorant, nimirum *Equinam*, & *Bovinam*, asportarunt. Non loquor etiam hic de animalibus, quæ ex putredine nascuntur, necessarium quippe non fuit, ut hæc animalia in Insulas transportarentur, quia in illis Insulis potest esse putredo, ex qua generentur isthæc animalia. Quo fit, ut nemini mirum videri debeat, quod in insulis longe diffitis a continente inveniuntur mures, mæstæ, cuniculi, colubri immanes, lacerti, Dracones, & similia. Quoniam, licet hæc animalia fieri soleant generatione, sunt etiam corruptione; Apes siquidem ex putrefactis taurorum visceribus generantur, sicut fuscè describit Poeta, *Virgilinus* lib. 4. *Georgicorum*. Ex medulla etiam spinæ cadaveris humani sunt interdum colubri in se-

pulcris, & ne in referendis aliis exemplis polior sim, Anas marina, quam nos, ob ipsius carnem macram, *Macrofam* appellamus, ex corruptis navium asferibus, aut tignis producitur, ut vulgo perhibent. Idem dicendum reor de ranis, vermibus, & omnibus Insectorum generibus, quæ ex putrefacta materia exoriri possunt. De his ergo animalibus, quæ corruptione nasci possunt, in præsentia non loquor, sed de illis dumtaxat animalibus, quæ ex putrefacta materia oriri haud possunt, quæque prorsus inutilia, immo & perniciofa sunt, sicut vulpes, lupi, & similes pestes, vel ferocia sunt, ut leones, Tigrides, Pantheræ, & alia id genus exitiosa animalia. Exponere itaque, quæso, quomodo hæc animalia, quæ inutilia sunt, perniciofa, atque ferocia, potuerint e continente, seu e terra, in remotissimas Insulas transire?

M. Esse quædam animalia, quæ, sicut asferis, ex sola putrefacta materia nascuntur, nulla ratione mihi fit verosimile, longoque probabilius esse censéo, omnia animalia, live insectilia & imperfecta sint, live perfecta, ex ovis sæcundatis originem habere. Quis enim sibi persuadeat, putrescentem materiam posse repente converti in illud corpus organicum, quod in animalibus insectilibus, seu imperfectis, percipitur, & cujus structura tam assidue elaborata vix ac ne vix quidem humano intellectu comprehenditur? credibile ne est, ex materie, ut vulgo ajunt, corruptione, organa omnia corporis viventis sponte formari posse, & vitales functiones obire? id sane, ut candidè dicam, superat omnem fidem. Non ergo animalia insectilia, seu imperfecta, nascuntur ex putrefacta materia, quæ certe in venas, arterias, nervos, oculos, nares, & cæteras partes organicas mutari non potest, nec corpus motus, vitæ, ac sensus particeps reddere; sed insectilia, seu imperfecta animalia prodeunt ex ovibus a masculo sæcundatis, seu spiritu masculino impregnatis. Idem dicendum esse existimo de animalibus perfectis, illa videlicet ex ovibus sæcundatis nasci, ac subinde illorum originem refundi haud debere in feminum permixtionem, cum toties jactata illa virtus formatrix in semine, per quam quidam philosophi ajunt, ex commixtione feminum exurgere animalia perfecta, cujusmodi sunt homo, leo, equus, canis &c. sit tantum inane proflus nomen, & in quo illa virtus formatrix consistat, aut qua ratione operetur, omnes alto premant silentio.

D. Vere nunc illud *Torentii* dictum usurpare possum: *Fecisti probe interitum semini multo, quam dudum*. At enim, si animalia insectilia, seu imperfecta, non nascuntur ex putrefacta materia, sed ex ovibus sæcundatis, seu masculo spiritu impregnatis, quo pacto, quæso, isthæc insectilia animalia transire potuerunt in Insulas illas a continente remotissimas, in quibus modumaximo in numero reperiuntur?

M. Quamvis omnia animalia insectilia, seu imperfecta, aquis Diluvii Noetici perierint, facile

facile tamen fieri potuit, ut, antequam interirent, aculeis suis, quasi terebris, utrent, ova, masculo spirita imprægnata, inferuerint in arboribus, quæ sub aquis Diluvii vivebant, suamque virorem servabant, eo pari modo, quo nunc experientia compertum habemus, hæc insectilia, seu imperfecta animalia suis aculeis, tanquam terebris, uti, ad inferenda & deponenda ova sua, a masculo fecundata, in quibusdam fructibus, & arborum tuberculis; ex quibus ovis ibidem reconditis exoritur magna copia vermiculorum, & insectilium animalium, quæ reperiuntur in quibusdam fructibus in quercuum galis, in fagorum, & aliarum arborum tuberculis, quæque paratissimum ex arborum, fructuumque succo nanciscuntur alimentum. Hinc fortasse est, quod lignum vetus & corruptum vermibus, seu insectilibus animalibus scateat. Nam cum eorum ova diutius in ipso sint aservata, tunc præsertim ab illis excluduntur, cum lignum putrescit, ipsiusque partes majore fermentatione exagitantur. Nec alia fortasse origo est eorum vermium, qui in animalium visceribus, aut artubus nonnumquam delitescunt. Sæpe enim insecta illa minutiora animalia, aut eorum ova cum fructibus & alimentis forbescent, cumque ista animalcula suis ovaris sint instructa, alia propemodum innumera insectilia animalia excludunt, quæ in *Vasis hepaticæ*, in *poro biliaris*, & aliis partibus magno quodam numero reperiuntur. Quæ de re si plura desideres, lege librum, quem edidit doctissimus Pater *Sæguin*, Ordinis Sancti Francisci de Paula, *De causa & origine pestis*, quæ in Gallo-Provincia sævire cepit anno 1720. Hoc autem semel posito, facile intelligitur, insectilia animalia, antequam interirent aquis Diluvii, ova sua, a masculo fecundata, recondidisse in quibusdam arboribus, quæ sub aquis Diluvii vixerant, suamque virorem retinuerunt. Quo postea factum est, ut, cessante Diluvio, ex his ovis, quæ quibusdam arboribus, sub aquis Diluvii virentibus delitescerant, innumera exclusa sint insectilia animalcula, quæ ex sicco illarum arborum sua parata habebant alimenta. Quod vero sint quedam arborum species, quæ sub aquis vivunt, & virorem suum servant, non solum testatur *Theophrastus* in *Historia Plantarum* cap. 4. *Plinius* Libr. 13, cap. 21. & alii, sed etiam id non obscure innuit *Scriptura Sacra*, dum cap. 8. vers. 21. Libr. *Genesis*, ait, quod columba, quam *Noë* ex Arca miserat, ut exploraret an cessasset aquæ Diluvii? *Venit ad eum ad vesperam, portans ramum olivæ virentibus foliis in ore suo*. Præterquam quod, etiamsi darem, universas arbores sub aquis Diluvii corruptas & putrefactas fuisse, semper tamen verum esset, ex ea putrefactione arborum, in quibus delitescerant insectilium ova fecundata, innumera potuisse excludi insectilia animalia, quia, sicut superius observavimus, experientia nunc exploratam habemus, ligna, quo vetustiora sunt, eo pluribus vermibus seu insectilibus animalculis esse repleta, non alia sane ratione, nisi

quia ova illorum insectilium animalium, quæ diutius in istis lignis aservantur, tunc potissimum ab illis excluduntur, cum hæc ligna putrescunt, eorumque partes majore fermentatione perturbantur. Sive ergo insectilia animalia ex materia putrefacta nascantur, sicut censent nonnulli Philosophi, sive ex ovis, a masculo fecundatis semper excludantur, ut ipse cum viris eruditissimis probabilis esse arbitror, facile intelligitur, non fuisse necessarium, ut isthæc insectilia animalia in Insulas a continente remotissimas post universale Diluvium transivherentur, cum vel ex materie (ut aliqui volunt) putredine nasci, vel ex ovis (sicut mox exposui) in istis Insulis, etiam a continente conjunctissimis, excludi poterint.

D. Necdum exposuisti, quo pacto ferocia animalia, sicut sunt leones, tigrides, pantheræ, necnon quedam nociva, videlicet vulpes, lupi, & alia id genus: denique, quomodo volucres potuerint post diluvium transire in Insulas a terra, immenso interjecto pelago, valde distantes, & ex illis Insulis ad Americam, quam nos appellamus *novum Orbem*, pervenire?

M. Quamvis vastissimum sit pelagus, quo America a tribus aliis Orbis partibus divellitur, verosimile tamen est, illud antiquitus pluribus Insulis fuisse repletum, quorum nonnullæ progressu temporis, ob validos terræ motus, fuerunt a mari absciptæ. Hoc semel posito, dici potest primo, hæc ferocia animalia, transando pelagus, potuisse ex unis in alias viciniores Insulas, & ex his in alias, odore prædæ illece, utque ad Americam pertransire; non secus ac nostris temporibus homines maritimi subtilibus cymbis, oblongam illam Insularum catenam, quæ a Septentrione in Meridiem per multa centena miliaria transversa occurrit, transcurrunt, & ad remotissimas Insulas, atque regiones perveniunt. Secundo dici potest, ferocia animalia potuisse in Insulis, a continente valde distantes, advehi in navibus a quibusdam hominibus, qui incolæ ejusmodi Insularum insensibilis odio prosequerantur, eo fine, ut trunculentia illa animalia depopularentur greges suorum hostium, ibique insectam suam speciem propagarent. Tertio fieri potuit, ut aliqui ferocia isthæc animalia in has Insulas a terra remotissimas in navibus asportant ad jocum, ad delicias, ad pompam, perinde ac modo ad Regum Aulas deferri solent. Hæc autem ferocia animalia, ad illas Insulas semel delata, & postea libertatem nacta, suam speciem ibi propagarunt. Postremo, ista ferocia animalia in has Insulas transvessere poterunt homines in navibus propter aliquam utilitatem vel pellicum, vel medicinæ conficiendæ ex oleo, ex spiritibus, ex sale illorum animalium. Sed de transitu ferocium animalium in Insulas a continente remotissimas sat superque dictum sit. Pauca nunc de transitu volucrum, & avicularum in Insulas, quæ a terra maxime distant, hic edisseram. Censeo igitur volucres & aviculas volando ad viciniores Insulas transivisse, & ex his ad alias, quæ a continente longissimo intervallo distant, pervenisse, identidem tamen in medio Oceano quie-

quiescentes, tantisper arboribus navium insidentes, seque in tanto itinere pascentes culicibus & piscibus volatilibus, quibus pelagus abundat. Tentantur siquidem bene multi, qui suas maritimo itinere peregrinationes literis mandantur, se vidisse sapius volucres, quae supra navium verticibus insidebant, solitas esse interdum, ut vitam sustentarent, involare in pisces volatiles, & in examina culicum, indeque gratum navigantibus præbere spectaculum, præsertim, quando pisces volatiles a mari ad aerem fugiant, pulsi videlicet a marinis inimicis, seu a pisce majore, & rursus ab aere ad mare fuga se se propiciunt, ne incidant in alium inimicum aereum, scilicet volucrum piscaricem, in cujus alitum cedunt, ni protinus ab aere ad mare fugiant. Sunt etiam in insulis, a continente remotissimis, quædam aviculæ, quæ hinc ab hominibus fuerint asportatæ, quemadmodum de animalibus domesticis superius ostendimus.

D. Sed cur, quæso, voluit Deus, ut non solum homines, qui peccaverant, divinamque ejus Legem violaverant, universali Diluvio interirent, sed etiam voluit eidem poenæ addicere omnia bruta animalia, quæ in terris erant, exceptis his, quæ Noemur, jussu Dei, in Arca servavit, cum tamen bruta animalia, nec peccare, nec divinam Legem transgredi poterant, utpote nulla ratione aut libertate donata?

M. Antequam hanc difficultatem diluam, præstat, ut obiter observes, nonnullos errasse in explicanda belluarum natura. Origenes Homilia 4. in *Ezechielem* sensit, stellas peccatis esse obnoxias, nec Astra modo, sed elementa etiam, ac proinde ex iudicio Dei olim subitura. Ut autem sententiam suam adstruat Origenes, probat, stellas esse animalia, quod mandata Dei dicantur accipere, mandare etiam ipsis Deum, ut statim moveantur temporibus, motus vero hujusmodi neque absolvi posse sine anima, neque sine motu esse posse, quæ anima prædita sint, nec anima solum, sed & ratione pollere, ac proinde incrementa capere, fine dubio, virtutis, vel decrementa. Ad hæc, animas antiquiores recentibus siderum corporibus inferi, probat ibidem Origenes, cujus licet causam sæpius agat, objecta diluat, & duriores quandoque opiniones emolliat pro virili satagat illustrissimus *Petrus Daniel Huetius*, Episcopus Abrincensis, hunc tamen Origenis errorem lib. 2. *Origenisianorum*, Quest. 8. purgare non potuit, imo potius *Sixtum Senesem*, qui Origenem ab hoc errore vindicandum suscepit, validereliquit. Ad hunc errorem Origenis, Astris, & animalibus, rationem tribuentis, & facultatem peccandi, proxime accedit *Laëtantius* lib. 3. *Divin. Institut.* cap. 10. ubi aperte docet, homines dumtaxat per Religionem discrepare a belluis, non vero per rationem, quæ hominibus ac belluis communis est. Sic enim ait: *Sentimus igitur bonum hominis in summa religione est. Nam cætera, etiam quæ putantur homini propria, in cæteris quoque animalibus reperiuntur. Cum enim suas voces propriis notis discernunt atque distinguunt, colloqui videntur, videndique ratio apparet in his aliqua, cum demissis auribus, contralocuti.* Hist. Vet. Test. Tom. I.

que risu, & oculis in lasciviam resolvatur, aut homini alludent, aut suis quisque conjugibus ac satibus propriis. Nonne aliquid amoris mutuo & indulgentiæ simile impartitur? Jam illa, quæ sibi prospiciunt in futurum, & cibos reponunt, habent utique providentiam. Rationis quoque signa in multis deprehenduntur. Nam quando milia sibi appetunt, mala cavent, pericula vitant, latibula sibi parant in plures exitus differentia: profecto aliquid intelligunt. Postest aliquis negare illis inesse rationem, cum hominem sæpe deludant. Sed hunc Origenis & Laëtantii errorem, qui animalibus, seu belluis, & rationem & facultatem peccandi inesse perperam existimant, retulisse, abunde refutatur est. Nec enim Deus omnia animalia, quæ erant in terra, voluit ut Diluvio universali perirent, eo quod ante hæc peccassent, sed quia, cum decrevisset Deus, omnes homines, qui peccaverant, penitus exterminare, excepta Noemi familia, necesse fuit, ut omnia animalia, exceptis his, quæ ad aliorum propagationem in Arca Noemi fuerunt asservata, submergerentur generalis Diluvi aquis, quæ ut perhibet Scriptura Sacra, altiores montes quindecim cubitis superabat. Absit tamen, ut nostro calculo probare velimus sententiam quorundam recentiorum Philosophorum, qui brutis animalibus cognitionem, sensum, vitam & animam prorsus adimunt, voluntque, ea, horologiorum instar, esse pure automata, arcanis rotulis & elateriis contexta, quia, inquit, si belluz vita & cognitione prædita essent, injuste tot malis & incommodis, quibus sunt obnoxie, a Deo punirentur, cum illum peccatum, propter quod tot sibi infligerentur poenæ, nunquam admiserint. Absit, inquam, ut hanc recentiorum Philosophorum opinionem probare velim. Licet enim ultro fatear, belluas vita & sensibili cognitione polleat, eaque, sicut experientia constat, multas perpetuas misérias; contendo tamen, ejusmodi misérias, quas belluz pariuntur, non esse poenas ipsis a Deo inflictas, sed esse tantummodo defectus, qui consequuntur illarum naturam; sicut ex. Gr. si homo fuisset in statu naturæ puræ a Deo conditus isdem miseriis, calamitatibus, morbis, & morti obnoxius extrisisset, quibus nunc in statu naturæ lapsæ subditus est, cum hoc tamen discrimine, quod homo in statu naturæ lapsæ misérias, calamitates, morbos & mortem perferat tanquam poenas sibi a Deo inflatas propter peccatum originale, quod est causa, radix & origo omnium illarum poenarum. At homo, si in statu naturæ puræ fuisset a Deo creatus, ejusmodi misérias, morbos, & mortem expertus quidem fuisset tanquam defectus consequentes naturam illius, quæ passibilis & mortalis est, sed non tanquam poenas sibi inflictas a Deo, quia Deus bonus & justus neminem poena afficit nisi ob præcedens peccatum, quod, sicut in confesso est apud omnes Theologos, eo in statu naturæ puræ non fuisset, sicut jam observavimus in primo Colloquio in Historiam primæ Mundi ætatis. Sed de belluis, earumque natura plusquam satis dictum sit, & prædicti Colloquio nostro finem, si placet, imponamus.

D. Ne diutius, quam par sit, nostrum præstatur

F

hatur

hater colloquium, hoc unum dumtaxat tibi Dubium proponam, an videlicet Ethnici scriptores aliquam de Turri Babylonica, & de dispersione hominum in omnes Orbis Regiones notitiam habuerint?

M. Ethnici scriptores, & poetæ multa de Turri Babylonica, & de hominum dispersione scripserunt, quorum nonnulla, quæ ex lectione Scripturæ scire poterunt, servant vestigia veritatis: quæ tamen, pro more suo, multis fabulis, & inanibus commentis resperserunt; Sibylla quædam apud Iosephum lib. 1. contra Appianem, & apud Eusebium, Episcopum Cæsariensem, lib. 9. De Preparatione Evangelica, hæc habet: cum omnes homines una lingua loquerentur, altissimam Turrim ædificaverunt, tanquam in Cælum ascensuri. Dii autem, ventis immixtis, Turrim evertentes, & propriam unicuique linguam attribuerunt. Unde factum est, ut Urbis Babylonii nomen esset. Eusebius etiam apud eundem Eusebium, loco mox a me laudato, itidem scribit, Urbem Babylonem primum ab illis fuisse conditam, qui a Diluvio servati sunt, eos autem fuisse gigantes, & celeberrimam illam urbem extruxisse, quæ, vi divina, prostrata, gentes per universam terram dissepsit. Abydenus apud S. Cyrillum, adversus Julianum Apostatam, & apud jam citatum Eusebium lib. 9. De Prep. Evang. c. 9. eum in modum enarrat: Sum qui dicunt, primos & terra editos, cum virum & molis ratione superbiunt, & Diis se preferentes esse iactant, Turrim excelsum erexit, ubi nunc est Babylon, & cum esset jam Cælo proxima, ventos, Diis subvenientes, statim opus subvertisse; ruinis autem Babylonice nomen fuisse impositum, &c. Ex hac Turris Babylonice extructione ansam & occasionem arripuerunt Poetæ fingendi fabulam de Gigantibus & terra editis, qui temerario ausu cum Diis pugnare, & aggesti montium in cælum libi viam parare vellent, Jovis fulmine fracti, visi & dissipati sunt, sicut Poeta Ovidius describit lib. V. Fastorum, his verbis:

Terra ferax partus, immania monstra, Gigantes

Edidit, aursus in Jovis ire domum.

Mille manus illis dedit, & pro cruribus angues,

Atque ait; in magna bella movere Deos.

Exstruere hic montes ad sidera summa parabant,

Et magnam bello sollicitare Jovem.

Fulmina de Cæli saculatus Juppiter arce,

Ventis in aethere pondera vassa suos.

Hæc ex vetustis Ethnicorum Scriptorum, & Poetarum monumentis hausta servant quidem multa veritatis vestigia, sed quæ multis fabulis fuerunt ab illis conspersa atque interpolata. In primis, fabulis accenseri debet quod dicunt de Turri Babylonice extructionibus, illos videlicet fuisse Gigantes & terra editos. Secundo, ejusmodi Gigantes hanc Turrim Babylonicam eo fine ædificasse, ut contra Deos bella movere possent. Tertio, illos Turris Babylonice conditores voluisse prædictam Turrim ad Cælum usque evehere. Absit enim credamus, tam vela-

nos fuisse istos Turris Babylonice conditores, ut crederint, eam usque ad Cælum evehi posse, sed tantum, juxta phrasim hebraicam, profiteretur in Scriptura sacra cap. XI. lib. Gen. V. 4. se, ad celebrandum nomen suum, Turrim extructuros, *cujus culmen pertingat ad Cælum*, idest, in immensum attollatur. Poltremo, puram tantumque commentum est, quod ajunt Ethnici scriptores, Turrim Babylonicam, immixtis ventis, fuisse a Diis penitus eversam ac solo equatam. Sed, expositis istis Ethnicorum fabulis, hoc unum ad coronam nostri colloqui addam, nimirum in illos Turris Babylonice latomos vere quadrate id, quod dicit Salomon lib. Proverbiorum cap. 10. V. 24. *Quod timet impius, venies super eum*. Metu quippe dispersionis, homines post Diluvium Urbem & Turrim Babylonicam extruendam sibi proponunt: *Venies, inquit, faciemus nobis civitatem & Turrim . . . antequam dividamur in universas terras*, Genesis cap. XI. V. 4. At, Deo sic disponente, illud ipsum ædificium, quod, metu dispersionis, magno molimine subtraxerunt, causa fuit cur citius dispergerentur. Deus tamen qui & malo elicit bonum, singulari divinæ suæ providentiæ beneficio fecit, ut hæc dispersio cederet in utilitatem generis humani, & longe majus inde emergeret bonum, quam quod sibi proposuerant infanti Turris Babylonice fabricatores. Erat siquidem illis animus in Turris unius substructione inutiliter confedere, sed Deus illos dispersit, ut gens hominum propagaret, Urbes plurimas in toto terrarum Orbe condideret, & fundamenta jacerent toti Regnorum, quæ etiamnum florent. Plura non dicam, ne te, doctum propterentem, diutius hic detineam, sed te posthac in meo Musæo expecto, ubique nostrum habebimus colloquium, in quo faciam satis omnibus Dubiis, quæ in Historiam secundæ Mundi ætatis proponere solent viri eruditi. Tu interim studio gnæviter incumbere, & fac, ut ad colloquium nostrum imparatus non accedas.

COLLOQUIUM II.

In quo discutitur Dubia, quæ in Historiam secundæ Mundi ætatis viri eruditi proponere solent.

DISCIP. Perlegi, ut morem tibi gererem, celebriorum Scripturæ sacre Interpretum libros, ex quibus aliquot circa Historiam secundæ Mundi ætatis concessi dubia, quæ in hoc colloquio juxta ordinem, quo memorie meæ occurrunt, tibi proponam, ut majorem illorum elucidationem ex tuis Responsis haurire possim. Et primo quidem, a te percontabor: quænam illa prima fuerit lingua, quam Deus ab initio Mundi primis parentibus nostris invidit, & quæ sola ante confusionem Babylonicam viguit? Unam etenim ante dispersionem hominum fuisse linguam, legi in Scriptura sacra c. XI. v. 1. lib. Genesios: *Erat autem terra labii unius, & sermonum eorum eundem*.

M. Quam difficile sit definire, quænam fuerit prima-

primigenia illa & antiquissima lingua, quæ sola a primo homine *Adamo* usque ad linguarum confusio-
nem obtinuit in Mundo, ex tot sententiarum, quæ super hac re circumferuntur discrepantia facili negotio judicari potest. In primis, *Joannes Garpus Becanus* linguam Cimbricam, seu Belgicam, pro antiquissima & primorum parentum nostrorum in Paradiso terrestri vernacula venditare voluit. Sed hæc sententia (si excipias *Levinum Terrentium*) nullos patronos nacta est. Doctissimus Abbas *Paulus Perizonius*, Ordinis Cisterciensis, in libro, quem edidit, *De Antiquitate & origine nationis, & linguae Celarum, seu veterum Gal-
lorum*, perrendit, linguam Celticam, quæ in Armorica inferiori, seu in Britannia minori, adhuc viget, esse primam omnium linguarum, quam Deus primis parentibus nostris *Adamo, & Eve* infudit, quaque omnes homines usque ad confusio-
nem linguarum usi sunt. Sed hæc opinio nihilo præcedenti plausibilior est. *Theodorus*, natione Syrus, & Cyri in Syria Episcopus, Quest. 12. in Genesim linguæ Syro-Chaldaicæ, ut genti suæ gratificaretur, hanc gloriam vindicare pro viribus conatus est, in cujus sententiam reverent nonnulli, quos prolixè satis confutavit *Waltonus* in Apparatu ad Biblia Polyglotta Anglicana, Prologome-
no tertio. Sunt aliqui, quos inter censetur illusterrimus *Petrus Daniel Huetius*, Episcopus A-brincensis, in sua *Demonstratione Evangelicæ*, qui linguam Chaldaicam omnium antiquissimam, ac Mundo coram esse celebrant. Uno verbo, sunt plures nationes, quæ suam linguam omnium primam esse jactant, *Æthiopiam* Abissini; suam Chi-
nenses; suam Arabes; &c. Ipse vero cum antiquis Scripturibus, & sanctis Patribus, *Origene* Homilia XI. in librum Numerorum, *S. Chrysostomo*, Homilia 3. in Genesim, *S. Augustino* lib. 16. *De Civit. Dei* c. 12. & *S. Hieronymo* Commentario in c. 3. *Sophonie*, quos et modernis sequuntur *Senarius, Bon-
ferrius, Buxtorfius, Waltonus, Thomassius* & alii, longe probabilis esse arbitror, primam, & anti-
quissimam Mundi linguam, quam Deus infudit primis parentibus nostris, & qua inter se locuti sunt, fuisse eam, quæ post hominum, & linguarum divisionem, *Hebræis* consequentibus temporibus dicta est, & etiamnum dicitur. Hæc, inquam, sententia mihi per ceteris aliis magis aridet, primo, quia nulla est alia lingua, quæ tam simplex sit, quæque tanta efficacia naturam & proprietatem rerum efflet, quam hæc lingua *Hebræa*. Secundo, quia Etymologia nominum primorum hominum, & Patrum Antediluvianorum, necnon omnium artium, & instrumentorum, etiam mul-
corum, aperte demonstrat, primam omnium linguam esse *Hebræam*. Hæc enim nomina, quæ in principio creationis, & sequentibus temporibus data sunt hominibus, vere esse *hebraica*, & e radicibus *hebraicis* derivata, evincunt viri erudi-
ti, mox a me laudati. Postremo, quia omnes linguae cum antiquiores, tum recentiores, suam ex lingua *hebraica* originem habent, ut videre est in *Glossario Hebraico*, quod edidit *Ludovicus Thomassinus*, Congregationis Oratorii Presbyteri, ubi clarissimus ille Scriptor, & linguarum exoti-

carum peritissimus, ostendit, non solum linguas, Chaldaicam, Arabicam, Phœnicam, seu Chanæanæ, sed etiam linguas Græcam, Latinam, Saxonicam, Teutonicam, Celticam, Armori-
cam, Gallicam, Hispanicam, Italicam &c. esse totidem linguae *hebraicæ* dialectos, seu varias propa-
gines, quæ e lingua *hebraica*, omnium prima, tamquam e radice pullularent.

D. Fuitne hæc lingua *Hebræa*, post linguarum confusio-
nem, & hominum dispersionem, in multis familiis conservata?

M. Autant nonnulli Auctores, linguam *Hebræam*, post linguarum confusio-
nem, & hominum dispersionem, in multis familiis & locis, videlicet in Syria, Assyria, & in terra Chanæan, atque in posteris *Chani*, filii Noemi, incorruptam permansisse. At, ipse probabilis esse cen-
seo, primigeniam linguam *hebræam* fuisse conservatam puram & ilibatam in una tantum familia, quæ, juxta promulgatam tam *Hebræorum*, quam *Christianorum* sententiam, fuit familia *Heberis*, pronepotis Patriarchæ *Semi*. Porro, hanc nostram sententiam præsertim stabiliunt nomina Patriarcharum post diluvium, nempe *Abrahami, Isaaci, Jacobi*, omniumque ejus filio-
rum, quæ omnia pure *hebraica* sunt, unde sequitur necessario, illos qui hæc indiderunt nomina, *hebraice* esse locutos, subindeque linguam *Hebraicam*, post linguarum confusio-
nem, in familia Patriarchæ *Heberis* fuisse conservatam. *Abrahamum* siquidem, *Isaacum, Jacobum* &c. fuisse posteros Patriarchæ *Semi*, per lineam *Heberis* descendentes, omnibus e Scriptura sacra notissimum est.

D. Quænam potissimum fuit causa, ob quam lingua *Hebræa* post linguarum confusio-
nem, in sola familia Patriarchæ *Heberis* incorrupta perman-
serit?

M. Duplex potest assignari causa, cur lingua *Hebræa* in sola *Heberis* familia permanserit incorrupta. Primo, quia familia Patriarchæ *Heberis* nullo pacto consentit in impiam & flagitiosum fabrorum Turris Babylonice consilium. Scriptura namque expresse dicit urbem, & Turrim Babylonice fuisse extractam a filiis *humbum*, per quos, ut alibi observavimus, intelligit homines impios & prophanos, qui e *Caino*, filio *Adami*, genus suum ducebant, quemadmodum Scriptura Sacra per filios *Dei* solet indigare posteros *Serbi*, alterius filii *Adami*, & posteros itidem Patriarchæ *Semi*. Cum igitur familia Patriarchæ *Heberis*, quæ per *Semum*, filium *Noemi*, descendebat, non consentit in flagitiosum istud extruende Turris Babylonice consilium, credibile non est, hanc familiam in eadem illorum pœna, seu linguarum confusione, jussisse, quorum culpe se partici-
pem non reddidit. Hinc est, quod familia Patriarchæ *Heberis*, tempore, quo homines, post linguarum confusio-
nem, per omnes terras dispersi sunt, non fuerit ipsa dispersa, sed inconcussa tunc sedibus suis permanserit, donec *Abrahamus*, ex familia Patriarchæ *Heberis* descendens, speciali vocatione inde fuerit a Deo evocatus. Sicut igitur penam dispersionis non subit familia Patriarchæ

Heberis ita verisimile est, eam nec linguæ suæ confusionem esse passam, sed potius avitam linguam Hebræam conservasse puram & incorruptam. Altera causa, cur lingua Hebræa, post linguarum confusionem, in sola familia Patriarchæ *Heberis* integra & incontaminata permanerit, hæc est, quia familia *Semæ*, filii *Noemi*, ex qua Patriarcha *Heber* propagatus est, semper in vera religione, seu in incerto unius & veri Dei cultu constanter persistit: e contrario familia *Chami*, alterius filii *Noemi*, a Deo, & a vera religione descivit. Quo factum est, ut familiam Patriarchæ *Heberis* singulari favore, gratia ac benedictione Deus prosecutus fuerit, cum e contra familia *Chami*, ex qua *Chanaan* prognatus est a Deo sit maledicta. Probabile itaque est primo, Deum in familia Patriarchæ *Heberis*, quæ fuit familia sancta & benedicta, maluisse conservare linguam sanctam, seu Hebræam, per quam religionem & Legem suam propagare, & promulgare voluit, quam in familia prophana & maledicta. Secundo, probabile etiam est, linguam Hebræam, sic dictam fuisse a Patriarcha *Hebere*, eo quod apud ipsum, & in ejus familia fuit tempore confusionis linguarum conservata, & postmodum ad ejus posterum transfusa.

D. Interfui nuperrime cœtui quorundam virorum eruditiorum, quorum aliqui affirmabant *Hebræos* sic dictos esse a Patriarcha *Hebere*, qui linguam Hebræam, post linguarum confusionem, in sua familia incorruptam conservavit; Alii vero aiebant, hujus Hebræorum nominis originem alius accessendam non esse, quam a temporibus Patriarchæ *Abrahami*, qui primus a Chananæis fuit vocatus *Hebræus*, quod fluvium Euphratem transisset, ut relicta Chaldæa, quæ erat trans fluvium Euphratem, habitarent terram Chanaan. Ob illum fluvium Euphratis transitum, *Abrahamus* fuit a Chananæis *Heber*, idest, *Transitor* appellatus, indeque Hebræorum nomen omnibus *Abrahami* posteris hærit, sicut dicebant viri illi eruditi. Tu quid ea de re sentias, paucis aperire ne graveris.

M. Cum urrague sententia, ut candide fatear, eum antiquiorum, tum recentiorum Scriptorum testimonio sulciatur, neutri suam probabilitatem adimere volo, sed illius delectum tuo arbitrio lubens permitto. Hi qui *Hebræos* sic a Patriarcha *Hebere* dictos putant, nituntur testimonio *Iosephi Hebræi*, lib. 1. Antiquit. Judicæ. cap. 6. *Eusebii* lib. 7. de *Preparat. Evang.* cap. 2. *Eucherii* lib. 2. in *Genesin* cap. 7. sed potissimum *S. Augustini* lib. 16. de *Civit. Dei* cap. 12. ubi luculenter docet, linguam hebraicam, ante confusionem linguarum & gentium dispersionem, omnibus communem fuisse, eamque in familia Patriarchæ *Heberis*, *Phaëgi*, & *Abrahami*, integram manifeste tradit, idque hinc probat, quod diversorum populorum nomina, qui suis colonis orbem terrarum impleverunt, ea iussissima sint, quæ in Sacris Litteris sunt configurata: *Illorum*, inquit Aquilinus ille Doctor, *gentium vocabula partim manserunt, adeo ut etiam hodie appareat, unde sint vocabula derivata, sicut ex Assur Assyrii; ex Heber Hebræi; partim temporis vetustate mutata sunt: Ita ut vix homines*

doctissimi, antiquas Historias perferentes, nec omnium, sed aliquarum ex istis originis potuerim reperire. Hæc enim *S. Augustinus*, in cuius sententiam manibus pedibus descendunt moderni Scriptores undecumque doctissimi, quos inter numerantur *Pererius*, *Strucius*, *Genevanderus*, *Cornelius a lapide*, *Bonferrius*, *Buzotius*, &c. inter Rabbinos vero, *Aben-Esra*, *Kinski*, & *Abrahami*. At vero, alii Scriptores, qui hujus Hebræorum nominis originem ab *Abrahamo* repetendam esse asserunt, bene multos proferunt cum antiquis, tum recentioribus Auctores, qui eorum sententia aperte patrocinantur. Hi autem sunt *Julius Africanus*, ab *Eusebio* citatus, qui hæc habet: *Hebræi, dicti quasi transitores, quia Abraham Euphratem transiit, non, ut quidam, ab Heber.* Orisenes in *Matthæum* p. 239. ait: *Hebræi, qui exponuntur transiitii.* Idem repetit *Hom. 19. in Numeros*, & *Homil. 35. in Genesin.* *S. Hieronymus* in *Ezechielem* cap. 7. *Abraham Hebræus, idest, vagans, & peregrinus transitorie nominatur.* In eandem sententiam conspirant *Patres Græci*, *Diodorus Tarsensis*, *S. Joannes Chrysostomus* *Homilia 35. in Genesin* & *Homilia De nomine Abraham*, & *Theodoritus* *Quest. 60. in Genesim.* Eidem sententia suffragantur itidem plurimi Rabbini, & peritiores Scripturæ Sacre moderni Interpretes, *Paulus Burgenius*, *Reuchlinus*, *Isidorus Clarinus*, *Estius*, *Arias Montanus*, *Morinus*, *Munsterus*, *Scaligerus*, *Seldenus*, *Cappellus*, *Grotius*, *Vossius*, *Waltonus*, &c. Cum igitur utraque sententia circa nominis Hebræorum originem probabilibus nitatur conjecturis, suosque habeat defensores, fuit utrique debet constare probabilitas, maxime cum ea de re silent Scriptura Sacra, nec in ea curiosius inquirere par sit, quæ ipsa silentii sipario obtextit.

D. Quo pacto intelligi debent hæc Dei verba, quæ cap. 11. *Lib. Geneseos* leguntur: *Venite, descendamus, & confundamus ibi linguam eorum, ut non audiat unusquisque vocem proximi sui?*

M. Communis est Scripturæ Sacre Interpretum sententia, Deum in confusione Babelica, sic primi gentiam linguam, quæ, ut ostendimus, Hebræa erat, confudisse, ut omnes homines, antequam dispergerentur in 70. vel 72. linguas, juxta toridem Patriarchæ *Noemi* nepotum munus, divideret. Scriptores Latini, quam numerant, dumtaxat septuaginta *Noemi* nepotes, videlicet ex *Japheto*, filio *Noemi*, quatuordecim; ex *Chamo*, altero *Noemi* filio, triginta; & ex *Semo*, tertio *Noemi* filio, viginti sex; ideo dicunt; Deum in confusione Babelica divisisse hominum genus in 70. linguas omnino diversas. At, Scriptores Græci affirmant, Deum, antequam homines in omnes terras dispergeret, illos in 72. linguas plane distinctas divisisse, quia, præter illos septuaginta *Noemi* nepotes, quos percensent Latini, duos alios admittunt, nempe *Elisam* inter filios *Japheti*, & *Cainanem* inter nepotes *Semi*. Sed hæc veterum, tam Græcorum, quam Latinorum, de 70. vel 72. linguis, in quas ante dispersionem gentium divisus est humanus sermo, cum certa non sit, sicut alibi me observasse memini, longe probabilis ipse arbitror Deum in confusione Babelica non novis in mentibus hominum produxisse linguas, a lin-

a lingua hebraica, quæ erat antiquissima, & qua omnes homines antequam dispergerentur, loquebantur, omnino diversâ; sed Deum dumtaxat confidisse linguam hebraicam quæ tanquam vernacula utebantur omnes; & ex ea linguae hebraicæ confusione ortos esse diversos loquendi modos, seu varias linguas, quæ tamen erant totidem linguæ hebraicæ dialecti, non secus ac linguæ Italica, Gallica, Hispanica, sunt dialecti linguæ latinæ. Illa quippe linguæ hebraicæ confusio, quam Deus ad dispergendos homines per omnes terras induxit, idem effecit, quod ipsa dispersio gentium temporum lapsu effecisset, in varias enim dialectos abiit. Hinc linguæ Orientales, scilicet Chaldaeorum, Syrorum, *Phœnicum*, seu Chananæorum &c. facilius discuntur ab his, qui Hebraicæ sciunt, quia sunt linguæ hebraicæ dialecti, maiorem cum ipsa affinitatem habentes. Sed de his plura legesit apud iam citatos doctissimos Auctores, *Ludovicum Thomassinum* in Præfatione sui *Glossarii Hebræici*, & *Paulum Perizonium* in libro, quem concinnavit *De Antiquitate & Origine nationis & linguae Cæltarum, seu veterum Gallorum*.

D. *Cainan* ille, quem Scriptores Græci, ut mox dixisti, enumerant inter nepotes *Semi*, filii *Noë*, fuitne verus Patriarcha, aut supposititius? auidi quippe nudius tertius viros eruditos ea de re inter se acerrime digladiantes; aliis assentientibus, hunc *Cainanem*, quem Græci Scriptores inter *Semi* nepotes numerant, esse plane supposititium, ac subinde e serie Patriarcharum post Diluvium iure optimo esse expungendum; aliis vero, affirmantibus, hunc *Cainanem* vere inter nepotes *Semi* locum habere debere, eumque inter *Arphaxad*, cuius filius fuit, & *Salem*, quem genuit, esse reponendum. Hanc igitur, si placet, elucida difficultatem, quæ mihi, ut verum fatear, satis intricata videtur.

M. Iustissima de causa hanc difficultatem satis intricatam appellas. Si enim æqua lance libremus singula momenta, quibus hinc inde fuit Scripturæ Sacre Interpretes, *Cainanis* generationem, *Arphaxad* inter & *Salem*, aut admittunt, aut inficiantur; compariemus, difficilem ad dirimendam hanc difficultatem patere aditum. In primis, hi, qui *Cainanis* generationi refugantur, his nituntur momentis. Ajunt primo, *Mossem* in primigenio Textu Hebræo, five in cap. 1. Lib. I. *Genesis*, five cap. 1. lib. 1. Paralip. ubi Patriarcharum ante & post Diluvium generationes accuratissime percerent, altissimo silentio prætermisisse in serie Patriarcharum post Diluvium istum *Cainanem*, quem Græci Codices *Arphaxad* inter & *Salem* inserunt. Nec tantum in Textu Hebræo desiderat iste *Cainan*, sed nec invenitur in Textu Samaritano, & in Antiquis Scripturæ Sacre Versionibus Chaldaica, Syriaca, Arabica, Persica, & in nostra Versione Vulgata, quæ ab Œcumenico Concilio Tridentino Authentica est declarata, ne vola quidem, aut ullum hujus *Cainanis* post diluviani apparet vestigium. Fatentur quidem istius sententiæ Assertores, hunc postdiluvianum *Cainanem* extare in versione Ixx. Interpretum, ejusque nomen etiam legi in Evangelio S. *Lucæ* cap. 3. Sed contendunt, nomen *Cainanis* reperiri duntaxat

in versione Ixx. Interpretum, quæ erat corrupta & interpolata, sed non in ea Versione Ixx. Interpretum, quæ erat illibata atque incontaminata. Geminam quippe Versionem Ixx. Interpretum distinguit Sanctus *Hieronymus* in Epist. 135. ad *Summum*, & *Fretellum*, unam nimirum, quæ extabat in Hexaplis *Origenis*, & aliam, quam *Origenes*, *Eusebius Cæsariensis*, omnesque veteres Græci Traditores appellat *K 1111*, id est, *communem*, quia communi fidelium usui inserviebat. Observat autem ibidem S. ille Doctor, id discriminis fuisse inter utramque Ixx. Interpretum Versionem; quod illa, quæ erat in Hexaplis *Origenis*, puta, emendata, & castigata esset; alia vero Ixx. Interpretum Versio, quæ vulgo *Communis* dicebatur, quod manibus omnium passim terebatur, pro locis & temporibus, & pro voluntate Scriptorum esset vitata, multisque fateretur mendis. Hoc posito, dicunt illi Auctores, qui *Cainanem*, cum Patriarcham institutum, expolunt, nomen quidem *Cainanis* interperisse in Versionem Ixx. Interpretum, quæ corrupta erat, sed non existisse in ea Versione Ixx. Interpretum, quæ erat in Hexaplis *Origenis*, & emendatissima censebatur, quæque in Alexandria Reginz *Ægypti Cleopatrz* insigni Bibliotheca fuit asservata, donec anno ante Natale Christi Domini circiter quadragesimo octavo fuit hæc Bibliotheca incendio consumpta, quando videlicet Bello priori Alexandrino, a *Cæsare* confecto, ex militum seditione, maximo Reipublice literariæ damno, conflagratione perit. Quod spectat Evangelium S. *Lucæ*, in cuius cap. 3. legitur nomen *Cainanis* postdiluviani, respondent Scriptores, qui istius *Cainanis* generationem non admittunt, interpolatrice manu hujus *Cainanis* nomen in Evangelium S. *Lucæ* intrusum, idque evincere se posse putant ex libro S. *Lucæ* Græco-Latino, in antiquioribus membranis, literis majusculis, sine spiritibus & accentibus descripto, in quo nulla omnino *Cainanis* postdiluviani fit mentio. Hic autem liber, Historias quatuor Evangeliorum, & Actorum Apostolorum completens, ex Græcia olim in Gallias asportatus, in Monasterio S. *Irenæi* in Suburbio Lugdunensi est repositus, ibique, oriente bello anno 1562. repertus est a *Theodoro Beza*, Hæresiarum *Calvini* Discipulo, qui anno 1581. illum Cantabrigiensi Academiæ Bibliothecæ dono dedit.

Aliud probaticnis genus ad excludendum hunc *Cainanem* e serie Patriarcharum postdiluvianorum desumunt multi Scriptores latini ex Sanctis Patribus, qui in serie Patriarcharum postdiluvianorum juniores *Cainanem* omnino prætermittunt, quos inter sunt *Epiphanius* Hæres. iv. quæ est Melchisedechianorum, *Julius Africanus*, *Theophilus Antiochenus*, lib. 3. ad *Autolicum*, quibus addunt *Eusebium*, Episcopum Cæsariensem, in suo Chronico a *Scaligero* græce edito, *Iosephum* Hebræum, lib. 1. Antiq. Jud. c. 8. & quos Scriptores prophanos, *Berosum* videlicet Chaldaeorum, citatum apud *Eusebium* lib. 3. *Preparationis Evangelicæ*, & *Epulemum*, laudatum ab *Alexandra Polybistore* apud *Eusebium*, qui diserte asserunt, Patriarcham *Abrahamem* vixisse decima post Diluvium generatione. Porro, si *Cainan* inseratur inter *Arphaxad* & *Salem*, compertur

ver, Abrahamum non vixisse decima post Diluvium generatione, sed undecima. Hæ sunt in summa præcipue rationes, quibus adducuntur multi Scriptores latini ad repudiandum *Cainanem*, tanquam Patriarcham institutum, & intrusum in Evangelium S. *Luce*.

At, non desunt viri eruditi, qui his momentis alia non minoris ponderis opponunt, probantque, *Cainanem* in Patriarcharum postdiluvianorum chqrum esse admittendum. In primis dicunt, lxx. Interpretes in sua Versione Græca cap. 11. Lib. Geneleos *Cainanem* landare tanquam filium *Arphaxad*, eumque reponere *Arphaxad* inter & *Salem*. Quis autem dicere audeat, quempiam aliquando mortalium fuisse adeo temerarium, qui in Sacrum Textum intrudere voluerit *Cainanem*, si vera esset Patriarcha supposititius, & nunquam in rerum natura extitisset? Quæ malitia? Quæ spes utilitatis septuaginta Seniores, aut eorum Amantenſes potuit ad tam putidum mendacium impellere? Præterea, S. *Luce*, Evangelista, cap. 3. sui Evangelii Genealogiam Christi Domini texens, *Cainanem* reponit *Arphaxad* inter & *Salem*, dicens: *Qui fuit Salem, qui fuit Cainan, qui fuit Arphaxad*. Porro, temeritatis est summæ ex Evangelio S. *Luce* quod omnibus sacro-Sanctum esse debet, expungere velle, quod non solum vetustissimi Scripturæ Sacræ Interpretes, sed etiam Sancti Patres, præsertim *Augustinus* lib. 16. *De Civitate Dei*, & *Hieronymus* in Translatione Evangelii S. *Luce*, legerunt, agnoverunt, retinuerunt, quodque etiam Romana, post Sacrorum Codicum emendationem, iussu summorum Pontificum *Sixti V.* & *Clementis VIII.* factam, etiamnum legit, agnoscit, retinet & approbat Ecclesia, quæ nec falli, nec fallere potest. Addunt denique, *Cainanem*, postdiluvianum, omitti quidem in nostra Editione Vulgatæ Veteris Testamenti, sed hanc omissionem argueredunttaxat Amaranensium memoriæ, & diligentie defectum, quem ita contigisse longe credibilis esse potant, quam si dicatur, *Cainanem* in Græca lxx. Interpretum Versione, & in Evangelio S. *Luce* consulto & data opera fuisse insertum, & adjectum, quia hæc additio absque insigni audacia, & saltate fieri hand potuisset. His potissimum momentis nituntur generationis *Cainanis* patroni ac defensores.

D. Circa *Cainanis* postdiluviani generationem duas Scriptorem cum Græcorum, tum latinorum sententias e diametro oppositas video, sed cuiusnam sententiæ palmam adscribere debeam, dubius adhuc hæreo, & insular stiteræ, hac illac æqua lance librata, neutro propendeo.

M. Cum nomen *Cainanis* legatur in Evangelio S. *Luce*, nec ulla ratione dici possit, istud Evangelium sub mendo cubare, auctor tibi huius, ut in illorum sententiam descendas, qui albo Patriarcharum postdiluvianorum *Cainanem* accensent. Ne autem ea, quæ ab oppositis sententiæ Aſsertoribus proferruntur, quæque superius perſtrinxim, momenta tibi aliquid facessant negotii, his breviter, quantum fieri poterit, faciam satis. Et primo quidem dico, Moysen in Textu Hebræo generationem *Cainanis*,

Patriarchæ postdiluviani, de industria transiisse. Statuerat quippe Moyses (Sicut, post *Iosephum* lib. 1. Antiq. Jud. c. 6. observant vetustissimi Hebræorum Scriptores) decem dumtaxat Patriarcharum post Diluvium generationum gradus percurrere, hoc est, a *Noë* usque ad *Abrahamum*, non secus ac ab *Adamo* usque ad *Noë*um, decem dumtaxat Patriarcharum antediluvianorum generationes recensuit. Quomodo etiam videmus, *Matthæum*, Evangelistam, in describenda Genealogia Christi Domini tres tessaredécades animo complexum, in earum altera tres generationes de industria præterisse. Ait enim c. 1. sui Evangelii: *Joanem* genuit *Oziam*; cum tamen l. 4. Regum c. 8. & 11. *Joanem* genuerit *Ochoſiam*, *Ochoſias* genuerit *Joanem*, *Joanem* genuerit *Amasiam*, *Amasias* vero genuerit *Oziam*. Quemadmodum igitur Evangelista *Matthæus*, ob illum quatuordecenarium mysticum numerum, quem, in texenda Genealogia Christi retinendum sibi præscripserat, tres in secunda tessaredécade reſecuit generationes, quæ huic mystico numero officere potuissent; ita pari rure *Moyses*, qui in recensendis generationibus Patriarcharum, qui ante & post Diluvium vixerunt, decadem, seu mysticum decenarium numerum sibi servandum proposuerat, generationem *Cainanis* postdiluviani silentio prætermiſit, quia, si eam recensuisset, non decem, sed undecim, Patriarcharum generationes secundæ Mundi ætatis numerare debuisset, scique finem, in putandis Patriarcharum primæ & secundæ ætatis annis sibi præfixum, non obtinuisset. At, lxx. Interpretes, qui in sua Græca Scripturæ Sacræ versione non meros agebant interpretes, sed Prophetas, quique spiritum sanctum, Sacrarum scripturarum Auctorem, inhabitantem habebant, sicut plerique Sancti Patres, potissimum S. *Augustinus* lib. 18. *De Civitate Dei* cap. 43. Scripto tradiderunt, non tam ex Textu Hebræo converterunt in Græcum sermonem ea, quæ in Pentateucho *Moysi* reperiuntur, sed etiam suppleverunt quæ ab illo, iusta quidem, licet nobis ignota quandoque ratione, fuerunt prætermiſsa. *Cainanis* itaque generationem, a Moſe omiſſam, lxx. Interpretes, afflati Spiritu sancto, in sua Versione Græca *Arphaxad* inter & *Salem* inseruerunt. Quod quidem palam adstruere videtur auctoritas S. *Luce*, Evangelistæ, qui cap. 3. sui Evangelii describenda genealogiam Christi Salvatoris nostri, disertam *Cainanis* mentionem facit, quia hanc generationem *Cainanis* reperiatur in pura & immaculata, quam consultui, Versione lxx. Interpretum. Quis enim, amabo, inficias ire audeat, S. *Luce*, Evangelistam, habuisse penes se puram & castigatissimam lxx. Interpretum Versionem? Falsum igitur est quod dicunt nonnulli, generationem *Cainanis* extitisse quidem in Versione lxx. Interpretum, quæ corrupta, & adulterata erat, sed non in Versione lxx. Interpretum, quæ pura & incontaminata erat; aliqui dicendum esset S. *Luce*, nulla habita ratione pure & castigatæ Versionis lxx. Interpretum, consuluisset tamen, ad describendam genealogiam Christi, corruptos jam Codices Versionis Græcæ lxx. Interpretum, quod sane citra teme-

ritatem, ne quid gravius dicam, nec proferri, nec cogitari potest. Longe itaque credibilis est, generationem *Cainanis*, postdiluviani, extitisse in Versione emendatissima lxx. Interpretum donec quidam scilicet, & male feriat homines, quos non potest grassari, & virgum censorium exercere in Scripturam Sacram, fuerint exorti qui, postquam Græcos Codices cum Hebraicis contulissent, viderentque, *Cainanem*, postdiluvianum, ab Hebraicis abesse codicibus, quem licenter in Sacris Codicibus adjectum sibi perperam persuaserant, licentius etiam, tanquam Patriarcham additionem, eraserunt, ac de medio sustulerunt. Huius nostræ conjecturæ vim non infringit liber ille Græco-Latinus, completens quatuor Evangeliorum, & Actorum Apostolorum Historias, Cantabrigiæ Academicæ anno 1581. donatus, in quo non extat *Cainanis* postdiluviani generatio: Hic, inquam, manuscriptus Codex, licet antiquissimus, huius conjecturæ nostræ robur non infringit, tum quia tantam auctoritatem non habet, ut opponi, & præferri debeat omnibus aliis manuscriptis Codicibus Græcis, qui asservantur in Bibliothecis, in quibus invenitur *Cainanis* nomen, nec prædictus Codex jus dare potest hominibus, aliunde rerum novarum cupidis, carpendi, aut perturbandi receptam ubique gentium Evangeliorum, & reliquorum Sacrorum librorum editionem a Sacro-Sancto & Œcumenico Concilio Tridentino & a Sede Apostolica probatam, emendatam, ejusque jussu publicam in lucem emissam. Tum quia etiam prædictus Codex Græco-Latinus nec *Eusebio*, Episcopo Cæsariensi, qui quarto Ecclesiæ florebat sæculo, nec *S. Hieronymo*, qui in quinto Ecclesiæ sæculo Chronicon ejusdem *Eusebii* Græcum latine vertit, & auxit, antiquior est, sicut asserunt periti hujus temporis Critici; Atqui tamen *Eusebio* in suo Chronico inter Patriarchas postdiluvianos recenset *Cainanem*, & *S. Hieronymus*, tam in sua translatione latina Evangelii *S. Luca*, quam in sua versione itidem latina Chronici *Eusebii* eundem *Cainanem* retinuit, nec expungendum esse putavit; tanti ergo facere haud debemus hunc manuscriptum Codicem Græco-Latinum, in quo *Cainanis* postdiluviani generatio non legitur, ut illum proponere debeamus aliis antiquioribus Codicibus Græcis, quos *Eusebio*, & *S. Hieronymus* consulerunt, & in quibus *Cainanis* postdiluviani nomen inter Patriarchas *Arphaxadem* & *Salem* inveniebatur scriptum. Hinc facile inferre potes, nullam fidem adhibendam esse *Scaligeri*, qui dum Græcum *Eusebii* Chronicon edidit, vel potius pro arbitrario suo consarcinavit ac interpolavit, ex eo *Cainanem* postdiluvianum exponit, cum tamen omnes alie Græcæ Chronici *Eusebii* editiones hunc *Cainanem* admittant, eumque *Arphaxadem* inter & *Salem* in serie Patriarcharum postdiluvianorum reponant.

Ex his, quæ hæcenus diximus, in promptu est responso ad testimonia antiquorum Scriptorum, qui *Cainanis* postdiluviani nullam mentionem fecerunt: Nam ideo *Origenes*, *Julius Africanus*, *Theophilus Antiochenus*, *Epiaphranus*, & tres Scriptores Prophe-

ni, seu *Brosius*, *Euphemus*, & *Alexander Polyhistor* generationem *Cainanis* prætermiserunt, quia Textum Hebraicum, non versionem lxx. Interpretum sunt secuti, quod sane nihil omnino facit contra nos, qui ultro fatemur, multos antiquos sanctos Patres, & Ecclesiasticos atque prophanos Scriptores, Textum Hebraicum sequentes, generationem *Cainanis* postdiluviani omisisse. At, nemo profere unquam poterit aliquem sive ex sanctis Patribus, sive ex Ecclesiasticis aut prophanis Scriptores, qui disertis verbis dicat, *Cainanem* in serie Patriarcharum postdiluvianorum non esse admittendum.

D. Miror profecto, quod *Cainanem* postdiluvianum, tanquam verum Patriarcham, agnoscas. Si enim monuisti me, Chronologiam lxx. Interpretum monuisti esse, eique præferendam esse Chronologiam Textus Hebraei. Et tamen hic semel admittatur *Cainan*, tanquam verus Patriarcha, & ut filius *Arphaxad* & pater *Salem*, sequetur primo, standum esse, circa generationem *Cainanis*, Chronologia lxx. Interpretum. Deinde, consequens erit, *Moyse* Chronologiam, quæ extat in primigenio Textu Hebraeo, esse vitiatam, cum in eis deessent centum & triginta quinque anni, quos, juxta lxx. Interpretum Chronologiam, habuisse dicitur *Cainan*, quando genuit *Salem*. Id autem de Chronologia Textus Hebraei dici minime potest, cum certum sit, *Moysem* temporum Historias, & Patriarcharum, qui ante & post diluvium vixerunt, annos integre, exacte, ac perfecte in Libro Genesis describere voluisse, cum singulorum vitæ annos minutatim persequatur. Hic mihi videtur nodus implicatissimus, & labyrinthus intricatissimus, unde emergere difficillimum sit, tua igitur opera in gressu tam lubrico veritas maxime indigeo. (a)

“(a) Juvat hic integram testimonium recitare Millii Anglicani scriptoris viri in conferendis Græcis Biblicis novi testamenti codicibus exercitissimum; ille enim ad cap. 111. Lucae 36. ubi *Cainan* occurrit, hæc notat, *Deysi* (*Cainan*) in *Cantuar*. (Qui ipse est Codex Bezae) repugnantem ceterorum Codicum omnino fide. Quis mirum autem si scriba iste (Codex Cantuariensis) quod in Evangelio infinita pro arbitrio addere, mutare, detrudere ausus est, qui ex suapte cerebro prognatam genealogiam quandam in genuine locum substituit, qui demum Evangelionem hoc adeo misere possim interpolare, ut monesset quoddam fere quam ipsius Luca Evangelium dixeris. Fateor equidem Millium infensio extitisse animo in hunc Codicem, eo quod ejus auctoritate Morinus vulgaræ latinæ qui adamussim coheret, defenderit veritatem. Verum omnium aliorum Codicum ab eodem Millio consultorum consensus in retinenda lectione *Cainan* ad illos refutandos, qui vocem illam in textum Evangelii contendunt, plurimum valet; semel autem admissa sinceritate lectionis hujus in *S. Luca*, moneatque Millius ibidem Evangelistam sequi per omnia lectionem septuaginta interpretum, in iis patet, in quibus ab Hebraico textu recedunt; firma hinc deducitur conjectura ejusdem versionem septuaginta, lectionem *Cainan* retulisse,

„quo fit, ut lectio ista nequaquam addita in se-
„ptemviralem lectionem iudicaretur.

M. Ut adiectio *Cainanis* postdiluvianum non va-
riet Sacram Chronologiam Patriarcharum, quam
Moyſes in Libro Genesim describit, dicendum est
cum *Genebrando* lib. 1. Chronographiæ, quod *Arphaxad*
anno ætatis suæ 18. genuit *Cainanem*, &
quod *Cainan* anno ætatis suæ 17. genuit *Salem*,
qua ratione vere dici potest, *Salem* natum esse
ipsi *Arphaxad* non quidem immediate, ut ajunt,
sed mediate per *Cainanem*, cum *Arphaxad* an-
num ætatis suæ ageret trigefimum quintum, sic-
ut legitur in Textu Hebræo & in Editione vulga-
ta Gen. cap. 11. v. 12. Nam more loquendi, Sa-
cris Literis non inusitato, nepotem genuisse avus
vere dicitur, licet non eum immediate gene-
rerit, sed tantum mediate, hoc est per alium. Sic
Evangelistæ *Matthæus*, ut antea dicebam, cap. 1.
sui Evangelii ait: *Joram* genuit *Oziam*: quan-
vis *Joram* non immediate genuerit *Oziam*, sed
tantum mediate, idest, per nepotes; nam *Jor-
am* genuit immediate *Ochoziam*, *Ochozias* ge-
nuit *Joam*, *Joas* genuit *Amasiam*, *Amasias* ge-
nuit *Oziam*. Hanc *Genebrandi* sententiam am-
plexatur *Joannes Harduinus*, recens Societatis Je-
su Scriptor, in sua *Veteris Testamenti Chronolo-
gia*, quæ extat inter selecta illius Opera Am-
stelodami edita an. 1709. Cæterum, quod ip-
Versione lxx. Interpretum legitur, *Arphaxad* anno
ætatis suæ 135. genuisse *Cainanem*, & *Cainanem*
anno ætatis suæ 130. genuisse *Salem*, mendam
est Chronologiæ, sicut fatentur omnes Scripto-
res latini, etiam hi, qui generationem *Cainanis*
admittunt, quique putant, *Arphaxad* anno æ-
tatis suæ 35. genuisse *Cainanem*, *Cainanem* anno æ-
tatis suæ 30. genuisse *Salem*, detractis illis centum
adijectis annis, qui non solum in generatione
Cainanis, sed etiam in generationibus aliorum
Patriarcharum ante & post Diuvium irreperunt
in Chronologiam lxx. Interpretum, sicut, post S.
Augustinum lib. 15. *De Civitate Dei* cap. 13. pro-
lixè ostendi in Dissertatione quinta Tractatus *De
Mysteriis*, & *Annis Christi*. Verum, quia illi Scripto-
res latini, qui admittunt generationem *Cainanis*,
ajuntque, eum anno ætatis suæ trigefimo genuis-
se *Salem*, haud parum turbant ac confundunt ea
30. annorum *Cainanis* adiectione Chronologiam,
quæ describitur in Textu Hebræo, Patriarcharum
post diluvium; ideo ipse, ne tantillum varietur,
aut immutetur Chronologia Textus Hebræi, lon-
ge probabilius cum *Genebrando*, & *Harduino*, mox
a me laudatis Scriptoribus, cenſeo, *Arphaxad* ge-
nuisse *Cainanem* anno ætatis suæ 18. *Cainanem*
vero ætatis suæ anno 17. genuisse *Salem*. Quo
posito annorum calculo, vere dici potest, citra
ultram Textus Hebræi Chronologiæ immutationem,
Salem natum esse ipsi *Arphaxad* non quidem im-
mediate, sed mediate, hoc est, per *Cainanem*,
patrem suum, cum *Arphaxad*, avus *Cainanis*,
annum attigisset ætatis suæ trigefimum quintum,
scilicet legitur in Textu Hebræo, & in Editione
Vulgata cap. 11. v. 12. Libri Genesim: Porro *Ar-
phaxad* vixit triginta quinque annis, & genuit *Sa-
lem*, non quidem immediate, ut mox dici, sed

mediate, idest, per filium suum *Cainanem*, quæ
fuit pater *Salem*.

D. Cum Textus Hebræi Chronologiam, jux-
ta num explicandi modum, non perturbet hæc
Cainanis in serie Patriarcharum postdiluvianorum
adiectio, in tuam sententiam lubens ipse descen-
do, & *Cainanem*, seu verum postdiluvianum Pa-
triarcham, *Arphaxadi* filium, & patrem *Salem*, ul-
tro agnosco. Sed subit nunc animum altera dif-
ficultas Chronologica, nimirum, quoto anno æta-
tis suæ *Thare* genuerit filium suum *Abrahamum*?
Multi quippe Interpretes, quorum in Scripturam
Sacram Commentarios perlegi, asserunt, *Thare*
anno dumtaxat ætatis centesimo trigefimo genuis-
se *Abrahamum*. Alii vero Scripturæ Sacre Inter-
pretes dicunt, *Thare* anno ætatis suæ septuage-
simæ genuisse *Abrahamum*, idque propter illa ver-
ba Moyſis cap. 11. v. 26. Libri Genesim: *Vixit
que Thare septuaginta annis, & genuit Abrahamum,
& Nabor, & Aran*. Inde enim colligunt, non
quidem hoc velle Moyſem, tres istos esse genitos a
Thare septuagenario; sed illud solum, post septua-
gesimum ætatis suæ annum coepisse *Thare* pignere
filios: cum autem primo loco ponatur *Abrahamus*,
ab eo esse factum signendi exordium, ac proinde
Abrahamum genitum esse, cum *Thare*, ipſius pater,
explevisset annum ætatis suæ septuagesimum. Hæc
autem opinio circa ortum *Abrahami* discre-
pantia haud parum perturbat Textus Hebræi Chro-
nologiam. Nam si *Abrahamus* non anno patris
sui *Thare* lxx. sed cxxx. natus fuit, necessario se-
quitur, sexaginta annis in serie Chronologica Pa-
triarcharum postdiluvianorum ab his aberrari, qui
septuagesimo *Thare* anno non *Abrahamum* natum es-
se arbitrantur. Hinc ergo Chronologicæ difficultati
expeditissimum, quæſo, adhibe nunc solu-
tionem.

M. Expeditissimam hujus Chronologicæ difficul-
tatis solutionem dant illi Scripturæ Sacre Inter-
pretes, qui docent, *Thare* anno ætatis suæ non
lxx. sed cxxx. genuisse filium suum *Abrahamum*,
idque luculentissime colligunt ex Scriptura Sacra,
quæ cap. 11. v. 32. Libri Genesim ait: *Et facti
sunt dies Thare ducentorum quinque annorum, &
mortuus est in Haran*. Capite vero sequenti, seu
duodecimo, v. 4. Subiit: *Septuaginta quinque
annorum erat Abram, cum egredieretur de Haran*.
Si ergo anno septuaginta quinque, quo natus
erat *Abrahamus*, quando ex *Harane* excessisset,
ut veniret in terram Chanaan, subtrahas et summa
annorum ccv. quos natus erat *Thare*, pater ipſius
quando in *Harane* mortuus est, manifestè patet
bit, *Abrahamum* natum esse anno ætatis Patris
sui non lxx. sed cxxx. Præterea, si *Abrahamus*
natus esset anno ætatis patris sui *Thare* lxx. jam
attigisset annum ætatis suæ 135. quando, mortuo
patre suo in *Harane*, iter in terram Chanaan
instituit, ac subinde *Isaac*, filius ejus, egisset
tunc temporis annum ætatis suæ 35. *Isaac* nam-
que natus est *Abrahamo* centenario: *Patriarchæ
centenario nascitur filius* Genesim cap. 17. Atqui ta-
men Scriptura Sacra cap. 7. Act. Apostolorum ap-
erte tradit, *Abrahamum*, quando exiit ex *Harane*,
& in Chanaanem regionem se contulit, non-
agga

genuisse filium suum *Isaacum*, dici igitur non potest, *Abrahamum* natum esse anno ætatis patris sui septuagesimo. Denique, *Abrahamus* senior erat decem tantum annis *Sara*, uxore sua, sicut testatur Scriptura Sacra loco mox a me laudato; *Putasne centenario nasceretur filius & Sara nonagenaria pariet?* Porro, *Sara* erat filia *Aranis*, fratris *Abrahami*. Si ergo *Abrahamus* natus esset anno ætatis patris sui *Thare* septuagesimo, essetque primogenitus fratris sui *Aranis*, debuisset *Aran* gignere anno ætatis suæ nono *Saram*, conjugem *Abrahami*, quod quidem, ut nemo non videt, consuetudo nature ordini, & experientia omnino adversatur. Probabilius itaque est, & Scripturæ Sacre magis consentaneum, non fuisse *Abrahamum*, filium patris sui *Thare* primogenitum, namque anno patris sui *Thare* septuagesimo, sed illum juniorem fuisse fratre suo *Aran*, & natum esse anno patris sui *Thare* centesimo trigésimo. Elambe autem est, seu valde infirmum argumentum, quo nonnulli Scriptores probare se posse putant, *Abrahamum* esse filium primogenitum *Thare*, eumque subinde natum esse anno ætatis Patris sui septuagesimo, quia Scriptura Sacra *Abrahamum* inter filios *Thare* primo loco nominat; hoc, inquam, argumentum nullius plane roboris est, cum non sit Scripturæ Sacre insolens, ut in liberis referendis dignitates potius, quam nature, si ve temporis, ordinem observet, quod in Patriarcha *Noemi* liberis factum fuisse superius ostendimus, & in *Tadæ* liberis revera actum esse, *Capitani*, & aliorum doctissimorum Scripturæ Sacre Interpretum, cum antiquorum, tum modernorum opinio est, asserentium, *Abrahamum* natum esse anno Patris sui non lxx. sed cxxx. Proindeque *Mosysem*, recensendo filios *Thare*, meminisse primo loco *Abrahami*, non tanquam primogeniti *Thare*, sed tanquam ejus filiorum præcipui, & communis Israelitarum parentis, in cujus semine Deus omnibus Gentibus bene precari, seu benedicere debebat, sicut ex his, quæ deinceps dicuntur sumus, liquido constabit.

D. Fuitne *Thare*, antequam & Chaldaea una cum filio suo *Abrahamo* discederet, Idolorum cultor? audiendi enim nuperime viros quosdam eruditos ea de re acriter inter se disputantes, & ea in utramque partem proferentes momenta, quæ animum meum adhuc accipiunt tenent.

M. Sunt quidam inter Hebræos Rabbini, qui mentem suam chymicis pascere soliti, & ajunt, *Thare* in cultu Idolorum tam perditè insensisse, ut filium suum *Abrahamum*, ab Idololatria penitus abhorrentem, apud *Nembrodum* accusaverit, ejusque iussu in ardentem fornacem conjectus sit, & ex ea divino auxilio liberatus, incolumis evaserit; *Aran* autem, fratrem *Abrahami*, in eadem fornace extinctum esse ajunt Rabbini, idque significari vultum his verbis Scripturæ Sacre: *Mortuus est Aran ante Thare, patrem suum, in terra nativitatibus sue in UR Chaldeorum*, Genes. cap. 11. v. 28. Nam per *UR Chaldeorum* intelligunt illi Rabbini *Ignem*, quem Chaldaei colebant tanquam Numen, & cujus flammis *Abrahami* frater *Aran*, fidelis quidem, sed du-

bitans, statim absumptus est. Hanc fabulam referunt quidam Hebræi, cum hoc tamen discernimus, quod aliqui inter illos dicant, *Abrahamum* fuisse a *Nembro* in fornacem ignis conjectum, indeque ope Dei liberatum, quia ignem, quem colebant Chaldaei, adorare noluit; alii vero asserunt, *Abrahamum* in ardentem fornacem ignis esse conjectum, quod Idola *Nembro* confregisset. Verum, hæc historiola somnia sapit delirio Rabbidorum, quibus ita seminare inter vigilandum plerumque contingit. Nam primo falsum est, *Abrahamum*, iussu *Nembro*, ut comminiscuntur Rabbini, fuisse in ignem conjectum, *Nembrodus* siquidem, qui juxta veterum cum SS. Patrum, tam prophetarum Scriptorum traditionem, quam in superiori nostro Colloquio Regis, idem est ac *Belus*, pater *Nini* Assyriorum Regis, imperavit in Chaldaea antequam *Abrahamus* nasceretur: *Abrahamus* enim anno 43. Regni *Nini*, filii *Beli*, seu *Nembro*, sicut, post *Eusebium* in Chronico, sentiunt Scriptores Historici, prodit in lucem. *Abrahamum* itaque iussu *Nembro*, in Chaldaea regnantis, in ignem fuisse conjectum, parum putumque figmentum est. Secundo *UR Chaldeorum* non significat ignem, quem colebant Chaldaei, sicut sibi falso persuaserunt istius fabule confarcinatores, sed indicat Urbem Chaldeorum dictam *UR*, ex qua exivit *Abrahamus*. Sic enim lxx. Interpretes *UR Chaldeorum* græce vertunt; *Regionem Chaldeorum*, & Josephus lib. 1. Antiquit. Jud. cap. 7. ait, *Aranem*, fratrem *Abrahami*, mortuum esse in Urbe, quæ *UR Chaldeorum* vocatur. Et sane, per *UR Chaldeorum* designari Urbem Chaldeorum, ex qua *Thare* eduxit filium suum *Abrahamum*, ut simul erant in terram *Chanaan*, manifestè colligitur ex cap. 11. v. 31. Lib. Genes. *Talis itaque Thare Abraham filium suum, & Loab, filium Aran, filium filii sui, & Sarai, uxorem suam, uxorem Abram filii sui, & eduxit eos de UR Chaldeorum uti vent in terram Chanaan &c.* Fieri tamen potuit, ut Urbs illa Chaldeorum, e qua exivit *Abrahamus*, dicta fuerit *UR Chaldeorum*, id est, Civitas Ignis, quia in ea præcipue colebatur Ignis, cui, cum supremo Numini, summos honores deferrebant Chaldaei, non locus ac in Ægypto Urbs quædam est *Heliopolis*, seu Civitas *Solis*, quod *Soli*, quem adorabant Ægyptii, esset potissimum consecrata. Vel etiam fieri potuit, ut hæc Chaldeorum Urbs dicta fuerit *UR*, seu Civitas *Ignis*, quia *Thare*, pater *Abrahami*, alique veri numinis cultores, qui in ea Civitate erant, & *Ignem*, Chaldeorum Idolum, adorare decreverant, gravissimis fuerint exagitati persecutionibus, quas interdum Scriptura Sacra per ignem designare solet: *Transivimus per ignem & aquam, & eduxisti nos in refrigerium*; & in eo sensu Sacre Auctor lib. 2. *Eidre* cap. 9. v. 7. ait: *Tu ipse Domine Deus, qui elegisti Abram, & eduxisti eum de igne Chaldeorum*. Rejeda itaque hæc fabula de *Thare*, patris *Abrahami*, Idololatria, censeo cum *S. Augustino*, lib. 16. *De Civitate Dei* cap. 12. quem sequuntur multi viri eruditi, *Tharem*, patrem *Abrahami*, Idolorum cultui non fuisse addictum, sed potius veri Numinis cultorem eximiumque

Una igitur, inquit Aquilinus ille Doctor, *Thara domus erat, de qua natus est Abraham, in qua unius veri Dei cultus Proinde, sicut per aquarum Diluvium una Domus non remanserat ad reparandum genus humanum; sic in Diluvio multarum superstitionum per universum Mundum una remanserat Domus Thara, in qua custodita est plantatio Civitatis Dei.*

D. Quo pacto intelligi debent hae promissiones, quas Deus (sicut legitur cap. 12. v. 1. Libri Geneseos) fecit Abrahamo, dum, ipfius iussu, exivit e Chaldaea ut veniret in terram Chanaan, ei dicens: *Egrede de terra tua, & de cognatione tua, & de Domu patris tui, & veni in terram, quam monstrabo tibi..... erisque benedictus!* In quo, quomodo, consistit divina illa benedictio promissa Abrahamo?

M. Deus multiplicem promissionem fecit Abrahamo in praemium ipsius obedientiae, qua patriam suam, ut divino obtemperaret Mandato, reliquit, & venit in terram Chanaan. Prima promissio fuit de donatione terrae Chanaaneae; Genes. cap. 12. v. 1. *Veni in terram, quam monstrabo tibi.* Altera promissio fuit de magna pollicitate; *Faciam te in gentem magnam*, Genes. cap. 12. v. 2. Et cap. 13. v. 16. *Faciamque Semem tuum sicut pulverem terrae: Si quis posset binarium numerare pulverem terrae, Semen quoque tuum numeraretur patris.* Similiter, cap. 15. vers. 5. Libri Genes. sic Deus affatur Abrahamum: *Suspice Caelum, & numera stellas, si potes, & dixit ei: Sic eris Semem tuum.* Quae divina pollicitatio eo maior erat, quod Abrahami uxor esset senilis. Tertia promissio est de benedictione, quam Deus daturus erat Abrahamo, quaeque fuit duplex, universalis una, particularis altera. Benedictio universalis sita erat in bonis cum animi, tum corporis, rerumque externarum, & in eo sensu ait Deus Abrahamis cap. 12. vers. 3. Libri Geneseos: *Magnificabo nomen tuum, & eris benedictus.* Et vers. 3. benedixim benedictionibus tibi, & maledicam maledictionibus tibi. Denique, particularis benedictio, quam promisit Deus Abrahamo, spectat Jesum Christum, servatorem nostrum, qui e femine, seu ex stirpe Abrahami erat oriundus. Hinc Deus cap. 12. v. 3. Lib. Geneseos dicit Abrahamo: *In te benedicuntur omnes cognationes terrae.* Et cap. 22. v. 18. ejusdem libri: *Benedicentur in femine tuo omnes gentes terrae.* Quid vero significet: *In femine tuo*, aperte declarat Apostolus Paulus Epistolae ad Galatas cap. 3. vers. 16. dicens: *Abraham dicitur fuisse promissionis, & summi ejus. Non dicit: Et feminibus, quasi in matris: Sed quasi in uno: Et femini tuo, quo est Christus.*

D. Legitur cap. 14. libri Genes. quod Chodorabamor, & Reges, qui erant cum eo, perculserint tempore Abrahami, omnem regionem Amalecitarum. Porro, constas, necum existisse tempore Abrahami Amalecitas; immo nec actum adhuc esse Amalecitarum, quia Amalechus (sicut legitur cap. 36. v. 12.) ab Esau descendit. Ibi enim sic habetur: *Erant autem Thamma, concubina Eliphaz, filii Esau, quae praeerit ei Amalech.* Concilia igitur, si placet, istam Antilogiam, quam parit tam gravis anachronismus.

M. Nullo negotio conciliari potest haec apparen-
titer contradictio, dicens: hoc per participationem

a Moyse scriptum esse, scilicet quod Chodorabamor, & ceteri reges, qui cum ipso erant, perculserint omnem regionem Amalecitarum, ita ut sensus sit, quod Chodorabamor, & alii Reges, qui cum eo erant, perculserint omnem illam regionem, quam Amalecitas, tempore, quo scribebat Moyses, jam occupabant. Moyses itaque, ut illa Regio, quam Chodorabamor, & alii Reges, tempore Abrahami devastarent, Hebraeis notior esset, illam appellavit regionem Amalecitarum, non quod Amalecitas tempore Abrahami tam incohererent (tum enim nondum erant Amalecites) sed quia tempore, quo scribebat Moyses, jam illius regionis Amalecites possessores erant. Ex sic plane evanescit proposita apparen-
tologia.

D. Quis est iste Melchisedechus, cui (sicut legitur cap. 14. v. 18. & 19. libri Geneseos) Abrahamus, postquam vicisset quatuor Reges, laetus pro victoria decimas dedit, & ab ipso benedictionem accepit?

M. Quis fuit iste Melchisedechus, non una est omnium sententia. Alii existimant, Melchisedechum esse Semem, filium Patriarchae Normi, & haec fuit sententia Hebraeorum, sicut testatur S. Hieronymus in Traditionibus Hebraicis. Alii putant, Melchisedechum esse supernam quandam virtutem majorem Christo, & ipsum esse Spiritum sanctum; & in crassum illum errorem impegerunt quidam Haeretici, dicti Melchisedechiani, quos sancti Patres confutaverunt, praefectum S. Hieronymus in Epistola ad Evagrium, & S. Epiphanius Haeresi lxx. Nonnulli videm est, Melchisedechum fuisse Angelum, qui se Abrahamo conspicuum exhibuit, & ita sensu Origenes. Alii, qui affirmant, Melchisedechum esse filium Dei, qui Abrahamo sese sub humana specie videndum praebuit. Postremo, alii opinati sunt, Melchisedechum fuisse quandam hominem iustum, probum, & Altissimi Sacerdotem, sed spurium eo quod neque ejus patris, neque ejus matris ulla in Sacris Litteris mentio fiat. Has de Melchisedech discrepantes sententias hic breviter resumam. Dein, quid de Melchisedech Catholicis sentiendum sit, paucis ostendam. In primis, Melchisedechum non fuisse Semem filium Patriarchae Normi, ex eo invite probatur, quod Melchisedechus ab Apostolo Paulo in Epistola ad Hebraeos dicitur sine patre, sine matre, sine genealogia; neque initium dierum, neque finem habens. Quod sane nullo pacto dici potest de Semo, filio Normi, cujus genus, parentes, natiuitas, aetas expressae ac diserte in Sacris Scripturis traduntur. Secundo, Melchisedechum non fuisse supernam quandam virtutem majorem Christo, & ipsum Spiritum sanctum, sicut effutiebant Haeretici Melchisedechiani, patet ex capite 14. libri Geneseos, ubi Melchisedechus appellatur Sacerdos, & Rex Salem; ex quo manifesta consecratione deducitur, Melchisedechum nec fuisse coelestem, quandam virtutem majorem Christo, nec Spiritum sanctum. Tertio, Melchisedechum non fuisse Angelum, humanae speciei Abrahamo apparentem, evincitur itidem ex eisdem verbis, quibus Melchisedechus

Jedechus in Sacris Literis *Rex Salem*, & *Sacerdos Altissimi* nuncupatur. *Omnis enim Pontifex*, inquit *Apostolus Paulus* in Epistola ad Hebræos, ex hominibus assumptus, pro hominibus constituitur in his, quæ sunt ad Deum. Igitur *Melchisedechus* fuit verus homo, & non Angelus, aliqui non potuissent esse *Sacerdos Altissimi*. Quarto, *Melchisedechus* non fuisse filium Dei, qui in carne assumptus Abrahamo apparuerit, liquet ex Psalmo 109. ubi de Christo Domino, vero Dei filio, dicitur: *Tu es Sacerdos in æternum, secundum Ordinem Melchisedech*. Porro, ille, qui secundum ordinem, morem & ritum *Melchisedechi* Sacerdos est, sane idem esse non potest cum *Melchisedech*, igitur *Melchisedechus* idem esse non potuit ac Christus Dominus, qui verus fuit filius Dei. Præterquam quod *Apostolus Paulus* in Epistola ad Hebræos cap. 7. ait: *Melchisedechum assumptum fuisse Filio Dei*. Nullam autem simile idem est cum illo, qui simile est. Quinto, a vero maxime defleunt illi, qui fatentur quidem, *Melchisedechum* fuisse hominem, & Dei Sacerdotem, sed pertendunt, illum fuisse spurium, eo potissimum nomine, quod de illius patre & matre alium sit in Sacris Literis silentium; a vero, inquam, hujusce sectæ patris maxime defleunt, quia dum *Melchisedechus* in Epistola *Pauli* ad Hebræos dicitur sine patre, sine matre, sine genealogia, neque initium dicitur, neque finem habere, hoc non est ita intelligendum, quod *Melchisedechus* revera patre & matre atque genealogia caruerit, sed quod ex Levitis originem non duxerit, & in hoc Christi Domini, qui non fuit Sacerdos secundum Ordinem Leviticum, typum gesserit. Sed præstat ancillare S. Hieronymum, qui in Epistola 126. ad Evagrium, iuxta ordinem veteris Editionis, hæc habet: *Melchisedechus dicitur absque patre & matre, non quod absque patre & matre fuerit, cum Christus quoque secundum veritatem naturam & patrem habuerit, & matrem; sed quod subito introducatur in Genesi occurrisse Abrahæ, a cædo hostium revertenti, & nec ante, nec postea ejus nomen invenitur adscriptum. Affirmat autem Apostolus, quod Aaronis Sacerdotium, id est populi judæorum (quod dicitur Leviticum) & principum habuerit & finem; Melchisedechi vero, id est, Christi, & Ecclesiæ Sacerdotium & in præteritum & in futurum æternum fuisse, nullumque habuerit Ausorem, hæc S. Hieronymus. Dicendum itaque est, juxta traditionem S. Hieronymi, aliorumque Sanctorum Patrum, *Melchisedechum* fuisse verum hominem, natione Chanaanæum, Regem Salem, id est, Urbis Hierusalem, qui Abrahamo, a cædo quatuor Regum revertenti, obviam ivit, victoriam ei gratulatus est, & in præteritum actionem obtulit Deo Sacrificium: Proferens panem & vinum, erat enim Sacerdos Dei altissimi, sicut legitur cap. 14. v. 18. libri Genesim. Conflans autem est ac perpetua omnium antiquiorum SS. Patrum, cum Græcorum, tum latinorum sententia, isto, quod *Melchisedechus* obtulit, Sacrificio, adumbatum, seu præfiguratum fuisse augustissimum Corporis, & Sanguinis Christi Domini Sacrificium in Eucharistie Sacramento,*

idque ex mox laudato libri Genesim cap. 14. evidenter colligitur. Ibi quippe tres actiones Sacerdotales *Melchisedechi* accurate notantur. Benedixit enim *Melchisedechus* Abrahamo: Decimas ab eo accepit, & Sacrificium protulit. Illa siquidem prolatio panis & vini vero Sacrificia fuit. Sacer enim Textus rationem reddens, cur *Melchisedechus* protulit panem & vinum? hanc duntaxat asserit: *Erat enim Sacerdos Dei altissimi*. Nec quomquam movere debet quod Lutherani & Calvinistæ, contra obrepentes, discent, in Textu Hebræo non esse hanc particulam causalem *Enim*, sed tantum particulam conjunctivam *Et*, vel autem, atque ideo in Versione lxx. Interpretum non legi: *Erat enim Sacerdos Dei altissimi*, quemadmodum habet nostra Vulgata Editio; sed legi: *Erat autem Sacerdos Dei altissimi*. Ex quo inferunt non reddi in Textu Hebræo rationem ejus, quod præcessit, sed duntaxat narrationem facti Historici continuari. Hæc, inquam, Hæreticorum Lutheranorum, & Calvinistarum fucilica obiectio neminem movere debet, cum passim apud Hebræos particula conjunctiva vim habeat particulæ causalis, sicut ex pluribus Scripturæ Sacre locis palam ostendunt Scripturæ Interpretes, linguæ Hebræicæ peritissimi (a). Unum tantummodo, ut brevitati consulam, producam Scripturæ Sacre locum vide licet cap. 20. lib. Geneleos, ubi vers. 3. hæc verba leguntur: *Venit autem Deus ad Abimelech per somnium nocte, & ait illi: Ex mortuis propter mulierem, quam tulisti, habes enim virum*. Sic legitur in nostra Vulgata. Sed in Textu Hebræo legitur: *Et ipsa habet virum*. Quæ particula conjunctiva, *Et*, habet eo loci, ut in confesso est apud omnes peritos Rabbinos, vim particulæ causalis.

(a) Cum particula *Van*, quæ hic est in Textu Hebræo, interdum in Scriptura pro causativa accipitur, ipso fatente inter Protestantes Budeo in Hist. Eccles. vet. testam. per. 1. sect. 3. & in vulgata eo sensu reddita sit per conjunctivam enim, atque SS. Patres in hac interpretationem fere omnes convenerint, uti P. Natalis Alexander in hist. eccl. vet. testam. ætate III. Dissert. 3. propof. 4. demonstrat, utra melior interpretatio nostra an Protestantium habenda sit, æqui rerum assilatores judicent.

D. Fuitne Abrahamus Sacerdos, sicut & *Melchisedech*?

M. Abrahamum fuisse Sacerdotem probat S. Thomas, Doctor Angelicus 3. Part. Quæst. 31. Art. 2. ex eo præcepto, quod Deus cap. xv. lib. Genesim vers. 9. jussit Abrahamo, ut Sacrificium ei offerret: *Et respondens Dominus: Sane, inquit, mihi vaccam triennem, & capram triennem, & arietem amorem triem, turemque quoque, & columbam* &c. Abrahamum etiam fuisse Sacerdotem colligitur ex canone Missæ, in quo Sacerdos Deum orat, ut gratum, acceptumque habeat Sacrificium Patriarchæ nostri Abrahami. Et sane maxime decebat, ut Abrahamus esset Sacerdos, cum esset pater credentium, primusque omnium mortalium, cui venturi Messie, seu Christi Domini, promissio facta est, cujus fide, & obedientia omnes gentes erant benedicendæ, & apud quem, tanquam totius

totius populi Hebræi parentem, veri Dei cultu atque ad Christi Domini adventum perpetuo viguit, atque ab illo fuit ad omnes ejus posteros propagatus.

D. *Saram* fuisse uxorem *Abrahami*, & filiam *Arani*, fratris *Abrahami*, superius insinuasti. Quo pacto igitur potuit *Abrahamus*, ingressus in Ægyptum, consulere *Sara*, uxori suæ, ut diceret Pharaoni, Ægyptiorum Regi, quod esset illius soror: *Die ergo, obsecro te, quod Soror mea sis*, Genes. cap. 12. vers. 13. & cap. 20. lib. Genes. vers. 2. idem *Abrahamus* dixit *Abimelecho*, Regi Getaræ, quod *Sara* esset sua Soror: *Dixitque de Sara uxore sua: Soror mea est*: Non potuit autem *Abrahamus* citra mendacium conjugem suam *Saram* appellare sororem suam, quæ revera non erat ipsius foror, sed dumtaxat ejus neptis, utpote filia *Arani*, fratris *Abrahami*. Hunc igitur, si placet, nodum dissolve.

M. Quamvis prima fronte videatur, *Abrahamum*, protulisse mendacium, dum Regi *Abimelecho* ait, *Saram* esse sororem suam, & tacuit eam esse conjugem suam, revera tamen non fuit mendacium, sicut S. *Augustinus* lib. contra mendacium, n. 23. alias c. 12. docet his verbis: *Non hoc est occultare veritatem, quod est proferre mendacium. Quamvis enim omnis, qui mentitur, velit celare quid verum est, non tamen omnis, qui vult quod verum est celare, mentitur. Plerumque enim vera, non mentiendo, occultamus, sed tacendo. Unde qui assensum, aliquando esse mentiumum, non convenienter commemorant, Abraham hoc fecisse de Sara, quam Sororem suam esse dixit. Non enim dixit: Non est uxor mea; sed dixit: Soror mea est; quod erat revera tam propinqua genere, ut Sororem mendaciter diceretur. Ea redditur, confirmatur, respondens illi, dicens: Et vero soror mea est de patre, non de matre, hoc e, de patrisque genere, non de materno. Aliquid ergo veri tacuit, non falsi aliquid dixit, quando tacuit uxorem, dixit Sororem. Non est ergo mendacium, cum silendo, absconditur verum, sed, cum loquendo, promittitur falsum. Potuit itaque *Abrahamus* citra mendacium appellare *Saram* sororem suam, cum esset filia fratris sui *Arani*, ac subinde ipsius Neptis. Sæpe enim in Sacris Literis nepotes dicuntur fratres, & nepotes appellantur sorores. Sic *Abraham* Genes. cap. 13. dicit nepoti suo *Lothi*: *Frater noster sumus*; Sic etiam *Laban* Genes. cap. 29. vers. 15. *Jacob* generum suum, fratrem itidem appellat, dicens, *Quoniam frater meus es; non serviet mihi gratis*, Quidni igitur *Abrahamus* potuit absque mendacio *Saram*, neptem suam, appellare, juxta morem Hebræorum, sororem suam?*

D. Obtinuitne *Abrahamus*, statim ac iussu Dei exivit e Chaldaea, dominium ac possessionem terræ Chanaan, quam in premium ejus obediuntæ Deus ipsi, & posteris illius promiserat?

M. Quando Deus promisit *Abrahamo* possessionem terræ Chanaan, præmonuit eum, quod ipsius nepotes hanc terram essent dumtaxat occupaturi post elapsos quadringentos annos: *Scito*, (inquit Deus *Abrahamo* Genes. cap. xv. vers. 13.)

*præfens quod peregrinum futurum sit Semeinum in terra non sua, & subjicient eos servituti, & affligent quadringentis annis. Tu autem ibis ad patres tuos in pace, sepultus in senectute bona. Generatione autem quarta revertentur hic. Abrahamus itaque Isaac, & Jacob per 215. annos peregrinati sunt in terra Chanaan ante descensum in Ægyptum. Israelitæ vero, seu nepotes Abrahami, peregrinati sunt, & servierunt in Ægypto per alios annos 215. Id aperte innuit Apostolus Paulus cap. 3. Epistolæ ad Galatas sic loquens: Abraham dicit sibi promissiones, & Semini ejus, non dicit & Seminibus, quasi in multis, sed quasi in uno, & Semini tuo, qui est Christus. Hoc autem dico Testamentum confirmationem a Deo, quæ post 430. annus facta est lex non irritam fecit ad evacuandas promissionem. Nam si ex Lege benedictus, jam non ex promissione. Abraham autem per repromissiones donavit Deus. Quibus ex verbis patet, initium 430. annorum sumi debere ab anno septuagesimo quinto *Abrahami*, quo ille Patriarcha a Deo vocatus est, & Divinam accepit promissionem possidendi terram Chanaan; finem vero illorum 430. annorum referendum esse ad tempus, quo lex a Deo lata est, & data Moysi. Porro Legem a Deo datam esse Moysi in monte Sinai, & tertio mense, ex quo Israelitæ in libertatem asserti exceperunt ex Ægypto, promulgatam fuisse, pervulgata est Sæctiorum Patrum, & Scripturæ Sacre Interpretum sententia. Non me lateat, quosdam esse Chronologicæ Sacre peritos, qui asserunt, Israelitas mansisse in servitute Ægyptiaca per 430. annos, idque se colligere putant ex cap. 12. v. 40. libri Exodus, ubi hæc habentur: *Habitatio filiorum Israel, quæ manserunt in Ægypto, fuit quadringentorum triginta annorum*. Idem legitur cap. 5. libri Judithe, & Actuum Apostolorum cap. 7. vers. 6. At, omnes ferme Sancti Patres, & Scripturæ Sacre Interpretes, docent, horumce 430. annorum exordium desumendum esse non ab ingressu Israelitarum in Ægyptum, sed a promissione, quam Deus fecit Abraham, de possidenda terra Chanaan anno illius Patriarchæ 75. Sic inter Sanctos Patres sensit S. Hieronymus Comment. in cap. 3. Epist. S. Pauli ad Galatas: *Computandi* (ait S. ille Doctor) isti anni 430. ab eo tempore, quo Deus locutus est ad Abraham dicens: *In Semine tuo benedicentur omnes gentes*. Hæc fuit etiam apud veteres Hebræos receptissima sententia, quam Josephus lib. 2. Antiquitatum Judaicarum cap. 5. exprimit his verbis: *Reliquerunt* (Israelitæ) *Ægyptum mense Xanthico, luna quarta decima, anno quadringentesimo trigesimo, postquam Abraham, pater noster in Chanaanem venit: et post Jacobi migrationem in Ægyptum, anno ducesimo quinto decimo*. Ad ea igitur citata Scripturæ Sacre loca, quæ innuere videntur peregrinationem Israelitarum in Ægypto fuisse quadringentorum triginta annorum, respondendum est, illud spatium 430. annorum peregrinationis Israelitarum non tantum comprehendere ducentos & quindecim annos, per quos Israelitæ peregrinati sunt in Ægypto, sed etiam alios ducentos & quatuordecim annos, per*

per

per quos *Abrahamus*, post acceptam anno ætatis suæ 75, a Deo promissionem de possessione terræ *Chanaan*, & filii ejus, *Isaacus*, & *Jacobus*, peregrinati sunt in terra *Chanaan*, donec tandem *Jacobus*, cum tota familia sua ingressus est in Ægyptum; ex ducentis autem & quindecim annis, per quos *Abrahamus*, post promissionem sibi a Deo factam, & filii ejus, *Isaacus*, & *Jacobus* peregrinati sunt in terra *Chanaan*, & ex aliis ducentis, & quindecim annis, per quos *Israelitis*, post ingressum *Jacobi* in Ægyptum, peregrinati sunt in Ægypto, coalescit summi 430. annorum, qui interfuxerunt a vocatione Patriarchæ Abrahami usque ad professionem *Israelitarum* ex Ægypto.

D. Et quorsum, amabo, Deus, per quadringentos & triginta annos passus est ut Amorrhæi & alii populi habitarent terram *Chanaan*, quam tamen possidendam promiserat Abrahamo, & semini ejus?

M. Hac longa annorum 430. dilatione, qua Deus patienter sustinuit Amorrhæos, aliosque populos, qui habitabant terram *Chanaan*, cujus tamen possessionem promiserat Abrahamo & semini ejus, hac, inquam, longa annorum dilatione, voluit Deus ostendere immensam suam erga peccatores misericordiam ac lenitatem. Nec enim peccata Amorrhæorum, aliorumque *Chananæ* terram incolentium visitavit Deus, statim ac illius terræ possessionem promississet Abrahamo & semini ejus, sed per 430. annos procrastinavit pœnas, quas jure commerebantur, donec tandem emenso illorum annorum spatio, exterminati ac profligati penitus fuerint; postquam videlicet implevisset mensuram peccatorum suorum. Hanc summam Dei erga peccatores clementiam egregie commendat Apostolus *Paulus* cap. 2. Epist. ad Romanos, dicens, *An dirivitas bonitatis ejus & patientia, & longanimitas contemnis? ignoras quoniam benignitas Dei ad penitentiam te adducit? secundum autem duritiam tuam & impenitentem cor, thesaurizas tibi iram in die ire, &c. & cap. 12. ver. 22. ejusdem Epistolæ: Quod si Deus volens ostendere iram, & notam facere potentiam suam, sustinuit in multa patientia vasa ire apta in interitum.* Ut igitur Deus suam erga peccatores summam clementiam ac misericordiam demonstraret, non statim concessit Abrahamo terræ *Chananæ* possessionem, quam ipsi ejusque semini promiserat: sed per quadringentos & triginta annos, a tempore illius promissionis factæ Abrahamo, passus est ut Amorrhæi, aliique populi, cultus veri Dei oscores, terram *Chanaan* habitarent; sic eis locum dantes agendæ penitentiae, quam tamen obstinatione & malitia occacati agere nunquam voluerunt, similes illis, qui, ut ait Scriptura sacra, dicunt Deo: *Recede a nobis, scientiam viarum tuarum nolimus.*

D. Si Deus erga Amorrhæos, aliosque populos, terræ *Chananæ* incolæ, infinitæ suæ misericordiæ præbuit argumentum, profecto non minus bonum ac indulgentem sese exhibuit erga Abrahamum; quem ob solam, quam habuit, fidem, justitiæ donum auctum donavit, eumque patrem multarum gentium constituit. Postquam enim Deus (sicut

legitur cap. xv. v. 5. libri *Genesis*) dixisset Abrahamo: *Suspice celum, & numera stellas, si potes, sic erit semen tuum: statim verſu sequenti* subdit Scriptura sacra: *Credidit Abrahamus Deo, & reputatum est illi ad justitiam.* Quibus verbis innuere videtur Scriptura sacra, *Abrahamum* per solam fidem fuisse justificatum. Quod sane fuit singulare beneficium soli Abrahamo concessum, cum doceat Catholica Ecclesia contra Lutheranos, Calvinistas, aliosque hujus futuris heterodoxos, neminem per solam fidem absque bonis operibus justificari posse.

M. Cum Calvinistæ & Lutherani, aliique nefarii Hæretici hoc prælaudato abutantur Scripturæ Sacre loco, ut suum de sola fide absque bonis operibus peccatorum justificante virulentum dogma stabilire possint, necesse est ut veram ac nativam illius loci explicationem proferamus. Et primo quidem hæc verba: *Credidit Abrahamus Deo, & reputatum est illi ad justitiam*, non significant (sicut volunt Hæretici) *Abrahamum* tunc primum accepisse a Deo justificationem, seu peccatorum suorum remissionem, quando credidit Deo promittenti ipsi semen; jam quippe antehac per fidem, & obedientiam, qua, relicta patria, seu Chaldæa, exiverat, ut veniret in terram alienam, idest *Chananæ* Deo placebat, ut patet ex cap. xi. Epist. *Pauli* ad Hebræos, ubi hæc leguntur: *Fide qui vocatur Abraham, obdormit in locum exire, quem accepturum erat in hereditatem, & exiit, nesciens quid iret. Fide demonstratus est in terra repromissionis, tanquam in aliena, in casulis habitando cum Isaac, & Jacob, coherentibus repromissioni ejusdem.* Jam igitur *Abrahamus* justitiae donum, seu remissionem peccatorum per fidem & obedientiam suam fuerat a Deo consecutus, antequam Deus illi promitteret semen. Quo fit, ut hæc Scripturæ verba: *Credidit Abrahamus Deo, & reputatum est illi ad justitiam*, significant dumtaxat, hanc fidem, qua *Abrahamus* Deo, semen ipsi promittenti, incunctanter credidit, illi valuisse ad incrementum, & nutrimentum justitiæ, quatenus erat opus Deo singulariter gratum. Apostolus quidem *Paulus* cap. 4. Epist. ad Hebræos, hæc Scripturæ verba: *Credidit Abrahamus Deo, & reputatum est illi ad justitiam*, accommodat primæ nostræ justificationi; inde tamen perperam inferunt Hæretici docere Apostolum, quod sola fides absque bonis operibus sufficiat ad justificationem. Vult enim dumtaxat Apostolus *Paulus* primo, justificationem nostram pendere ex fide in Christum meliorem, tanquam ex fundamento, radice, & initio renovationis, & reparationis nostræ in Christum, quia fides, ut docet Sanctus *Augustinus*, prima datur, per quam cetera ad justificationem impetrentur. Secundo idem Apostolus negat quidem *Abrahamum* fuisse justificatum, ex operibus, quæ vel ipsius fidem antecesserunt, vel ex ipsis solo libero arbitrio profecta sunt; & in eo sensu dicit jam citato loco: *Si Abraham ex operibus justificatus est, habet gloriam, sed non apud Deum.* At, Apostolus non negat *Abrahamum* fuisse justificatum ex operibus factis ex fide & divina gratia; immo, ejusmodi opera ad

justificationem esse necessaria diferte docet in eadem epistola ad Romanos cap. 2. ubi hæc habet: *Qui, seu Deus, reddes unicuique secundum opera ejus, iis quidem, qui secundum patientiam boni operis, gloriam, & bonorem, & incorruptionem querunt, vitam æternam: iis autem, qui sunt ex contumelia, & non acquiescunt veritati, credunt autem iniquitati, ira & indignatio.* Et versu 13. eundem capituli ait: *Non enim auditores Legis justis sunt apud Deum, sed factores Legis justificationis.*

D. Quid sibi vult Apostolus *Paulus*, dum in eodem cap. vers. 16. Epistolæ ad Romanos, ait, *Ideo ex fide, ut secundum gratiam firma sit promissio?* Loquiturne Apostolus ibi de promissione vocationis gentium ad fidem, justitiam, & salutem, quorum patrem Deus constituit *Abrahamum*, & quibus ex illius semine oritur, benedicere debet?

M. Hæretici nostri temporis, sibi, aliisque falso persuaderi tentant, promissionem illam, de qua eo loci sermonem habet Apostolus, esse promissionem remissionis peccatorum, seu specialis misericordiae divinæ fiduciam, qua quis hanc divinam promissionem de remissione peccatorum sibi applicans & firmiter credens, ac certissime confidens, sibi per Christum peccata esse remissa, consilium citra poenitentiam, citra illum bonorum operum exercitium consequitur plenissimam omnium peccatorum suorum condonationem. Sed in hoc Hæretici a vera, ac genuina Apostoli *Pauli* mente, non tantum toto, ut ajunt, ostio, sed totis aedibus aberrant. Loquitur enim Apostolus loco citato, non de promissione remissionis peccatorum, sed de promissione a Deo facta *Abrahamo*, quod multarum Gentium futurus esset pater; seu agit Apostolus de promissione vocationis gentium ad fidem, justitiam, & salutem; quæ quidem divina promissio firma, & rata esse haud poterat, si justificatio ex Lege *Moyfis*, seu ex operibus Legis Mosaicæ facta fuisset: tunc enim soli in toto orbe Judæi, fidem, justitiam, & salutem essent consecuti: Quocirca, ut promissio de vocatione gentium a Deo facta *Abrahamo* firma esset, atque gratuita, probat Apostolus, Deum non justificare homines ex operibus Legis Mosaicæ, neque ex operibus e naturæ penæ depromptis, sed ex fide Jesu Christi, quæ sola est vera, & gratuite justitiæ initium, radix, ac fundamentum, non Judæis modo, sed etiam gentibus. Certe Apostolus *Paulus* eo loci non de fictitia illa promissione remissionis peccatorum, sicut perpendunt Hæretici, agere, sed de promissione a Deo facta *Abrahamo* vocationis gentium ad fidem, & salutem, liquet ex ejusdem Apostoli verbis, quæ omnes dissipant tenebras, quas eis Hæretici offundere moliantur: sic enim ibidem loquitur Apostolus: *Non enim per Regem promissio Abraham, aut semini ejus, ut heres esset mundi: sed per justitiam fidei: si enim qui ex Lege heredes sunt, exinanitas est fides, abulsa est promissio.... Ideo ex fide, ut secundum gratiam firma sit promissio omni semini, non ei, qui ex Lege est solum, sed & ei, qui*

ex fide est Abraham, qui pater est omnium nostrum, sicut scriptum est, quia patrem multarum gentium posuisti, &c. Cæcus sit oportet, qui non videat, Apostolum *Paulum*, ibi loqui, non de promissione remissionis peccatorum, per solam fidem, seu certam fiduciam abique bonis operibus obtinendam (sicut oppugnant solent Hæretici) sed hunc Apostolum loqui dumtaxat de promissione a Deo facta *Abrahamo*, vocationis gentium, quæ nec ex solius liberi arbitrii viribus, nec ex operibus Legis Mosaicæ fieri debebat, sed ex pura & speciali misericordia Dei, seu ex fide in Jesum Christum, mediatorem, ac redemptorem omnium hominum, quæ fides initium est veræ, gratitæque justificationis, non Judæis tantum, sed & aliis gentibus, & nationibus, quæ in Christum salvatorem nostrum, sunt credituræ. Sed de his plura videbis in Dissertatione xvii. *Tractatus* (quem anno MDCCXXIV. Romæ secundis curis edidimus) *De vita, ministerio, & amnis Jesu Christi*. Ibi siquidem ostendimus primo, idem in Christum mediatorem fuisse omni ævo ad salutem necessariam. Secundo fidem in Christum mediatorem esse dispositionem necessariam ad justificationem, in eam tamen solam refundi haud debere justificationem nostram. Postremo, fidem, quæ dispositio est ad justificationem necessariam, non esse fiduciam de singulari Dei misericordia, qua libi quisque promissionis divinæ de remissione peccatorum applicat, sed esse assensum præstitum his omnibus, quæ a Deo sunt revelata.

D. Legimus c. 17. v. 10. lib. *Genesis*, Deum secus cum *Abrahamo* inisse his verbis: *Hoc est pactum meum, quod observabitis inter me, & seminem tuum postea: Circumcidetur ex vobis omne masculinum, & v. 12. Infans octo dierum circumcidetur in vobis, &c.* Quibus verbis palam innuere videtur Scriptura sacra, Circumcisionem fuisse institutam a Deo, eamque Judæos ab *Abrahamo* acceptam sedulo ad hæc usque tempora observasse. Et tamen audivi, nonnullos esse scriptores, qui asserunt, Circumcisionem non esse institutam a Deo, nec Judæos ab *Abrahamo* illam accepisse; sed potius Circumcisionem ex Ethnicorum, maxime *Ægyptiorum* superstitionis ritibus, ad Judæos fuisse derivatam. Ab hoc inani commento licet ipse vehementer abhorream, vellem tamen in præsentia præcipua scire momenta, quibus ab orthodoxis Theologis confutatur.

M. Duo præsertim scriptores, *Martianus*, videlicet, & *Spencerus*, rerum novarum cupidissimi, & suo ingenio plus æquo indulgentes, hoc insulsum, & a saculis inauditum commentum invexerunt, temere desitantes, circumcissionem, & alios ritus, qui in veteri, seu Mosaicæ Lege continentur, ex Ethnicorum superstitionibus ad Hebræos promanasse; scilicet *Circumcisionem* ex *Ægyptiorum*, *Æthiopum*, & *Colchorum* moribus: *Tabernaculum* ex profano *Molochi* cultu: *Arcem* ex Ethnicorum *Cistis*: *Cherubim* ex *Ægyptiacis* simulacris: *Templum Hierosolymitanum* ex ruditate gentium originem duxisse. Verum, ut missos hic faciam plures Hebræorum ritus, de quibus opportunius agam in Colloquiis nostris in histo-

historiam quarta Mundi ætatis, ubi de Lege Moisaica late differendi sese dabit occasio: de Circumcisione dumtaxat hic agam, paucisque ostendam, eam revera fuisse a Deo institutam: subindeque non ex Ethnorum superstitione ad Hebræos esse derivatam. Et primo quidem circumcissionem fuisse a Deo institutam patet ex c. 17. libri Geneseos, ubi Deus Abrahamo, & omnibus Hebræis, ex ipsius semine oriundis, circumcissionis præceptum imposuit, dicens: *Infans octo dierum circumcidetur in vobis, &c.* Secundo credibile non est, Deum voluisse ex Ethnorum superstitionibus, seu ex demonis officina, circumcissionis ritum, quo suum cum Abrahamo pactum firmavit, mutuari, ut eo deinceps ritu ab Hebræis coheretur, maxime cum Deus c. 12. lib. Deuteronomii, & cap. 17. lib. Levitici districte inhibeat Hebræis, ne imitentur, aut requirant cærenoniam Gentium, neve imitantur, aut adiciant quidquam præceptis, aut cærenoniam, quas ipsi per Moysen, eorum Legislatorem, dederat. Non inficior quidem, *Herodotum* lib. 2. cap. 104. & *Diodorum Siculum* lib. 1. Bibliothecæ cap. 107. testari *Colchos, Ægyptios, & Ethiopes* ab initio statim pendenda circumcidisse, & hunc circumcidendi morem ab Ægyptiis originem traxisse: id, inquam, non inficias eo, sed contendo, nullam his duobus scriptoribus prophani, in iis que de circumcissionis origine literis mandant, fidem adhibendam esse, primo quia multis sæculis Moysæ, auctore Pentateuchi, & primo omnium gentium Scriptore recentiores fuerunt: *Herodotus* namque floruit dumtaxat tempore *Darii Hystaspis, Xerxis, & Artaxerxis Longimani*, Persarum Regum. *Diodorus* vero *Siculus* ævo *Julii Cæsaris, & Augusti* Imperatoris, vixit. Quo fit, ut audiri minime debeant in his, quæ de circumcissionis origine, quæ anteverit tempora Moysæ, scripserunt. Præterea, hi duo auctores, sicut & alii Scriptores prophani, in historia & ritibus Judæorum non fuerunt versati, adeoque testes idonei esse haud possunt, perinde ac *Cornelius Tacitus*, *Historia Romanæ* Scriptor, cum esset in historia Judæorum omnino peregrinus, & hospes, sibi omnem fidem abrogat, narrans initio libri quinti prodigiosa de Judæis commenta. Ait quippe, *Judeos dici quasi Ideos ab Ida, Creta monte.* Eos *Hierophylmo*, ac *Juda Ducibus, in proximis terras exoneratos, solymos, carminibus Homeri celebratam gentem, condite urbi Hierophylma nomen e suo fecisse.* Fortuitum iter, *Ægypto effectos, incensisse, gregis aliorum sylvestrium ductum, & rupe nemore opaca Moysen longas aquarum vemas aperuisse, eos sex dierum iter mensos, septimo pulsus cultuibus obtinuisse terras, in quibus urbs, & templum dicata sunt: effugisse animalis, asini videlicet, quo monstrante, errorem, suumque depulerint, ab iis penetratis fuisse sacraam.* Sive ideo abstineret memoria cladis, quod ipsos scabies quondam turpaverit, cui id animal obnoxium: longam olim famem crebris adhuc jejuniis fateri: raptarum frugum argumentum, panem judæicum, nullo fermento detineri. Septimo die ritum placuisse, quia his finem laborem tulorit, dein, blandiente inertia, septimo quoque anno datum honorem eum, secretum alios, haberi

Saturno, cætera infirma sinistra, fada prævia valuisse. Hæc crassa commenta de Judæorum ritibus cum referat *Cornelius Tacitus*, quid mirum, si ipse, & alii Scriptores prophani, in historia, & ritibus Judæorum plane rudes, ausi sint scribere judæicos ritus non fuisse a Deo institutos: sed vel a Moysæ proprio Marte esse excogitados, sicut asserit *Cornelius Tacitus*, loco mox a me laudato, vel ab Ethnicis ad Judæos esse derivatos, sicut falso tradiderunt jam citati Scriptores prophani, *Herodotus, & Diodorus Siculus.* (a)

„(a) Ad illustrandam Auctoris nostri sententiam, quæ communis est omnium catholicorum, valet plurimum testimonium Artabanii vetustissimi historici, relictum nobis, in tanta scriptoris hujus dispersione, ab Eusebio lib. 14. præpar. Evang. cap. 17. *Æthiopes tamen hostes tam propenso in Moysen fuisse animo, ut ipsius quoque circumcissionis ritum ab eo acciperent; idque a sacerdotibus etiam omnibus (Ægyptiorum) præstium fuerit.* Ex Ægypto autem plures alias gentes id accepisse, vix ambigo. Insuper quo tempore Abrahamus a Deo circumcissionem accepit, nullas alias gentes ritum hunc servasse ex eo deduco, quod Deus illud velut signaculum Judæis indidit, quo cæteris aliis nationibus distinguerentur, id vero adeo persuasum fuit Hebræis, ut alias gentes nomine populi præputium habentis designare consueverint, ut ex multis Scripturæ testimoniis discimus. Vid. Genes. xxiv. 14. Jud. xv. 18. Ezech. xxxviii. 10. & alibi passim.

D. Vis igitur, circumcissionis ritum nunquam viguisse apud Ægyptios, Æthiopes, & Cholos, sed solum obtinuisse apud Judæos, qui circumcissionem a Patriarcha Abrahamo acceptam jugiter retinebant?

M. Non nego quidem Ægyptios, Æthiopes, & Cholos circumcissione fuisse usos, sed dico 1. circumcissionem non ab Ethnicis ad Hebræos fuisse derivatam, sed potius Ethnicis ab Hebræis circumcissionem fuisse mutuatos. At enim Ægyptii, alique Ethnici vicini populi circumcissionem, & quosdam alios Hebræorum ritus in Sacris suis retinebant, sive propter societatem, quam habuerunt cum Abrahamo, Josepho, & Moysæ, quos in summo pretio & honore habuerunt; sive etiam propter famam longe, lateque divulgatam Religionis Judæicæ, innumeri a Deo illustratæ prodigiis; sive denique propter Judæorum rituum splendorem, pompam, ac frequens Judæos inter & Ægyptios, aliosque populos Ethnicos commercium, præsertim, Regis Salomonis temporibus. Et sane, si *Ptolemæus Philadelphus*, Ægyptiorum Rex, statim ac notitiam habuit Legis Moisaicæ, jussit ut in præcui sermonem transferretur, & in sua Bibliotheca Alexandrina reponeretur; mirum certe videri haud debet, si Ægyptii, alique populi Ethnici, postquam circumcissionem, & quosdam alios Hebræorum ritus perspicuos, exploratque habuerunt, voluerint illos in Sacris suis usurpare, instigante præsertim Diabolo, qui cultum soli Deo debitum, affectat, sicque suos dementat cultu-

cultores, ut in illo, quem ei exhibent, cultu eadem, aut similes adhibeant caeremonias, quibus colitur Deus. Dico etiam secundo, Circumcisionem Judaicam in multis discrepasse a circumcisione, quam usurpabant Aegyptii; ex quo palam evincitur, circumcisionem non ab Ethnicis ad Hebraeos fuisse derivatam. Aegyptiis siquidem solemne erat non solum masculos, sed & foeminas circumcidere, sicut docet *Strabo* lib. 17. Hebraei vero masculos tantum ex Lege, & more circumcidebant. Præterea, Judæi die octavo a nativitate circumcidere solent ex præscripto Legis: Aegyptii autem appetente anno ætatis decimo quarto ut plurimum circumcidebantur, sicut refert *S. Ambrosius* lib. 2. *De Abrahamo* cap. 11. Tertio, apud Aegyptios soli Sacerdotes circumcidi solebant, teste *S. Epiphanius* hæresi 30. quæ est *Ebionitarum*: At, Judæis omnes ad unum masculos circumcidere præcipiebatur lex. Quarto ipsimet Sacerdotes Aegyptii dumtaxat inajoris puritatis ergo, & munditiei corporis gratia, teste *Herodoto*, circumcidebantur, sed Judæi religionis causa circumcidebantur, ut videlicet morem gererent Divinæ Legis præcepto, & ut ab aliis gentibus discernentur. Decebat quippe, ut populus Dei, seu Judaicus, e quo Christus Dominus, totius Sanctitatis Auctor, nasciturus erat, aliquo speciali signo distingueretur a cæteris populis, tum temporis in densissimis Idololatriæ tenebris erant immerisi, ac verum Deum ignorabant. Denique, Aegyptiis, aliisque gentibus circumcisio erat superflua caeremonia, qua parentum Ethnicorum infantuli debebantur: Dæmoni: Sed contra, Judæi suos infantes recens natos circumcidunt, ut illos in hac asfugiente vitæ aurora Deo, quem Supremum vitæ, & necis Dominum agnoscunt, consecrent. Hæc igitur, quæ hæcenus adduximus, discrimina aperte demonstrant, circumcisionem Judaicam non ex Ethnicorum superstitione originem habuisse, sed a Deo fuisse institutam, eam a Patriarcha *Abrahamo* acceptam observasse Judæos, illamque tandem transivisse in Legis Mosaicæ Sacramentum: ut legitur cap. 12. vers. 3. Libri *Leviticus*: *Die octavo circumcidetur infantulus*. Hinc Christus Dominus cap. 7. vers. 22. *Evang. S. Joannis* sic alloquitur Judæos: *Propterea Moyses dedit vobis circumcisionem (non quia ex Moysè est, sed ex patribus)* quibus verbis declarat Christus Dominus circumcisionem non a *Moyse* primum ortam esse, sed patres, seu Patriarchas, *Moyse* antiquiores, eam ab *Abrahamo* acceptam observasse. Sed de circumcisione plura, auxiliante Deo, dicemus in colloquiis nostris, in Historiam quartæ Mundi ætatis, ubi de Lege Mosaicæ sermonem instituemus.

D. Cum plenissime omnibus Dubiis, quæ hæcenus propoli, feceris fatis, non te diutius hic detinebo, sed cum bona tua venia ad ardes meas me recipiam, & postredie ad te redibo, ut de Gestis Patriarcharum secundæ Mundi ætatis, & de accurata in illorum computandis annis Chronographia, commodius in eo, quod habituri sumus, Colloquio differere valeamus.

De Gestis Patriarcharum secundæ Mundi ætatis, & accurata in illorum subdandis annis Chronologia.

MAGIST. S Tructuram Turris Babelicæ, confusionem linguarum, & hominum per totum orbem terrarum dispersionem fœdè Patriarcha *Phalego*, jam adulto, contigisse, in superiori Colloquio demonstravimus, ex quo colligere debes antiquissimorum Imperiorum, qualia sunt Aegyptiorum, Assyriorum, seu Chaldeorum, & Serum, seu Sinensium, initia non altius esse arcescenda quam ab anno ætatis Patriarchæ *Phalegi* nonagesimo secundo, qui concurret cum anno a creatione Mundi 1848. & cum anno 192. a tempore Diluvii. Ab hoc, inquam, anno putari debet seties Regum Aegyptiorum, Assyriorum, seu Chaldeorum, & Sinensium, quorum ingentem sed fabulosum catalogum, prophæti & alii Scriptores contextuerunt, ut hac commentitia antiquitate gratificarentur genti suæ, Reges quamplurimos e suo fingentes cerebro, qui nunquam in rerum natura extiterunt. Hinc etiam manifestum est, Sicyoniorum, & Argivorum Reges, qui ante *Oegygi*, & *Deucalionis* Diluvia vixisse perhibentur, omnino fabulosos esse, quia, ut ostendimus in Colloquio tertio in Historiam primæ Mundi ætatis, Diluvia *Oegygi*, & *Deucalionis* nec re, nec tempore differunt a Diluvio universali, quod sub Patriarcha Noëmo accidisse Sacræ Literæ narrant. Asserere autem ante Diluvium universale, seu Noeticum, condita fuisse Imperia & Regna, jamque vixisse Reges, qui conditorum Imperiorum, ac Regnorum clavum gubernarent, fingentium est poetarum, aut quarundam nationum, quæ, ut primordia sua augustiora redderent, putanda protulerunt mendacia, & Regum suorum catalogos auxerunt nominibus, & personis illorum Heroum, qui ante Diluvium vixerunt, & quorum fama diu celebris etiam fuit post Diluvium. Id autem multis, atque invidiis momentis hic demonstrare possem, nisi timerem, ne jussu diceres, me æsum agere, cum ista provincia jam peregre defunctus sit Illustrissimus *Daniel Huetius*, Episcopus Abrincensis, in aureo illo Opere, cui hunc titulum dedit: *Demonstratio Evangelica*.

D. Aegyptiorum, Assyriorum, seu Chaldeorum, & Sinensium Imperia suam dumtaxat originem habuisse a dispersione Gentium, quæ sub Patriarcha *Phalego* facta est, jam probe intellexi ex his, quæ in nostris Superioribus Colloquiis post *Davidem Huetium*, & *Samaelem Bochartum* observavi, subindeque fabulis jure optimo accenseri debere autumno quæcumque de Dynastiis suorum Regum, & Imperiorum suorum origine, & antiquitate excoGITantur Aegyptii, Assyrii, seu Chaldei, & Sinenses. Explodis itaque fabulosos illos antiquitatis, in quas inquirere velle, nihil aliud esset, quam oleum, & operam perdere, & bonas horas male collocare; præstat, ut in presenti nostro Colloquio agamus dumtaxat de Gestis Patriarcharum

earum secundæ Mundi ætatis, & de accurata in illorum putandis annis Chronologia.

M. Cum inter Patriarchas secundæ Mundi ætatis emineat *Abrahamus*, cujus præclara Gesta late profequitur Scriptura Sacra, hic in refertendis rebus, quæ hunc Patriarcham spectant, & a Sacris Literis prodite sunt, unice heretibus, de aliorum vero secundæ Mundi ætatis Patriarcharum, qui præcesserunt *Abrahamum*, Gesti, cum silent omnino Scriptura Sacra, nos quoque, ne ariolari, aut e fabulosis traditionibus quidpiam explicari videamur, lubentissime prætermittimus. *Abrahamus* itaque, quem Deus specialiter elegerat, ut esset pater credentium, natus est in UR Chaldaeorum, seu in Chaldaea, Mesopotamiz finitima, quæ etiam Mesopotamia dicitur, utpote Mesopotamiz Provincia. Vocatus a Deo, patriam suam æstuum reliquit, & una cum parte suo *Thare* habitatum venit in Haran, seu Charan, in Chaldaea; mortuoque ibidem patre suo, eductus est a Deo de terra & cognatione sua, trajecto fluvio Euphrate, deductus est in terram *Chanaan*, quam Deus ei & posteris ejus datorum se promiserat. Uxorem duxit *Abrahamus Saram*, cumque ambo essent ætate provecti, sic Deus *Abrahamum* est allocutus, *Suscipe celum, & numera stellas, si potes: & dixit ei, sic erit semen tuum. Credidit Abraham Deo, & reputatum est illi ad iustitiam. Genes. cap. 15. v. 5.* Postea Deus huic Patriarchæ, ejusque uxori nomen movavit, & qui prius *Abraham* appellabatur, deinceps *Abraham* vocatus est, & ejus uxor, quæ antea *Surai* dicebatur, cœpit nuncupari *Sara*. Contigit autem hæc nominis immutatio, quando *Abrahamus* accepit a Deo signum circumcisionis, signaculum iustitiæ fidei. Ex *Sara*, conjuge sua, filium suscepit *Abrahamus*; quem vocavit *Isaacum*: & ut inquit Scriptura Sacra, *circumcidit eum octavo die, sicut ei præceperat Deus*. Fidem Abrahami pluribus tentationibus seu experimentis probavit, totoque orbe illustrem reddidit Deus, sed præsertim dum ei præcepit, ut carissimum filium suum *Isaacum* immolaret, eumque Domino in holocaustum offerret. Huic divino præcepto confestim obtemperavit *Abrahamus*. Assumpsit filium suum *Isaacum*, eumque, nihil minus cogitantem, & infamia matre *Sara*, secum duxit. Jam ambo pervenerant ad montem, quem *Abrahamus* monstraverat Deus, qui dicitur esse *mons Moria*. Jam *Isaacus* humeris suis holocausti signa in hunc montem portaverat, cumque ipsum altari supra lignorum struem imposuisset pater, in eum stricto gladio manum extendebat, eratque ipsum reapse immolaturus, nisi Angelus de celo missus obstitisset, dicens ei: *Non extendas manum tuam super puerum, neque facias illi quidquam, nunc cognovi quod timeas Deum, & non pepercisti unigenito filio tuo propter me. Levavit Abraham oculos suos, viditque post tergum arietem inter vepres herentem cornibus, quem assumens obtulit holocaustum pro filio. Genes. cap. 22. v. 12. & 13.* Hoc suæ fidei, suique erga Deum ardentissimi amoris illustre exemplum præbuit *Abrahamus*, eoque palam demonstravit, se soli Deo, ut summo bono adherere,

Hist. Vet. Test. Tom. I.

cætera vero ab eo non diligi, nisi propter Deum, in quo totius spei ac fiducie fux sacram, ut ajunt, anchoram collocabat. Quo factum est, ut in præmium suæ obedientiæ, celebre illud promissum, quod jam acceperat a Deo, rursus audire meruerit, his verbis *Genesios cap. 22. v. 18. Benedicetur in semine tuo, id est, Christo, omnes gentes terræ, quia obedisti voci meæ.*

D. Gravem fateor fuisse hanc tentationem, qua Deus ad explorandum, probandamque Abrahami fidem & obedientiam, iussit ei, ut unigenitum filium suum, quem in effusa ætate divinitus susceperat, immolaret, sed recense, quæ, alias tentationes, quibus, ut mox dicebas, Deus fidem Abrahami probare, totoque orbe illustrem teddere voluit.

M. Decem tentationibus *Abrahamum* fuisse tentatum, docent Hebræi, quas singulas ordine hunc in modum recenset *R. Moses Maimonides*: Omnes, inquit ille Rabbini, tentationes, quas *Abrahamus* sustinuit, Scriptura recenset. 1. *Est peregrinitas, cum Deus ait, Genes. cap. 12. vers. 1. Egredere de terra tua.* 2. *Fames, quæ grassata est in terra Chanaan, cum eo venisset Abrahamus, & a Deo accepisset hujus terræ promissionem, Genes. cap. 12. v. 2. Faciam te in gentem magnam, atque hæc ingens eras tentatio.* 3. *Raptus, quo Ægyptii ei, seu Abrahamo, uxorem Saram, abduxerunt.* 4. *Bellum, quod gessit cum quatuor Regibus.* 5. *Cum extraneam uxorem duxit, postquam spem prolis ex Sara suscipienda abiecit.* 6. *Cum circumciso ei jam provectæ ætatis fuit a Deo imperata.* 7. *Quando Rex Gerara uxorem itidem Saram ei rapuit, Genes. c. 20. v. 2.* 8. *Offense: Quando iussu Dei Agarem, ex qua prolem susceperat, eiecit.* 9. *Dum Isaacem expulit, Genes. cap. 21. v. 12.* 10. *Decimum & ultimum tentationem passus est Abrahamus, quando Deus præceptum ei imposuit, mandandi, & immolandi filium suum unigenitum Isaacum, quem ex Sara conjuge sua, susceperat.* His decem tentationibus a Deo probatus *Abrahamus*, eximia cum fidei & obedientiæ suæ tum in tolerandis adversis semper sibi constantis æquanimittatis præbuit argumenta.

D. Eccc, quæso, Deus tot tentationibus, *Abrahamum*, virum, quem noverat, justum, probare voluit?

M. Singularem Dei in tentandis hominibus, præsertim iustis, bonitatem commendaturus Apostolus *Paulus* primæ Epist. ad Corinth. cap. 10. v. 13. hæc habet: *Tentatio vos non apprehendet nisi humana, fidelis autem Deus est, qui non patietur vos tentari supra id quod potestis, sed faciet etiam cum tentatione proventum, ut possitis sustinere.* Hæc igitur piorum hominum fors est, ut his varia tentamenta Deus decernat, eos rebus asperis exercent, adversisque fortune casibus interdum jactari permittat; vires tamen illorum arcanis & ineffabilibus auxiliis augendo, quibus contra inopinatos ingruentes casus, nihil veriti, impetus illorum fortiter excipiant, & æquissimo animo ferre queant. Qui tandem in pietatis studio robustiores ac vegetiores facti, fidei, & in Deum amoris documenta præbentes, velut in totius orbis

G

theatrum producantur, ut & alij habeant, quod imitentur. Hic est electorum triumphus, qui in afflictionibus praesidio Dei sunt invicti, inimo incredibili letitia perfunduntur. Sicut enim in humana militia vices rerum sunt, & labores otio, dura jucundis recreantur, post diros in praeliis confictus celebrantur epinicia: ita & Deus Opt. Max. probat tribulationibus militum suorum, seu electorum fortitudinem, & rursus solatio quodam invitat ad gratulationem & gratiarum actionem, quemadmodum ait Apostolus: *Superabundo gaudio in omni tribulatione mea*. Hoc paulo probavit Deus *Abrahamum*, *Jobum*, *Tobiam*, & alios viros justos, qui in rebus adversis sese totos divinae providentiae arbitrio permittentes, aequam mentem fervabant; si quid vero prosperitatis ipsis affligeret, id totum gratis animis adscriberent bonitati, munificentiaeque divinae, ita ut nec saviente fortuna deponderent animum, nec rebus prosperioribus inolefcerent.

D. Quanam ex his decem tentationibus, quibus Deus hunc & obedientiam Abrahami probavit, fuit huic Patriarchae gravior atque molestior?

M. Non est dubium, quin decima tentatio, qua Deus *Abrahami* fidem & obedientiam probare volens, ei praecepit, ut mactaret dilectissimum filium suum unigenitum *Isaacum*, fuerit ceterarum tentationum longe gravissima, & *Abrahami* constantia, quam in hac sustinenda tentatione exhibuit, extiterit omnium omnino operum, quae unquam edidit ille Patriarcha, praestantissimum. Et sane, si rem exacte, ut par est, expendamus, excellentissimum Abrahami obsequium hac tentatione adeo gravi, adeo ardua probatum esse deprehendemus, ut ceterae aliae tentationes, quibus Deus, tanquam aurum in fornace, *Abrahami* Fidem & obedientiam probare voluit, cum ista decima tentatione ne in computum venire queant. Ar enim, quamvis *Abrahamus* tunc quoque, cum dulce patriae solum, proprioque relinqueret lares, & peregre variis adversitatibus urgeretur, Fidei suae, & amoris divini, quo successus erat, complura prodiderit documenta baud vulgaria, tanto tamen hac prompta voluntas, quam habuit, mactandi dilectissimum filium suum *Isaacum*, reliquis omnibus tentationibus magis superat, quanto magis hac tentatio est singularis, quippe cujus similes, qua unus homo nominatim a Deo tentatus legitur, ab orbe condito reperire non est, & quo pluribus, istique gravioribus circumstantiis, sed maxime paternae inclinationis, qua *Abraham* tenebatur in filium suum unigenitum & innocentem *Isaacum*, repugnabat divinum istud de mactando, seu immolando *Isaaco* Mandatum, cui tamen *Abrahamus*, nihil querens, nihil obmurmurans, nihil cunctatus, sed viva fide animatus, & incredibili animi fortitudine roboratus, morem gessit.

D. Habuistine hac *Isaaci* mactatio, quam Deus *Abrahamo* imperavit, aliquam mysticam significationem?

M. Hac *Isaaci* immolatio, a Deo Patriarchae *Abrahamo* imperata, adumbrabat, seu typice praefigurabat futurum Sacrificium, quod Jesus Christus aeterno suo Patri in ara Crucis pro salute omnium hominum erat oblatus, totum pretiosum sanguinem fundens. Quemadmodum enim, *Isaacus*, a Patre suo *Abrahamo* cruento Sacrificio destinatus, & ad mortem ductus est; ita & Pater aeternus Iesu Christo proprio filio suo non pepercit, sed pro nobis omnibus tradidit illum, uti scribit Apostolus *Paulus* in Epistola ad Romanos. Insuper, *Isaacus* ligna, quibus imponendus & immolandus erat, in montem portavit: similiter Jesus Christus Crucem, cui suffigendus erat, in montem humeris suis gestavit. Sed & Aries ipse, quem *Abrahamus* in locum filii sui *Isaaci* immolavit, typum pariter gessit Iesu Christi. Cornibus quippe haecebat in vepre Aries *Abrahami*; Jesus vero spinis coronatus est, totaque vitae suae tempore summas difficultates & angustias toleravit. *Abrahamus* post tergum suum conspexit Arietem, quem immolavit; sed & Jesus, post multos annos de se oriturum, & in Cruce nascaturum iri, praevидit *Abrahamus*, idque huculenter significat Jesus Christus, dicens Judaeis: *Abraham, Pater vester, exultavit, ut videret diem meum: Vidit & gavisus est*. Deo sacrificavit *Abrahamus* Arietem, quem suscitavit in locum *Isaaci*, filii sui: Similiter, passus est quoque Deus, ut pro hominibus, a se procreatis, sibi Jesus Christus mactaretur. Arietem *Abrahamus* Deo sacrificavit in monte *Moria*: Jesus Christus in crucem actus est in monte *Golgotha*. Uterque autem mors (seu *Moria*, & *Golgotha*) est Hierosolymitanus. Quin, opinantur Judaei, in monte *Golgotha*, in quo mortem tulit Christus Dominus, Arietem *Abrahami* fuisse item immolatum, idemque, post sanctum Hieronymum, sentire se profitemur *S. Augustinus* Serm. 71. De Tempore, ubi haec habet: *Audite Sacramentum, Fratres carissimi, Hieronymus Presbyter scripsit, se ab antiquis & Senioribus Judaeis certissime cognovisse, quod ibi immolatus sit Isaacus, ubi postea Christus crucifixus est*. Nolim tamen, ut candide fatear, pro traditionis illius Judaicae defensione vadimonium suscipere. Quapropter, licet ipse *Isaacum* in alterutrum montem, vel *Moriam*, vel *Golgotham*, ductum esse a parente ut necaretur, a nemine negari posse censcam, illum tamen montem, silente praetertim Scriptura Sacra, determinare non audeo, neque tuo in sensu abundare permitto. Non hic etiam immorabor in resellendo impio errore *Mahometis*, qui in Alcorano asserere audet, non *Isaacum*, sed *Ismaelem*, quem *Abrahamus*, ex Agara suscepit, fuisse haredem promissionum, quas Deus fecit *Abrahamo*, eumque non solum aequat, sed praestat *Isaaco*. Quo vel uno solo gravissimo errore insignis ille impostor dissipat ac convellit divinam totius Veteris Testamenti revelationem. Hoc igitur repudiato errore, quem retulisse, abunde constat esse, addam hic dumtaxat egregium testimonium *S. Joannis Chrysostomi*, qui Homilia 48. in Genesim eximiam *Abrahami*, omnem asse-

Equum

nam paternum superantis, &c., ut ita dicam, proculcantis, fortitudinem, & singularem *Isaaci* mansuetudinem considerans, in hæc verba erumpit: *Q. religiosum animum, o fortem mentem, o ingens animi robur, omnem humanæ naturæ affectum vincens. Urnam admiror & obstupescam iustus, fortissime spiritum Patriarchæ, an tam constantem pueri obedientiam! quod neque reluctans est, neque factum egre tulit, sed cecit, & obtemperavisti, quæ a patre fiebant, & sicut agnus cum silentio super altari decubuit, expectans patris dextram.*

D. Admiror quidem obedientiam *Abrahami*, sed obedientiam *Isaaci* longe ei præferendam esse arbitror. *Abrahamus* quippe ita obedit Deo præcipiti immolationem filii *Isaaci*, ut tamen vel per *Fidem*, vel per specialem revelationem certo cognosceret, Deum, qui promiserat ei *Semen* ex *Isaaco*, non permisit unquam ut immolaretur, verbum namque Divinum sciebat irritum esse non posse. Hinc *Apostolus* in *Epist.* ad *Hebræos* cap. 11. v. 17. & seqq. ait: *Fide obtulit Abraham Isaac ad quem dictum est: Quia in Isaac vocabitur tibi Semen, arbitrans, quia & a mortuis suscitare potens est Deus.* Hinc etiam *Abrahamus*, montem ascensurus in quo filium suum immolare debebat, his verbis servos suos allocutus est: *Expectate hic cum asino; ego, & puer illic usque properantes, postquam adoraverimus, revertetur ad vos, Genes. cap. 22. v. 5.* quæ verba: *Revertetur ad vos*, aperte innunt, *Abrahamum* pro comperto habuisse, quod *Isaacus* reapse non mactaretur, sed potius fopes & incolumis e monte ad proprios lares reverteretur; alioqui hæc Patriarchæ verba excusari haud posset a mendacio, quod certe in tam eximium virum, & a Deo impense laudatum, cadere minime potest. Posita autem semel hæc certa notitia, quam habuit *Abrahamus* de non immolando filio suo, obedientia illius Patriarchæ haud parum minuitur, aut saltem longe inferior videtur ea obedientia, quam exhibuit *Isaacus*, qui statim ac audivit a Patre suo *Abrahamo*, se esse victimam Sacrificio destinatum, in tam lucroso, horribico, & insperato nuntio omnem vitæ suæ conservandæ spem perdidit, & tamen dicto audiens, & e nutu patris unice pendens, depositum vestimentum, procubuit in gentia, manus obrulit ad vincula, corpus ad eadem, lætus ascendit ad flumen lignorum rogo paratum, patri ultimum vale dixit lacrymis perfusus, animam Deo commendavit, jumque everso gladio jugulum præbuit. Hanc igitur *Isaaci* obedientiam dum ipse attento animo considero, eam perfectiorem fuisse obedientia *Abrahami* pronunciate nullus dubito.

M. Hæc perfecta fuit obedientia *Abrahami* ac obedientia *Isaaci*. Quamvis enim tanta esset *Abrahami* fides, sicut ait *Apostolus Paulus* loco mox a te laudato, ut non dubitaverit, filium suum *Isaacum*, a se immolatum, posse a Deo ad vitam denuo excitari, nunquam tamen ille Patriarcha sive per fidem, sive per specialem revelationem cognovit, quod Deus impediturus esset,

ne immolatio *Isaaci* executioni mandaretur. Nec contrarium innunt hæc verba *Abrahami*, dicentis servis suis: *Expectate hic cum asino postquam adoraverimus, revertetur ad vos*; hæc, inquam, *Abrahami* verba non innunt, *Abrahamum* certo cognovisse, fore ut Deus impeditur, ne immolaretur *Isaacus*, seque subinde reducturum e monte salvum & incolumem filium suum *Isaacum*, sed hæc *Abrahami* verba, alia sensa habent, quæ juxta varias doctissimorum Interpretum explicationes, hic breviter subjiciemus. In primis, sunt quidam Interpretes, qui, post *Menochium*, docent, *Abrahamum*, licet haberet animum vere immolandi in monte filium *Isaacum*, non tamen nientium esse, quando dixit servis suis: *Expectate postquam adoraverimus, revertetur ad vos*, quia *Abrahamus* dicendo: *Revertetur*, vel de se solo loquitur numero plurali, more *Hebræorum*, vel credidit *Abrahamum*, filium a se immolatum, e mortuis a Deo excitatum iri. Alii Interpretes dicunt, *Abrahamum*, dum dixit servis suis: *Expectate ... postquam adoraverimus, revertetur ad vos*, non esse mentitum, sed prophetasse, quia dixit verum, quod tunc ignorabat. Alii volunt in his *Abrahami* verbis: *Expectate postquam adoraverimus, revertetur ad vos*, subintelligendam esse hanc conditionem: *Si Deus velis*, non secus ac dum *Deus* cap. 20. v. 3. lib. *Genes. Regi Abimelecho*, qui *Saram*, uxorem *Abrahamæ*, susulerat, mortem comminatus est, dicens: *En morieris propter mulierem, quam tulisti*, non comminatus est *Deus Abimelecho* mortem tanquam absolute futuram, sed sub hac tacita conditione: *Si mulieris reddere*. Quam conditionem *Deus* eodem in cap. v. 7. exprimit, dicens iterum *Regi Abimelecho*: *Nunc ergo redde viro suo uxorem si autem nolueris reddere, scito, quod morte morieris tu, &c.* Non desunt etiam quidam Interpretes, qui asserunt, *Abrahamum*, attento solo ordine causarum secundarum, potuisse, citra mendacium, dicere servis suis: *Expectate ... postquam adoraverimus, revertetur ad vos*, quia iniqui illi Interpretes, quos inter censetur noster *Cajetanus*, mors *Isaaci* futura non erat, secundum ordinem causarum secundarum, sed tamen secundum ordinem & dispositionem causæ superioris, seu divinæ voluntatis. Quo fit, ut *Abrahamus*, attento dumtaxat ordine causarum secundarum, juxta quem mors *Isaaci* accidere non debebat, potuerit vere & absque mendacio dicere servis suis: *Expectate postquam adoraverimus, revertetur ad vos*: Non secus ac mentitus non est *Propheta Isaias*, quando missus a Deo ad *Ezechiam*, Regem *Juda*, in lecto decubentem, dixit ei: *Morieris, & non vires*. Nec etiam mentitus est *Propheta Jonas*, quando missus itidem a Deo ad *Ninivitas*, dixit eis, *Adhuc quadraginta dies, & Ninive subvertetur*. Non sunt, inquam, mentiti ambo illi *Propheta*, licet neurum horum, quæ prædixerunt, evenirit, quia id tantum prædixerunt, quod juxta ordinarium rerum, seu causarum secundarum cursum futurum erat. *Ezechias* quippe, *Rex Juda*, juxta ordinem

causarum secundarum moriturus erat, lethali namque morbo decumbebat. Niniivitæ etiam juxta solitam divinæ justitiæ ordinem, ultimam ruinam propediem experturi erant. His interpretationibus, quas hæcenus adduximus, a mendacio tam pie, quam vere excusari debet Abrahamus, dum dixit servis suis: *Exspectate postquam adoraverimus, revertemur ad vos*. Quamvis ipse verum, fixum, ac constitutum haberet propositum immolandi filium suum Isaacum, eumque in monte Deo in sacrificium offerendi. Jure itaque optimo omnium Scripturæ Sacræ interpretum censura vapular noster *Melchior Canus*, vir aliqui doctissimus, quod cap. 4. lib. 2. *de locis Theologicis* dicat, mentitum esse Abrahamum, dum *contra mentem, dissimulandi gratia locutus*, sunt verba *Melchioris Cani*, ait servis suis: *Exspectate postquam adoraverimus, revertemur ad vos*.

D. Inter tentationes, quibus Deus fidem & obedientiam Abrahami probare voluit, percussuisti bellum quod *Abrahamus* cum quatuor Regibus gessit, at nunc scire vellem, cur *Abrahamus* hocce bellum suscepit?

M. Hoc bellum cum quatuor Regibus eo potissimum fine suscepit Abrahamus, ut in libertatem assereret nepotem suum *Lothum*, quem quatuor Reges, fortunis omnibus exutum, in captivitatem una cum ipsius familia abduxerant. Narrat enim Scriptura Sacra cap. xiv. lib. *Geneseos*, *Cordolabomorum*, Regem *Elamitarum*, tribus aliis sociatum Regibus, bellum iniisse contra quinque Reges, videlicet Regem *Sodomorum*, Regem *Gomorrhæ*, Regem *Seboim*, Regem *Segor*, & Regem *Adamæ*, tamque feliciter martis aleam cessisse Regi *Cordolabomoro*, aliique tribus Regibus, qui cum illo erant fœderati, ut devictis quinque illis Regibus, & direptis vastisque oppidis, non solum omnia illorum, sed & *Lothi*, qui erat Abrahami nepos, quique habitabat in Sodomis bona, suam in potestatem redeerint: *Tulerunt*, inquit Scriptura Sacra, *omnem substantiam Sodomorum, & Gomorrhæorum* . . . *Nec non & Loth, & substantiam ejus, filium fratris Abram, qui habitabat in Sodomis*. Hæc cum introiissent Abrahamo, non impune ferenda esse duxit, sed continuo armatis ex familia sua 318. vernaculis, virescentes quatuor Reges insequutus est, illoque per intempestam noctem ex improvviso aggressus, vicit, fudit, compulsi in fugam, ex eorum manibus optima, quam tulerant, excussa præda, salva omnia, cum *Lotho*, nepote suo, totaque ejus familia recuperavit.

D. Elne hic *Lothus*, Abrahami nepos, idem ac ille *Lothus*, quem Deus ministerio Angelorum eripuit ex incendio Sodomorum, quos, propter execranda flagitia, & infamem, præposteramque libidinem, de cælo dimissa flamma, pice, ac sulphure illita, penitus exussit, nihilque in his terris, olim aspectu amænissimis, reliquit, præter puridissimæ aquæ paludem (Mare mortuum vulgo vocant) horrendum fœditissimæ volupratis residuum adhuc monumentum?

M. Hic *Lothus* Abrahami nepos, idem plane est, ac *Lothus* ille, quem Deus ex Sodomorum conflagratione salvum & incolam eripuit. At enim, *Abrahamus*, jussus a Deo patriam deferere, & venire in terram Chanaan, socium professionis sibi adscivit *Lothum*, nepotem suum, eumque contubernalem habuit, donec, propter exortam inter pastores ovium hinc inde jurgia, coactus est sese ab illo divellere, suumque figere tabernaculum in Hebrone ad convallem Mambræ. Hoc pacto *Lothus*, a patruo separatus, Sodomis confedit, ibique suum constituit domicilium. Sed cum impurissimi Sodomæ, aliarumque quatuor finitimarum urbium cives se abominandis libidinum monstris fœderent, decrevit tandem Deus incendio perdere quinque illas urbes, videlicet *Sodomam*, *Gomorrhæam*, *Adamam*, *Seboim* atque *Segor*, & uni duntaxat *Lotho*, nepoti Abrahami, ejusque familie parcere. Tres itaque Angelos, sub specie venustissimorum adolescentum, Deus immisit Sodomam, qui *Lothum*, ejusque familiam incolam præstarent, & ab illo pentapolitano liberarent incendio. Tres illos Angelos hospitio excepit *Lothus*, quos cum facilissimè cives putarent, non esse Angelos, sed formosos quosdam juvenes, quorum pudicitia abuti possent, cœperunt, prob pudor! ejusmodi hospites ad infamem, abominandamque libidinem frustra *Lotho* reclamante, omniâque moliente, exposcere, & ab obsecrissimo suscepto proposito non desisterunt, donec a Deo cecitate percussi, & in meridie palantes, nunquam domum *Lothi* jamam quærere aut invenire potuerunt. Tum *Lothum*, ejus uxorem, duale filias, & Sodomæ Angeli traxerunt, districte illis, juxta Dei mandatum, prohibentes, ne post se resisterent, & ne pentapolitanum incendium, vel uno adpectu dignarentur, nec mora; Deus sulphureo imbre obruit, & penitus evertit quatuor memoratas urbes, quintam enim, seu *Segor*, precibus *Lothi* exoratus Deus ab incendio exemit, & asylum esse voluit, quo sese reciperet *Lothus*. Hoc est horrendum, & omnium læculorum perenni memoria dignum iræ divinæ monumentum, Sodomæ & vicinarum urbium excidium, quod sibi accesserere flagitiosissimi homines, nefandis immeritis sceleribus, ipsamque naturam oppugnantes, Deo & hominibus exosi. Unum inter tot sceleratissimos homines innocentem *Lothum*, ejusque familiam mirabili liberatione remunerari, ac mundo commendare voluit Deus vindixit & ultor Sodomorum. Sed, ipsam tanto Dei beneficio *Lothi* uxor reddidit indignam, quippe que, posthabito divino Mandato, retro morole, curiosæque spectans, & oculos suos incendii pentapolitani contemplatione pascens, e vestigio, quasi tepentem fulmine tacta, & stupenda nietaformosum in statuum salis conversa, inaudiram inobedientie sue ponam jure ac marito luit.

D. Perstatne adhuc illa statua salis, in quam *Lothi* uxor fuit conversa?

M. Sunt quidam Scriptores, qui asserunt, non amplius existere hanc statuum salis, sed eam, statim ac *Lothus*, una cum suis duabus filiabus,

Ex urbe *Segor* fuit egressus, ictu fulminis perculsam ac penitus contritam esse. At *Josephus*, Hebraeus, lib. 1. Antiq. Jud. cap. 12. testatur, hanc statuam salis suo adhuc tempore existisse. Aliquot etiam probatissime fidei Scriptores, qui illas regiones perelustrant, referunt in suis Itinerariis, se propriis oculis eandem statuam conspexisse. Quorum testimonis refragari, nec possum, nec debeo, maxime, cum vero simillimum sit, voluisse Deum sive ad metum peccatorum incutiendum, sive ad excitandos fideles, ut in via iustitiae, quam semel arripuerunt, recta pergant, nec retro aspiciant, tam infigne terribilis sui erga peccatores iudicii documentum conservare. Hinc Christus Dominus *Luce* cap. 17. v. 31. & 32. sic fideles monet: *Et qui in agro est, similiter non redcat retro. Memoris estote uxoris Lothi*. His verbis quasi indicare volens, uxorem *Lothi* retro respicientem, id eo in statuam salis fuisse a Deo conversam, ut perpetuum quoddam posset fore monumentum, ne qui semel elegerunt viam Domini, atque eam ingressi sunt, retro unquam adspicere & redire concupiscant: sed si salvi esse velint, perpetuo in via Domini recta procedentes ulterius, perveniant tandem aliquando ad optatum finem, seu ad beatitudinem aeternam. Non est ergo quod negem, aut in dubium vocare velim, an existat etiamnum hac statuam salis. (A) Ceterum, an hac statuam salis durare debeat usque ad resurrectionem mortuorum? (sicut Targum Hierosolymitanum affirmat) an etiam tam altas radices egerit hac statuam salis, ut nullo pacto evelli possit? Postremo, an semper renascatur, si quid salis pecora delambant, vel homines defringant? Harum & similibus questionum examen a foro nostro omnino alienum esse putamus, illudque libenterissime discutendum permittimus Rabbini, qui mentem suam, Poetaum more, vento ac chymæris, seu vanis figmentis, ac fabulis pascere solent.

(A) Non me fugit *Josephum* affirmasse suis se oculis aspexisse statuam salis, in quam *Lothi* uxor conversa est, sua adhuc ætate perfectam; idem autem affirmant de se viri alii nonnulli graves, & veridici Scriptores. Vix tamen adducor ut credam, eandem ipsam fuisse statuam mulieris; facile enim contingere potuit, ut pristina illa vel temporis elacitate, vel calis injuriis absumpta, ac dispersa, alia similis in perpetuum miserabilis casus memoriam a Judeis posita fuerit, quam *Josephus*, alique cernentes, novam pro antiqua incaute acceperint. Neque id novum *Josepho*, qui & geminas columnas, lapideam alteram, alteram vero lateritiam, literis ignotis inscriptas, & a posteris Semi post diluvium in campo Sennaar statutas ætate sua adhuc perseveranter affirmavit, quod nemini persuaderetur.

D. Pergo porro narrare cetera, quæ *Lotho* contigerant, postquam ex urbe *Segor* cum suis duabus filiabus egressus est.

M. Postquam *Lothus* ex urbe *Segor*, quam imminenti cladi suis precibus exemit, duabus suis filiabus stupatus excessisset, vicinum in collem

subiit, ubi a duabus suis filiabus, intempestivo suscipiendi prolis amore flagrantibus, vino de industria ingurgitatus, per noctem inter dormiendum ebrietate victus, rem habuit cum illis, quæ ex eo incesto concubitu pepererunt *Ammonem*, & *Moabum*, quorum prior fuit parens Ammonitarum, ab altero autem, seu *Moabo* propagati sunt Populi Moabitæ. Persuaserant quippe sibi, sed perperam, duæ filiae *Lothi*, omnes ad unum mortales incendio pentapolitano esse omnino extinctos, non secus ac a parente suo audierant, universum genus humanum (excepta *Noam* familia) aquis generalis diluvii olim periisse. Istud itaque reparandi generis humani studium, quod eorum animis infusebat, ad incestum cum parente concubitu illas incitavit. Nec tamen excusari debent, tum quia ab illo carnali cum parente congressu facile eas revocare poterat hæc, quam filiabus erga parentem natura iniecit reverentia; tum quia etiam a parente suo *Lotho* percontari poterant, num aliqui homines adhuc in mundo superstites essent, & flammam pentapolitani incendii effugissent? tuncque a suo parente veritatem edoce, nullo ad patrimum tam grande facinus specioso illo extincti generis humani reparandi obtenta instigari potuissent. Nec ergo duas *Lothi* filias ab incestu, nec earum parentem a gemina, in quam lapsus est, ebrietate in præsentia vindicare volo. Obiter tamen advertas velim, ex hac *Lothi* ebrietate, ejusque cum suis duabus filiabus incesto concubitu inficte quosdam incredulos, & Scripturæ Sacre offores, anam & occasionem arripere, fidem detrahendi Historiæ Sacre, quæ describitur in Libro *Genesis*, quia, iniqui, in hac Historia, quæ apud Christianos sacra habetur, referuntur, perinde ac in Historia Gentilium, turpissimum hominum mores, quibus ad flagitiosam vitam, & ad explendam effrenem libidinem mortales stimulari possunt. Verum, in hoc turpiter hallucinari illos incredulos proclive est breviter hic demonstrare ex maximo discrimine, quod intercedit inter Historiam, quæ apud Christianos sacra habetur, & Historiam Prophanam, seu Gentilium. Historia siquidem Sacra refert interdum vitia quorundam hominum, sive Patriarcharum, sive Regum, sed ea non laudat, sed reprobat. Atque, Prophana, hæc Gentilium Historia, non solum turpissimos mores, & propudiosos Deorum amores narrat, sed etiam approbat, commendat, extollit, ac summis laudibus prædicat vitia, & spurcissimos amores Deorum, quos inter *Bacchus* temulentus fuit, *Mars* homicida, qui cum *Venero* adulterium commisit; *Mercurius* fur ac nebulosus, qui nihil ad famam sui reliquit, nisi memoriam fraudum suarum. Sed quid omnium horum pater *Jupiter*, qui ne parum videretur, si in expugnanda feminarum pudicitia maculosus esset, etiam sexui suo injuriam fecit? Prætermitto obcenitates *Veneris*, omnium libidibus prostituta, non Deorum tantum, sed & hominum. Quæ tamen horrenda vitia, & abominanda Deorum monstra libidinum Historia Prophana, seu Gentilium, proponit tan-

quam exempla, quæ homines debeant imitari, eaque Poetæ suis carminibus celebrare non dubitarunt. Quod sane (ut alia, quæ suppetunt, misa faciam momenta) ineluctabile est falsitatis Gentilium Historiæ argumentum, & veritatis Historiæ, quæ apud Christianos Sacra habetur, perenne monumentum.

D. Ebrietatem *Loti*, ejusque cum duabus suis filiabus propudiosum incestum non approbat quidem Historia, quæ apud Christianos Sacra habetur; laudat tamen hæc Sacra Historia omnia gesta Patriarchæ *Abrahami*, qui *Loti* patris fuit, quique, præter legitimam, quam habuit, uxorem, *Saram* videlicet, ex qua filium *Isaacum* procreavit, postea cum *Agare*, ancilla sua, ex qua filium *Ismaelem* suscepit, illicito concubitu permixtus est, ac tandem cum altera concubina, *Ceturæ* scilicet, ex qua plures suscipit filios, impudice volutatus est. *Agarem* namque & *Ceturam* non fuisse legitimas uxores *Abrahami*, sed ejus dumtaxat concubinas, non obscure innuit Scriptura Sacra, cap. xxv. Lib. Genesim, ubi hæc habet: *Dedit Abraham concubina quæ possederat, I-saac, filio suo, quem ex Sara, legitima uxore, suscepit: Filiis autem concubinarum, seu Agaris, & Ceturæ, largitus est numerum, & separavit eos ab Isaac filio suo*. Historia igitur, quæ apud Christianos sacra habetur, vitia, & turpes Patriarcharum amores perinde laudare & approbare videtur ac Prophana, seu Gentilium Historia commendat & extollit nefanda Deorum flagitia, obscenofque amores.

M. Optimo jure Historia Sacra vitio non vertit, nec crimini dat Patriarchæ *Abrahamo*, qui post diluvium Noeticum vixit, quod filios procreaverit ex *Sara*, *Agare*, & *Ceturæ*, quia cum tribus illis uxoribus legitimum matrimonium contraxit *Abrahamus*, ac subinde nullo pacto, ob illam simultaneam polygamiam, culpandus. Damnat quidem Historia Sacra *Lamechum*, qui ante diluvium Noeticum plures duxit uxores, cœpitque primus violare Legem monogamiz a Deo latam ab exordio mundi, & scriptam cap. 2. v. 24. Lib. Genesim: *Relinquet homo patrem & matrem, & adheret uxori sue, & erunt duo in carne una*. At, non damnat Historia Sacra, neque culpatur *Abrahamum*, alioque Patriarchas, qui post diluvium vixerunt, quod plures simul duxerint uxores. Ratio in promptu est, quia Deus hominibus post diluvium polygamiam, seu specialem dispensationem, plures simul ducendi uxores, concessit, sicut docent omnes sancti Patres, & Scripturæ Sæpe Interpretes. Cum enim post diluvium vita hominum longe brevior esset quam ante diluvium; nimis lente propagarum fuisset genus humanum; aquis diluvii (excepta Noemi familia) extinctum, si unam tantum quique tum temporis habuisset uxorem, & hac potissimum de causa Deus post diluvium indulisit hominibus polygamiam. Non peccatum igitur *Abrahamum* alioque postdiluvianis Patriarchæ, qui, accelerante dispensatione divina, plures uxores duxerunt, usque, ut ait S. Augustinus cap. 46. lib. 22. contra *Januum*, *Machabæum*, non lascivientis, sed gignendi causa ute-

bantur. Sed Historia Sacra, inquit, *Agarem*, & *Ceturam* appellat Concubinas *Abrahami*; peccavit itaque *Abrahamus*, qui non contentus *Sara*, legitima conjuge sua, cum duabus concubinis, ut effreni suæ libidini indulgeret, impudice commixtus est. Hanc tuam difficultatem solvit eadem Historia Sacra, quæ *Agarem*, & *Ceturam* appellat modo uxores, modo concubinas *Abrahami*. Capite enim xvi. Libri Genesim *Agar* nuncupatur uxor *Abrahami*, & cap. 25. ejusdem libri *Ceturæ* dicitur idem uxor *Abrahami*, sed paulo post, id est, v. 6. ejusdem cap. 25. Libri Genesim, tam *Agar*, quam *Ceturæ* dicuntur concubinae *Abrahami*. Hujus diversæ in Historia Sacra appellationis ratio peti debet ex consuetudine, quæ vigeat tam apud Hebræos, quam apud Gentiles, quibus solemne erat duo habere uxorum genera. Quoddam enim uxores ducebant, non solum ad procreandos liberos, sed etiam ad individuum societatem bonorum omnium, atque œconomicam totius domus, seu familiaris gubernationem, & harum uxorum filii soli erant heredes, & illæ uxores proprie dicebantur matres familiarum. Alias vero uxores, tam Hebræi, quam Gentiles ducebant, quæ veræ ac legitime erant uxores, utpote ad liberorum procreationem, vero & indissolubili matrimonii vinculo cum suis viris copulatz; sed non admittebantur ad societatem familiarum bonorum, & domus gubernationem, indeque uxores illæ non vocabantur matres familias, neque eorum filii heredes erant, eaque de causa nunc uxores, nunc concubinae nominabantur. Ut igitur ad *Abrahamum* revertamur: dicendum est, hunc Patriarcham, juxta morem, qui inoleverat apud Hebræos, matrimonio sibi junxisse *Saram* non tantum ad procreationem liberorum, verum etiam ad societatem bonorum, & familiaris gubernationem, subindeque solam *Saram* fuisse dictam matremfamilias, & ejus filium *Isaacum* habitum esse verum heredem bonorum patris sui *Abrahami*; alias autem duas *Abrahami* uxores, seu *Agarem* & *Ceturam*, fuisse veras illius uxores, cum ex his per legitimum matrimonium liberos suscepit *Abrahamus*; sed quia due illæ uxores *Abrahami* admixtæ non erant ad bonorum societatem, & domus gubernationem, ideo earum filios non fuisse heredes, nec illas fuisse appellatas matresfamilias, sed juxta morem, id temporis receptum apud Hebræos, nunc uxores, nunc concubinas indiscriminari in Historia Sacra nuncupari.

D. Patriarchas primæ mundi ætatis typum Jesu Christi, veri Messie, Salvatoris nostri, gestisse, ostendisti sub finem tertii colloquii in Historiam primæ mundi ætatis, nunc demonstrare debes, quo pacto *Abrahamus*, in cujus semine benedicendæ erant omnes Gentes propter Messiam, qui ex ejus stirpe proditurus erat, typum gesserit Jesu Christi veri Messie, Salvatoris nostri. Audivi enim mupperime a viris eruditissimis, non tantum Patriarcham *Abrahamum* variis typis præfigurasse Jesum Christum, sed etiam uxores, quas duxit *Abrahamus*, *Saram* vide-

videlicet & *Agarem*, nec non filios, quos ex his duabus uxoribus suscepit idem Patriarcha, *Isaacum*, scilicet, & *Sara*, & *Ismaelem* ex *Agare*, typice adumbrasse tam Synagagam Judaeorum, quae aliquando desitura erat, quam Ecclesiam a Christo Domino institutam, quae aeternum est duratura.

M. *Abrahamum*, quem Deus constituerat patrem credentium, seu fideliū, gessisse typum Jesu Christi, Salvatoris nostri, qui ex ejus stirpe nasciturus erat, sic breviter ostendo: *Abrahamus*, Dei iusta, patriam suam reliquit, venitque in terram Chanaan; eam sibi, posterisque suis accepturus in possessionem, sicut ei promiserat Deus: ita Christus, Mandato Dei, Patris sui aeterni, patriam, caelum, seu caelestem gloriam, quam ab aeterno apud Patrem suum habuit, quodammodo relinquit, & de caelo in terras missus, per incarnationem & nativitatem a Virgine *Maria*, venit in Iudaeam, terrestrem Chanaan, caelestem sibi & posteris suis in aeternum accepturus. *Abrahamus*, mox ut venit in Chanaan, fume coactus cessavit in Aegyptum: Jesus Christus, vix natus in mundo, ad necem quaesitus ab *Herode*, Iudaeorum Rege, fugit in Aegyptum, ut evaderet persecutionem, quam in ipsum moliebatur ille Rex post hominum memoriam crudelissimus. Ex Aegypto, cessante fume, egressus est *Abrahamus*, & reversus est in terram Chanaan: Jesus Christus, inortuo *Herode*, Iudaeorum Rege, ex Aegypto profectus est, & rediit in Iudaeam. Nec solum *Abrahamus* typum gessit Jesu Christi, qui suum ex eo genus ducere debebat, verum etiam duae uxores, quas habuit *Abrahamus*, videlicet *Sara* (ex qua filium suscepit *Isaacum*) & *Agar* (quae ei peperit *Ismaelem*) praefigurabant sive Legem Moisaicam, & Iudaeorum Synagagam, quae veniente Messia, desitura erat, sive Legem Evangelicam, & Christianorum Ecclesiam, quam Jesus Christus in terris instituitur erat, quaeque aeternam duratura erat. Et primo quidem, Apostolus *Paulus* cap. 4. Epistolae ad Galatas discrete docet, duas *Abrahami* uxores, *Saram*, nimirum, & *Agarem*, natione Aegyptiacam, esse typum duorum Dei Foederum, seu Testamentorum, Veteris videlicet, seu *Mosaici*, & Novi, seu Evangelici, *Saram* quidem Novi, id est, Evangelici, & *Agarem* vero Veteris, seu *Mosaici*, fuisse typum. Praeterea, *Ismael*, filius *Agaris*, typus fuit Iudaeorum, qui per opera Legis iustificari volunt. *Isaacus* autem, *Sara* filius, fuit typus fidelium, credentium in Christum, seu verorum Christianorum. Tertio, *Agar* genuit filios ad servitutem, *Sara* vero libera, genuit liberum filium *Isaacum*, paternorum bonorum haeredem. Hinc Iudaei, quorum typus fuit *Ismael*, filii Legis sunt, & servi ac mercenarii: Christiani autem liberi sunt, Legi libertatis, seu Evangelio subditi. *Ismael* una cum matre *Agare*, ejicitur e domo *Abrahami*, & ejectus per desertum oberrat: Iudaei a Deo rejecli sunt, & Lex eorum Moisaica abrogata & antiquata est: ipsi e domo Dei, Ecclesia nempe Christi, ejecti,

patrioque suo solo expulsi, vagantur per orbem terrarum exules, miseri, omnibusque exoli. *Ismael* itidem, filius *Agaris*, fuit homo onager, habitans in deserto, sagittarius, cujus manus contra omnes, & omnium manus contra ipsum: id est, homo fuit rixosus, jurgiosus, contentiosus, sui amans, duris & asperis moribus: Iudaei pariter duri sunt & asperi erga peccatores, aliorum omnium prae se contemptores, sui amantes, gloriae cupidi, alieni a Christiana lenitate & mansuetudine, magni rerum carnalium huius mundi amatotes. *Isaacus* contra, *Sara* filius, qui typus extitit Christianorum, lenis fuit, humanus, mansuetus, natus ad bene de omnibus merendum, blandisque admodum moribus praeditus. Tales sunt veri fideles Christiani, qui Spiritu Christi ducuntur. Postremo *Agar*, ex zedibus *Abrahami*, una cum filio suo *Ismaele* ejecta, tenuissimo Viatico, pane & aqua instructa, per desertum desolata oberravit, ne exitum invenit, unde hoc levissimum deficiente Viatico, fame & siti oppressa, certam praeviens imminentem mortem, in desperationem acta, filium suum *Ismaelem* abiecit, & simul cum illo in lacrymas, & planctum prorupit, donec Deus, utriusque miserum, Angelum miserit, qui fontem aquae indicavit, ex quo hausta aqua, vires suas refocillavit *Agar*, ejusque filius *Ismael*, & sic consulerunt periclitanti vitae suae. Eandem infelicem sortem experiuntur nunc, velint nolint, miseri Iudaei, quorum typum gesserunt *Agar* & *Ismael*. Enim vero, Iudaei, ex Ecclesia Christi ejecti, Legem Moisaicam, cujus gennium sensum, mentem, & intellectum minime tenent, necnon Talmudicis suis Traditionibus, tanquam levissimum instructi Viatico, hac illac per orbem terrarum palambundi dissipantur, eoque deficiente Viatico, nec ullum ex eo verum capientes solatium, sortem suam, & miserrimum, ad quem in praesentia redacti sunt, statim deplorant, e quo demtaxat emergent, quando Deus, eorum miserum, mittet ad illos Angelum, seu Verbi Dei pracones, qui Jesum Christum, verum Messiam, tandiu ab eis frustra quaesitum, verum fontem aquae vivae & salientis in vitam aeternam, ipsis patefaciet, ex quo verum solatium & vitam perennem consequentur. Hi sunt in summa typi, quibus Deus Mytheria, quae in Novo testamento completa sunt, praecipue adventum Jesu Christi, veri Messiae, ruinam Synagagae Iudaeorum, & Christianorum Ecclesiae institutionem, voluit in Veteri Testamento delineare, & per *Abrahamum*, & duas ejus uxores, *Saram*, & *Agarem*, atque duos ipsius filios, *Isaacum*, & *Ismaelem*, variis figurarum involucribus adumbravit.

D. Antequam de rebus a Patriarcha *Abrahamo*, praclare gestis finem dicendi faciamus, vellem, ut breviter confutares *Joannem Mariamum*, Scriptorem Anglum, qui (sicut nuperite legebam) in suo *Cancione Aegyptiaco, Hebraeo, & Graeco*, pag. 77. audent asserere, *Abrahamum* ad immolandum filium suum *Isaacum* inductum fuisse exemplo Ethnicorum, seu Aegyptiorum, vel aliarum

Gentium, quibus solemne erat filios suos, etiam ante Abrahami tempora, Diis immolare. Ex quo concludit ille Scriptor, *Novum & inauditum Abrahamo non fuisse huiusmodi sacrificium Isaac, cum iam Reges, & Gentes integre illud ex occasione facerent, & mactationem liberorum suorum pro laetitia opere & Diis grato, ante Abrahami tempora habuerint.* Hanc certo Marbani opinionem, quæ filiei & obedientiæ Abrahami in immolando filio suo *Isaaco* plurimum daregat, meo calculo probare minime possum.

M. Quam temerarius, & in proferendis insul-
fis commentis sit liberalis iste *Joannes Marba-*
nus, memini, nec sub finem præcedentis nostri
Colloquii, sat super ostendisse, refellendo videret
aliud inane ejusdem Scriptoris figmentum, quo
sibi, aliisque frustra persuadere pertendit, circum-
cisionem nec a Deo fuisse institutam, nec *Abra-*
hamo præceptam a Deo, nec Judæos ab *Abra-*
hamo illam accepisse, sed potius circumcissionem
ex Ethnicorum superstitionibus, maxime *Ægyptio-*
rum ritibus, originem duxisse, indeque ad Ju-
dæos fuisse derivatam. Variis argumentis, quæ
ibi dem adduximus ad explodendum male natum
illud *Marbani* systema, paucas hic rationes ad-
jungam, quibus certo constabit Abrahamum vo-
luisse immolare filium suum, non ut sequeretur
morem Gentium, filios suos Diis immolantium,
sed ut obtemperaret singulari præcepto Dei, qui
ut ejus fidem & obedientiam exploraret, ei ius-
sit, ut filium suum unigenitum *Isaacum*, quem
secundum Deum, unice diligebat, & in deliciis
habebat, mactaret; eique in holocaustum offer-
ret. Et primo quidem, constat, Deum præce-
pit Abrahamo, ut filium suum *Isaacum* immo-
laret: *Tolle*, inquit ei Deus, cap. 22. v. 2. lib.
Genesis, *filium tuum unigenitum, quem diligis*
Isaac, & vede in terram visum, atque ibi ofe-
res eum in holocaustum super unum montium quem
monstravero tibi. Non est autem credibile, Deum,
qui in Lege Mosaica districte inhibuit Israeliti-
tis, ne imitarentur, aut requirerent ceremonias
Gentium, præcipere voluisse Abrahamo, ut, jux-
ta superstitiones Ethnicorum, qui plinquam Scy-
thica barbarie filios suos Diis immolabant, fi-
lium suum unigenitum *Isaacum* immolaret. Im-
pium siquidem est dicere, Deum mortuari & dz-
monis officina ritus, quibus colit vult. Quod si
dicatur, *Abrahamum*, proprio suo Marte, & ab-
sque ullo Dei præcepto, voluisse hac in re imi-
tari ritum Ethnicorum filios suos Diis immolan-
tium, id, inquam, si dicatur, nullis momen-
tis falsi convinci potest. Primo, quia extat in
Scriptura Sacra expressum præceptum, mox a no-
bis relatam, quo Deus præcepit Abrahamo, ut
ei immolaret filium suum *Isaacum*. Secundo, si
Abrahamus secutus duntaxat superstitiones Ethni-
corum, & absque ullo divino præcepto, voluis-
set immolare filium suum *Isaacum*, omni pro-
cul dubio Deus hanc *Isaci* immolationem utpo-
te juxta Ethnicorum superstitiones factam, omni-
no improbasset, nedum laudasset, & tamen Deus
in Scriptura Sacra hanc *Isaci* immolationem adeo
sibi gratam fuisse declarat, ut propter illam se

benedicturum Abrahamo polliceatur his verbis: *Per*
me nemini juravi, dicit Dominus, quia se-
isti hanc rem, & non peperisti filio tuo unigeni-
to propter me, benedicam tibi, & multiplicabo
semen tuum, sicut stellas cæli, & velut arenam,
quæ est in litore maris, & possidebis semen tuum
portas inimicorum tuorum. Et benedicent in se-
mine tuo omnes Gentes terre, quia obdixisti voci
mæ, Genesis c. 22. Denique, filio supponit *Mar-*
bamus, impium illum ritum, quo Ethnici filios
suos Diis immolabant, jam invaluisse apud Gen-
tes ante tempora *Abrahami*; id, inquam, oppi-
do falsum est, tum quia ex nullo antiquo Scri-
ptore, etiam ex his, quos laudat *Marbamus*,
probari potest, ritum illum barbarum homines
Diis immolandi fuisse ante *Abrahami* tempora
apud *Ægyptios*, aliisque truculentas Gentes so-
lemnem. Quæ de re leges Illustrissimum *Dani-*
elem Hauni in sua *Demonstratione Evangelica,*
Propositione IV. Tum quia, longe verosimilius est,
impiam illam & immanem, quæ antiquius vi-
gebat apud *Ægyptios*, aliisque Gentes, immo-
landi homines Diis consuetudinem duxisse origi-
nem ex prava illius *Abrahami* sacrificii emula-
tione. Nam sicut *Ægyptii*, aliique Gentes ritum
circumciscendi ex Judæis acceperunt, uti sub
finem præcedentis nostri colloquii, diximus, sicut
etiam Ethnici consecrarunt *Saturno* Feriam septi-
mam, id est, diem Sabbathi, quæ apud Judæos
ex divino præcepto sacra erat; ita vero quam si-
millimum est, apud *Ægyptios*, aliisque Ethnicos
invaluisse post tempora *Abrahami* crudelem illum
filios suos Diis immolandi ritum ut hoc pacto
Abrahami, filium suum Deo in holocaustum ofe-
rentis, imitarentur exemplum, impellentibus præ-
sertim demonibus, qui humanas hostias excogi-
tarent utique hostes humani generis, ut quam
plurimas devorarent animas. De his Barbaro-
rum Sacris hæc *Laërtius* c. 21. lib. 1. Divin.
Institutionum eleganter scribit: *De infantibus, qui*
Saturno immolabantur propter odium Jovis, quid
dicam, non invenio. Tam barbaros, tam imma-
nes fuisse homines, ut parricidii suum, id est,
terrum, atque execrabile humano generi facinus, sa-
cificium vocarent; cum teneras, atque innocentes
animas, quæ maxime est ante parentibus dulcor,
sine ullo respectu pietatis extinguunt, immanita-
temque omnium bestiarum, quæ tamen factus suos
amant, feritate superent. O denotians insana-
bilem! quid illis isti Dei amplius sacre possint, si
essent iracundissimi, quam faciunt propitii? cum suos
cultores parricidii inquinant, orbantibus mactant,
humanis sensibus spoliant? Quid potest esse his ho-
minibus sceleris? aut quid in prophetis locis facient
qui inter aras Deorum suorum scelera committunt?
Pescennius Festus in Libris Historiarum per sisyram
refert, Carthaginenses Saturno humanas hostias so-
litos immolare, & cum viciis essent ab Agathocle,
Rege Siculorum, iratum sibi Deum putavisse: ita-
que ut diligentius piaculum solverent, ducentes no-
bilium filios immolasse: Tantum Religio potius suade-
re malorum: Quæ peperit sepe scelera atque im-
pia scelus, &c.

D. Ex his, quæ hæcenus retulisti, præclara
Abra-

Abrahami gestis facile intelligo, hanc Patriarcham eximia illa fide & obedientia, qua Deo vocanti abiecit omni cunctatione obtemperavit, cognationem suam ultro ac generose deseruit, Deum, Caelum, & aeternitatem omnibus propositis, perfectorum sese exhibuisse exemplar, Patrem credentium, hominem ante Christi tempora Christianum omnibus suis numeris absolutum; ante Evangelia Virum Evangelicum, ante Apostolos Apostolicum. Quo fit, ut nullatenus dubitem de aeterna Abrahami salute. Sed utrum Christianorum Ecclesia aliquam praerixit diem, quae sit huius Patriarchae sacra, seu in qua Christiani cultum ei exhibeant? & utrum *Lotus*, Abrahami nepos, quem, ebrietate oppressum, incestu concubitu eum duabus suis filiabus se fecisse antea observasti, aeternam salutem sit consecutus? plane, ut candide fatear, ignoro.

M. Quamvis Catholica seu Romana Ecclesia non soleat indicare dies festos in honorem Sanctorum Patriarcharum Veteris Testamenti, *Abrahamum* tamen ad diem ix. mensis Decembris adscriptum esse Fastis Sanctorum fidem faciunt, non solum multa Martyrologia Ecclesiae Latinae, verum etiam *Mensa*, seu *Menologia*, & *Synaxaria* Ecclesiae Graecae, sicut ostendit *Hadrivus Bailletus* in quarto Tomo *De Vitis Sanctorum*, in quo *Abrahami*, aliorumque Veteris Testamenti Patriarcharum Vitas accurate describit. Profert etiam idem Scriptor nonnulla Martyrologia, & *Menologia* Graecorum, in quibus *Lotus*, nepos Abrahami ad diem x. ejusdem mensis Decembris Sanctorum numero accensetur. Quo fit, ut de *Loti* salute dubitandi nulla sit ratio. Peccavit quidem *Lotus*, dum sese vino iugurgitavit, dum duas filias, vino oppressus, incestu concubitu conspuavit, dum denique eandem duas filias suas Sodomitis, Cynaeico furore bacchantibus, obtulit ad stuprum, dicens: *Habeo duas filias, quae necdum cognoverunt virum, educas eas ad vos, & abutimini eis, sicut vobis placuerit, dummodo viris istis (seu Angelis, quos hospitio susceperat Lotus, quosque Sodomitae, rati esse adolescentem, illos ad praeposteram explendam libidinem postulabant) nihil mali faciatis*. In his peccasse *Lotum* non inficias eo (quavis non deest Scriptor, qui non tantum *Lotum*, sed ejus duas filias vindictae & liberent ab omni culpa) haec tamen peccata fuisse sincera poenitentia a *Lotbo* expiata, & a Deo condonata, eo facilius adducor, ut credam, quod *S. Petrus* cap. 2. vers. 6. & 7. Epistola suae secundae *Lotum* appellet hominem justum his verbis: *Et Civitates Sodomorum, & Gomorrhoeorum in cinerem redigens (Deus) averfione damnavit, exemplum eorum, qui impie acturi sunt, ponens: & justum Lot oppressum a nefandorum injuria ac luxuriosa conversatione eripuit*. Sed de rebus gestis Patriarcharum secundae Mundi Aetatis haecenus satis dictum sit.

D. Cum nihil aliud de rebus gestis Patriarcharum secundae Mundi Aetatis tibi dicendum suppetat, scite a te vehementer cupio, quidnam fuerit ille *Zoroaster*, quem Artium Magicarum invenit extitisse, & in secunda Mundi Aetate *Abrahamo* suppetem vivisse nupertime audivi?

M. De *Zoroastre*, quem Persae tanquam suum Legumlatorem, Doctrinae & Religionis suae Reformatorem, morumque Censorem venerantur, multiplex est virorum eruditum sententia. Quidam censent, hunc *Zoroastrem* fuisse *Chamam*, filium Noemi, Quidam asserunt, eum fuisse *Chami* filium, seu *Misraimum*. Alii *Japhethum*. Alii *Chusum*. Alii *Ashorem*. Alii *Nembrodum*. Sed, ut condite fatear, haec sententiae frigidas ac levissimas nituntur conjici. Sunt qui putant, *Zoroastrem* fuisse illum Bactrianorum Regem, qui cum *Nino*, Assyriorum Rege, bellum gessit. Sed haec sententia aliis praecedentibus nihilo plausibilior est, quia illum Bactrianorum Regem, qui cum *Nino* parum prospere conflixit, non *Zoroastrem*, sed *Oxiartem* appellat *Diodorus* post *Ctesiam*, qui Persarum Historiam literis mandavit. Illustrissimus *Daniel Huetius* in libro, quem edidit, *De Demonstratione Evangelica*, cap. v. *Propositiones* IV. probat *Zoroastrem* non alium fuisse, quam *Mosysem*, Judaeorum Legislatorem. Verum, quamvis certum sit, *Zoroastrem*, Persarum Doctrinae & Religionis Reformatorem, fuisse Pentateuchi *Mosyfi* studiosissimum, & ex eo multa hausisse, quae ad reformationem Religionis Persarum necessaria esse judicavit, illum tamen *Mosye* Judaeorum Legislatore, longe posteriore esse, eumque vivisse circa tempora *Artaxerxis Longimani*, Persarum Regis, longe probabilius esse arbitror. Quod quidem ut clarius intelligas, observare debes cum Viro Clarissimo *Hampdeno Prideaux* in *Historia*, quam Anglice scripsit, *Judeorum*, quaeque recens in Linguam Gallicam versa est, extitisse in Perside Religionem *Magorum* Persarum, quam praeter ceteris Persarum Regibus, accerrime defendit ac propagavit *Smerdis*, dictus *Magus*, Persarum Rex. Hujus Religionis in Perside Assertores, ut videre est apud *Diogenem Laertium* in Proemio ad Vitas Philosophorum, duos confingebant Deos, alterum bonum, a quo omnia bona proficerentur; alterum malum, a quo omnia mala prodirent. Quorum deliria seclati viri postea *Cerdo*, *Marcius*, *Manichei*, alique Haeretici. *Zoroaster* itaque, qui Natione & Religione erat Judaeus, ut nomen suum apud illos Magos Persae celebre redderet, illorum palmarum in Religione errorem correxit, cumque esset in Libris Moisaicis, & in Religione Judaica veratissimus, unum dumtaxat docuit esse adiutendum Deum, a quo, tantquam a causa electricae, eaque potentissima, producerentur omnia bona quae sunt in mundo, mala vero permittuntur tantum. Caetera autem, quae in Religione Magorum Persarum spehebant ritum Sacrificiorum, ita *Zoroaster* immutavit, & ad normam Legum Moisaicarum reduxit, ut, qui legit libros *Zoroastri*, ipsosque confert cum libris *Mosyfi*, facile sibi persuadeat, *Zoroastrem* non alium fuisse, quam *Mosysem*, sicut sibi persuasit Illustrissimus *Daniel Huetius*, non animadvertens, *Zoroastrem*, Natione & Religione Judaeum, ad repurgandam & reformandam Magorum Persarum Religionem bene multa hausisse de industria ex Libris Moisaicis, indeque ena-

enatam esse maximam illam affinitatem, quam Leges a *Zoroastre* ad restaurandam Magorum Perfarum Religionem sancitæ habent cum Legibus, quas *Moyſes*, Judæorum Legislator, auctoritate Dei munus, condidit, & quibus constat Judaica Religio. Hoc pacto *Zoroaster*, Natione & Religione Judæus, Magorum Perfarum Religionem, a se reformatam, illustravit, ac latissime diffudit, exinde dictus, *Artium Magicarum Inventor*, non quod malas Artes Magicas invenit (sicut falso opinati sunt nonnulli, quos merito redarguit Illustrissimus *Daniel Huetius*, loco mox a me laudato) sed quod Religionis Magorum Perfarum fuerit instaurator, reformator, ac promotor. Hunc *Zoroastrem* postea, hoc est, septimo Ecclesiæ sæculo, æmulatus est *Mahometes*, nefandissimus post homines natos impostor, & ejus Scriptis, Doctrina, & Religione quam plurima excerptis, & convasavit in hunc pessilentem, quem male confarcinavit, Librum, dictum *Alcoranum*, ex quo impiam a se constatam Religionem populis ad libidinum monstra propensis, leque in cæno obscenarum deliciarum carnis voluptatibus facile propinavit, & in variis Orbis partibus, ferro flammæque per immanem & a sæculis inauditam crudelitatem subactis, disseminavit, cum hoc tamen discrimine, quod *Zoroaster*, Religionis Magorum Perfarum Reformator, vir fuerit, sicut referunt Historici, doctus, sagax, & Legis Mosaicæ callentissimus, utpote Natione & Religione Judæus; *Mahometes* vero extiterit in Legge Mosaicæ omnino peregrinus & hospes, immo in summa rerum omnium ignoratione versatus, totiusque effræni libidini deditus.

D. Si *Zoroaster*, ad reformatandam Magorum Perfarum Religionem, bene multa, ut mox dixisti, ex Libris Mosaicis decerpit, non est dubium, quin falsa sit eorum sententia, qui *Zoroastrem* coævum *Abrahamo* faciunt, eumque fuisse Bactrianorum Regem, qui cum *Nino*, Assyriorum Rege, infelici Marte puenavit, pertendunt; quo in errore, ut audivi, adhuc versantur recentiores hujus ætatis Persæ, qui *Zoroastrem*, tanquam Religionis suæ Reformatorem, agnoscunt. Sed ostende, si placeat, in quo sita sit illa assinitas, quam inveniri dicis *Moyſem*, Judæorum Legislatorem, inter & *Zoroastrem*, Perfarum Magorum Religionis Reformatorem, necnon inter Leges, quas condidit *Moyſes*, & eas, quas tulit *Zoroaster*.

M. Errant sane hi, qui *Zoroastrem* supparem *Abrahamo* faciunt, sed turpius hallucinati sunt *Eudoxus* & *Ysiftoteles*, qui sex milibus annorum *Platone* vetustiorum *Zoroastrem* finxerunt; a quorum errore non multum discedere videntur *Hermodorus*, *Platoniscus*, & *Hermippus*, qui annorum milibus quinque Trojanum Bellum præcessisse *Zoroastrem* fabulati sunt, & *Plutarcho*, ac *Suide*, idem sentientes, præluxerunt; quos ideo jure optimo *Plinius* lib. 30. c. t. egregie confutavit. *Abrahamo* itaque, immo & *Moyſe*, Judæorum Legislatore, posterior est *Zoroaster*, quem ex libris Mosaicis ad reformatandam Magorum Perfarum Religionem, quamplurima deprompsisse evinci potest his momentis. Primo, quia sicut *Moyſes* veram

originis Mundi a Deo uno, rerum omnium opifice, conditi, Historiam contexit; ita *Zoroaster* unum Deum, rerum omnium conditorem, professus est; eum etiam creationis mysteria a Deo fuisse edoctum, affirmant Persæ, Mundi quoque tractasse principia perhibet *Jugstinus* lib. t. c. t. Præterea, in multis conveniunt *Moyſes* & *Zoroastres* Leges. Nam alienas facultates concupiscit vetat *Moyſes*; vetat itidem *Zoroaster*. Legis, sibi a Deo traditæ, observationem *Moyſes* sollicite mandat Israelitis; studium pariter Legis suæ Discipulis suis commendat *Zoroaster*: Ciborum mandorum & immandorum discrimen statuit *Moyſes*, atque horum usu, aliarumque rerum impurarum contactu interdixit; idem facit *Zoroaster*. Injurias condonari sanxit *Moyſes*; idem præcipit *Zoroaster*. Ad Legem suam addi quicquam districte prohibet *Moyſes*; idem inhibet *Zoroaster*. In Legge sua statuit *Moyſes*, ut sit Pontifex Maximus, eique præscribit frequentem lavationum usum, & bonorum omnium Decimas tribuit; idem in sua Legge statuit *Zoroaster*. In Legge sua *Moyſes* præcipit Israelitis, ut a carne suilla abstineant; Persæ, qui Legis *Zoroastri* sunt cultores, a carne suilla pari Religione abstinent. *Moyſes* prohibuit Hebræis, ne Statuas haberent; Persæ, qui *Zoroastri* Legem observant, Statuas non habent. Postremo (ut cætera alia mittam, in quibus *Zoroastri* Leges plane conveniunt cum Legibus *Moyſis*) certum est, *Moyſem* cap. 6. v. 12. & 13. Libri *Levitici* præcepisse Judæis, ut ignis semper arderet in Altari, his verbis: *Ignis autem in Altari semper ardebit, quem natriet Sacerdos subiciens ligna omnia per singulos dies, & impositio holocausti desuper adolebit adipem pacificorum. Ignis est iste perpetuus, qui nunquam deficiet in Altari.* Ita similiter *Zoroaster* delatum ad se de Cælo ignem subiectis pabulis perpetuo & indefinenter sic ali & nutrirî præcepit, ut præcipuum illud, & velut Legis suæ characteristicum Mandatum esse voluerit. Hinc vocabulum *Magus*, quod *Zoroastri* sequacibus tribuitur, apud Persas & Arabes, pro cultore ignis, translatio usu sumi solet. Ex ea itaque assinitate, quæ intercedit Leges *Moyſis* inter, & Leges *Zoroastri*, nullo negotio colligere potes, *Zoroastrem* in reformatandam Magorum Perfarum Religionem Leges suas ex Libris *Moyſis* mutuatum fuisse, subindeque *Zoroastrem* esse posteriorem *Moyſe*. Si autem dicas, *Zoroastrem* vixisse longe ante tempora *Moyſis*, adeoque non *Zoroastrem* suas ex Libris *Moyſis* Leges lumpſisse, sed potius *Moyſem* Leges, quas dedit Hebræis, ex *Zoroastri* Libris deprompsisse; si, inquam, illud dicas, duplici momento te falli convincam. Primo, quia *Moyſes* non proprio nomine, nec auctoritate sua conditas Leges imposuit Hebræis, sed Leges a nullo homine datas, & a solo Deo præscriptas, literis mandavit, earumque observationem, jubente Deo, Hebræis imperavit. Secundo, quia *Moyſem* esse omnium Legislatorem antiquissimum, & primum omnium Scriptorem, non solum Perfarum, & Græcorum, sed & Assyriorum, ac Chaldaeorum, una est omnium Sanctorum Patrum cum Græcorum, tum Latinorum sententia, ad

ut

ut nulla ratione fieri poterit, ut *Moyſes* ex aliquo antiquiori, vel Legislatore, vel Scriptore, Leges, quas ſcripto conſignavit, emendicaret. Quod ſi iterum dicas cum *Geroſio Becano*, & Illuſtriſſimo *Daniſe Huetio*, ex ea afſinitate, quæ eſt inter Leges *Moyſis*, & Leges *Zoroaſtris*, colligi debere, *Zoroaſtre* eſſe hominem ſuppoſititium, qui nunquam exiſtit in rerum natura, eumque non alium eſſe, quam *Moyſem*, Judæorum Legislatorem, quem *Zoroaſtris* nomine donarunt Perſæ; hoc, inquam, ſi illud negeras, opponam tibi conſenſum omnium Scriptorum, qui *Zoroaſtre* revera exiſtiſſe, eumque à *Moyſe*, Judæorum Legislatore, plane diverſum fuiſſe, diſertiſſime tradunt. Immo, ſunt quidam Scriptores, qui, ſicut ſuperius obſervavimus, aſſeverant, duos reapse exiſtiſſe *Zoroaſtres*, unum videlicet, qui vixit circa *Abrahami* tempora, quemque dicunt fuiſſe illum Bactrianorum Regem, qui parum feliciter cum *Nino*, Aſſyriorum Rege, bellavit; alium vero *Zoroaſtre* floruiſſe dicunt circa tempora Regum Perſarum, eumque primo *Zoroaſtre*, Bactrianorum Rege, multo poſterioriorem fuiſſe. Verum, illorum Scriptorum ſententiam, duos *Zoroaſtres* diſtinguentium, ſat ſuperque opinor, jam conſutavi, & oſtendi, unum dumtaxat exiſtiſſe *Zoroaſtre*, Natione & Religione Judæum, qui tempore *Artaxerſis Longimani*, Perſarum Regis, ad reformandum Magorum Perſarum Religionem Leges edidit ad normam Legum, quas *Moyſes* dedit Judæis, & quarum *Zoroaſter* erat ſcientiſſimus. Sed de *Zoroaſtre* pluſquam fatiſ.

“(a) Non duos tantummodo, ſed plures etiam uſque ad ſex *Zoroaſtres* aliqui diſtinguunt, quos enumerat *Buddeus* in hiſt. vet. Teſtam. perod. 1. ſect. 3. & illi adheret *Martinus dei Rio* diſquiſit. magic. lib. 1. cap. 3. Quæ tota eorum diſtinctio ex eo provenit, quod authores Græci de philoſopho hoc ſcribentes multa ſimul conjungunt tempore & circumſtantiiſis ita inter ſe diſcreti, ut uni eidem homini convenire minime poſſint; ſed Græcis authoribus de rebus Orientalibus, quorum erant valde rudes, ſcribentibus nulla fides præſtari poteſt. *Thomas Hyde* Scriptor Anglicus in Orientalium libris, quorum lingua peritus erat, veratiſſimus, teſtatur nonniſi de unico *Zoroaſtre* mentionem fieri in eiſdem libris; ex quibus etiam docemur Philoſophum hunc reformandam fuiſſe veterum Perſarum Theologiam, vixiſſe tempore Darii Hyſtaſpis Regis Perſarum, & huic tribuenda eſſe oracula illa ſæpius vulgata. Factore tamen dubios adhuc hærrere viros doctos, non eadem oracula ſaltem omnia ſincerum eiſdem *Zoroaſtris* opus habenda ſint. Eadem primo quidem prodierunt numero ſexaginta, cum ſcholiſtis *Gemiſti Plethonis*, & *Michaelis Pellii*. Eadem ex Platoniceorum libris ampliſſimè uſque ad tercenta edidit *Franciſcus Patricius*. Eorum titulus eſt *Lend-Vaſta*. Num idem ſit opus cum ſacra collectione Perſarum Eufebio nota præpar. Evang. lib. 1. ambiſit *Fabricius Biblioth. Græc.* l. 1. cap. xxxv. Quis autem vir fuerit Philoſophus iſte repetat ex *Tho-*

ma *Hyde*; ille enim conſultis Perſarum libris opinatur ſervilem operam præſtiſſe in juventute Prophetæ cuidam Iſraelitico, & forte *Eldæz*. Ita a *Muhammed Muſtaſpha*, qui vitam Darii Hyſtaſpis Arabicè dedit, memoriz proditum eſt.

D. Superest nunc, ut ſub finem huiusce noſtri colloquii tantisper differamus de accurata in putandis annis Patriarcharum ſecundæ Mundi *Ætatis* Chronologia. Audiſi quippe, Codices Hebræos, Græcos, & Samaritanos, non ſolum variare in ſubducendis annis Patriarcharum primæ Mundi *Ætatis*, ſicut jam oſtendiſti ad calcem tertii Colloquii in Hiſtoriam primæ Mundi *Ætatis*, ſed etiam prædiſtos Codices Hebræos, Græcos, & Samaritanos, in numerandis annis Patriarcharum ſecundæ Mundi *Ætatis* diverſos ponere calculos, adeo ut propter illam Codicum diſcrepantiam, Scriptores in contrarias abeant ſententias, & in numerandis annis Patriarcharum ſecundæ Mundi *Ætatis* variant linguæ & ſententiæ.

M. Propter hanc Codicum Hebræorum, Græcorum, & Samaritanorum, in putandis annis Patriarcharum, ſive antediluvianorum, ſive poſtdiluvianorum, diſcrepantiam, variantes cum veterum, tum recentiorum Scriptorum circumſerri ac volitare ſententiæ, tam certum eſt, quam quod maxime. Eas omnes ſi in præſentia commemorare vellent, incertior eſſes, quam etas prius. Faciam igitur, quod & me dignius, & utiliſſe tibi fore iudico. In præmiſis, exponam, in quo ſiſit iſta Codicum Hebræorum, Græcorum, & Samaritanorum in perſeſcendis annis Patriarcharum ſecundæ Mundi *Ætatis* diſcrepantia? Dein, paucis indicabo, quoniam ex hiſce Codicibus in numerandis annis Patriarcharum ſecundæ Mundi *Ætatis* potiſſimum ſequi debeat, ne a vera, magisque probata Patriarcharum poſtdiluvianorum Chronologia deſſectas. Ut autem facilius compertam ac exploratam habere poſſis hanc diſcrepantiam, quæ in ſupputandis annis Patriarcharum ſecundæ Mundi *Ætatis* invenitur; ponam primo loco calculum annorum Patriarcharum ſecundæ Mundi *Ætatis* juxta Codices Hebræos. Subijciam ſecundo loco epilogoſum, ſeu calculum annorum Patriarcharum ſecundæ Mundi *Ætatis*, juxta Codices Græcos. Tertio denique loco inferam calculum Patriarcharum ſecundæ Mundi *Ætatis* juxta Codices Samaritanos.

CALCULUS ANNORUM

*Patriarcharum ſecundæ Mundi
Ætatis, juxta Codices
Hebræos.*

SEMUS, filius Patriarchæ *Noemi*, natus eſt Anno Mundi milieſimo quingentiſſimo quinquageſimo octavo, genuit *Arphaxad* anno ætatis ſue centeſimo, ſeu anno Mundi milieſimo ſexcenteſimo quinquageſimo octavo, hoc eſt, biennio poſt Diluvium. Vixit, poſtquam genuiſſet *Arphaxad*, quingentis annis. Vixit in univerſum annis ſexcentis, & mortuus eſt anno Mun-

Mundi bis millesimo centesimo quinquagesimo octavo.

Arphaxad natus est anno Mundi millesimo sexcentesimo quinquagesimo octavo, seu biennio post Diluvium. Genuit *Salem* annos natus triginta quinque. Vixit postquam genuisset, annos quadringentos tres. Vixit in universum annos quadringentos triginta octo, & mortuus est anno Mundi bis millesimo nonagesimo sexto. Verum, observare debet, *Arphaxad* non immediate genuisse *Salem*, sed anno ætatis suæ decimo octavo genuisse *Cainanem*, & postea *Cainanem* anno ætatis suæ decimo septimo genuisse *Salem*. Quo fit, ut, juxta Textum Hebræum, vere dici possit, *Arphaxad* anno ætatis suæ trigesimo quinto genuisse *Salem*, non quidem immediate, sed merite tantum, id est, mediante filio suo *Cainane*, qui fuit pater *Sale*, sicut copiosius ostendimus in Colloquio secundo in Historiam secundæ Mundi Ætatis.

Sale, natus est anno Mundi millesimo sexcentesimo nonagesimo tertio. Genuit *Heberem* anno ætatis suæ trigesimo. Vixit, postquam genuisset, annos quadringentos tres. Vixit in universum annos quadringentos triginta tres. Mortuus est anno Mundi bis millesimo centesimo vigesimo sexto.

Heber, natus est anno Mundi millesimo septingentesimo vigesimo tertio. Genuit *Phaleg* anno ætatis suæ trigesimo quarto. Vixit, postquam genuit, annos quadringentos triginta. Vixit in universum annos quadringentos sexaginta quatuor. Mortuus est anno Mundi bis millesimo, centesimo, octagesimo septimo.

Phaleg, natus est anno Mundi millesimo septingentesimo quinquagesimo septimo. Genuit *Rebui* anno ætatis suæ trigesimo. Vixit, postquam genuit, annos ducentos & novem. Vixit in universum annos ducentos triginta novem. Mortuus est anno Mundi millesimo nongentesimo nonagesimo sexto.

Rebui, natus est anno Mundi millesimo septingentesimo octagesimo septimo. Genuit *Sarag* anno ætatis suæ trigesimo secundo. Vixit, postquam genuit, annos ducentos septem. Vixit in universum annos ducentos triginta novem. Mortuus est anno Mundi bis millesimo vigesimo sexto.

Sarag, natus est anno Mundi millesimo octingentesimo decimo nono. Genuit *Nachorem* anno ætatis suæ trigesimo. Vixit, postquam genuit annos ducentos. Vixit in universum annos ducentos triginta. Mortuus est anno Mundi bis millesimo quadragesimo nono.

Nachor, natus est anno Mundi millesimo octingentesimo quadragesimo nono. Genuit *Thareum* ætatis suæ vigesimo nono. Vixit, postquam genuit, centum & novendecim annos. Vixit in universum centum & quadraginta octo annos. Mortuus est anno Mundi millesimo nongentesimo nonagesimo septimo.

Thare, natus est anno Mundi millesimo octingentesimo septuagesimo octavo, genuit *Abra-*

hamum anno ætatis suæ centesimo trigesimo & Vixit, postquam genuit annos septuaginta quinque. Vixit in universum annos ducentos quinque. Mortuus est anno Mundi bis millesimo octuagesimo tertio.

Abrahamus, natus est anno Mundi bis millesimo octavo, & vocatus est a Deo, ut iret in terram Chanaan, anno ætatis suæ septuagesimo quinto, hoc est, anno Mundi bis millesimo octuagesimo tertio. Ex quo annorum Patriarcharum postdiluvianorum calculo, ad Textus Hebræi Chronologiam exacto, emergit summa annorum a creatione Mundi usque ad vocationem *Abrahami*, duorum millium & octoginta trium. A Diluvio autem Noetico usque ad vocationem *Abrahami*, exurgit summa annorum quadringentorum & viginti septem.

CALCULUS PATRIARCHARUM

Secundæ Mundi Ætatis, juxta Codices Græcos, id est, juxta lex. Interpretation Chronologiam, qualis exhibetur in Basilicensi, & Weebiana Editione.

SEMUS natus est anno Mundi bis millesimo centesimo sexagesimo quinto. Genuit *Arphaxad* annos natus centum. Vixit, postquam genuit, annos trecentos triginta quinque. Vixit in universum quadringentos triginta quinque. Mortuus est anno Mundi bis millesimo sexcentesimo. Observandum tamen est, quodam esse Codices Græcos, in quibus legitur, Diluvium contigisse anno Mundi bis millesimo ducentesimo quadragesimo secundo, & secundum horumque Græcorum Codicum calculos dicendum est, *Semum* genuisse *Arphaxad* anno Mundi ineunte bis millesimo ducentesimo quadragesimo quinto, hoc est biennio expleto post diluvium. Verum ipse annorum Patriarcharum secundæ Mundi Ætatis calculus hic apponam juxta illos Codices Græcos, qui diluvium universale præfigunt ad annum Mundi bis millesimum ducentessimum sexagesimum secundum, ex quo sequitur, *Semum* genuisse *Arphaxad* anno Mundi bis millesimo ducentesimo sexagesimo quinto, id est, biennio jam elapso a Noetico Diluvio.

Arphaxad, natus est anno Mundi bis millesimo ducentesimo, sexagesimo quinto. Genuit *Cainanem* anno ætatis suæ centesimo trigesimo quinto. Vixit, postquam genuit, annos trecentos & triginta. Vixit in universum quadringentos sexaginta quinque. Mortuus est anno Mundi bis millesimo septingentesimo trigesimo.

Cainan, natus est anno Mundi bis millesimo quadringentesimo. Genuit *Salem* anno ætatis suæ centesimo trigesimo. Vixit, postquam genuit, annos trecentos triginta. Vixit in universum quadringentos sexaginta annos. Mortuus est anno Mundi bis millesimo octingentesimo sexagesimo.

Sale, natus est anno mundi bis millesimo quingentesimo trigesimo. Genuit *Heberem* an-

no ætatis suæ centesimo trigesimo. Vixit, postquam genuit, annos trecentos triginta. Vixit in universum annos quadringentos sexaginta. Mortuus est anno Mundi bis millesimo nongentesimo nonagesimo.

Heber, natus est anno Mundi bis millesimo sexcentesimo sexagesimo. Genuit *Phaleg* anno ætatis suæ centesimo trigesimo quarto. Vixit, postquam genuit, annos trecentos septuaginta. Vixit in universum annos quingentos & quatuor. Mortuus est anno Mundi ter millesimo centesimo sexagesimo quarto.

Phaleg, natus est anno Mundi bis millesimo septingentesimo nonagesimo quarto. Genuit *Rebu* anno ætatis suæ centesimo trigesimo. Vixit, postquam genuit, ducentos & novem annos. Vixit in universum annos trecentos triginta novem. Mortuus est anno Mundi ter millesimo centesimo trigesimo tertio.

Rebu, natus est anno Mundi bis millesimo nongentesimo vigesimo quarto. Genuit *Sarug* anno ætatis suæ centesimo trigesimo secundo. Vixit, postquam genuit, annos ducentos & septem. Vixit in universum annos trecentos triginta novem. Mortuus est ter millesimo ducentesimo sexagesimo sexto.

Sarug, natus est anno Mundi ter millesimo quinquagesimo sexto. Genuit *Nachoreum* anno ætatis suæ centesimo trigesimo. Vixit, postquam genuit, annos ducentos. Vixit in universum annos trecentos triginta annos. Mortuus est anno Mundi ter millesimo ducentesimo octogesimo sexto.

Nachor, natus est anno Mundi ter millesimo centesimo septuagesimo sexto. Genuit *Thare* anno ætatis suæ centesimo septuagesimo nono. Vixit, postquam genuit, annos centum viginti novem. Vixit in universum annos trecentos & octo. Mortuus est anno Mundi ter millesimo trecentesimo nonagesimo quarto.

Thare, natus est anno Mundi ter millesimo trecentesimo sexagesimo quinto. Genuit *Abrahamum* anno ætatis suæ septuagesimo. Vixit, postquam genuit, annos centum triginta quinque. Vixit in universum annos ducentos quinque. Mortuus est anno Mundi ter millesimo quingentesimo septuagesimo.

Abrahamus, natus est anno Mundi ter millesimo quadringentesimo trigesimo quinto, & vocatus est a Deo, ut & Chaldaei iret in terram Chanaan, anno ætatis suæ septuagesimo quinto, hoc est, anno Mundi ter millesimo quingentesimo decimo.

Ex hac supputatione annorum, qui juxta Codices Græcos, effluxerunt a Diluvio Noerico, quod contigit biennio ante nativitatem *Arphaxad*, nŕque ad vocationem *Abrahami*, coalescit summa annorum mille ducentorum quinquaginta; Cum tamen juxta Codices Hebræos, sicut paulo ante observavimus, a diluvio usque ad Vocationem *Abrahami* numerentur dumtaxat anni quadringenti viginti septem.

CALCULUS PATRIARCHARUM

Secunda Mundi Ætatis, juxta Codicem Samaritanum, ex Eusebii Chronico.

SEMUS, filius Noemi, natus est anno Mundi millesimo ducentesimo nono. Genuit *Arphaxad* annos natus centum. Vixit, postquam genuit, annos quingentos. Vixit in universum annos sexcentos. Mortuus est anno Mundi millesimo octingentesimo nono.

Arphaxad, natus est anno Mundi millesimo trecentesimo nono (hoc est biennio post Diluvium, quod juxta Samaritanum Codicem, accidit anno Mundi millesimo trecentesimo septimo, (Quem annorum numerum in Patriarchis primæ Mundi Ætatis contractionem esse convenit inter omnes sacre Chronologiz peritos) *Arphaxad* anno ætatis suæ centesimo trigesimo genuit *Salem*. Vixit, postquam genuit, annos trecentos tres. Vixit in universum annos quadringentos triginta tres. Mortuus est anno Mundi millesimo septingentesimo quadragesimo secundo.

Sale, natus est anno Mundi millesimo quadringentesimo trigesimo nono. Genuit *Heberem* anno ætatis suæ centesimo trigesimo. Vixit, postquam genuit, annos trecentos tres. Vixit in universum annos quadringentos triginta tres. Mortuus est anno Mundi millesimo octingentesimo septuagesimo secundo.

Heber, natus est anno Mundi millesimo quingentesimo sexagesimo nono. Genuit *Phaleg* anno ætatis suæ centesimo trigesimo quarto. Vixit, postquam genuit, annos ducentos septuaginta. Vixit in universum annos quadringentos quatuor annos. Mortuus est anno Mundi millesimo nongentesimo septuagesimo tertio.

Phaleg, natus est anno Mundi millesimo septingentesimo tertio. Genuit *Rebu* anno ætatis suæ centesimo trigesimo. Vixit, postquam genuit, annos centum novem. Vixit in universum annos ducentos triginta novem. Mortuus est anno Mundi millesimo nongentesimo quadragesimo secundo.

Rebu, natus est anno Mundi millesimo octingentesimo trigesimo tertio. Genuit *Sarug* anno ætatis suæ centesimo trigesimo secundo. Vixit postquam genuit, annos ducentos septem. Vixit in universum annos trecentos triginta novem, & mortuus est anno Mundi bis millesimo centesimo septuagesimo secundo.

Sarug, natus est anno Mundi millesimo nongentesimo sexagesimo quinto. Genuit *Nachoreum* anno ætatis suæ centesimo trigesimo. Vixit, postquam genuit, annos centum. Vixit in universum annos ducentos triginta. Mortuus est anno Mundi bis millesimo centesimo nonagesimo quinto.

Nachor, natus est anno Mundi bis millesimo nonagesimo quinto. Genuit *Tharem* anno ætatis suæ septuagesimo nono. Vixit, postquam genuit, annos sexaginta novem. Vixit in universum annos centum quadraginta & octo. Mortuus est an-

no Mundi bis millesimo ducentesimo quadagesimo tertio.

Thare, natus est anno Mundi bis millesimo centesimo septuagesimo quarto. Genuit *Abrahamum* anno ætatis sue septuagesimo. Vixit, postquam genuit, annos septuaginta quinque. Vixit in universum annos centum quadraginta quinque. *Morruus* est anno Mundi bis millesimo trecentesimo & decimo nono.

Abrahamus natus est anno Mundi bis millesimo ducentesimo quadagesimo quarto. Vocatus est a Deo, ut e Chaldaea veniret in terram Chanaan anno ætatis sue septuagesimo quinto, hoc est, anno, Mundi bis millesimo trecentesimo decimo nono.

Ex hac supputatione annorum Patriarcharum secundæ Mundi Ætatis, juxta Codicem Samaritanum, peripicuum est, a Diluvio Noetico, quod biennio integro præcessit nativitatem *Arphaxad*, effluxisse usque ad vocationem *Abrahami* mille & duodecim annos.

D. His certe diversis calculis memoriam meam onerare nolo. Sed fuit mihi, ut in genere sciam, discrepantiam illam, quæ in numerandis annis Patriarcharum ante & post Diluvium reperitur inter Codices Hebræos, Græcos, & Samaritanos, ad isthæc duo potissimum capita revocari. Et primo quidem, juxta Codices Hebræos a creatione Mundi usque ad Diluvium universale numerantur anni mille sexcenti quinquaginta sex. Juxta vero Codices Græcos a creatione Mundi usque ad Diluvium universale percententur anni bis mille ducenti sexaginta duo anni. Juxta autem Codices Samaritanos a creatione Mundi usque ad generale Diluvium numerantur dumtaxat anni mille trecenti septem. Præterea, a generali Diluvio usque ad vocationem *Abrahami* interfuxerunt juxta Codices Hebræos, anni quadringenti viginti septem. Juxta autem Codices Græcos, anni mille ducenti quinquaginta. Denique, juxta Codices Samaritanos, mille & duodecim anni. Quo fit, ut a creatione Mundi usque ad vocationem *Abrahami* putari debeant, juxta Codices Hebræos, anni 2083. Juxta Codices Græcos, anni 3370. Postremo, juxta Codices Samaritanos, anni 2319. Hæc duo Chronologica capita, quæ annos Patriarcharum primæ & secundæ Mundi Ætatis præstant, & in quibus sita est tota discrepantia, quæ invenitur inter Codices Hebræos, Græcos, & Samaritanos, mihi in præsentia scire abunde sufficit. Sed dicas, rogo te, quænam ex his Codicibus, Hebræis, Græcis, & Samaritanis, calculos in putandis annis Patriarcharum primæ & secundæ Mundi Ætatis sequester Ecclesia Romana, cujus Doctrinam sequi, & auctoritati obtemperare, summo semper bonoris & religionis loco ducam?

M. Codices Hebræos, in putandis annis Patriarcharum primæ & secundæ Ætatis, præferendos esse Codicibus Græcis, seu Chronologiæ lxx. Interpretum, & Codicibus Samaritanis, jam, ut bene memini, commentoravi sub finem Colloquii tertii in Historiam primæ Mundi Ætatis. His autem, quæ ad id evincendum ibidem adduximus,

momentis pauca hic adjiciam, quibus palam fiet, Ecclesiam Romanam, seu Catholicam, in numerandis annis Patriarcharum primæ & secundæ Ætatis, præponere Chronologiam Textus Hebræi Codicibus Græcis, seu Chronologiæ Versionis lxx. Interpretum, necnon Codicibus Samaritanis. Et primo quidem certum est, Ecclesiam Romanam in quinque primis a Christo nato sæculis secutam fuisse Latinam Scripturæ sacræ Versionem, dictam *Italiam*, in qua anni Patriarcharum primæ & secundæ Mundi putabantur juxta Chronologiam Versionis lxx. Interpretum; at in sexto sæculo hanc Scripturæ sacræ Versionem, dictam *Italiam*, fuisse ab Ecclesia Romana repudiatam, & in ejus locum successit esse Latinam Scripturæ sacræ Editionem, quam *Vulgatam* appellamus, a *S. Hieronymo* concinnatam, in qua annorum Patriarcharum primæ & secundæ Ætatis calculi cum Chronologia Textus Hebræi optime coherent, & quam longissime recedunt ab Epilogismo Codicum cum Græcorum, tum Samaritanorum. Hanc autem Latinam Scripturæ sacræ Versionem, dictam *Vulgatam*, quæ ab Œcumenico Concilio Tridentino *Authentica* declarata est, Ecclesia Romana etiamnum studiose retinet, & ab ea neminem ne transversum quidem digitum discedere debere edixit, quod sane argumento est, Ecclesiam Romanam, in numerandis annis Patriarcharum primæ & secundæ Ætatis, approbare Chronologiam sacri Textus Hebræi, non vero calculos Codicum Græcorum, seu lxx. Interpretum, nec etiam calculos Codicum Samaritanorum. Hanc esse veram Ecclesiæ Romanæ mentem declarant sacræ Congregationes super hac re, jubentibus Romanis Pontificibus habitæ Romæ. At enim, sacra *Indicia* Congregatio, dum censorio signante confixit tertium sancti *Juliani*, Archiepiscopi Toletani, Librum, in quo prædictus Archiepiscopus, in numerandis annis Patriarcharum primæ & secundæ Mundi Ætatis, mordicus adheret Chronologiæ lxx. Interpretum; hæc, inquam, sacra *Indicia* Congregatio declarat, certum & omnibus exploratum esse debere, Ecclesiam Catholicam in Editione *Vulgatæ* approbare annorum rationem, quæ est in Codicibus Hebræis. Hæc sacræ Cardinalium Congregationis censoria nota legitur (teste nostro *Malden* da lib. 2. de *Antichristo* c. 8.) in margine Operis *S. Juliani* in Editione posteriori *Bibliotheca Patrum*. Eadem etiam sacra Congregatio, damando Annotationes, quas *Antonius Ovinus*, Doctor Bituricensis, in Chronologia *Nicephori*, Patriarchæ Constantinopolitani, edidit, hunc Auctorem ideo censura perstrinxit, quod dum nimio studio Chronologiam lxx. Interpretum propagabat, non videret, se incaute hebræici fontis, & Editionis *Vulgatæ* Chronologiam labefactare, & sanctos Patres corruptelam Chronologiæ lxx. Interpretum ultro profiteri. Hæc censoria istius sacræ Congregationis Nota Tomo septimo *Bibliotheca Patrum*, Editionis Parisiensis, anni MDLXXXV. in Chronologia *Nicephori* adhuc est. Præterea, sacra Bibliorum Congregatio, sub Gregorio XV. Pontifice Maximo, habitæ, & cujus Acta manuscripta Romæ in Bibliotheca Angelica Patrum Augustinianorum asservantur